

十朝东华录

十
朝
奉
天
集

閏三月乙未朔諭內閣喬松年奏河督擅截江北餉銀一摺江北糧臺待餉孔殷乃庚長既將淮北存鹽提取兩萬包變價充餉復將山西解赴江北糧臺餉銀擅自截留實屬不顧大局著交部議處○諭軍機大臣等朕聞川省勦辦滇匪甚不得手賊從自流井竄出後提督占泰帶兵猝遇賊伏並未接戰遽行潰散折回省城軍裝器械盡為賊有以致人心震恐城門晝閉又聞自川至陝沿途有攜帶軍械之兵丁紛紛逃散占泰係統兵大員如果剿賊失利遽退回省因而省垣戒嚴何以望望顏並未據實查參著該督督明白回奏毋得稍有隱飾至川省正在用兵而逃兵滿路更屬不成事體著曾望顏查拏嚴行懲辦以伸軍律本日該督督奏滇匪竄陷青神等處雖經官兵收復青神彭山兩縣而浦江逼近省垣尚為賊踞務即督飭將弁迅速收復毋令該匪久踞致滋蔓延將此由六百里諭令知之○諭前因浙省軍需緊要諭令慶瑞等籌撥銀十萬兩俾光宸亦由江西籌撥協濟茲據瑞昌奏見在地方殘破軍餉浩繁福建籌款尚無咨會江西僅據來咨止能解銀三萬兩不敷應用等語浙江省垣雖已克復餘匪尚未肅清該省甫被蹂躪經費無出著慶瑞瑞璜仍遵前旨於福建迅速籌撥委派妥員解赴浙省交納江西於擬解三萬兩中著毓利再行設法籌解以濟急需均不得遲延推諉致有貽誤將此由六百里各諭令知之○諭瑞昌奏代辦巡撫事務委署各缺並咨請學政因省高辦善後各等語張玉良一軍已准其留於杭州防剿此時臨安及湖屬各邑已先後克復仍著張玉良督飭援浙各軍分投投剿務令全省肅清毋遺孽至杭州滿洲營兵額為數無多如恐不敷守禦即著瑞昌來存查照湖北章程將所有駐防餘丁挑選年力精壯者勤加操練以備緩急所請調撥京兵之處已批示不准行至張錫庚諒已到省司道等缺該將軍均已派員署理一切善後事宜不患無人商辦該學政職司考校俟王有齡到省後仍著出省接試各屬毋誤考政所有羅遵殿等殉難情形及此次所奏仲孫懋於何處陣亡並此外官紳下落均著王有齡查明具奏其脫逃監犯務即拏獲懲辦劫之存庫錢銀倉米詳查數目一併具奏將此由六百里各諭令知之○何桂清奏英酋普魯斯接到軍機處駁飭回文大為拂意既先遣輪船南北分駛復有兩國發兵即到上海並分路竄擾等語奏入諭何桂清仍飭薛煥等相機開導○杭州將軍瑞昌等奏查杭省駐防滿營兵額不敷布置由京營揀選勁旅二三千名派員統帶來杭協同防守得旨來存係廣州駐防容或不知瑞昌在鑾儀衛當差有年安有不知之理京營勁旅豈能遠戍杭城所奏殊屬不知政體○河南巡撫慶廉奏此次軍務為日過久一切用項繁多勢難隨時截數請將承辦遲延各員及歷任撫藩免其查議得旨已奉明旨向敢冒瀆近來各省大吏往往敢於煩瀆皆因朕閒絲一二事實係真情俯如所請遂皆視為故常殊覺可惡此摺斷難允准仍遵前旨分別議處並將此次具詳之司道暨前署巡撫再行交部分別議處出奏之慶廉一併察議具奏○丙申諭軍機大臣等前因杭州省城失陷臬司段光清等藉詞接仗失利退至海甯嘉興當經降旨將該臬司革職鞫交和春等嚴審從重定擬具奏昨據徐有壬將段光清奏報轉遞所稱失守情形種種不符顯係事後藉詞掩飾復經降

旨交和春等一併嚴訊本日據瑞昌等三月初二日專差齋遞一摺內稱賊於二月二十七日卯時用火藥轟塌城身夏寶慶之勇類與賊通伴為敗退以致闔城兵勇同時潰散又二十八日漢城四面火起段光清等早已繞城逃走各等語兵勇通賊首先潰退帶勇之員何以毫無覺察殊堪痛恨著和春何桂清王有齡詳細查明將通賊之勇盡法懲治並將夏寶慶一併訊明正法以肅軍律至已革臬司段光清如何繞城逃走並著和春等查明與副將王邦慶一併按軍法懲辦將此由六百里各諭令知之○論本日據何桂清等奏建平東壩溧陽先後失守蘇常情形危急一摺東壩溧陽為蘇常門戶東壩固守數年今因建平失守遂於三月十二三等日相繼失陷賊氛已逼近蘇常何桂清等一聞此警自必趕緊布置力籌保全之策據奏和春等調回援浙之向奎羅熙賢二軍由湖州開道馳回宜與其熊天喜一軍及曾秉忠之長龍船亦均已調回攔剿惟程途較遠一時向無確信且恐兵力尚單不敷剿辦見在杭湖各邑均經克復杭城有張玉良一軍駐守加以米興朝李定太等軍足敷搜捕所有饒廷選一軍由江西接浙據報已於二月二十八日啟程本日慶端奏援浙之閩兵三千亦已啟程著何桂清等飛咨瑞昌張玉良如浙江已可無須添兵即由何桂清分撥進剿迅圖克復東壩溧陽勿令闖入腹地至金陵已合長圍攻剿正當喫緊何桂清已飛咨和春欲請張國樞帶兵赴援仍著和春酌量情形必有謀勇兼優之人可代張國樞坐鎮防剿方可令張國樞暫時離營布置仍回金陵大營以免困守逆匪或有意外竄出之虞所有派防東壩各員弁著和春等查明參奏其建平溧陽等縣城內文武下落並著何桂清等查明具奏將此由六百里加緊各諭令知之○諭慶端奏派兵援浙並請添調助旅助剿一摺浙江省城於三月初三日克復臨安及湖州被陷各邑亦已先後攻克惟廣德州仍為賊踞浙中防剿尚屬喫緊所有慶端派出援應之閩兵三千名著即催令前進於行抵浙境後聽候張玉良調遣其餘調撥之臺灣等處兵勇均可無派往即著飭令歸伍廣潮等勇亦可無庸雇募以免糜費至浦城及仙霞關等處應如何酌留兵勇嚴密設防仍著該督察度情形斟酌辦理所請添調江西官兵赴浙之處著毋庸議將此由六百里諭令知之○壽安固倫公主薨○丁酉 上臨故壽安固倫公主第賜奠○辛圓明園○如皇貴太妃薨 上臨視醇奠○諭內閣僧格林沁等奏辦理要工動用各款請免造報一摺僧格林沁等上年辦理各處工程除動用捐款外其不敷銀八萬三千六百餘兩准其陸續勸捐歸補此項經費並著免其造冊報銷○僧格林沁等奏洋船於上月三十日牽帶米船三隻一併駛至大沽海口在攔江沙外停泊後將米船放回該洋船即向東駛去奏入諭僧格林沁扼要防守○戊戌 上詣吉安所 如皇貴太妃金棺前酌奠○上還宮○諭軍機大臣等前因傅振邦軍營需餉甚亟當諭令山東河南山西陝西撥解月餉酌搭舊欠以資接濟並著山東河南就近各籌銀四五萬兩先行撥往茲據傅振邦奏各路餉銀仍杳無音耗開年已經三月各營兵勇尚未發足一月之餉馬匹大半倒斃亟應籌解購補且苗練大隊見已調齊此數萬之眾一經缺食尤屬不堪設想等語見在傅振邦一軍直搗賊巢甚為得手方期乘勝前進迅掃賊氛豈可因待餉停兵坐誤事機著文煜慶廉英桂譚廷襄仍遵前旨各將應解月餉按月如數撥解各將舊

欠一併籌撥並著文煜慶廉督飭藩司先行籌撥銀四五萬兩就近迅解傳振邦軍營不准空言搪塞儻再仍前玩泄貽誤軍行惟該撫及該藩司是問決不寬貸將此由六百里各諭令知之○予貴州陣亡知縣江鈺等祭葬世職○己亥 上再臨故壽安固倫公主第賜奠○諭軍機大臣等瑞昌等奏浙境肅清衛防喫緊分兵援應並截留兵勇一摺官軍克復長興後四安鎮賊匪望風逃遁我軍跟蹤追剿直逼廣德距城三十里之界牌浙境已就肅清惟另有股匪竄擾江西之南豐新城逼近貴溪距廣信止百餘里賴有平江水師轟擊逆匪不能徑渡沿河南岸雙港一路進逼鉛山縣城復由廣豐竄至江山縣境此股逆匪蔓延各處衢州防堵固屬喫緊但昨據何桂清等奏建平東壩深陽先後失守蘇常亦形危急當諭令和春等飛咨瑞昌等如浙江無須添兵所有饒廷選一軍及援浙閩兵三千名即由何桂清等分撥進剿今瑞昌等已飭向奎一軍前赴高瀆東壩其閩兵三千擬留守江山李定太所部兵勇又經飭赴衢州饒廷選見住衢州其兵勇已撥往江西周天孚等已帶兵回援甯國所有攻剿廣德州兵力是否足敷該處爲由皖入蘇浙要路該將軍等仍當咨商和春何桂清察看賊勢緩急酌量調度毋得顧此失彼至克復杭州出力滿漢文武員弁兵丁及團勇等業經降旨令瑞昌等覈實保奏見在浙境肅清所有追剿出力之將弁等准其一併保奏候朕施恩將此由六百里諭令知之○諭本日據譯廷襄奏探聞捻匪孫葵心由鄭州榮陽竄至鞏洛主意窺伺陝境已由豫至秦秦大路所過賊數蔓延十五里勢若燎原見添派省兵三百名馳往函谷關扼要守禦兵力單薄將西安備調之駐防營馬隊一千名調往堵禦並飛咨提督經文岱親行督兵前來辦理防堵等語此股捻匪欲由河南地方竄入陝境勢甚鴟張勝保等督辦河南剿匪事宜何以豫省沿途不能堵截任令竄擾鄰境著勝保等迅撥精兵飛速截剿毋令闖入陝境如勝保督兵出省卽留關保防守河南關保督兵追剿則勝保留住河南所需糧餉著慶廉源源接濟至山西與河南壤地毗連該捻聲言入陝暗窺晉省亦意中事儻賊勢北趨懷慶一帶亦著勝保等相機截剿以保完善之區設或遷延貽誤致捻匪蔓延山陝勝保等不能當此重咎也將此由六百里加緊諭令知之○諭寄諭山西巡撫英桂據譯廷襄奏探聞捻匪窺伺陝境由鄭州榮陽竄至鞏洛並孫葵心已由豫至秦大路所過蔓延十五里勢若燎原該署撫添兵防堵本日復諭令勝保等分兵追剿矣惟聲東擊西賊匪慣技咸豐三年懷慶解圍後賊由濟源直趨垣曲蹂躪晉境茲捻蹤已近懷慶該處毗連晉省亟應調兵防堵所有前諭備調官兵二千名業據該撫覆奏照數挑齊按日操練派定守備清山等分起管帶卽著飭令原棟統帶之副將穆麟額等督兵馳赴澤潞一帶擇要駐紮一聞匪蹤逼近卽行悉力邊截勿令擾及完善之區致蹈從前覆轍將此由六百里諭令知之○諭沈兆霖奏請就黃河改道勸捐築隄錄出前人奏疏並將東省原寄圖說呈覽一摺據稱歷來河流皆以北行爲宜乾隆年間吏部尚書孫嘉淦請開減河入大清河一疏言之最詳所謂入大清河由利津入海卽是見在黃河所改之道詢之東省官紳俱云張秋以東自漁山至利津海口皆築民堰惟蘭儀之北張秋之南則黃河自決口而出汎濫汪洋工程最鉅直隸之東明長垣山東之荷澤鄆城培築又較張秋爲易張秋下游至海門不必施工惟缺

口至張秋數百里間可令民間捐貲籌辦各等語係爲通籌大局起見若恆福黃贊湯文煜慶廉各就地方情形悉心酌議覈實勘估如果事屬可行卽勸諭各該處紳民力籌捐辦並遴派熟諳河務之大員會同各該地方公正紳士妥爲區畫或應開引河或應築隄埝分別相度一面勸諭捐輸將來民捐民辦均著紳董經理毋許假手委員吏胥以歸撙節如果輸將踴躍卽可於本年霜降水落時奏明一律興工並著各該督撫將有無窒礙情形先行審度具奏總期爲民捍患節經費而順輿情沈允霖原摺及錄呈孫嘉淦奏疏均著鈔給閱看將此各諭令知之○于浙江學政張錫庚子殉難卹縣恩然祭葬世職○庚子和春奏賊匪竄擾建平東夏分股直犯東壩維時涇壩兵勇空虛勢不能支建平東夏防兵因腹背受敵餉道中斷遂於二十一日失守東壩亦於次日潰防該逆遂卽竄犯深陽總兵劉季三帶兵馳援行抵張渚探知深陽城外四面皆賊不能前進至初更時深陽城池失陷劉季三以宜興荆溪屏蔽蘇常卽於二十四日親至縣城督同地方官擇要紮營以防竄突查深陽爲蘇常門戶此處爲賊所踞卽可直達蘇常臣已檄調駐紮揚州之總兵馬德昭帶兵一千名參將艾得勝帶兵五百名馳赴金壇防剿惟常州爲南北水陸要道糧臺又設立於此壘據何桂清函稱彼處防兵僅有浙江撫臣王有齡部勇一千名及浙江撤回之新勇二千名調起金壇之參將周天孚所帶兵勇一千八百名均道出常州亦卽截留防守尙有調防杭州之副將馬占葵一軍二千人正在飭回揚州臣亦函致何桂清就近迎提暫留常防又將援浙之總兵張玉良所部兵勇二千四百名飭調赴常援剿何桂清欲請張國棟親自赴援無如金陵各營征調已空見存兵數僅敷守禦營牆適又連接西路探報拳獲奸細供稱賊目僞侍王僞忠王等帶領大股賊黨已至高渚欲由溧水以至金陵圖解洪逆之困東西梁山金柱關等處亦報有江北匪船接續南來志在合併攻突張國棟連日親自督兵移營築牆掘濠夜以繼日惟恐不及實有萬難分身之勢見聞賊勢趨重宜荆一路金壇稍鬆不得已又改派馬德昭統帶所部馳援常州並派張國棟親兵三百名赴援又續調揚州兵勇二千名徑赴常州聽候何桂清調遣此時金陵兵力實已無可再分惟願常郡能固守待援金壇藩籬不至決裂各路援師雲集尙可力挽艱危臣調度疏忽未能先事豫防實有慮得之咎請旨交部議處其雷防統兵員弁未能實力堵禦致賊內犯腹地連陷數城容俟查明另行參奏上諭內閣和春奏張平等處失守自請議處一摺廣德逆匪竄擾建平三月二十八日以後官軍與賊晝夜鏖戰將賊匪所造浮橋旋搭旋毀復有浙西回竄之賊益以皖南江北新到各匪我軍寡不敵眾遂於二十一日失守東壩溧陽相繼失陷軍官防守建平東壩已閱數年此次雖因賊眾兵單致被竄陷究屬防守不力咎無可辭和春著交部議處其各防統兵員弁未能實力堵禦並著和春查明卽行參奏該大臣務卽嚴飭將弁迅圖克復將此股逆匪悉數殲除毋令闖入腹地○諭軍機大臣等建平東壩溧陽先後失守蘇常門戶洞開前經何桂清奏報已諭令該將軍等迅圖克復力保腹地常州爲根本重地到防兵勇已有三千八百名續調之馬占葵等兵尙有四千餘名又續調揚州兵勇二千名各項兵勇到齊著卽由何桂清就近調度力籌堵剿遏其分竄蘇常之路見又探報賊黨有由溧水圖撲金陵之說東西梁山金柱

關等處亦有江北匪船接續前來張國樑自未便遽令遠離著仍畱江南督兵以便布置一切至浙境雖已就肅清而廣德未復終有回竄之虞昨又據瑞昌等奏江西股匪竄至江山衢州喫緊張玉良所帶之兵能否全數調回杭州兵勇是否足敷防守和春兼辦浙省軍務務須妥籌兼顧聯爲一氣仍即督飭各路統兵員弁一面迅攻溧陽等處以次克復一面進攻廣德兼顧浙防是爲至要將此由六百里加緊各諭令知之○諭昨據譚廷襄奏捻匪孫葵心立意窺伺陝境已由豫入秦大路當諭勝保等迅撥精兵飛速截剿茲據勝保等奏該捻經我兵擊敗後竄赴西南已過通許尉氏縣境攻撲中牟縣城及鄭州等處地方經總兵承惠參將黃得魁帶兵追剿疊獲大勝其東路續來大股逆匪亦經關係帶所部兵勇由周家口馳赴項城汝陽相機扼剿布置尙爲妥協匪蹤飄忽見在是否西趨山陝即著關係探賊所向迎頭截擊毋令擾及完善之區蔓延爲患勝保即暫畱省城居中調度與慶廉會商策應之方以期節節掃蕩另片奏捻撲項城經該縣知縣張其昆登陣守禦百計防維復緝城擊賊城圍立解並汝甯府同時解圍等語所有守城殺賊之項城縣知縣張其昆及城內官紳兵練著勝保等查明保奏候朕施恩其請調伊宰錫伯索倫西丹二千助剿伊宰兵丁向不遠應征調況道路遙遠須八月間方能到豫亦恐緩不濟急著勝保仍就見有兵力相機堵剿毋得專待客兵致成坐困俟秋間夷務定局天津裁撤防兵不難酌撥赴豫所請飭調伊宰西丹之處著毋庸議本日據翁同書奏全營缺食河南應解協餉久未解到積久至十萬五千兩之多前據瑛榮咨委解銀二萬兩該撫委員迎提豫省尙未起解請飭全數迅撥等語翁同書一軍待餉孔亟飢潰堪虞何以將已經報解之款又復遷延不解著慶廉督飭藩司將前項銀兩速令起解並將欠解翁同書月餉全數籌撥毋許延誤將此由六百里諭令知之○諭據張芾奏請飭楊載福將韋志俊一軍仍調回水營隨時簡練以收實效等語義勇軍志俊經楊載福派令赴浙計自東流由徽入浙程途較遠見在浙省援軍雲集足敷剿辦所有韋志俊一軍自可毋庸派令前往著楊載福卽飭韋志俊仍回水營認真訓練以資攻剿將此由六百里諭令知之○辛丑諭內閣吏部等衙門奏遵旨分別議處一摺前因惠親王等於武英殿郎中寶齡等承辦紙張價值議請變通未加詳察當派瑞華等復行查驗降旨將惠親王等分別議處茲據吏部會同宗人府議以降五級調用毋庸查級議抵惠親王恭親王奕訢加恩著毋庸開所兼職任缺照例折罰職任全俸十五年抵免降調工部尚書文彩並著加恩改爲革職畱任○壬寅諭軍機大臣等前因和春奏賊陷建平等處派兵堵剿情形當諭令各項兵勇到齊由何桂清就近調度力遏分竄蘇常之路茲據何桂清徐有壬奏賊匪已於三月二十五六等日由溧陽徑竄常州因沿途民團截擊退踞陽溧埠宜興荆溪敗匪復竄踞張渚鎮見籌防守剿辦等語此次撤調援帶各軍據和春前奏約有九千數百名計可陸續馳到又有曾秉忠師船三十隻諒已足敷分撥張國樑因金陵布置喫緊未能遠離張玉良一軍如能趕到即可迅速掃除但江西賊匪欲竄衢州杭城防守又形喫緊萬一張玉良不能前來即著和春調鄭魁士由溧水赴常州督兵較爲近捷王有齡准其暫畱常州協同該督守禦俟張玉良或鄭魁士到常卽行馳赴浙撫新任其未到之馬占葵等所帶各兵並

著飛催前進何桂清惟當就見有兵力先除陽深埠股匪由宜興金壇以次掃蕩規復深陽等處毋令蔓延其無錫等處入蘇州要路即著徐有壬嚴密堵守為要何桂清見籌防軍事宜未遑兼顧夷務著傳諭辭煥遇有緊要夷情即由該藩司單銜馳奏以免稽延或和議未安必須該藩司北來即著該督飛飭沿途地方妥備夫馬以便趨程前進不至遲滯將此由六百里加緊各諭令知之

○諭勝保慶廉奏督辦民團派委得力大員實力舉行並將所擬章程告示呈覽一摺豫省捻氛肆擾兵力不充自應舉辦團練以固疆圉經該副都統等酌定章程變通辦理尚屬妥協著即照所擬舉行並派委在籍五品頂帶前順天府府尹宗元醇記名道趙書升記名知府傅壽彤分赴歸陳兩府實力與辦並飭南汝光道鄭元善汝甯府知府祁之銓等帶領委員會同各州縣分別段落前往布置務使眾志成城戰守兼資以免有名無實並著隨時察覈如有窒礙難行之處量予疏通儻該委員等辦理不善亦即嚴加參辦至團丁調營後酌給軍火糧草著即設法籌捐辦理惟團丁等更番調營所領糧餉易滋流弊儻不覈實支發恐團丁不服難期得力著勝保等嚴飭該委員等實用實銷不得絲毫冒濫仍按月造冊報部以備查覈另片奏派兵於直豫交界力顧河防等語所有大名道聯捷派撥防兵六百名即著長駐蘭儀上店柳園河口其餘四百名仍畱直境開長等處其自柳園口以上各口岸責成參將穆特布會同道廳嚴密巡查與直隸防兵聯為一氣遇有緩急互相策應毋得專諉諸直隸防兵儻該匪由蘭儀等處北竄惟勝保是問所有直隸出境防兵應需口糧本日已諭恆福按例支放如有不敷亦應自河南籌款協濟勿分畛域將此由五百里諭令知之○癸卯署四川總督曾望顏奏蒲江縣城收復敘示屬地方肅清○以四川名山陷曾望顏下部議處○子四川陣亡教諭羅策等祭葬世職○甲辰諭內閣前據給事中李培祐以曾望顏任性妄為聲名狼藉臚列十二款參奏當交樂斌會同譚廷襄查辦茲據該督等查明各款虛實情節分晰覆奏如原參濫保軍功一款據稱咸豐七年閩豫匪竄擾陝界曾望顏調兵防剿均有斬擒奏報情節尚無鋪張其添保及刪除各員亦尚平允惟同知張兆蓉一員雖非遇賊先逃究無顯著勞績曾望顏將該員請賞換花翎殊未允協至商維防堵一案用銀止六萬四千有奇原參所謂防堵為日無幾銷銀一百餘萬係屬傳聞之誤前任商州知州唐李杜支應兵差有應行找領銀兩及繳還長支銀兩並無找給銀七百餘兩及委沈壽嵩調停之事至沈壽嵩於官錢局未改章程以前曾節欠銀五千四百餘兩除收清外短銀三十餘兩亦經還訖此外並無向官錢鋪借用銀兩之事曾望顏之子報捐郎中曾捷魁有查街拏賭之事原參所稱與各官宴會往來招權納賄均無實據委員長起赴漢中辦理釐捐因與南鄭縣知縣蘇鼎甲言論未協致滋事端別無藉差滋擾情弊長起之父伊綿阿原係漢中鎮總兵長起出省後家人送眷至漢中賃房居住就近支領廉俸亦無擾累百姓之處實難縣知縣王昌毅平日居官尚無不洽輿情之處統鎮丁民聚眾拆毀土行一案亦係愚民圖免抽釐特眾滋事並非官吏差役勒索激成惟該縣於此案因曾望顏函示僅將自首三人枷號完結不免草率至買空賣空久干例禁曾望顏曾經出示通衢並札行各屬一體嚴禁嗣經推廣監捐並未實力申明前禁臨潼縣知縣張舒壽因前代沈壽嵩籌墊

捐項銀五百兩業經沈壽嵩給還適在該撫赴京之前致有訛傳原參沈壽嵩勒派程儀張舒夢送銀一千實無其事前署鳳翔縣知縣封錫蒲相驗命案未及詳報卽行卸事並非諱匿曾望顏先以玩視人命奏參革職後經查知追悔旋請開復並非封錫蒲鑽營亦未抑勒馬綸篤檢舉其令沈壽嵩函致已革鳳翔府知府王炳勳聲請更正亦非私情請託澄城縣知縣梁際殷於監生韓貽孫呈報竊案亦經批准詳報曾望顏因伊叔韓瑞東飾詞控告遂以該縣匿報盜案奏參革職未免急遽惟賊已逾貫該縣既未親勘又未緝獲正犯亦難辭咎曾望顏並無挾嫌情事至曾望顏原保沈壽嵩摺內均有實在事迹且案經藩臬兩司會詳亦非該署暫平空保奏其沈壽嵩兩次所得保舉均係特旨獎勵並非該署督擬議聲請除前任商州知州唐李杜等均著無庸置議外陝西候補同知張兆蓉雖因受傷突圍而出究屬失於應援所有原保花翎著卽撤銷仍留藍翎免其查議委員候補通判長起雖無掣眷同行滋擾地方之事惟委辦釐捐接甯管口足見以官爲家不過希圖分潤況會辦釐捐未能明白勸諭更屬草率竇難縣知縣王昌毅會辦釐務未能消患未萌僅將自首二人遷就了結實屬辦理失當均著交部分別議處署鳳翔縣知縣封錫蒲雖非有心諱匿命案第漏未造冊移交後任致書吏歸入已結卷內實難辭咎業經曾望顏奏准開復仍交部另行議處已革鳳翔府知府王炳勳原稟鳳翔縣命案止敘訪聞飭訊緣由並未請參曾望顏遽以諛揭屬員附參王炳勳業經另案革職所有前參降一級留任處分著卽註銷澄城縣知縣梁際殷雖無諱盜情事而於事主報縣之初既未親往勘驗迨今年之久而又未拏獲賊亦屬咎有應得著開復原參諱盜處分仍照例議處陝西巡撫見署四川總督曾望顏雖訊無賊私重情惟舉劾屬員多有草率錯謬且明知其誤仍不檢舉又令伊子查街拏賄干預公事致招物議實屬不自檢束著交部嚴加議處西安府知府沈壽嵩於官錢局改定章程以後並無交易虧短情弊惟於曾望顏誤參封錫蒲諱命一案向未深悉是否王炳勳誤揭輒因曾望顏面諭卽行函令更正事雖因公究屬不合著交部議處○諭軍機大臣等瑞昌張玉良奏衝防喫緊常戒嚴縷陳分兵援應各事宜一摺賊匪由江西窺浙常山江山已有賊蹤情形實屬喫緊瑞昌等業已挑選練勇派員管帶分赴衢聽候饒廷選調遣著卽責成該鎮實力堵剿毋稍疏失儻兵力實有不敷准其招集民團助剿至已革臬司段光清既據瑞昌等奏稱於沿江一帶情形尙爲熟悉著准其暫行派往衢嚴會同饒廷選商辦防剿俟有人接手卽遵前旨率問江南自深陽東壩失陷蘇常萬分危急惟俟援浙各師回軍剿辦昨已諭知和春等浙省衝防喫重如張玉良不能折回卽令鄭魁士由溧水赴常州督剿仍留張玉良督辦浙江軍務著瑞昌等酌量情形辦理見在熊天高等駐紮界牌等處卽著瑞昌張玉良督令相機進攻廣德之賊不得徒事株守王有齡赴援常州已准其暫留該處俟鄭魁士到後再行赴任所有省城善後事宜並著瑞昌等妥爲籌畫隨時具奏將此由六百里諭令知之○諭本日據英桂奏探聞搶匪竄至登洛意圖西犯派委員姚慶布等帶兵二千名分布硤石驛茅津渡等處駐紮以防西竄惟管兵夙非勁旅恐不足恃該省東南各州縣多與豫省接壤若派兵常川防堵則經費難支撤旋旋防又疲於奔命且各屬距省較遠聞警調兵更有鞭

慶戰三月之久殺賊四五百名總兵馬德昭等揮兵齊進將賊截爲兩段賊眾大亂我軍合力衝擊生擒賊匪六十餘名殲斃三四百名自相踐踏落坑墮水者不計其數追殺四十餘里直抵陽深埠將前路一帶賊巢盡行奪毀時遊擊曾秉忠等長龍三板船由僻港繞至陽深埠之後舍舟登陸距陽深埠里許出其不意飛奔喊殺該逆倉卒出拒相持不及一時之久敗退入巢我軍四面環攻該逆支持不住即時奔潰隨將後路賊壘十餘座一律踏平餘匪遁向宜興豐義一路而去時已薄暮陸軍當即收隊曾秉忠等船隻直抵豐義湖邊並由西北黃家橋截其旁竄乘賊喘息未定兩路兜擊又斃賊二百餘名該逆無心戀戰四散奔逃水軍追過距豐義十里之觀莊地方始行收隊見接總兵熊天喜來稟廣德州已於三月二十八日克復參將羅熙賢一軍不日可抵宜興即飭總兵劉季三會同羅熙賢將宜興城守事宜布置妥協卽由西鄉節節掃蕩爲規復深陽之計其圍攻金壇之賊於初一等日連次撲犯均經副將劉成元等擊敗回巢初二夜劉成元等各帶隊伍銜枚疾走分攻賊營眾傾巢出拒我軍鏖戰經時殺賊無數該逆紛紛潰退向西路狂竄當將沿城賊壘一律平毀至金壇西路保寶堰大茅山白塊一帶地方與丹陽句容丹徒接壤句容業經和春派兵防堵丹陽甚屬空虛等見已派兵馳往防守其丹徒寶堰地方仍咨和春酌量撥兵堵禦再見在常州軍情已有轉機浙江籌防喫重王有齡拜摺後卽行起程馳赴新任報聞○丁未諭軍機大臣等本日何桂清等奏深水失守通籌防剿情形一摺據稱三月二十八日深水失守大股逆匪與金壇之賊併竄紅山地方距白塊僅十餘里請將常鎮諸軍就近暫歸張五良節制等語白塊地方上通句容下達丹陽並可直抵鎮江設該逆分竄則大營後路爲賊所包於大局甚有關繫句容雖經和春派兵防堵而丹陽鎮江空虛實甚何桂清見派副將向奎馬占葵等統帶兵勇先赴鎮江並飛催熊天喜率廣德得勝之師由常赴鎮一俟趕到再令馬占葵一軍扼守瓜州以通大營至蘇常之水路派已革總兵蕭知音等帶領兵勇並舢板船隻馳往丹陽一路以通大營至蘇常之陸路布置尙屬周妥惟深陽尙未克復金壇之匪有回竄之信宜興西北各鄉賊氛尙熾當此逆匪環伺何桂清所派各軍是否足敷防剿著和春張國樞體察情形趕緊將大營後路妥爲布置毋令該逆分竄丹陽鎮江等處逆匪欲由豐義直撲常州該處防務未可稍涉大意所有總兵馬德昭等兵勇自應一併暫畱常州調遣張玉良已到常州著暫畱江蘇節制諸軍一切防剿機宜仍隨時咨商和春張國樞務令聲勢聯絡不可顧此失彼將此由六百里諭知和春張國樞何桂清並傳諭張玉良知之○戊申諭軍機大臣等前因捻匪窺伺陝境恐其旁竄晉疆當諭將前備調官兵二千名飭原揀統帶之副將穆騰額等帶赴澤潞一帶擇要扼紮旋據英桂奏已於太原大同二鎮挑選官兵並於省標派兵分防要隘以杜竄越本日據僧格林沁等奏請調山西備調官兵赴防等語山西毗連陝州等處既據該撫派兵嚴防並另挑太原大同兵二千名赴省聽候是分布之兵尙可敷用所有前備調官兵二千名著英桂卽飭穆騰額等統帶配帶糧槍鳥槍馳赴津郡聽候僧格林沁調遣毋稍遲誤將此由五百里諭令知之○諭前因楚省各軍分道入皖攻剿喫緊之時以得力勁軍分撥赴浙恐兵力空虛當諭令蕭翰慶所帶之衛勇義勇仍

雷楚省爲入院勦賊之用茲據張芾奏浙西敗匪竄至建平一帶甯國府情形危急並浙東又有賊氛徽州防務增嚴請暫留援浙楚師等語江西股匪由鉛山等縣擾及浙江邊界與徽屬歙休婺源毗連並窺伺歙南之連嶺歙嶺見在甯國緊急徽防又以浙東有警多所牽掣治安賊匪飄忽靡常自應亟籌堵蕩勿致蔓延所有蕭翰慶一軍著准其留於張芾軍營卽飭令進攻旌太涇縣速解甯國之圍以保全皖南大局另片奏請飭留甯國藩營辦皖南軍務等語甯國藩見在安慶勦辦賊匪皖北情形喫重其所部得力將弁調撥至他省辦理防勦事務者亦已不少若將甯國藩調往皖南恐所統各軍無人接管所有皖南軍務仍著責成張芾督同周天受認真辦理相機籌畫以期事權歸一迅掃賊氛毋庸議更張至各營積習務須力爲整頓不得因難推諉日就廢弛將此由六百里諭令知之○已酉諭軍機大臣等本日據瑞昌奏賊蹤移竄嚴屬杭省又形危急請飭撫鎮回援並逆匪由分水竄踞昌化縣城各摺片逆匪大股由開化之華埠竄出於二月三十日竄入遂安又分股撲擾淳安竄踞昌化縣城大肆焚掠該縣水陸交通偏近杭郡自應亟籌防勦見在王有齡已啟程赴浙省城一切守禦事宜自可與該將軍周密布置惟杭州甫經收復人心未定存城兵勇不過五千實形單弱復無得力大員統帶甚屬可虞張玉良因蘇常告警業已馳赴常州見在該處情形稍鬆自應先其所急著和春等卽飭張玉良統帶兵勇迅速折回杭州救援竭力堵禦毋令賊蹤再行闖入復肆蹂躪以保省垣重地前諭和春調鄭魁士由深水赴常州督兵較爲近捷儻鄭魁士或因老病未能獨當一面著和春體察情形另派得力大員前往節制諸軍妥爲勦辦何桂清身任總督一切防勦機宜亦可就近調度務須督飭諸軍趕緊將深水建平東壩等處克復毋令窺伺腹地致滋蔓延以保全東南大局將此由六百里加緊諭知和春張國樑何桂清並傳諭張玉良知之○諭瑞昌奏逆匪由開化進竄遂安又分擾淳安嚴州防務喫緊旋復竄踞昌化杭城又形危急本日已咨諭和春等並傳諭張玉良迅速回援王有齡於本月初五日起身計已馳抵省垣著卽與瑞昌妥籌布置固結人心示以鎮定一面嚴密防守一面邊派得力將弁在城外築營扼要截擊不得如羅遵殿株守省城致蹈覆轍瑞昌見調李定太節制各軍該員前次赴援杭州遷延不進並聞所帶兵勇到處騷擾似此庸懦之員恐難勝統率之任見在衛防較鬆張玉良未到以前卽可令饒廷選暫行節制各軍仍嚴飭李定太約束兵勇奮力勦賊儻再觀望不前卽行從嚴參辦並飭布興有管帶礮船嚴防江路毋許疏懈省中鄉勇僅止五千朕聞兵勇多有通賊之事此次瑞昌所奏卽有土匪潰勇爲賊先導等語必須查明各勇如有通賊情事卽正法數人以儆其餘該將軍等奏稱遂安被賊竄入城池是否失陷及昌化失守情形文武各官下落著瑞昌王有齡迅卽查明據實具奏將此由六百里加緊諭令知之○予貴州陣亡知州楊承照祭葬世職建祠○庚戌和春奏賊匪圍攻金壇疊經副將劉成元等擊敗該逆於閏三月初三日焚巢而遁金壇城外已無賊蹤先是臣以該逆既竄金壇勢必謀犯句容阻我餉道因派副將梁克勳帶勇一千名前往駐紮閏三月初三日梁克勳甫抵句容縣城卽見有官兵旗號由西南來者疑是後隊踵至未及盤問該逆遂擁直進立卽喊殺兵民猝不及防由北門退出城遂失陷查句容爲大

營糧餉所必經且又接壤丹陽鎮江並可旁窺常州實爲扼要之地茲已續派副將張威邦帶兵三千名由清化鎮一帶相機前進何桂清亦派已革總兵蕭知音副將向奎等分帶兵勇馳赴丹陽鎮江會同剿守其廣德之賊經總兵熊天喜由六安帶兵進剿紮營於溇宕橋將撲營之賊擊退三月二十八日我軍四路進攻該逆離城二三里列隊迎拒熊天喜等左右兜擊截其回城之路該逆紛紛奔逃熊天喜即督蔡致貴等分布雲梯直上砍倒守城賊匪數人餘逆驚潰我軍魚貫畢登其時已革總兵米興朝由東庭湖督兵鈔襲經歷凌蔚臣等馬步各隊由南門直入熊天喜所部入自東門會同接剿城內匪匪悉數殲除當將廣德州城克復惟是建平踞匪仍有回犯之虞甯國旌德未復山路仍可窺入浙西臣因賊匪竄犯常屬腹地又旁陷句容繞出大營之後不得不先其所急飭令熊天喜帶同劉成元羅熙賢各軍馳赴丹陽鎮江聽調所有防守廣德事宜即飭米興朝所部二千數百人駐守張玉良見已馳至常州所有常鎮諸軍均歸總統以一事權見在後師漸次調集各路鎮將如能先復句容進解溧水之圍大局可望立轉臣惟有竭力圖維兼籌並顧斷不敢稍存大意所有克復廣德及金壇解圍出力員弁等容俟查明再行奏請恩施陣亡之把總王得魁王得均應請飭部從優議卹其未能察出假冒官兵以致句容失陷之副將梁克勳應請旨卽行革職留營隨剿以觀後效

上諭內閣據和春奏克復廣德州詳細情形卽著嚴飭米興朝駐守該城以次克復建平等縣毋令蔓延所有此次出力及金壇解圍出力之員弁兵勇著和春會同何桂清查明保奏陣亡之把總王得魁王得均著交部從優議卹副將梁克勳經和春派往防守句容逆匪假冒官兵旗號違推直進該副將未能察出以致句容失陷殊堪痛恨梁克勳著卽革職仍留軍營責令隨剿並著和春等飭令張威邦等帶兵扼剿迅圖克復○軍機大臣會同內務府大臣審訊太監張府私藏軍器並知情不舉各犯分別定擬得旨張府著卽處絞○辛亥諭內閣吏部具題違議禮部漏檢科場條例之堂司各官處分此係嚴辦科場案內之事禮部初次奏摺實屬含混迨經特派會同覈議始行更正試問科場既有專條何得謂之漏查及自請議處又何得謂之檢舉將該堂司照徇庇例治罪亦不爲過況此係去歲秋間之事因何遲至半年之後始行具題著吏部堂官明白回奏至麟魁等處分著吏部照有意蒙混尚非始終徇隱例酌擬具奏尋奏遵擬禮部郎中壽昌等應照徇隱例減等降一級調用尙書麟魁等降一級留任均不准抵銷從之○諭軍機大臣等前因曾望顏奏撤任知府翁祖烈臚列八款許告並鈔錄呈覽當經諭令崇實於行抵四川後秉公查辦茲據崇實奏行抵川省日期先將見在軍務咨詢該署督並翁祖烈原許八款與曾望顏錄呈之件語句不符鈔錄覆文許款各件呈覽所有督期畏葸及武備廢弛二款雖經該署督據咨答覆仍著該大臣與原許各條一併詳細查明秉公嚴辦務期水落石出毋得稍有不實不盡至原稟八款既與曾望顏錄呈之件不符著卽照該撤任知府原稟查辦其曾望顏應行處分俟該大臣逐款查明奏結時再降諭旨將此由五百里諭令知之○諭海瑛奏署提督田興恕見督大隊由靖州拔營取道黔省之銅仁一帶分路進兵以固貴陽省垣門戶兼防粵匪惟所部兵練僅四千餘名不敷防剿擬添募壯丁足二萬人之數始能濟事月需餉銀十二萬兩

省斷難籌茲鉅款請飭湖南並江西湖北等省按月各協濟數萬兩由湖南湊足十二萬兩以濟田與恕軍餉等語黔省餉需支絀異常前因該署提督一軍入黔餉需不繼恐致停兵待餉諭令略乘章設法籌撥見在該省苗教各匪竄越過江逼近省城情形危急田與恕所部兵練僅止四千餘名自應添募壯丁以資攻剿所需月餉黔省無從籌畫均係實在情形非各省力籌協撥田與恕亦必束手無策惟江西防兵尚有四萬餘名又月解會國藩及徽甯軍餉爲數已屬不支仍恐有名無實若令楚南北月籌十二萬兩之數湖北見在分兵入皖湖南亦派兵援川援粵餉需未能充裕恐難籌此鉅款著官文胡林翼駱秉章酌量情形不必限定數目按月設法籌撥由湖南轉解總期田與恕新舊各部士飽馬騰不至因餉缺掣肘是爲至要將此由六百里各諭令知之○以紳團協復城池不廣安徽懷遠五河臨淮鄉文武學額各二名鳳陽三名○子廣西陣亡知州積翰等祭葬世職○壬子諭軍機大臣等何桂清奏英佛二國公使投遞照會據情代奏一摺英佛二國自道光年間五口通商以來十餘年開入歸和好從無稱兵構釁之事乃中外所共知者迨咸豐七年無故於廣東起釁八年復直犯天津經桂良等推誠開導許立條約詎上年春間又帶兵船到津不遵理諭毀我海口防具首先背約其損兵折將實屬咎由自取並非中國失信所有八年議和條款自應概作罷論惟據何桂清奏中國與外國各商恐礙生計不願再啟兵端普魯斯亦當深知悔悟乃此次照會內仍敘事事須從原約是普魯斯尚未知悔悟該督亦無從代彼乞恩如其真心和好朕亦必體恤中外各商允其所請然必於前議條款內擇道光年間曾有之事無礙大體者通融辦理令其有以回報該國保全顏面仍須於上海定議不得率行北來儻再有兵船駛入攔江沙毀防守器具等事必當痛加攻剿毋貽後悔至佛使照會內有以軍機大臣自行覆給照會爲簡慢之處不知道光三十年英國投文與軍機大臣穆彰阿等其時卽由兩江總督陸建瀛代爲答覆因軍機原不管通商之事此時照舊例辦理並非簡慢將此由六百里諭令知之○癸丑諭軍機大臣等據楊載福奏巡查下游江面派營堵剿情形一摺逆匪於李陽河盤踞附近山後騷擾村市並攜船欲渡北岸該提督行至池州府之鳳凰峽內港水淺礮船不能前進土橋逆匪築壘開壕水師獨攻一面難以得手見在李陽河既經楊載福派總兵李成謀等移營扼堵卽著飭令嚴密防守毋令賊匪得以偷渡其鳳凰峽等處既未能進攻著楊載福督飭各營堵剿於沿江各要隘不時帶船梭巡與陸路楚軍互相聯絡俟胡林翼等克復桐舒移師會剿以期一鼓蕩平樅陽等處復有該匪偷載蘆柴欲運往安慶業經爲我兵焚燒仍飭李成謀等加意防範毋稍鬆懈江南見因溧水句容相繼失守溧陽又未克復得力兵勇調赴常州鎮江等處大營頗覺空虛恐金陵殘喘餘孽乘虛外竄則蕪湖安慶益形喫重著楊載福會同江南水師總兵吳全美李德麟等聯絡聲勢隨機痛剿力杜外竄是爲至要將此由五百里諭令知之○甲寅諭內閣前因袁甲三奏副都統伊興額自陳病廢降旨革職飭令回旗茲據都察院奏安徽監生張鴻文等於未奉諭旨之前聯名赴該衙門具呈懇令該革員仍駐濰濰溪總辦剿匪事務等語伊興額前在軍營屢次獲咎朕因江蘇民人鄭立本等來京具呈懇留是以俯順輿情令其仍駐濰濰溪認真剿捕乃該革員藉稱

患病延不前往嗣復派赴袁甲三軍營帶隊剿賊輒致自陳病廢不能當帶兵重任是伊與額爾吉朕恩並非朕棄置不用所有該監生等聯名具呈之處著毋庸議張鴻文即交該部遞解回籍○諭軍機大臣等前因扎拉芬奏接據裕瑞函稱浩罕因葉爾羌弁兵毆斃額爾沁有帶兵前來滋擾情形當經諭令扎拉芬等密飭各城嚴行防範以期有備無患本日據扎拉芬奏等委員查稟及見擬籌辦大概情形並將吏字各件鈔錄呈覽此次浩罕派來夷使愛孜木巴巴已到喀什遜字庫孜伯克尙未進卡所遞字內詭稱毆斃額爾沁一事尙未告知浩罕伯克以額爾沁口回之事先行探聽情詞詭譎其大旨總在籠絡愚回懈我邊防然後入卡句結羣起響應惟見在既遣使遞字尙有可乘之機該將軍等當熟籌駕馭挽回之法勿使事機即行決裂方爲妥善著仍遵前旨一面密飭各城不動聲色嚴行防範以期有備無患法福禮前已有旨令馳往烏魯木齊署理都統茲據奏稱該參贊大臣熟悉該處情形如浩罕稱兵須令前往統師等語著扎拉芬等酌量情形如果烏魯木齊相距較遠於策應實有未便卽著法福禮留於伊犁暫緩啟程前往將此諭令知之○諭前因扎拉芬奏等密據裕瑞函稱探聞浩罕有派兵前往水嶺等事當經諭令裕瑞等妥爲防範本日復據扎拉芬奏等查明額爾沁被殲情形並因接到裕瑞信函知浩罕明巴什續派夷使愛孜木巴巴庫孜伯克兩人前來卽將明巴什圖書字二件鈔錄呈覽等語額爾沁於入城筵宴後本已退去因聞殲斃互毆致斃該大臣等實屬未能先事審慎覽明巴什信內有自古至今並未聽見過此事因恐伯克生氣再來騷擾地方未曾回知之語意在籠絡愚回俾知其曲在官而不在彼且欲懈我邊防一旦入卡必致羣起響應不可收拾殊屬居心叵測裕瑞等久無奏報此次該夷使等既來探信亟應設法曉諭將額爾沁榮斃滋事之處詳細告知使自知理屈以免遽鬧邊釁其各城回眾仍須加意安撫萬勿任令該夷煽惑致被勾結爲患一切仍與扎拉芬奏會商妥爲籌辦不得再涉疏忽致干重咎並將近日辦理情形詳細馳奏將此諭令知之○署貴州提督田興恕奏帶兵先援省城再圖分剿得旨黔省餉項匱竭汝須認真撫循威令必行勿使潰散驕惰○以嚴樹森爲湖北布政使唐訓方爲湖北按察使由官補○賈授恩錫安徽按察使降調湖北○以捐輸軍餉承廣湖北江夏學額九名武昌興國大江江陵各布政使以裕鐸爲福建布政使莊受祺爲福建按察使布政使○以捐輸軍餉承廣湖北江夏學額九名武昌興國大江江陵各六名沔陽五名黃岡四名咸甯漢陽天門隨州光化各三名嘉魚蒲圻孝感蕪水黃梅京山應城應山襄陽東湖恩施荊門各二名崇陽通城通山麻城蘄州鍾祥潛江安陸監利松滋宜都南漳穀城長陽當陽各一名○丙辰諭軍機大臣等據翁同書奏潁州兵練擊破賊圩並截剿由豫回竄大股擒匪斬殺殆盡一摺捻逆由豫回竄突撲潁東經潁郡兵練迎頭截剿並擊破王家海賊圩生擒捻首申連斃賊極眾賊匪奪路回巢水陸各軍會剿斃匪無數見在沙河兩岸一律肅清此次潁郡兵練齊心擊賊尙能以寡勝眾不至分竄蔓延實爲得力著翁同書仍飭在潁各軍乘勝進攻沙河北岸賊圩俟全行肅清卽會合苗沛霖練勇直搗孫逆等老巢毋畱餘孽另片奏吉林馬隊內無馬兵丁其一百餘名皆係餘丁新補尙爲精壯勝保處見缺馬隊擬派往豫省由勝保撥給馬

匹可期得力等語本日適據勝保奏請飭袁甲三翁同書等仍派員來豫管帶馬隊著袁甲三等仍於麟瑞薩薩布善慶克蒙額德春等五員中酌量派出一二員管帶此項無馬兵丁赴勝保軍營聽候調遣以資攻剿將此由六百里各諭令知之○諭前因浙江需餉甚亟諭令慶端等撥銀十萬兩解赴浙省茲據該督等奏稱調派閩兵三千援浙需用口糧以及俸賞等項幾及七萬兩又因江右逆匪逼近建甯邵武所屬兵勇防堵需費不貲所有浙省軍餉一時未能全解見將庫存兵餉銀三萬兩儘數解赴杭州等語浙省防剿喫緊待餉孔迫閩省僅解銀三萬兩恐難敷用前據戶部奏閩省撥給浙江銀十萬兩擬由茶稅項下動用除瑞昌截留閩海關解京餉銀二萬餘兩其餘七萬餘兩儘數撥給浙江著慶端等即照部議撥解以資接濟毋得藉詞延宕致誤要需此次派兵三千名援浙裹帶三箇月口糧及俸賞行裝夫腳等費何以用銀至七萬兩之多當此經費支絀之時即係照例辦理亦應量為覈減且恐帶兵各員藉此濫支濫應本日已諭令戶部查議具奏並著慶瑞瑞瑱詳查造報毋任浮冒將此由六百里諭令知之○子陣亡河南副將桂喜等安徽主事吳觀瀾等祭葬世職通判徐貴善祭葬世職建祠○丁巳諭內閣吏部奏遵議私罪降革分發人員不准仍分原省另議章程一摺私罪降革捐復人員均係乘瑕錄用若令其再赴原省難保不仍蹈故習貽誤地方著照所議嗣後凡有私罪降調革職捐復之員如係曾任實缺應歸部銓選者遇到班時毋許單原省之缺其從前未經得缺例應回省人員並一概不准仍赴原省另以各省配籤分發如以上各員加捐指省分發亦不准仍指原省儘原省係軍務省分仍以軍務省分改指改掣以杜規避其雖係公罪情節較重者並著一律辦理各該員等赴部報捐如不聲明降革緣由徑行指捐原省者著即照蒙混捏飾例覈辦所有從前業經指捐向未引見發往各員即飭令到部時按照新章呈明改指他省再行帶領引見○諭文煜奏勇隊恃眾滋擾請將不能約束之道員革職查辦一摺山東濟東秦武臨道黃良楷管帶步勇二千名防剿兗沂各屬經文煜奏明令在紅花埠一帶屯紮諄飭嚴加約束乃該勇等屢有恃強搶擄情事該道又自蘭陵擅自移營駐紮滕縣於奏明有數之勇任意添募裁撤本月初六日該勇等在郟城縣重坊地方恣意焚掠殺害團紳民人等三十餘名口該道並不據實稟究反稱被該處民團截擊殺傷並歸咎於缺糧所致顯係飾詞袒護非尋常玩誤可比運司銜濟東秦武臨道黃良楷著即行革職交文煜查辦其所部勇隊即著青州營參將榮愷管帶仍由署曹州鎮總兵郝上庠統領認真約束防剿並將滋事各勇嚴拿訊辦毋任疏脫以肅軍律○諭軍機大臣等前據扎拉芬泰等奏接裕瑞信函知浩罕明巴什派使遞字有未曾回知伯克之語恐其籠絡愚回當諭裕瑞等將額爾沁架驚滋事之處告知夷使並安撫回眾勿令句結為患茲據裕瑞等奏業已寄信浩罕申說該夷接信後先派回子於二月中旬到喀與該城阿奇木遞字探問並說與阿奇木仍然和好等情旋即折回察其詞意向屬恭順等語夷情回測見雖安靖難保不暗中句結粹啟釁端又准固慶函稱浩罕派來額爾沁捏斯密頂等將到葉城遞字著俟該額爾沁前來察其情詞相機辦理並將額爾沁滋事各情詳細告知使其曲在彼儘該夷輸誠效順自應再加恩撫如或意存狡賴即當據理駁斥以服其

心其地回原先當隨時撫慰以杜糾各邊卡嚴飭預備以絕其窺伺之心並覓妥靠同子能深入外夷愛曼者密為探報如浩罕有何舉動即飛速咨商拉芬泰安籌辦理裕瑞著暫緩來京俟辦理此事得有定同再行奏請將此諭令知之○論本日據何桂清奏金陵逆援應聚常州兵力不敷援剿一摺南郡南陵賊匪大股一由東壩徑趨金陵一由溧陽圍窺常郡句容逆匪因聞防守丹陽悉向溧化鎮竄去江北皖南之賊併力犯金陵長圍勢甚鷓張和春欲調張玉良等同營助剿復飭熊天喜等由丹陽鎮江前進馬占葵所帶兵勇又經李若珠調回楊州見在金陵長圍攻剿正當喫緊之際自當兼顧大營後路以通餉道並嚴防賊匪鈔襲惟蘇常為江南大局所關亦應力籌堵剿以遏賊匪分竄之路見當賊氛環逼常州兵力實形單薄所有援常諸軍應如何調撥策應以圖萬全毋致顧此失彼著和春張國棟何桂清等和衷商榷不可偏重一處致誤事機金陵後路固宜嚴防而常州亦不可稍有失事該將軍等務當力圖兼顧相機籌辦以保全東南大局將此由六百里各諭令知之○何桂清奏本月初一日英佛兵船駛至定海衙頭地方停泊旋有夷官進城分住寺院偏貼告示雖未肆擾意在以兵脅和奏入諭何桂清悉心籌辦○命山東山西各巡撫速籌火藥一萬五千斤解赴皖南軍營備用○以續捐軍餉再永廣浙江錢塘商學額二名德清學額二名鎮海餘姚海甯山陰平湖鄞會稽蕭山秀水上虞諸暨嘉興嘉善嵊天台義烏各一名河南汝陽六名葉縣三名中牟商邱河內淮南甯襄城光山各二名祥符杞縣通許尉氏鄆陵睢孟鞏新安南陽鄧內鄉舞陽上蔡正陽新蔡羅山西華商水項城太康扶溝鄆城汝郊寶豐盧氏固始各一名○追子安徽陣亡道員金光筭於原籍建祠並予其祖父母父母二品封典○戊午諭內閣曾望顏奏官軍會剿貓捕山逆匪連拔逆寨一摺四川貓捕山逆匪郎官等盤踞茶溪紅巖坪等處築寨負隅辦理西秀防務之綿州直隸州邛州毛震壽會同地方文武印委各員分起進剿三月十四等日連將茶溪老巢紅巖坪險寨攻克平毀疊次斬獲甚多官軍奪險扼要駐守其獅子巖苦竹坪張家巖各賊寨亦於十六日分路進剿各有斬擒即著該署督飭令帶兵文武乘此聲威速圖進取盡殲醜類○諭軍機大臣等僧格林沁恆福奏北塘海口見有夷船二隻停泊見在防守情形一摺此次北塘口外先後駛來夷船二隻停泊雖據稱係俄船而既有寄京信函並不由舢板攜帶且無通事先稱僅來大船一隻續又由南洋駛來一隻形迹可疑據稱大船上有通英佛言語之人難保非英佛潛入俄船希圖窺伺該大臣等見已派撥馬步兵前往北塘駐紮以備臨時緩急之用所籌自屬周妥北塘地方前經肅順等與俄約定如海口無事可以差人往來見當設防之際原不應前來茲該夷舢板船已經出口如再來北塘送信著恆福接收許其寄京如欲差一二人進京奏明請旨酌辦該大臣務當隨時應變與恆福妥籌辦理以慰朕望至馬隊恐不敷分撥可於山海關吉林黑龍江兵內酌調若干以資策應大沽防兵不可掣動北塘後路及天津兵力較單應如何添兵布置之處著該大臣斟酌辦理迅速奏明添調再昨據何桂清奏儘先守備謝起發已由夷船放歸搭坐商船趕回津沽矣又據該督奏英佛兵船十八隻駛至定海廳地方停泊其兵借居城內分住寺院示欲占地屯兵難保不即由定海駛至天津不可不駭為之備其

伊克昭烏蘭察布兩盟官兵本日據成凱等奏先後到城見在勤加操演並令將疲瘦馬匹妥爲收放矣○諭瑞昌奏逆賊竄踞分水見籌扼堵一摺賊匪聚集分水並分股擾及於潛新城等處勢甚猖獗據該將軍奏稱業將省城防守事宜嚴密布置並派撥官兵扼堵入省要路與前日王有齡所奏大略相同惟賊蹤業已蔓延分水踞賊甚眾使非急籌堵蕩勢將不可收拾李定太係債軍之將且聞其所部兵勇到處滋擾恐難得力饒廷選因備防緊急復難兼顧所有省城西南一路勤捕事宜應如何添調官兵及派委得力將弁統率以期迅殲羣醜即著瑞昌王有齡會商妥辦張玉良未能再赴浙江所有該省軍務統歸瑞昌王有齡調度江省自旬容失陷後金陵軍營喫重深水等邑未復常郡亦尙戒嚴前次調回援軍均未能再令赴浙見在江西復有股匪逼近信豐入浙進皖均未可定常開等處餘逆亦有竄杭之說實屬防不勝防前據盛端奏福建所派援兵三千業經飛飭繼興等迅速前進計已可抵浙境著該將軍等即與張芾所派蕭翰慶等營帶之勇一併催提以資攻剿各軍未到之先仍就見有兵力妥籌防剿毋稍疏失將此由六百里諭令知之○庚申和春奏自賊匪竄陷旬容後遂於本月初七日由清化鎮至馬鞍山各鄉放火城內首逆知外援已到即在七橋營前添築三壘攻我濠牆經張國樑督營兵擊敗初九至十一日援逆由南路沙子岡直至秣陵關連營數十座而高橋門及小水關大營後路亦添賊壘城逆復於上方安德等門分路出撲張國樑督飭將士迎擊斬首千餘級十二日賊又分十數路來攻探聞賊酋陳玉城李秀城李侍賢楊輔青等統率各路悍賊十餘萬必欲力破長牆而後已張國樑與王浚分督諸將至清波門陳家橋一帶出擊自朝至暮斃賊不下二三千該逆見東南無懈可擊於十四日由上河毛公渡等處搭造浮橋數道攻我外牆城逆從內應之是日風雨交作將士徹夜不能收隊十五日風雨愈大張國樑派隊馳赴西路救援詎料行至上河毛公渡一帶見總兵黃靖等營盤被圍數重援軍不能衝入黃靖馬登奮吳天爵營中火起據衝出兵勇愈稱該三員均已力竭陣亡張國樑遂斷上方橋欲固守東北半壁臣與張國樑許乃劍相商亦惟有從小水關以東設法守禦立即傳知各營一律嚴守無如三更以後小水關附近南北各營亦皆火發臣與張國樑許乃劍王浚即帶本營兵將分投赴援火光中接仗逾時而小水關之營亦即起火臣復與張國樑王浚在馬巷口截殺後軍止得退守鎮江以圖再舉伏念洪逆負隅金陵已經八載各路賊黨皆有所恃以爲聲援到處蠶起計惟有先拔本根則枝葉自萎用是竭力圖維定南北合圍之計冀絕其生路又知鉅走困鬪勢所必至自正月初九日扼斷九洲後即於西南添築外牆以禦援逆不料浙西潰決良將勁兵先後調援者不下一萬三千人而清壩宜荆防兵又調去一萬有奇旋因清壩深陽失守蘇常大震援浙之師又不得不調赴常郡先其所急深源水旬容先後失陷秣陵被圍大營亦卽四面受敵矣雖添募新勇以守長牆而訓練未成心志不固致有此失就此時情形而論惟有將旬容深陽次第克復再出清壩與嚴南會師先清徽甯以至池太然後各路之師會搆金陵其勢雖緩尙無後患臣和春督師無狀功敗垂成臣張國樑有統率諸軍之責不能防戩未然臣許乃劍共事國樑亦復無能補救實屬惶恐無地惟有請旨將臣等從重治罪以爲儆事者戒其陣亡

之總兵黃靖副將馬登富守備吳天爵應請飭部從優議卹又奏丹陽界常鎮兩府之閒處處適中最高為扼要茲探賊騎已至白兔寶環等處焚掠距丹陽均不過數十里之遙彼處防兵僅有總兵熊天喜及副將劉成元參將林定海所部六千數百名尙屬不敷堵剿與許乃劍督同王浚酌帶兵勇四千餘名於二十一日拔隊前往相機剿辦張國樞暫留鎮江收集兵勇俟布置妥當亦即統兵前進會商攻取 上諭軍機大臣等本日據和春奏各路悍賊圍攻金陵大營我軍力不能支退守鎮江一摺覽奏殊深憤懣此次逆賊分路圍攻金陵大營我軍於獲勝後倖因雨雪交作致西南隅長牆被賊攻破力不能支退守鎮江功敗垂成殊可歎惜見在賊勢甚為猖獗和春等擬先將句容溧陽次第克復再出清壩稟皖南台兵先清徽甯以至池太然後各路之師會搗金陵先芟枝葉再拔本根目下情形亦止可如此辦理即著和春等會合籌商激勵將士分兵攻拔各城維持全局力贖前愆此次援賊雖眾何以一隅挫失全局渙散長圍一失即為該逆增負岫之具況大營處處火起非奸細潛伏即自行擾亂所奏情形殊不明晰著和春等據實覆奏江北六合等處踞匪未除原恃張國樞控馭今張國樞退扼鎮江賊匪已跨江聯為一氣天長未克揚州一帶殊屬可虞李若珠前經債軍獲咎斷難勝此重任著即撤去幫辦飭令仍回大營隨同張國樞剿賊其揚州督兵大員著和春張國樞另選得力提鎮前往駐紮以資鎮守再本日已將辭煥調補江蘇藩司其江南藩司一缺著王夢齡補授矣江北各屬錢糧均歸江甯藩司經理催提解充軍餉王夢齡應令其駐紮江北何處地方俾得就近經理以專責成並應否令管江北糧臺之處均著何桂清酌定具奏至徐州地方見在逆捻充斥淮徐道一缺關係緊要並著何桂清迅即揀選賢能之員奏請補授以便王夢齡速赴藩司新任將此由六百里加緊諭令知之○諭本日據和春奏金陵逆賊圍攻大營官軍退守鎮江等語見在溧陽等城尙未收復止可先圖規復各城以固蘇常門戶再圖進取其江北六合等處踞匪此時和春等難於兼顧雖已諭令袁甲三等力扼北路要隘無任賊眾肆擾並諭楊載福督率水師駛赴下游會同吳全美李德麟等梭巡江面以掣賊勢而江北究無重兵駐紮深恐袁甲三等同書未能遏其兇猷北竄可虞楚軍已定大舉入皖太湖潛山業經克復自應亟籌進取都興阿病已痊愈著即督帶馬步各隊四五千名馳赴皖北或由舒桐或由霍六進兵與袁甲三等各軍聯絡聲勢駐紮江北進攻六合浦口天長等處以杜粵逆北擾趁匪旁趨惟口糧軍火此時江皖斷難支應必須寬為籌備方可無虞匱乏即著官文曾國藩胡林翼將如何進取之處悉心籌酌傳旨令都興阿迅速帶兵馳往是為至要將此由六百里諭令知之○諭本日據和春奏此次逆首陳玉城等乘江南調兵援浙大營空虛之際糾合賊黨十餘萬與金陵城內之賊兩路衝突勢極鴟張和春等打仗七晝夜力竭退守鎮江惟江北未暇兼顧該逆必致與六合等處股匪聯絡著袁甲三等督飭兵勇防其竄越清江一路見無重兵扼守亦屬空虛並飭派赴天長之副將黃開榜等嚴密防範袁甲三等仍激勵官軍速克定遠以杜逆擾將此由六百里諭令知之○調薛煥為江蘇布政使以王夢齡為江甯布政使甯曾綸為江蘇按察使由福建督糧道遷○以金陵營盤被陷退扼鎮江革和春職拔雙眼花翎仍暫署江甯將軍拔張國樞花翎革職

任降許乃釗四品京堂子陣亡總兵官黃靖等祭葬世職○命丁憂副都統巴棟阿畱辦鎮江防務○辛酉諭軍機大臣等據何桂清奏該督前因王夢齡簡放江蘇臬司催令交卸赴任當委吳棠署理淮徐道篆兼攝徐州府事王夢齡總管糧臺勸捐等事難易生手吳棠亦難以一人而兼兩篆請畱王夢齡辦理徐州糧臺並以署淮徐道吳棠幫同辦理等語所奏自係為人地相需起見惟江北各屬錢糧均歸江南藩司綜理如今其駐紮徐州於江北糧臺鞭長莫及勢難令其兼管仍著何桂清妥籌具奏至吳棠既著淮徐道斷難再令兼攝府篆所有徐州府一缺著何桂清迅速揀選賢能之員奏請補授一面先行委員前往署理以便吳棠專辦淮徐道任內事務將此由五百里諭令知之○雲南提督傅振邦奏請將抗不遵調之參領佐陞等革職畱營以觀後效得旨如此從輕懲辦何以示威若處處效尤潰散可立而待也○壬戌諭軍機大臣等有人奏杭州省城失陷情形由於城內之賊久伏而不
知城外之賊紛來而不拒加以不服管束之潮勇豫為內應遂致數萬士民橫罹鋒刃慘不可言臬司段光清防堵餘杭等處離首
僅七十里該司於城未破之先私自回署接取眷屬派兵護送出城郡民目擊無不忿恨搖動軍心益無守志各等語臬司段光清
前因其總城潛逃降旨革職拏問嗣因衢嚴緊急經瑞昌派令帶兵馳往會同饒廷選商辦防期原因一時乏人起見茲據奏稱該
革員私送眷屬致懈軍心種種貽誤情形殊堪痛恨著瑞昌王有齡仍遵前旨一俟衢嚴軍務接手有人速將該革員拏問即以軍
法從事勿得以遠戍為開脫至潮勇豫為內應乘勢助賊尤堪痛恨並著該將軍等查明運賊之勇盡法懲治其不安分之勇亦須
分別裁撤嚴定章程見在浙境賊氛未靖省垣重地不使亂源復萌方為妥善原摺著鈔給閱看本日王有齡奏請將浙省皖餉局
裁撤等語候補運使金安清督辦皖餉在浙江設局勸捐所得無幾徒滋擾累有礙本省餉源所有金安清在浙江督辦之皖餉局
著即撤銷惟皖省餉需少此一款未免益形支絀仍著王有齡於浙餉內酌量劃解協濟皖省毋令缺乏將此由五百里諭令知之
○聯英以病免以王夢齡署漕運總督由江甯布政使署○癸亥諭軍機大臣等勝保等奏見擬出省督師進剿惟豫省軍營帶隊人員不
敷調遣請飭袁甲三等於總兵張得勝等三員中飭調一二員來營專帶步隊等語著袁甲三翁同書等即於總兵張得勝滕家勝
副將黃開榜三員中酌量派出一二員前往勝保軍營聽候調遣另片奏捻匪踴張馬賊過多非添調馬隊官兵不能制賊死命等
語傳振邦所撥馬隊四百名據稱尚未到營且大半無馬恐難得力昨諭令袁甲三將伊與額所帶馬隊一百數十名酌量分別去
留著該大臣察看此項馬隊如尚得力即可撥往勝保軍營前據翁同書奏吉林馬隊內無馬兵丁一百餘名擬派往豫省歸勝保
調遣並著催令迅速前往此外如有可籌撥之處亦可酌量調撥以資攻剿復據勝保奏據苗沛霖稟稱蒙城一帶自趙海糧城賊
圍相繼攻破賊猶負固其中真賊圍有五百座首鼠兩端者亦有五百座等語賊黨雖多總期解散其勢方不至句結蔓延見在傳
振邦會合苗練分路進攻即著該提督等相繼籌辦妥為招撫予以自新令其真心投誠賊眾皆為我用攻剿自易得手將此由六
百里各諭令知之○諫瑞昌王有齡奏東場渠陽逆匪仍圖竄廣德建平撥兵馳援並請徵甯濟師一摺記名道員蕭翰慶一軍

前經衛防截匪助剿本日據張芾奏官軍連日攻克太平旌德石埭三城擬令會合各軍乘勢規取池州已諭張芾等俟攻克後即飭令蕭翰慶迅赴廣德合力助剿並諭張芾周天受於徽甯各軍先行酌量撥調一併馳赴廣德以資防守杜賊回竄之路仍著瑞昌王有齡飛催福建援浙之兵迅速前進此項兵勇到浙不可分佈各處見在金陵大營爲賊撲擾退守鎮江浙江杭嚴各屬又處處籌防廣德建平尤不可再有疏虞致多牽掣瑞昌王有齡仍當就見有兵力督飭帶兵各員相機會剿力固藩籬記名道員李元度已諭令曾國藩飭赴浙省矣將此由六百里諭令知之○諭據勝保等奏越境追剿捻匪擊回老巢豫境已一律肅清辦理尙屬得手勝保創回奔經各路官兵及各縣鄉團分投截殺屢獲大勝越境追剿將各捻股悉數擊回老巢豫境已一律肅清辦理尙屬得手勝保見已出省督師前進擬在歸德郡城駐紮居中調度惟須步步爲營相機進剿直搗老巢並聯絡團練以固後路謀定後動計出萬全方爲妥善所請飭調總兵張得勝等赴營專帶步隊本日已諭袁甲三翁同書酌量調派並諭酌撥馬隊赴勝保軍營以利攻剿將此由六百里諭令知之○諭瑞昌王有齡奏東壩深陽逆匪仍圖回竄廣德建平撥兵馳援並請徽甯濟師一摺廣德建平雖相繼克復而東壩深陽等處均有賊蹤總兵熊天喜一軍已調往丹陽一路防堵僅有米與朝之軍駐廣德兵力甚單茲據瑞昌等奏稱東壩深陽之賊分股竄出有回擾廣德建平之意距建平十餘里之蔡村一帶又聚賊數千逆蹤密邇等語見在金陵大營被賊撲擾退守鎮江蘇常正當喫緊廣德爲江浙門戶設被逆賊再行竄踞全局又將震動前張芾派去援浙之副將王夢齡等兩隊已經調回見在旌太后埭等縣相繼克復軍情稍鬆著即派撥得力官軍前往會同米與朝協守瑞昌等商調之副將陳大富等各軍並著周天受酌量抽撥前赴廣德助剿勿稍遲誤至蕭翰慶一軍據張芾奏飭令乘勝規取池州與水師互相聯絡辦理正當得手之際恐未能再行他調俟攻克池州後再令取道前往廣德與浙兵合力剿擊杜賊回竄之路即知照官文無庸調往豫省所請浙江江西協餉之處浙江甫經被擾恐難兼顧已諭毓科於月撥三萬兩之外酌加數萬兩迅速撥解徽營矣將此由六百里各諭令知之○諭張芾奏請飭駐守建德之軍擇要駐紮等語總兵普承堯一軍前經諭知前江西巡撫惲光宸飭令駐守建德以資堵剿茲據張芾奏稱該總兵駐軍下隅坂地方在建德西南四十餘里中隔峻嶺雖可扼彭澤湖口一路而於建德縣城仍難保其無虞賊如上犯可由建德之東北馬田洋湖陂等處長驅直入於江西之鄱陽浮梁徽州之祁門黟縣均有鞭長莫及之患且亦可竄擾彭湖該鎮之軍臨時堵截均難兼顧是此軍以五六千眾僻守一隅於江皖大局未能全顧於事無益著毓科即飭總兵普承堯統率所部移營馬田或洋湖陂擇要屯紮深溝高壘西可與東流水師遙爲聲援東可與石埭陸軍互相策應不獨爲規復池州地步卽江西之鄱浮徽屬之祁夥防兵皆在其後亦可隨時抽調不至爲賊所牽庶於江皖全局均有裨益另片奏徵防缺餉請飭撥解等語徵防軍餉本屬缺之見在旌太告克分軍進取涇縣馳援甯郡必須設法籌放餉銀俾免飢潰浙省又甫經被擾庫藏空虛恐不能籌及徵餉並著毓科於認解徵餉三萬兩之外每月再行籌撥銀數萬兩儘力措解以濟急需毋稍諉延將此由六百里諭令

知之○以克復太平旌德石埭三縣城賞道員蕭翰慶鹽運使銜義勇章志俊花翎副將余永椿以總兵官用餘獎敘有差○子安徽陣亡總兵官王鳳翔等祭葬世職○甲子何桂清奏金陵大營退保鎮江後探報句容溧陽之賊日漸增多金壇宜興境內屢遭焚掠常州鎮江二府切近賊氛最為喫重丹陽介常鎮之間相去均止百里且當句容溧水之衝尤屬咽喉要地臣與和春函商留張國樑在鎮江布置和春定於二十一日進駐丹陽居中調度從前大營攻剿喫緊於常鎮軍務不暇兼顧今近在丹陽各路軍情及防剿事宜應由和春張國樑統籌督辦隨時具奏其退出兵勇振旅而行者尚能自立至陸續招集之人需用鍋帳軍械實難猝辦臣已責成署藩司蔡映斗等趕緊製造源源解往並飭江南糧臺籌撥銀十萬兩米一萬石先行委員濟濟惟自寇警以來錢糧釐捐均無指望若不力求撙節決裂即在目前臣已咨會和春嚴飭翼長王浚按實在收集人數派員點驗酌給銀兩俾濟急需勿以管帶官口報之數為憑致滋浮冒其江北得力兵勇不滿萬人每月需餉十五六萬羅掘尤難並咨和春轉咨李若珠速將疲弱裁汰和春張國樑無日不以清釐整頓為心李若珠王浚責有攸歸亦斷不敢稍任蒙混似此大加節省或冀勉強支持不至有餉匱兵譁之慮 上諭軍機大臣等何桂清奏金陵大營退守鎮江見在籌辦情形一摺金陵逆援攻撲長圍我軍退保鎮江和春進紮丹陽居中調度各路軍情及防剿事宜自應仍責成和春張國樑統籌督辦所有陸續招集之兵勇應需鍋帳軍械等項一時殊難猝辦自係實在情形見據何桂清飭令署藩司蔡映斗等將鍋帳槍礮鉛丸火藥軍械趕造解往並籌撥銀米採買鐵鍋先行委解以濟急需見當庫項支絀之時若不力求撙節東南大局不堪設想著和春嚴飭王浚按實在收集人數酌給口糧仍於月餉內扣還歸款務須派派安員逐名點驗給領不得以帶兵官虛報為憑致滋浮冒其老弱傷病兵丁即著嚴加裁汰毋許濫充數至江北兵勇應需月餉羅掘尤難並著一體清釐嗣後儘有虛報兵勇名數希圖肥己沾染營中惡習者別經發覺無論大小將弁必當執法嚴懲不能寬貸和春等奉命督師日久無功前因退扼鎮江僅子薄懲未加嚴譴若再不知愧奮力求整頓以圖進取保全東南大局自問當得何罪耶有人奏周天受貪色好殺物議沸騰近以爭奪妓女擅殺都司各營解體不戰而兵潰等語周天受見任統兵大員連次失陷各城是否能勝重任至其平日聲名何如有無前項劣蹟著和春何桂清密查具奏毋稍徇隱又有人奏蘇州省城添辦義團長洲縣知縣李翰文元和縣知縣馮樹勳等招募廣勇以致廣潮匪類踵至滋生事端州縣曲加袒護民情惶懼等語廣潮匪類前在蘇省盤踞滋事經群煥等查拏懲辦始得安靖見在逼近賊氛尤應豫為嚴防即如杭郡之變係李定太繆梓所帶之勇勾結開城前車可鑒著何桂清會同徐有壬查明此項廣勇嚴禁招募設法遣散儘有滋擾即著按律嚴辦以安民心而弭後患將此由六百里各諭令知之○是月緞綬安徽宿州等二十三州縣暨屯坐各衛被災被擾地方新舊額賦及雜課銀豁免安徽懷遠等三縣及臨淮鄉被擾連賦

夏四月乙丑朔諭內閣曾望顏奏克復名山縣城攻奪金雞關要隘並雅州解圍嘉定擊賊獲勝一摺雲南逆匪藍大順等竄四川名山縣城並分黨據守金雞關分撲雅州府城我兵將百丈場一帶之賊擊退後隨即分道由新店子白土坎酒岡子等處踏平賊壘偏攻名山縣城經提督占泰等飭參將馬旭林及守備唐友耕等各軍復由後山子進攻文昌宮奎閣山梁之賊將賊營寨盡行平毀馬旭林等軍攻至東南兩門城內賊營火起官軍乘勢登城踰牆湧進將名山縣城克復占泰一面派飭都司柏昌懷等軍分路圍攻金雞關疊經痛剿復探明路徑奮力進攻逆眾分股來拒唐友耕率領敢死兵勇一擁而上馬旭林等復在關之左右山頂開放大礮斃匪多名當將金雞關奪獲並連踏關前後賊營七座逆匪集營而逃占泰揮兵穿關追剿直至姚橋等處土地坎繞出賊援亦經擊走馬旭林等兵勇取道平羌渡及姚橋進擊適重慶鎮總兵傅崑勦辦車林餘賊事竣率領官兵進剿水津關及大興場之賊時雅州城內文武與賊擊持疊加剿創已解城圍聞各軍援至復由東西北三門出擊該匪四路狂奔其嘉定之賊經甘肅提督郭相忠等分撥官兵進擣牛華谿等賊巢行抵銀高寺地方賊出抗拒郭相忠之子縣丞郭定疆驅馬被賊截傷其孫郭廷選將賊立斃大隊繼至痛加剿殺將四方壩等賊營焚毀淨盡計殺賊千餘名似此節節進剿克城奪隘所辦尚爲得手務即乘此聲威力圖進取○諭軍機大臣等前因金陵大營官軍不支退守鎮江當諭會國藩等傳旨令都興阿馳赴江北將如何進取之處悉心籌酌茲據瑞昌王有齡奏上游悍賊麇集金陵鎮常處處喫緊請飭會國藩會同楊載福分剿蕪湖並入甯境以分賊勢等語金陵大營退守鎮江逆賊分踞句容溧水等處圖犯蘇常江浙安危在於呼吸會國藩見紮安慶若與楊載福率領所部水陸各軍迅由東流建德一帶分剿蕪湖並入甯境以分賊勢而顧蘇常於東南大局實有裨益惟安慶賊勢頗眾會國藩能否舍安慶而東下著酌度情形相機辦理如兵力不敷未能前進卽飭楊載福統領水師進攻蕪湖扼賊之吭並與李德麟等梭巡亦足以牽制賊勢是爲至要有人奏左宗棠熟悉形勢運籌決策所向克敵惟秉性剛直嫉惡如仇以致詬詆沸騰官文亦惑於浮言未免有指摘瑕疵之處左宗棠熟悉湖南形勢戰勝攻取調度有方目下賊氛甚熾應否令左宗棠仍在湖南本地襄辦團練等事抑或調赴該侍郎軍營並著會國藩酌量辦理將此由六百里諭令知之○丙寅諭軍機大臣等據庚長等奏西捻復出見籌分路防剿一摺既據採有由浦東竄之說自應早爲準備力遏凶鋒庚長見在募勇集團派員分路堵禦著卽照所議妥辦江甯藩司王夔齡見已派署漕運總督著與庚長會同調度毋令該逆東竄以保完善之區將此由六百里各諭令知之○諭據庚長等奏西捻意圖東竄一摺據稱西路藍黑二旗賊首劉添福等裝旗復出前竄東豫之賊亦已回巢又有騎馬賊數百人至豐縣蕭縣交界之青里集陳家官莊等處滋擾聲言復由清江東竄雖經庚長募勇集團但兵力過單止可防守近處儻有失股捻匪東竄恐難抵禦著袁甲三傳振邦酌撥勁旅前往援應毋令清淮再有失誤以保下河完善之區將此由六百里各諭令知之○諭庚長奏清江西北沿河一帶挑壞築圩以資防守一摺清江爲南北咽喉之地四通八達向無城郭防守最關緊要茲據奏稱數年來蔣壩三河節次保全惟

特湖水勢設法收蓄是以隔岸堵擊賊難飛渡惟南北順清河上下春冬之際水勢枯落前此捻逆猝至致被闖入亟應趕緊籌備以為善後之計其清江西路由楊家莊至張福口引河北路由邳州窩灣以下至楊莊地方均就河湖隄岸加築切斗又桃源縣西門南成子河起至眾輿以北挑溝築壘以憑守禦等語文俊見抵清江著即按摺中所稱確切查明是否實在情形辦理有無草率據實具奏將此由五百里諭令知之○先是禮部奏遵議河南巡撫瑛榮奏明儒曹端從祀 文廟得旨大學士軍機大臣另行妥議具奏並酌定以後從祀章程不可漫無限制若定例原有專條即不必酌定章程遵例行不準援案至是奏稱曹端篤信好學守道不移崇正闢邪以力行為主論者推為明初理學之冠應如該部所議準以明儒曹端從祀 文廟東廡其位在先儒胡居仁之上至從祀章程例無明條應以闡明聖學傳授道統為斷嗣後除著書立說羽翼經傳真能實踐躬行者准奏請從祀 文廟外其餘忠義激烈者入祀昭忠祠言行端方者入祀鄉賢祠以道事君澤及庶民入祀名宦祠概不得濫請從祀 文廟其名儒賢輔已經配享 歷代帝王廟者亦應飭無庸再請從祀從之○命景運門圓明園八旗步軍統領內外火器營健銳營配齊前備官兵軍械馬匹聽候飭調迅赴天津防所○丁卯 上還宮○諭內閣翁同書奏收撫張家岡賊圩並攻破任家圩賊巢分別撫剿一摺捻逆回窺老巢經副將黃鳴鐸遊擊武全等排築長壕圍攻張家岡圩該圩民畏懼乞撫其捻首潘四即潘樹見本係良民亟思自拔來歸卒眾至劉伶口攻破大華家圩殺賊首梁景等旋與伊父潘凱詣苗沛霖處乞降薙髮投誠歸農復業其高家寨葉董任太立等前亦身陷賊中密投練總升用同知高錫齡寨內共議殺賊糾良民為內應三月二十二日高錫齡等帶練將任家寨攻破擒斬著名捻匪李水秦九等百餘名將被脅良民盡行救出並將賊圩房屋悉行焚毀至閏三月初三日又率練攻破鄧家賊圩殺斃捻首鄧義等數十名所有出力人員準其酌量保奏○己巳諭內閣袁甲三奏進攻定遠大捷見飭滾營進備一摺袁甲三派撥馬步各軍進攻定遠直抵城下斃賊甚多逆眾倉皇失措滕家勝等惟隊趕到乘其慌亂越壕扒牆槍礮齊發將東北角賊營同時燬平東門突出悍賊二千餘都司黃國安帶鷹勇極力抵禦善慶薩薩布等復分攻西路賊營悉行焚毀統計毀賊營九座斃賊一十餘名生擒二百餘名奪獲槍礮多件該大臣當即督飭諸軍滾營前進直逼城根勦辦尚為得手著即乘此聲威迅拔堅城毋再延緩○諭軍機大臣等據袁甲三奏各路探報有九洲洲全軍撤退等語據稱前次該逆糾眾本有欲爭滌全進攻九洲洲為救援金陵之計經袁甲三派馬步援軍擊退見在江南大營追擊則九洲洲自難固守但江北竟無一軍扼守恐賊賊北竄在在堪虞著和春等迅即設法防範仍須統籌大局毋令皖軍為賊焚攻以固北路藩籬將此由六百里諭令知之○袁甲三奏捻首張蔭荅在古城與龔逆不睦思欲投誠得旨該捻首罪大惡極恐未必速敢投誠莫若令其自相疑貳藉除巨憝著傳諭李世忠妥為辦理如果真心悔罪無實在功績亦難准其投誠○浙江巡撫王有齡奏請截留未運漕米撫恤難民接濟兵食得旨數處被賊即通省無一完地外省習氣一何深也若果澤逮吾民尚能剗朕之望此不過為屬員冒銷地步上無益而下有損徒飽若輩之囊橐言念及

此殊堪浩歎汝新任封疆好爲之○庚午常寧祀 天於 團丘 幸國明園○癸酉何桂清奏自建平東嶺深陽相繼失守蘇常已岌岌可危不意句容復陷賊遂由渣化鎮直趨金陵至閏三月十五日全軍皆潰賊勢遂更猖獗兵勇亦不用命二十九日和春許乃劍皆退守常州驚聞丹陽已失於是江甯藩司薛煥具稟皆以常州足資堵禦蘇州十分空虛請駐紮蘇州以繫民望商之和春許乃劍皆以蘇省實屬可慮查兩江總督自金陵失守以後即以蘇州爲駐紮之地其以常州爲行館者但爲金陵大營後路糧臺所在平日不過數百兵勇有警皆係大營調兵至和春等既到常州所調官軍皆來自大營則軍務應歸督辦而蘇州則毫無準備文武大小均不知實在軍情大局已形決裂 擬起蘇州會同徐有壬等督率兵勇聯絡鄉團力籌防剿以固根本 上諭軍機大臣等本日據何桂清奏丹陽失守和春許乃劍退至常州張國樑不知下落並見在布置大概情形一摺前據何桂清奏稱和春等進扼丹陽居中調度方期激勵軍心力圖進取今丹陽又爲賊匪攻陷兵勢屢挫東南大局岌岌可虞和春身爲統帥所司何事致令潰敗至此殊堪痛恨惟當安速布置先固軍心再籌進剿以期力贖前愆蘇郡係省垣重地兵力甚單何桂清自應馳赴該處督率兵勇聯絡鄉團力籌防剿事宜以固根本見在潰勇難民紛往蘇郡奸細最易溷迹何桂清務當與徐有壬督飭地方文武嚴密稽查先清內奸鎮江一帶見有何員駐守張國樑見在曾否回營著和春等迅速查明馳奏以慰朕懷本日復據高松年奏九洲兵勇潰退並李若珠斗患痺證不能行步各等語著和春等仍遵前旨速派得力大員前往更代力顧江北其九洲潰敗兵勇亦即由江南大營派員迎催令速赴鎮常毋任逗遛將此由六百里加緊各諭知之○諭前因金陵大營被陷官軍退守鎮江當諭令都興阿督帶馬步各隊或由舒桐或由霍六進兵與袁甲三等各軍聯絡聲勢駐紮江北進攻六合江浦天長等處本日據高松年奏丹陽被賊圍攻已於上月二十九日失陷江南北軍情同時驟緊李若珠斗患痺證勢難臨陣督隊等語見在丹陽已失天長大合之賊時時出窺伺江北無重兵駐紮該逆難保不乘此鴟張更思竄擾著都興阿即督帶馬步各隊四五千名趕緊前進與袁甲三等各軍互相聯絡力圖進取並著官文等仍遵前旨將所需口糧軍火寬爲籌備毋稍延誤會國藩見在圍攻安慶著即迅圖克復遵照前旨率師東下迅掃賊氛其楊載福水師仍舊進攻蕪湖扼賊之吭並與李德麟等梭巡江面以牽賊勢毋令北竄將此由六百里各諭知之○諭聯英庚長奏逆匪直撲三河衝陽圍竄清淮見在撥兵防堵一摺據稱黃黑等旗捻匪直撲衝陽紮筏搶渡經總兵鶴齡等督隊擊退又另股捻匪竄偃花園黃都管塘各壩盤踞其竄入三河尾及觀音寺等處之馬賊復經總兵安勇督防堵見在抽撥兵勇赴防嚴密堵禦等語清淮甫經蹂躪元氣未復此次搶渡之賊雖迭經擊退而衝陽蔣壩兵力單儻續有大股東趨誠恐不敷抵禦據生擒賊匪供稱係龔瞎子部下由古城前來搶擄欲攻打三河與定遠之賊運糧自係定遠踞匪被圍緊急分黨竄擾意圖牽我官軍並爲賊匪接濟著袁甲三等挑選精銳派委得力員弁管帶馳赴衝陽三河一帶會同安勇鶴齡等實力攻剿迅將此股掃除既可爲定遠賊匪絕其外援亦可兼顧清淮兗令天長逆匪乘機北竄將此由六百里諭令知

之○僧格林沁等奏覆相機布置並俄人得有回信兵船並未開駛情形得旨往返護送不過在京饒舌路途煩擾若永泊關江沙內將來必形費手○乙亥諭內閣惇親王奕誼第六子著命名載注第七子著命名載澎○論張芾奏官軍三路會攻克復涇縣一摺徽甯官軍自克復旌德太平以後經張芾督令進攻涇縣總兵江長貴督同參將文芳等次於三溪周天受飭令副將吳再升等進紮琴溪與副將陳大富等一軍營勢聯絡吳再升等先以馬隊攻克赤灘賊卡復於距城七里之紀村地方設備夾攻遊擊田應科等亦涉河擊賊賊不敢復出江長貴由茹麻司溪裏一帶進擊將白華晏公堂賊卡一律燬平直抵城下甯國府知府顏培文等率團助剿閏二月二十二日江長貴等督軍齊進同時攻擊賊猶拒守吳再升率隊轟擊守陣賊目登時潰亂我軍先登斬關直入賊由西南兩路竄奔前署涇縣知縣劉西園等復率團掩殺當將縣城克復其由蘭山嶺等處竄遁者又經知府蘇式敬等截殺無算辦理尚為妥速出力文武員弁准其會同周天受擇尤保奏以示鼓勵○丁丑諭軍機大臣等有人奏江南山東交界等處州縣緝捕廢弛商旅裹足等語據稱清江浦失事以後山東鄰城至江南宿遷一帶土匪蜂起遇有車輛過紅花埠峒嶓等處必先至牛馬莊劉姓家說明車輛行李數目按數計錢給予旗號派人護送方免劫掠否則貨物身命不保紅花埠一帶俱築壘壘壘劉姓係武舉名學駒又名一舉向頗能捍禦土匪近自捻匪蹂躪宿遷桃源等處伊等糾合人眾器械堅利名為團練鄉勇護送行旅愈聚愈多沿途似此者亦復不少實恐浸成禍端紅花埠等處係南北通衢向多土匪各借團練禦賊原所不禁但其中夏莠不齊惟在地方官駕馭得法不特消患未形且可使為我用若因循日久漸除愈難著文煜遴委委員嚴密查訪設法辦理固不可徒事羈縻釀成巨患亦不可操之過蹙別滋事端將此諭令知之○諭有人奏陝西興安府屬毗連川楚咸豐六七年有自楚來傳邪教者不一其人隨地變易姓名有秦姓軍姓徐姓等人勸人喫齋念佛夜靜時演諸邪法信從者眾七年秋平利縣訓導史夢熊目擊情形曾經稟本府經興安府知府林映棠委員查辦拏獲匪徒無幾管押數旬即行釋放未經嚴辦習教者益無忌憚漸染至漢中府屬近山數百里比戶皆然輒坪廳有段光耀等窩藏匪類搶劫民財暗置器械地方紛紛稟報而署同知徐奎並不緝究前遇荒旱徐奎託名拯救變賣倉穀三千餘石約計錢一萬四千串至秋間豐收倡勸民間捐穀六千餘石以填官倉復侵吞二千餘石反以半施半賣捐廉填倉稟報上憲民間以其縱容教匪侵蝕倉糧形諸詠等語良民染習邪教例禁甚嚴似此地方官一味姑容必致養癰貽患見在川省賊勢蔓延儘與句結為害非細著譚廷襄確切查明嚴拿懲治地方官有縱容諱飾諸弊即行嚴參懲辦並將徐奎侵吞倉穀之案一併嚴查究辦以儆官邪將此諭令知之○戊寅諭軍機大臣等勝保奏道員苗沛霖欲帶練西來助剿已令侯程圩得手後由西路進兵專搗老巢兼顧豫疆並擬即日馳赴鹿邑檄調該員前往面授機宜於皖豫兩省均有裨益等語道員苗沛霖督率練勇隨同官軍剿匪如攻克鳳陽府縣及臨淮關等處均經出力此時復派練勇隨同傳振邦翁同書各軍助攻圍圩沙河捻匪並親赴江口集劉伶口地方圍攻程圩甚屬勇往據勝保奏稱該員與皖軍不睦不願聽袁甲三翁同書調遣此次西

來助剿並非統軍調之使來苗沛霖屢經袁甲三等保奏並無歸屬不合究係因何稍有不睦著袁甲二嚴密查明據實具奏在該練助攻閩粵等處正當喫緊之際自不可遽行撤退若該員駐紮潁州一軍與勝保相距較近俟攻克程圩後亦可飭令分撥練勇隨同進剿不必專歸該大臣調遣如能將各捻圩迅速掃蕩既以肅清皖境即可保衛豫疆於北路亦爲有益卽著袁甲三等妥籌辦理總期兵歸有用弗致稍爭分際致涉畛域之分將此由六百里諭令知之○諭前因江南徐州河南考城地方均關緊要諭令何桂清瑛榮仿照山東曹州河隄一律認真修築藉資守禦本日據勝保等奏稱見由蘭考一帶查閱隄垸由龍門口至曹縣邊境隄長一百六七十里一律修竣並商辦集團分段扼守駐紮要隘互相策應足資守禦惟單縣池東接連江省之豐沛蕭楊等縣一帶河隄直達清江若能照豫東章程挑築集練堵禦則濟甯兗沂一路皆可借資保衛等語江南豫東交界地方捻匪出沒靡常時恐乘虛窺伺而豐沛等縣關繫三省衝要儘不嚴籌堵截之策期辦終難得手何桂清接奉前次諭旨之後曾否辦有規模未據詳細覆奏卽著王夢齡等體察情形於豐沛蕭楊等處沿河一帶飭令地方官仿照豫東見籌進攻情形一律修築以資保衛並卽繪圖貼說具奏毋得視爲具文將此由五百里諭令知之○諭勝保奏前赴歸德辦團並見籌進攻情形一摺豫東各縣鄉團經勝保酌定章程選充團長抽丁備械沿隄守禦並互相援應各條均尚妥協著卽覈實舉行毋得徒託空言以致有名無實各團練中果能齊心殺賊著有勞績卽著勝保等擇尤保奏以資鼓舞至苗沛霖所部練丁見在隨同攻剿斷不能遽行撤退該道員駐紮潁州一軍如與勝保相距較近俟攻克程圩後再行隨同助剿不必專歸該副都統調遣勝保馳赴鹿邑後惟當就見有兵力督同關保由潁亳一帶與皖軍互相聯絡節節進剿將孫菱心等各賊圩迅速掃蕩不得專駐歸德株守一隅將此由六百里諭令知之○諭本日據巴棟阿奏逆賊竄撲鎮江府城官軍疊擊獲勝並孤城危迫情形一摺本月初一至初六等日逆賊馬步數千至丹徒鎮焚擄旋即圍攻鎮江府城雖經在事文武登陴固守並副將向奎等屢出奇兵將西來賊匪擊退而東南兩路尚有屯匪其毗連鎮江之金陵句容丹陽以及東壩溧陽等處數百里之間偏地皆賊孤城僻處江濱糧援隔絕文報不通實屬萬分危急和春見在退守常州前此潰散兵勇諒已陸續收集著卽迅撥勁旅由間道繞赴鎮江會同向奎等軍奮力擊剿力保危城至被陷之丹陽溧陽句容等縣城池並著和春嚴飭在事將弁分投攻剿迅圖克復何桂清見守蘇州自必布置嚴密徽浙援兵曾否趕到著與和春和衷共濟激勵軍心以期復還舊觀保全東南大局將此由六百里各諭令知之○己卯署陝西巡撫譚廷襄奏請挑練勇八百名派員管帶赴漢中興安一帶防堵川匪得旨卽使訓練精熟八百馬能數用一經官手百弊叢生總應民捐民辦寓禦侮於自衛賊來固不容延蔓賊不來亦足以靖奸宄所請派員管帶之處不准行○庚辰諭內閣軍興以來疊經諭令各直省督撫勸諭紳民舉行團練京外官紳果有諳悉戎機者亦屢經降旨令其在籍辦團藉資表率迨著有勞績經各督撫及各路統兵大臣奏聞亦無不立予恩施以示優異凡以官民聯爲一體卽盜賊無自生心正本清源莫要於是乃江南省城及皖南北各郡縣淪陷於賊久未

攻拔近自高淮句容等縣不守丹陽繼陷蘇常一帶風鶴頻驚不免流離遷徙大江南北億萬生靈皆吾赤子久罹於水深火熱之中而莫之拯救深宮塵念易刻難安大營兵餉何一非我民脂膏竭力供億原期共保安全乃和春等不惟不能迅奏膚功反令財賦之區致被蹂躪殊堪痛恨已嚴飭該大臣等激勵將士力贖前愆其守令等官與地方紳士亦應將守禦之法實力講求協助官兵同仇敵愾所有江蘇等省在籍紳士除業經奉有諭旨辦理團練外其明曉大體律身公正足繫人望者自不乏人即著在京籍隸江蘇安徽浙江河南等省之大小官員將如何團練隨同官兵助剿及防守等一切事宜務須統籌全局尤不可自顧鄉閭須與官兵聯為一氣庶於防剿方能得力其如何辦理之處著各抒所見並各舉所知迅速奏聞毋得虛言搪塞該紳民等食毛踐土二百餘年諒能眾志成城以輔兵力之不逮朕實有厚望焉至於被脅難民要非甘心從逆其有真知悔悟自拔來歸者並著各督撫及各統兵大臣援照歷辦成案奏請免罪以示矜從固治咸與維新至意○諭軍機大臣等前因金陵大營被陷和春等未能兼顧江北李若珠斗患痺證節經諭令都興阿或由舒桐或由霍六進兵與袁甲三等各軍聯絡聲勢駐紮江北進攻六合浦口天長等處見在逆首陳玉城在江浦糾合和州以西之賊意圖傾巢出犯江南潰兵紛紛渡江情形實為危急和春等由丹陽退保常州大江南北文報不通江北一軍若非威望素著之大員統帥勢將渙散設或江南之賊渡江與天長六合之賊合成一片則揚州等處亦將被擾著官文等統籌全局即令都興阿迅赴揚州六合一帶與袁甲三各軍互相聯絡力圖進取以紓朕懷如舒桐霍六等處未能迅速行走即由閒道設法前往將此由六百里諭令知之○福建水師提督楊福奏遵旨防守李陽河並進攻蟻磯獲勝情形得旨蟻磯地方能否據守若不能守迅將中壘攻克並將其餘三壘一律平毀勿令該匪再踞○命荊州將軍都興阿督辦江蘇江北軍務○辛巳諭軍機大臣等袁甲三奏江北大局喫緊見籌布置情形並請派大員專辦江北軍務一摺天長六合逆匪糾集大股擄取民船勢將水陸併力東犯揚郡及裏下河等處均形喫重袁甲三見派副將黃開榜帶礮船三十隻東下督同前次派往之遊擊張得魁等礮船三十隻由蔣壩三河下抵寶應高郵等湖往來巡防並酌添漁划協助兵船以杜賊匪竄渡所籌尚屬周妥惟水路兵勇必須陸兵協助方可聲勢聯絡總兵鶴齡見防衛陽安勇見防三河著王夢齡即行飛飭該總兵等與水路師船聯為一氣以期互相援應力遏賊鋒至江北統兵大員已諭令都興阿督辦江北軍務與袁甲三各軍互相聯絡矣清淮一帶地居衝要已降旨令王夢齡迅赴漕督署任著即妥籌布置督率兵勇鼓譟鄉團與水陸諸軍聯絡防堵毋稍鬆懈將此由六百里各諭令知之○子安徽殉難知州尹寶珪等祭葬世職○壬午諭軍機大臣等據高松年奏江南軍情益急江北餉需益絀並陳江防喫緊情形一摺據稱自丹陽失守以後賊匪四竄如丹陽辛豐諫壁大港等鎮圖山關皆被賊擾並擄船希圖北擾常郡萬分危急江南糧臺未知移退何地無錫有地名皇甫墩尙可扼守如賊再越此而南則蘇州更無險可恃著何桂清迅速妥籌扼要堵截見在江南逆勢猖獗惟恃長江可以阻遏水面艇船不少所有應發口糧每月約計在十萬兩以外江北糧臺所籌之款尙不敷揚州兵餉

而水師餉糧需用尤殷著節飭江南糧臺趕緊將此項口糧迅籌給發如在常熟縣設立糧臺則水師可由狼山對渡前往支領當此軍情棘手之時總期士飽馬騰力扼長江之險杜賊北竄並保全東南大局何桂清見守蘇州不能置常州於不問務與和春激勵軍心互相援應力圖規復迅掃逆氛見在軍情若何地方一切情形若何日久未見續有奏報著迅速詳細具奏以慰朕懷儻因道途梗阻文報難通即著探明路徑繞道前進或由常熟縣福山海口對渡通州從泰州泰興至高郵寶應一帶亦可馳遞北上著相度情形妥籌辦理將此由六百里諭令知之○諭前因逆首陳玉城在江浦糾合和州以西之賊意圖傾巢出犯當諭官文等令都興阿迅赴揚州六合一帶督辦江北軍務本日據喬松年奏探聞鎮江尚能固守賊於四鄉焚掠將入江陰境內且據有船隻希圖伺便以渡江北而擾瓜揚常州城外各營已潰郡城被圍無錫鄉間已有賊蹤等語江南大營潰退以後和春等退保常州情形萬分危急無錫爲蘇州屏障如賊再越此而南蘇州無險可扼東南大局將不可問曾國藩規取安慶頓兵堅城即使安慶得手而蘇常有失亦屬得不償失爲今之計自以保衛蘇常爲第一要務著官文曾國藩胡林翼熟商妥議統籌全局即令曾國藩統領所部各軍探明道路赴援蘇常以顧大局或未能深入救援亦可扼截江面以杜北竄其安慶等處並著官文胡林翼等嚴密防範毋令上竄將此由六百里各諭令知之○諭前據王有齡奏派兵勇二千三百餘名赴常州聽候何桂清等調遣復據張芾奏金陵大營失利派江長貴率所部二千餘人並由周天受於甯防選派精銳二千三百餘名赴常州何桂清赴蘇州籌防張國樞向無下落日久未見續報若如喬松年所奏是蘇常情形岌岌可虞亟應迅集援兵以冀挽回萬一著張芾飛飭江長貴統帶各軍星夜馳赴蘇常並著王有齡再行酌撥兵勇飛速應援不准稍有延誤如浙軍不敷分撥所有援浙之閩兵三千當已陸續趕到即著催赴蘇常以厚兵力江南大營潰退兵勇勢成渙散全賴皖浙兵勇救援張芾王有齡務當隨時偵探相機策應是爲至要將此由六百里各諭令知之○諭昨有旨令王夢齡馳往淮安妥籌布置茲據喬松年奏稱株守淮安一城仍無裨益請飭該署漕督駐於高郵等語淮安地當衝要於江北地方可以統籌兼顧若移紮高郵去揚州雖近而與淮徐一帶相去較遠地方事務情形恐有格礙喬松年既稱高郵南顧揚州北顧淮安該處地方較淮安尤爲扼要著王夢齡察看情形是否可以移紮斟酌辦理總期南北兼籌毋令顧此失彼將此由五百里諭令知之○諭江南大營自丹陽失守以後文報不通據喬松年奏稱九洲全軍撤退常州被圍無錫已有賊蹤鎮江之賊四鄉焚掠已入江陰境內且據有船隻意將伺便渡江而北等語見在和春等節節退守未能兼顧賊蹤北竄在在堪虞李若珠防剿江北是其專責著即整飭將士激勵軍心嚴密防守所有李德麟吳全美等師船均著歸該提督調度即著督令水師上下梭巡與楊載福師船聯爲一氣嚴防江面毋令賊船北渡擾及瓜揚並派兵扼朝天長六合一帶以固北路藩籬儻令匪蹤北竄朕惟李若珠是問決不寬貸懍之○命河南山東山西陝西各巡撫迅撥協餉解赴江北糧臺以備要需○癸未諭內

閣何桂清奏官軍失利見往常熟照料糧臺並自請嚴議等語兩江總督何桂清駐紮常郡爲策應大營後路乃自丹陽失守即思前往蘇州見又展轉退至常熟以照料糧臺爲詞希圖掩飾實屬長蕙無能有負委任何桂清著卽革職來京聽候審訊○諭軍機大臣等昨因常州被圍蘇城危急當諭曾國藩赴援蘇常扼截江面以顧大局本日據何桂清奏常州失利和春等退至許墅關何桂清退守常熟見在常州岌岌可危無錫又有賊蹤可以徑犯蘇城江南大局幾同瓦解曾國藩接奉此旨卽統率所部兵勇取道甯國廣建一帶徑赴蘇城相機兜剿以保東南大局毋稍遲誤遵劉子潯一軍所帶兵勇四千餘人頗多精銳見駐東流一帶地近江南卽飭令取道徽甯隨同赴蘇援剿知府蕭翰慶一軍見在規取池州亦卽飛調赴營隨同前進不得調回湖北致有貽誤此兩軍半係曾國藩舊部均歸節制必能得力此外湖南湖北兩省如有可調之兵並著官文悉心籌畫酌量調撥陸續進發以厚兵力江南糧臺遷移無定軍火缺乏並著官文等籌備餉精源源接濟目下軍情緊急曾國藩素顧大局不避艱險務當兼程前進保衛蘇常次第收復失陷地方重整軍威肅清醜類朕實有厚望焉將此由六百里加緊各諭令知之○諭據王有齡奏蘇常軍情喫緊請飭江西省分兵援應等語江南軍務自丹陽失陷後節節潰退和春已屯紮許墅關何桂清退至常熟常州未知能否固守蘇州亦岌岌可虞已命曾國藩帥師往援亟須厚集兵力以資攻剿所有劉子潯一軍已諭知曾國藩調往助勦著毓科卽飭該道員迅速前進此外如有可撥勁旅並遴委得力將弁管帶卽日馳赴蘇州歸曾國藩調度見在蘇州軍情緊急援兵口糧倉卒之間恐一時無從籌給並著毓科籌備餉糈毋使臨時缺乏之致成掣肘將此由六百里諭令知之○諭昨因蘇常危急諭令張芾飛飭江長貴統帶各軍馳往援應本日據何桂清奏常州失利退守常熟復據徐有壬奏蘇省危急催調各路援師各等語逆匪分撲常州城外各營相繼失守和春因賊匪鈔過東北不能進城見在退守許墅關雖未據和春奏報而賊勢猖獗兵勇潰散情形已不可問見在江南軍情萬分喫緊必須厚集兵力以保全大局徽甯兩防距江蘇較近著張芾卽飭江長貴統帶各軍飛速前往並著周天受將前派甯防兵勇一件交江長貴統帶馳往蘇常相機援剿不准稍有延誤蕭翰慶一軍已諭知曾國藩調往助勦著卽飭令迅速前進此外如有可撥之兵亦可酌量調往其廣建一帶地方緊要仍著周天受實力防剿毋令該匪分股闖入江南糧臺尙無定處著將所派兵勇應需糧餉先行籌備以利軍行而免貽誤將此由六百里各諭令知之○何桂清奏金陵軍潰丹陽已失和春退至常州軍務須歸督辦而蘇州尙無準備故臣赴蘇駐紮以繫民望乃撫臣徐有壬傳諭各門不准總督衙門之人入城屬臣在無錫望亭紮營不知臣本係積病之軀又非武將焉能打仗所部止有五百人又無鍋帳臣於四月初二日在無錫截留潰散兵勇二三千人次日卽聞常州失利和春許乃釗亦至許墅關和春遂親統截留馬步兵勇駐紮關上廣西提督張玉良在無錫紮營防勦總兵曾秉忠統帶長龍船七八十隻防無錫水路將帥既來責有攸歸矣至所帶銀錢業已用罄蘇州於所有兵勇糧餉軍火鍋帳一概不發和春之兵漸解散去而總理糧臺查文經不知移往何處風聞其在常熟臣與和春商議親赴該處備覓無蹤無餉可籌無糧

可支暫勇俱因次日常熱昭文二縣莫眾紳商議用印票借銀一千兩暫爲給發東南大局深恐難支得旨聞風先逃民望何在該大臣既抵常州有兵將聲勢自應更壯何異惹若此又批無異於程喬采之奔回長沙又批試問覓一糧臺委員願總督之事耶○命江西巡撫毓科撥擡槍五百桿鳥槍二千桿火藥三萬斤火繩五萬盤鉛丸五萬斤解赴浙江備用○賞前任侍郎曾國藩兵部尚書銜著兩江總督未到任前以江蘇巡撫徐有壬兼署○命江蘇布政使薛煥署欽差大臣辦理五口通商事宜○甲申諭內閣戶部奏軍需鉅款延不造報請旨飭催一摺廣東自道光三十年起本省軍需前後支應爲數甚鉅僅將二年動用軍需奏報一次餘俱係籠統約略之數其歷年防勦處所調派兵勇及動用糧餉若干並何員經理支放事越十載總未造報節經該部奏催置若罔聞以致漫無稽考實屬任意延玩見當經費支絀之時似此鉅款豈容日久因循著勞崇光著齡查明歷任司道及辦理軍務各員先行奏交部嚴加議處一面將該省疊次防勦處所支用軍需確實細數遵照歷奉諭旨按限分晰造冊報銷自此次嚴催後儘再藉詞延閣以及造報含混著戶部參辦以重帑項 曾國藩奏前奉諭旨命 臣等令都興阿酌帶馬步四五千入馳赴江北等再三籌商都興阿之軍須從皖北各營中抽調兵力已不能不分此刻安慶賊勢尚強 臣若盡撤以赴蕪湖甯國則桐城之師不能獨立該逆若再乘機上犯楚疆必將應接不暇 臣處自蕭啟江張運蘭撥赴楚蜀後不獨將領無獨當一面之才且兵力亦甚單薄難當巨寇目下賊勢全趨常蘇如常州不支斷非進攻蕪湖一著之所能牽綴者此 臣軍不能全安慶而趨蕪湖之實情也諭旨又以左宗棠戰勝攻取調度有方應否令其在湖南襄辦團練 臣查左宗棠剛明耐苦曉暢兵機當此需才孔亟或飭令辦理湖南團防或飭赴各路軍營襄辦軍務或破格簡用藩臬等官予以地方俾任籌兵籌餉之責均候 聖裁無論何項差使惟求明降諭旨俾得安心任事必能感激圖報有裨時局 臣前奏調蕭啟江張運蘭兩軍未蒙俞允蕭啟江見在援蜀勢難調回張運蘭駐防郴州見尚無賊 臣已咨商湖南撫 臣駱秉章如果軍事棘手擬再調其前來以厚兵力○上諭軍機大臣等前因蘇常危急諭令曾國藩帶兵赴援昨復降旨令其統率所部兵勇取道甯國廣建一帶徑赴蘇州本日據曾國藩覆奏賊勢全趨蘇常斷非進攻蕪湖所能牽綴所奏自係實在情形惟蘇常爲東南財賦之區必須力籌保衛以全大局輕重相權不能不先其所急楚軍既不能進攻蕪湖但於安徽一帶嚴密扼截亦足堵其上犯曾國藩見署兩江總督軍務地方均屬責無旁貸著即遵照前旨迅速馳赴蘇州相機援剿將此由六百里諭令知之○諭曾國藩見已有旨署理兩江總督令統率兵勇取道甯國廣建一帶徑赴蘇州相機兜剿該署督所部兵勇不多且統帶乏人恐不足以當大敵所有張運蘭一軍著駱秉章即飭赴曾國藩軍營聽候調遣湖南如有可調之兵亦著酌量調撥以厚兵力將此由六百里諭令知之○諭都興阿奏遵旨啟程馳赴皖北相機進剿一摺江南軍情緊急江北又無重兵賊匪北竄堪虞都興阿既赴首城著即與官文會商籌撥馬步各隊統帶啟程相機進取毋稍遲誤將此由四百里諭令知之○諭曹澍鍾奏在川官兵是否會商督臣調派抑專歸節制等語曹澍鍾見由粵西馳赴四川辦理軍務所有四川在事文武

以及各路兵勇自應歸其統率節制著即於行抵川境之日即行知各路軍營以一事權曹澍鍾歷任有年情形熟悉經朕特派專辦四川軍務尤當整頓軍旅妥善布置迅除醜類以保完善之區將此由六百里諭令知之○諭據戶部奏籌議伊犁放餉章程擬頒發官票試行等語伊犁各城欠餉近年愈積愈多若因地利以贍兵精亦裕餉之一策該處向有額徵地糧道光年間續墾新地已著成效該將軍等務當悉心查勘凡有閒荒可墾之處速為開墾惟此項工本無出若照皖豫餉票捐輸章程由兵餉放出官票再於捐項收回所收捐項作為捐輸開墾工本分次請獎以濟餉需著即照該部所請頒發官票四十萬兩交扎拉芬泰等文放該將軍前以放餉三成兵食不敷請俟十一年以五成估調今既有頒發餉票所有伊犁及各城兵餉著提早一年自本年為始於三成實銀外先加放官票二成共為五成抵發舊欠以示體恤如餉票流通不但開墾有資且與兵食有益該將軍等務當妥為籌辦將此諭令知之○命兵部郎中左宗棠以四品京堂候補襄辦雲南江總督曾國藩軍務○乙酉和春奏馳抵丹陽探聞逆匪將以全力來犯當即函致張國樑帶兵前來時張國樑在鎮江收集潰兵二萬數千名以一萬餘名歸總兵馮子材留防鎮城自帶一萬三千人於閏三月二十三四兩日先後分起到防張國樑於二十五日出城踏看地勢值久雨路滑坐馬倒地壓傷甚重仍日與在事鎮將悉心籌畫無片刻閒祇以賊信愈緊二十九日帶傷營隊於東南添築營壘而令王浚龍天喜於營前五里外黃土橋地方分左右兩翼整隊以待黎明大霧該逆冒我旗幟數道並進突至王浚軍前搏戰約一時許斃賊無數王浚中槍墜馬殞命賊遂乘之其眾大亂燕天喜見右軍已潰即行馳救復被包鈔遂持短兵殺賊甚厲亦以力竭陣亡張國樑見前軍皆敗賊已盡擁前來立即督隊擊退數里斬賊不可勝計而逆援愈聚愈多自寅至午相持五時之久詎料另股逆匪見城西土山可以俯瞰全城環攻我營退而復進者十餘次遂於午初為其所破即又下山進犯西門長橋副將蔡其榮禦於橋上賊不能進旋因中槍落馬賊遂過橋直抵城圍城上居民拋擲礮石呼噪殺賊而土山之賊以礮俯擊城上守陣兵不能支賊即梯城而上城中大亂等見城不守惟有退保常州尚可屏蔽蘇垣遂與許乃釗出城東門張國樑見西城上已豎賊旗知不可為亦即上馬擬過東門長橋與等會戰而潰兵壅阻馬不能行賊已追及即策騎躡水而過河深人眾逐沒於水與許乃釗於三十日抵常州與督何桂清會晤何桂清次日即離常州提張玉良總兵馬德昭於常州東南一帶度地紮營惟西北尚屬空虛恐為所乘抵常之日聞賊已竄奔牛鎮屬張玉良收集潰卒營於西北初二日賊以數股來犯東南以大股步賊攻西城張玉良親自帶兵往援屢戰良久見眾寡不敵賊由西北竄近即親督小隊馳援乃未及接仗忽有槍子飛中胸前幸未墜馬賊騎已鈔至東路營盤盡失欲回城而門已閉城內僅守兵千餘與民同守等不得已已在無錫清明橋隘口速收潰兵以圖內固錫邑進援常城張玉良已在離無錫城二十里之高橋及十里外之黃埠墩等處修卡築營並又檄調候補道史保悠所募巢湖義勇三千名俟到防後兵力稍足即當進援常州查常州城內米糧火藥向多民心固結尚能守禦惟恐為日過久力難支持幫辦軍務江南提張國樑慮勇謀略冠絕一時屢

清自丹陽失守卽已膽落立思逃避經常州紳士涕泣慰留乃何桂清突開東門而出其紳民耆老跪留者竟被兵丁擊傷多名逃避至常熟之十里亭所帶親軍在彼放火劫掠種種情節實出情理之外何桂清自丹陽失守後既不能固守常州阻遏兇鋒以總督重臣輒思逃避且於士民涕泣挽留尙忍心害理擊傷多人以冀脫逃縱容親軍放火劫掠震動地方見在常州紳民尙能登陣固守而該督節節退守置地方民生於不問實屬殃民誤國何桂清著卽率問交徐有壬派員押解來京聽候審訊○諭徐有壬許乃鈞各奏督師大臣擊賊傷亡並代遞遺摺懇恩賜卹各摺片欽差大臣暫署江南將軍和春督師江南前因金陵大軍退守鎮江當經降旨將其革職仍暫署理江南將軍雷於江南督兵以觀後效茲據徐有壬等奏逆匪攻犯常州府城和春親自帶兵迎敵胸前重受槍傷衝圍而出火毒內陷嘔血身亡和春自廣西轉戰數省由安徽至江南數載以來戰功卓著茲雖兵機屢挫尙能血戰捐軀殊堪憫惻和春著開復革職處分照將軍例賜卹以慰忠魂尋予祭葬世職諡忠壯○諭曾望顏奏各路官軍剿賊大勝一摺四川逆匪分股從止戈場等處直竄洪雅經署重慶鎮傅現等過河截剿羈縻甚多閏三月二十六二十八等日賊匪乘筏渡河分竄三寶寺等處參將馬旭林等會合進攻提督占泰派令守備唐友耕等帶領兵勇由夾江渡河迎剿當將雙福場收復追殺十數里生擒偽總統李興發等多名正法梟示占泰探知賊匪圍撲義眉隨卽督隊馳往疊有斬擒踏平賊壘城圍遂解藍逆退踞大廟山大佛寺一帶築壘抗拒我軍分路進擊遊擊琦克坦泰一軍將賊營全數攻毀斃賊一千餘名生擒一百七十二名內有偽統領王和尚等十五名其竄擾樂山縣等處賊匪亦經各處兵練隨時截剿斃賊不可勝計辦理尙爲得手著飭各處帶兵大員乘勝進攻毋畱餘孽○諭軍機大臣等本日據徐有壬奏督臣節節退守並賊偏蘇省和春傷亡各摺片又據許乃鈞奏請簡放統兵重臣等語前因蘇常危急命曾國藩署理兩江總督統帶兵勇由廣建馳往救援並諭張芾周天受飛催各軍星夜馳援兩湖官兵亦諭官文酌量調派惟各路援兵一時未能趕到徐有壬惟當激勵兵民固守蘇州張玉良見在無錫高橋地方駐紮著卽收集潰兵奮力攻勦總須在蘇州之北擇要截擊兼可護援常州方爲妥善該提督見署欽差大臣關防所有楚皖援兵及王有齡所派之兵均歸其節制卽設法妥爲布置以期保全蘇常是爲至要將此由六百里加緊各諭令知之○諭本日據徐有壬許乃鈞奏和春受傷身故蘇州危急情形各等語見在常州被圍賊偏蘇州鎮江一城關繫緊要恐該逆乘虛竄擾著巴棟阿實力防勦勿稍疏失江甯將軍已降旨令魁玉署理著巴棟阿知照令其收集滿洲官兵會同駐守鎮江協力防勦務與張玉良互相關照聲息相通以免貽誤見調各路援軍當可陸續趕到蘇常勦辦得手則鎮江愈形喫重巴棟阿務當會同魁玉激勵防勦各將弁悉力固守相機截剿是爲至要將此由六百里諭令知之○諭本日據傅振邦奏陣擒巨逆痛挫賊鋒等語逆首李大澂與張龔一逆同時糾眾膽敢分列五旗實屬罪大惡極該提督以該逆願招所屬趙浩然等三十餘圩暫行幽禁意在勦撫兼施惟此輩狼子野心深虞反覆果能設計攻取各圩原可省我兵力若所言未足憑著卽立正典刑毋貽後患將此由六百里諭令知之○諭本日據玉明奏沿船在山

東洋口被夷船搶掠該夷復在船濱放礮位並有夷船二隻向青泥窪行駛各等語據稱金州和尚島口外有火輪船一隻停泊並江南金禾康等商船在山東洋面被劫初八日該夷火輪船一隻向東南洋駛去復有該夷劫來丁游船一隻與前劫商船一隻停泊據被劫船戶登岸聲稱由上海裝運漕米行至威海城山頭被火輪船截搶帶至青泥窪口原人俱令登岸每商船有夷人五六名並不交給原票前後共劫去商船六隻並將船身另塗白色欲改修火輪船帶赴天津打仗該夷復在船濱礮驚駭鄉民又有白布蓬船一隻四桅重疊蓬大夷船一隻向青泥窪行駛等語該夷截搶漕船塗改船色扣留商船原票情殊巨測難保非漢奸假稱被劫商船登岸窺探虛實更難保該夷不藉此船隻潛載夷兵扮作商船執持照票濶入各口隨處埋伏蓄格格林沁等密飭將舟嚴為防備俟漕船進口時嚴密盤查庶免墮其奸計將此諭令知之○諭玉明奏漕船在山東洋面被夷船截搶並在青泥窪游駛瀆放礮位等語該夷肆其凶悍情殊巨測著玉明嚴飭西拉布加意嚴防如該夷非大隊登岸深入滋擾不可先行開礮致該夷有所藉口其濱海口岸並著玉明嚴飭隨時豫防不得稍形疏懈該船戶裝運漕米有無押運弁兵原領票照又被夷人扣留無憑查驗難保非奸細假冒登岸窺探更難保不藉此船隻持票濶入各口尤應確查嚴備著西拉布傳齊被劫船戶水手逐層盤詰務得確情並飭沿海各口弁兵遇有商船停泊加意盤查毋墮奸計將此由五百里諭知玉明並傳諭西拉布知之○何桂清奏和春濫逝兵勇解體大局搖動非書生所能支持得旨平時無事侈談彼短一旦決裂尚不自知認罪猶以書生自居可歎可恨殊有負書生兩字○幫辦軍務四品京堂許乃釗奏張玉良在無錫擊賊獲勝情形得旨張玉良雖未大勝究可望其漸能鼓勵軍心○命廣西提督張玉良署欽差大臣督辦江南軍務○子江蘇陣亡湖北提督王浚祭葬世職諡勤勇安徽壽春鎮總兵宮熊天喜祭葬世職○子雲南陣亡訓導丁榮善等祭葬世職○丙戌巴棟阿奏大股逆匪竄撲鎮城經官軍擊退日則潛伏山坡夜則時張燈火見我城守嚴密未敢近前臣與在城文武竭力固守由總兵馮子材副將何奎勳帶兵勇分投追剿鄉團隨同兜擒斬獲甚多該逆由丹徒馬陵竄往吳家橋大港一帶孟河近在咫尺賊又窺伺常州據逃出難民供稱賊因鎮江防守甚嚴計無可施意圖先竄蘇常另調悍逆傾巢回撲合無仰懇天恩迅飭各路統兵大臣飛調雄師數萬取道鎮江會合攻剿以遏兇鋒上諭軍機大臣等本日據巴棟阿奏逆匪竄撲鎮江官軍擊剿獲勝見已解圍賊由丹徒馬陵遁去並探聞有調另股悍匪傾巢來撲之信請派兵往援等語此時張玉良尚駐常州以南恐難兼顧鎮江賊匪去而復至實在意中鎮江設有疏虞則瓜揚益難固守著李若珠勤加偵探如逆匪果再竄擾鎮城即行派撥水師前往實力援剿不得稍存膜視其江面上下游仍督同李德麟吳全美等會同楊載福水師嚴密校巡毋稍疏懈致賊北渡至天長六合等處逆寇亦正鴟張揚州防剿極關緊要李若珠駐紮該處責無旁貸務當督率弁兵認真守禦相機攻剿是為至要○戊子諭軍機大臣等本日據玉明奏金州海口疊見夷船劫雷商船並搶劫銀兩一切情形又據文煜奏夷船圍截漕船商船見在暗為防範各一摺沙船運米到津前數月未聞有被火輪船搶劫之事何以此時紛紛被劫且

有致斃人命之事實堪詫異難保非冒充英佛之人所致著薛煥一面照會英佛二國查詢如係該國之船務須嚴行禁約免起爭端儻有別國冒稱英佛二國者中國無從辨別即由該二國查明照覆一面飭令商人仿照前次該夷欲截漕船眾商與之爭論之意向其理論爾等既絕我等生計只好從此罷市薛煥須相機從中調處斷不可令其決裂是為至要將此由六百里諭令知之○山東巡撫文煜奏遵查劉一舉即劉業居江南宿遷藉端需索乘機搶劫並分咨會鞫情形得旨著即飛咨王夢齡嚴密查拏東省亦勿得稍分畛域一體協緝○己丑諭軍機大臣等前因江南軍情危急特命張玉良署理欽差大臣關防總統諸軍所有各路援兵悉歸節制本日據毓科奏探聞蘇常軍情緊急已派駐防浮梁吉安之副將文瑞劉芳貴等帶領兵勇共三千八百餘名馳往蘇省援剿並據張芾奏已商令蕭翰慶一軍馳赴甯國取道廣德馳援蘇省各等語以上各項援兵並前次派令赴援之江長貴所統各項兵勇計已陸續到蘇徐有壬毋得擅行截留即著催赴張玉良大營聽候調遣分撥各要隘並令克復各城張玉良總統諸軍著該提督於各營得力鎮將內遴選一人具奏作為協理軍務計乃劍係屢經獲咎之員著即撤去幫辦仍留於張玉良軍營辦理文案糧臺見在移設望亭仍著查文經督辦應需兵勇口糧即著徐有壬源源接濟聞蘆鳳道蕭盛遠前在和春軍營聲名甚屬平常著先行撤任交張玉良徐有壬詳查該員劣蹟嚴參懲辦毋許仍留大營至蘇郡見有兵勇總須於城外多紮營盤以資策應毋得聚守城中致蹈杭州覆轍將此由六百里各諭令知之○以建平縣城被賊竄陷張芾下部議處○辛卯諭軍機大臣等本日據何桂清奏兵勇再集再潰宜擇要堵扼又據庚辰奏江南猝遭蹂躪江北亦萬分危急各一摺前降旨令張玉良署理欽差大臣節制江南各軍見在無錫兵勇復潰張玉良已赴蘇州鎮江瓜州督息已隔水師無人統轄江陰文報亦復阻絕艇師紅單各船自大營潰後餉道不通據何桂清奏宜在常熟福山一帶扼守江海要區以通消息並設立糧臺以濟水師庚辰亦稱艇船因南路不通無處領餉水師各船原以扼截江面若糧餉不繼勢必渙散張玉良既總統各軍亟應力籌全局設法疏通餉道俾水師得以保衛瓜鎮一帶福山口路程迂遠尚恐緩不濟急本日已諭喬松年先行就近接濟水師軍餉徐有壬仍當亟籌餉需接濟水陸諸軍不得專恃江北接濟又據庚辰奏六合之賊已竄至揚州西北公道橋地方築壘並在高郵對湖之菱塘橋打館窺伺李若珠近在揚州自應迅速堵剿儻該革提督不勝重任即著張玉良另派得力大員接辦揚州軍務毋得瞻徇情面致誤大局本日已諭王夢齡調兵進剿公道橋一帶賊壘惟兵力尚單必須添兵策應並著張玉良斟酌辦理將此由六百里加緊諭令知之○諭本日據何桂清奏水師無人統轄又據庚辰奏江面艇船因南路不通無處領餉各等語前諭李若珠督飭李德麟等師船於江面梭巡毋令江南賊匪北竄見在大營潰退餉道不通若不急籌接濟水師恐有渙散之虞揚州兵勇多調赴江南所有江北糧餉諒必之餘著喬松年迅速籌撥水師兵餉源源接濟毋許藉詞推諉致有貽誤並著李若珠慎遵前旨督飭李德麟等嚴扼江面以杜該逆北竄據庚辰奏六合賊已竄至揚州西北之公道橋地方築壘並在高郵對湖之菱塘橋打館窺伺李若珠近在揚州何以置若罔聞本日已

諭王大臣調兵進剿著李若珠即親督兵勇奮力會剿毋得觀望遷延致干重咎○諭本日據庚辰奏六合之賊兩路竊伺意極匪
測江北襄下河向爲完善之區見在潰敗兵勇及逃來難民不下數萬餘人深恐羣聚滋擾等語清淮一帶原有安勇鶴齡帶兵防
守蔣壩衛陽以防賊匪內竄茲六合匪徒已至揚州西北之公道橋及高郵對湖之菱塘橋打館是賊已內竄即可直達清淮雖守
蔣壩衛陽亦屬無益著王夢齡迅速馳赴淮安即於安勇鶴齡兩軍內抽調一軍飭令前赴揚州設法攻毀公道橋等處賊壘並將
菱塘橋打館賊匪擊退以消內患至王夢齡應駐紮何處仍著酌度形勢辦理將此由六百里加緊諭令知之○諭有人奏杭州北
新關爲商賈輻輳之區近來弊竇叢生自南關至北關穿城二十餘里河流狹小關吏勒索五日十日滿限之例故使笨船閘擁貨
船不得速行一經滿限雖南關已經報稅北關仍復重徵自北而南亦如之以致行商裹足等語杭城甫經收復籌餉之要自以通
商爲第一若如所奏重徵苛斂悉飽私囊商販不通於國課餉精大有關係著王有齡卽飭該關監督嚴密訪查如有前項弊端卽
行嚴拿懲辦又稱前湖南道員署按察使俞焜炳中擊賊被戕最烈前任兵部侍郎戴熙與其弟廩生戴熙投水殉難仁和縣知縣
李福謙在圍城中偵知賊空地遁奔告巡撫司道請兵護城皆不爲意憤極自盡貽書當事俱未之信未幾而城遂陷孤忠苦節深
堪憫惜著王有齡查明該員等死事情形奏明請卹此外同時殉難人員著一併查明奏請旌卹以慰忠魂將此由五百里諭令知
之○張芾奏皖浙毗連未敢撤防前赴江浙得旨前已有旨令汝仍駐徽防見雖有徐有壬王有齡咨令援浙惟徽甯之防遽撤實
於大局攸關止可催江長貴等援兵迅速前往以濟眉急○江西巡撫毓科奏接濟兵餉動撥道庫並各屬正項漕折等款銀數得
旨邊防所需何至動輒二十餘萬一飭協濟鄰封則備陳苦狀若果爲保衛地方起見他省何異於本省可見未必實濟於兵勇影
射彌縫甚且侵蝕可勝言哉著戶部查覈該省兵勇數目認真覈議具奏若具報兵冊遲延不必再催卽行參奏○壬辰賜鍾駿聲
等一百八十三人進士及第出身有差○諭內閣前浙江巡撫羅遵殿殉難杭城當經降旨照巡撫例從優賜卹茲據御史高延祐
奏封疆大吏誤國殃民百身莫贖請撤銷卹典等語羅遵殿城破捐軀妻女同殉是以給予優卹嗣又博採眾論皆言杭州賊已攻
城該撫不肯出一軍抵禦坐待省城失陷城中男婦死者以數萬計覈其情節實屬一籌莫展貽誤生民所有羅遵殿卹典著卽撤
銷至伊妻伊女同時殉難應得旌典仍著瑞昌王有齡查明照例辦理○諭李若珠奏天長六合賊匪撲犯瓜揚當經擊退等語四
月初六日逆匪分三路來撲揚州一由陳家集圍竄揚城一由東溝圍竄瓜州一由僧道橋紮筏意欲偷渡邵伯經李若珠調上游
總兵李德麟所部礮船派副將王萬清調遣初七日參將詹啟綸帶馬隊由三汊河進剿會同團練乘賊不備驟馬殺入賊眾奔逃
十一日詹啟綸復由黃珏橋中路直擣賊巢副都統海全由楊歐壩右路進擊副將劉成元由陳家集左路分鈔該逆先出五六千人抗
拒我師詹啟綸輕騎直前所向皆靡當將賊營兩座及木城同時焚毀海全等橫斜截擊直追至陳家集地方始行收隊共生擒長

髮賊四百餘名分別正法辦理尙爲得手仍著設法進剿陳家集踞匪母稍稽延○諭軍機大臣等前據袁甲三奏已派副將黃開榜等礮船由蔣壩三河往來巡防高郵寶應等湖杜賊竄渡茲據李若珠巴棟阿各奏探聞常州無錫江陰疊陷於賊蘇城危在旦夕等語金陵官軍挫退後再集再潰和春因傷殞命張國棟亦存亡未卜何桂清棄常州不守曾國藩尙未具奏啟程日期張玉良新署欽差關防一時未能驟振軍威江南大局甚爲棘手江北六合之賊竄偪揚州公道橋等處雖經李若珠擊退而賊勢甚張袁甲三見駐臨淮剿辦皖北賊匪與清淮密邇儻淮揚一旦告警著即設法撥兵救援以保大局將此由六百里諭令知之○諭本日據李若珠奏揚防喫重情形並請飭吳全美所帶艇船停泊狼福兩山等處又據巴棟阿奏常州江陰相繼失守各摺片逆匪自竄陷丹陽以後一由奔牛直趨常州一由丹陽竄丹徒偪近鎮城復沿江繞戴港諫壁圖山關各口岸以致南北文報不通鎮江爲南北咽喉前據巴棟阿奏官軍擊剿獲勝府城解圍當諭令李若珠勤加偵探如果逆匪再圖竄擾卽行派撥水師實力援剿見在賊勢猖獗難保不傾巢再撲惟江南無兵可調著巴棟阿會同馮子材向奎等協力守禦與李若珠聲勢聯絡以遏賊匪北竄之路李若珠駐紮揚州督辦江北軍務見在防剿喫緊之際責無旁貸况既有薛成良一軍八千餘名加以揚防兵勇數已逾萬卽著督率弁兵認真堵禦力遏賊氛以維東南大局所謂吳全美艇船二百餘號著准其調赴狼山福山等處擇要停泊毋令賊匪由江陰等處北來肆擾並以疏通餉道其李德麟師船仍留江上梭巡以防江南竄匪嗣後蘇常賊勢稍鬆仍將吳全美艇船調回著李若珠相度情形妥爲籌辦將此由六百里加緊諭知李若珠巴棟阿並傳諭吳全美李德麟知之○山東巡撫文煜奏福山縣於本月十九日有自稱佛國兵船至煙臺山下約有三四千人各執器械上岸占住民房卽於山上紮營並張貼告示尙不滋鬧見選長於詞令之員妥爲開導奏入諭薛煥切切開導悉心籌辦○以揚州剿賊出力開復福建陸路提督李若珠處分○癸巳諭軍機大臣等前有旨令曾國藩統領所部各軍取道甯國廣建一帶徑赴蘇州相機兜剿並令都興阿速赴江北督辦江北軍務本日據瑞昌等奏蘇州於四月十三日失守請飭催曾國藩剋日統師東下等語見在江南遭此蹂躪糧餉無款可籌著官文胡林翼妥速將各軍應需餉糧寬爲籌備一面遴委委員撥解曾國藩軍營一面卽籌款交都興阿帶赴江北此後並須源源接濟毋令缺乏以次攻克蘇常維持東南大局是爲至要將此由六百里諭令知之○諭本日據瑞昌奏蘇州失守請飭曾國藩來浙督辦等語江南軍務自和春身故大營兵勇全行潰散不獨不堪任使並且擾害民間非有勁旅不足掃蕩賊氛張芾派江長貴帶兵二千七百名蕭翰慶帶兵四千名周天受派劉仁福帶兵二千名毓科派文瑞劉芳貴帶兵三千八百餘名皆係赴援蘇常之軍據瑞昌等奏江蘇潰散兵勇紛紛南下已諭令該將軍等飭張玉良截留認真簡汰惟賊勢飄忽異常官兵能否抵禦尙未可定著曾國藩卽遵前旨兼程前進由浙赴蘇會同瑞昌調度各軍昨據張芾奏溧陽股匪復陷建平進犯甯國此路如有梗阻務當設法繞道以免耽延將此由六百里加緊諭令知之○諭本日據王有齡論於年等奏蘇州失守張玉良退至杭州江南全勢已成糜爛江北六合之賊竄擾

揚州僧道橋地方雖經李若珠奏稱擊退而賊勢正張江南逃潰兵勇難民紛紛渡江又恐南岸逆匪乘此紛擾與六合天長之賊合成一片辦理益難著手李若珠近慮風痺聞已不能得力都興阿曾經具奏啟程著速統帶馬步諸軍馳往揚州等處擇要扼紮力籌堵剿務使天六之賊不得與江南賊勢聯合其江面水師斷賊北渡尤爲緊要必須設法調度水陸互相策應毋致長江之險盡失鎮江與揚州隔江聲勢相倚都興阿到江北後亦應聯絡一氣探明蘇常確實情形相爲策應曾國藩見署兩江總督未知何時始能趕到並須隨時偵探明悉具奏方能胸有全局通籌辦理力固北路藩籬也將此由六百里加緊諭令知之○諭本日據瑞昌等先後馳奏蘇省被陷張玉良退回杭州請催調援師各摺江長貴一軍已由湖州至平望去蘇不過數十里王有齡何不催令赴蘇乃合在平望相機前進以致援兵不至蘇州失陷實屬誤事此時瑞昌已總統諸軍即著飭令江長貴及蕭翰慶各軍星夜前進迅圖克復蘇州毋稍延誤江蘇潰散兵勇紛紛南下到杭者已有一二萬之眾著即令張玉良認真簡汰挑選得力者統帶前行毋使流爲匪類杭州城守事宜即著副都統來存會同王有齡督辦另撥兵於嘉興平望一帶扼要設防以保浙疆將此由六百里加緊諭令瑞昌王有齡並諭江長貴知之○諭前命曾國藩署理兩江總督尚未據奏啟程已降旨令薛煥暫署惟見在上海辦理夷務正當喫緊之際薛煥未可遽離而蘇常猝遭蹂躪其餘各屬地方應如何籌防籌剿之處及收集兵勇籌備各路援兵糧餉軍火均屬萬分緊要著薛煥即在上海地方悉心籌辦務飭各屬地方官聯絡紳民同心禦侮毋令該逆再陷完善之地將此由六百里加緊諭令知之○諭本日據喬松年奏蘇州危急並探聞蘇城失守各一摺見在京營勁旅萬難遠調已諭曾國藩等帶兵前進江北軍務緊要李若珠病體雖未就痊昨因僧道橋等處獲勝責令實力防剿荊州將軍都興阿統帶各軍計日亦可馳抵揚州並令王夢齡迅赴淮安撥軍來揚助剿是江北兵力足資堵禦該運使所奏水師艇船無從出已交戶部速議具奏矣遇賊北竄全恃江面水師不可聽其潰散喬松年當遵前旨先行設法放水師兵餉毋得存推諉○兩淮鹽運使喬松年奏大江南北賊勢愈熾而英人志在覬利尚非壹意構兵請暫主撫議得旨速就撫局原屬正辦若藉資夷力後慮無窮○先是安徽巡撫翁同書奏皖北軍需餉餉不濟請覈議籌撥以顧大局當交怡親王載垣等會同軍機大臣戶部議奏至是奏稱該撫軍營餉需撥款每月不下十餘萬兩除趕令山西陝西河南三省於月協二萬兩外按月帶解一二萬兩仍限半年將欠款全數解清惟該營兵勇共有若干安省地漕開稅捐輸抽釐每歲共有若干請飭令查明奏報至恩錫摺內所陳一切情形止極言欠餉之弊不暇顧理之所安顯係暗受屬使尤屬非是請將署按察使恩錫交部議處從之○以兵勇潰退革署欽差大臣廣西提督張玉良職仍留營差遣命杭州將軍瑞昌總統江南軍務署湖北提督江長貴幫同辦理○以薛煥暫署兩江總督○命江西福建各督撫速籌餉銀解往浙江以備要需○改江蘇靖江縣暫隸通州○是月緞綏江西奉新等三十二縣被災被兵地方新舊額賦

五月甲午朔諭軍機大臣等有人奏近京直隸州縣及與豫東接壤各屬時有盜匪劫掠雖疊經參奏責緝而未經呈報者甚多恐與敗逃捻匪句結致煩兵力請飭直隸總督責令地方文武於所屬地面各仿鄉約保甲之法變通行之訪其窩藏察其形迹懸賞購緝設法密捕並責成道府鎮協時加查考定以限期有成效者保擢無成效者參劾以清盜源等語畿輔地關緊要豈容盜匪肆行無忌恆福於失事各州縣等雖疊經參辦有案續報緝獲者甚屬寥寥可見該督徒以一參了事地方官仍屬漫不經心其未經舉發者諱飾彌縫皆所難免即著該督嚴飭所屬文武舉辦保甲實力稽查一經訪有匪蹤即會督兵役密速按捕務期淨絕根株勿致養癰貽患其接壤豫東各屬尤應認真查拏以免與捻匪句結致煩兵力僅有陽奉陰違視為故事以及有心諱飾規避處分用恆福務即嚴行參辦毋稍縱其如何責成道府鎮協時加查考予限責效以免有名無實並著斟酌妥辦具奏原片著鈔給閱習再據御史朱潮奏都城大錢日形短絀緣直隸匪徒多以私銷為業以致民困益甚等語已諭令步軍統領衙門順天府查拏究辦仍著恆福曉諭各屬儘查有私銷匪犯即著密速嚴拏盡法處治毋任漏網以重國法將此諭令知之○何桂清奏前赴上海商借夷兵得旨蘇垣保固尚不可借用夷兵今事已至此何事可商巧藉一避賊之地耳○甘肅肅州鎮總兵官李世忠奏謝投缺恩得旨汝自擢用以來屢挫賊鋒實堪嘉尚汝部下人數眾多並妥為彈壓勿致累汝聲名○袁甲三奏欽奉諭旨飭將苗沛霖因何與皖軍不睦密查具奏查川北道苗沛霖帶練西勤係於鳳陽未經克復之先偵知北路捻匪希圖分竄與該員妥為計議俟克復鳳城後分撥勇練駐紮毫境之高家寨繞出賊巢之西設法牽制以杜竄擾豫疆並函商河南撫瑛榮代為籌糧屢准瑛榮函覆籌有款項每月買糧三千石陸續運赴高家寨交收備用慶廉到任復加函請與勝保再為籌畫乃接到覆函以為非計前議頓寢不令苗練西行維時宿營攻期閩圩沙北攻期程圩均值緊要隨飭苗沛霖分練協勤其協勤宿營則歸傅振邦督率協勤沙北則歸翁同書督率並以該練在皖豫之交面請勝保就近調度此苗沛霖帶練西勤係與各路籌商並未專令歸調遣之實在情形也今捻首李大澆就檢閩圩得手潘四雜髮投誠各圩捻首均有自拔來歸之意亟宜乘此聲威勦撫互用勝保既擬馳赴鹿邑檄調苗沛霖面投機宜正與原議相合必能妥籌兼顧迅掃皖豫賊氛至此苗沛霖因何與皖軍不睦實莫測其蘊見復遵旨嚴密訪查苗沛霖曾因買鹽過卡誤疑派辦營務之道員徐曉峯令其捐釐又翁同書在穎郡代為籌糧萬石該員不甚滿意或因此指為不睦亦未可知報聞○以焜煥為江蘇巡撫仍暫署兩江總督○乙未諭內閣參員許告上司定例立案不行其有情節較重或牽涉賊私不得不加以查辦惟審訊既屬虛誣則挾嫌陷害之人自應從重懲治以昭平允嗣後各直省參員許告上司者除立案不行外其有欽派大員審訊因誣告而罪擬徒流者均不准贖罪因有賄和而被革職者亦不准捐復以儆官邪而懲刁健○諭軍機大臣等本日據崇實奏署四川總督曾望顏不諳軍旅年衰偏聽聲望迥非昔比見在各股逆匪勢已窮蹙可以指日肅清乃該署督措置乖方以致人心解體肅政見統楚勇到川軍務正當緊要請飭曹樹鍾即來川統籌全局勉

期進勒等語蕭啟江一軍既經抵蜀自可乘此聲威除羣醜但該員資望較淺恐與該省統兵大員彼此不相聯絡望顏調度
既未合宜轉多掣肘曹澍鍾前奏擬於四月下浣啟程前進著卽星馳赴蜀毋得遲延到省後仍著提調各軍掃除逆匪以靖疆圉
而副委任將此由六百里諭令知之○諭翁同書奏江北應行設防並籌畫淮揚餉需一摺據稱揚郡裏下河應行設防者有三汊
河沙頭萬福橋邵伯鎮四處三汊河有高阜可據沙頭有江汊可防萬福橋有寬河可恃邵伯鎮有運河可限支港重湖可憑此數
處防兵不可空虛至兵勇餉需有江北地漕釐捐可用又裏下河商賈輻輳富庶倍於往時從前雷以誠勸辦畝捐一年可得制錢
三十餘萬撥資成州縣辦理不設委員可無擾民之事加以裏下河各州縣商賈捐輸若增兵萬餘扼守裏下河要害經費有盈無
細等語裏下河爲江北精華糧米充裕且可爲揚郡屏蔽自宜分守要隘以防賊匪竄來商民逃散著李若珠卽行酌量情形添兵
扼守毋令完善之區再爲賊擾至應徵餉需既有裏下河畝捐及商賈捐輸可資接濟著王夢齡卽於抵淮後與喬松年妥爲籌商
際此經費支絀之時該署漕督等亟宜竭力圖維毋得推諉遷延務期裕軍食以利攻取翁同書原摺著鈔給閱看將此由六百里
諭知李若珠王夢齡並傳諭兩淮鹽運使喬松年知之○于安徽殉難在籍通判劉星杓等祭葬世職○丁酉諭內閣前因禮部尚
書麟魁呈遞謝恩摺二分續經撤回一分當將麟魁及奏事官瑞芳交部議處茲據吏部遵旨具奏麟魁已將奏摺呈遞復向奏事
處私行撤出實屬有違定例著照部議降三級調用不准抵銷奏事官內務府員外郎瑞芳於呈遞摺件聽從撤出亦屬非是著退
出奏事處卽照部議降二級留任准其抵銷○諭軍機大臣等前據瑞昌王有齡奏蘇城被陷張玉良退回杭州業經諭令瑞昌迅
督諸軍克復王有齡量爲籌濟餉需矣本日復據瑞昌王有齡奏續陳近日各路軍情並招集江南兵勇勉籌布置一摺此次蘇州
失事固由於兵民互鬪潰勇附賊而江長貴一軍稽留平望吳再升蕭翰慶等軍尙在廣德以致鞭長莫及蘇城被陷其督催不力
之處不可謂非王有齡之延誤見在蘇城既失逆鋒方張蘇浙連界郡縣亦處處喫緊亟應痛加勦洗以免蔓延瑞昌見已總統江
南諸軍江長貴亦已幫辦軍務所調各路援兵爲數不少計已陸續雲集著瑞昌迅卽督帶兵勇馳往蘇省會同江長貴調派各軍
乘賊勢未定之時力圖規復毋令日久負隅並著王有齡速將江南潰散兵勇催令張玉良等趕緊招集認真裁汰管帶前往以厚
兵力其杭城防守事宜仍著王有齡會同來存安籌布置毋稍鬆懈再據奏蘇州以北道路不通前摺已由上海轉遞如不能達卽
改設驛站繞道江西等語見在上海文報可通以後如有梗阻其應否由江西繞道之處著王有齡酌量辦理將此由六百里加緊
諭令知之○諭勝保奏道員苗沛霖屢請赴穎督勦並孫葵心乞降見已派員辦理等語並將苗沛霖及阜太士民稟函鈔錄呈覽
勝保督師皖北時苗沛霖曾歸調遣此時謂盼望該副都統前往穎州未必非世故周旋之語該道以團練勦匪疊經保舉擢至道
員此時感激圖報無非爲朕出力勝保豈得以此市恩苗沛霖亦豈得以此歸功勝保耶卽著勝保飭知苗沛霖以皖豫兩省勦擒
雖各有統帥實則共辦一事該道員惟應聽候調度認真攻勦果能績著勞績袁甲三等豈能不以上聞不應以該副都統之到穎

與否鯁鯁過慮勝保經朕簡任督辦豫省防勦原應不分畛域惟豫省團練向未就緒自當先固豫疆徐及皖境乃屢以該道員等稟辭上瀆是何居心好大喜功舍近圖遠是該副都統受病之處前在皖北督師以此挫敗尚復不知悔悟必致再蹈愆尤至孫葵心乞降狼子野心未易馴服是否出於真誠未敢深信若能殺賊自贖立功來歸再當斟酌辦理該副都統既派知縣黃殿楨等前往招撫惟應嚴飭該員等慎之又慎不可輕率從事致貽後患將此由六百里諭令知之○諭曹澍鍾奏請飭湖南防兵就近合剿賀縣賊匪並咨勞崇光派兵進攻一摺據稱廣東北江首匪陳金缸竄踞粵西賀縣城池並闖入富川縣境經湖南兵勇往援踏破賊壘餘匪遁回賀邑嗣因楚師撤回本省之江華縣白芒營駐守該匪復分股竄至富川縣西鄉見由粵西增募湘勇二千名派左江道蘇鳳文馳往督剿並咨勞崇光派兵進攻請飭楚省劉嶽昭一軍合力會攻以期迅速掃平等語逆匪攻陷賀縣踞為老巢四出滋擾以致楚粵邊界連年未靖粵西兵力未厚自宜由粵東合力協剿著勞崇光迅速派兵由廣南開建一帶前往會攻候選道員劉嶽昭所統楚軍見駐江華距賀縣不遠本日據駱秉章奏富川業經收復著該撫即飭令劉嶽昭統帶所部兵勇馳赴粵西會同各軍進攻賀縣務期盡拔根株為一勞永逸之計毋得稍分畛域致滋延誤將此由六百里各諭令知之○以綿森為禮部尚書愛仁為左都御史調基溥為吏部右侍郎以載崇為兵部右侍郎由內閣學士遷○以滇匪竄入四川榮經縣城署總督曾望顏提督占泰下部議處○已亥諭內閣庚長奏知縣籌募沙勇克復江陰縣城一摺逆匪於攻陷常州後分股沿江東趨竄陷江陰縣城經常熟縣知縣周沐潤設法籌募沙勇奮力進攻沙董履康保首先從鹿苑進剿連獲勝仗徐浩統帶所部接應殺斃賊目一名殲賊七百餘人民團同時響應奮勇追殺四面圍剿於四月十九日將江陰縣城克復辦理尚為得手著辭煥即飭該縣督率民勇趁此聲勢相機進攻復各城毋畱餘孽○諭前因御史許書堂及兩淮鹽運使喬松年參奏庚長演戲宴客逗留淮安各情當派文俊馳驛前往查辦茲據該侍郎查明覆奏請旨定奪革職暫留本任江南河道總督庚長當清江防堵喫緊之時輒因酬神演戲已屬不知緩急猶復觀劇終日迫聞賊營倉皇出隊迎剿失利遽行退入淮城尤屬畏葸無能有負委任庚長著即革任來京聽候審訊舒康等有無失守處分著王夢齡與清江失守文武各員一併迅速查明參奏○諭軍機大臣等本日據庚長奏現在江陰業經收復正可乘此聲威相機進剿計曾國藩啟程赴蘇尚需時日目前已諭令瑞昌迅帶兵勇馳往蘇省會同江長貴調派各軍痛加勦洗著辭煥督飭各州縣激勵民團乘勝進攻於賊勢未定之時迅圖克復蘇常以保全東南大局江陰道路疏通文報可不至梗阻並著辭煥迅速查明蘇常失陷及各屬相繼失守各城文武下落詳細情形由驛馳奏以慰廑念如上海至常熟路有阻隔即著王夢齡飭令該縣周沐潤等督率沙勇實力堵剿以次規復各城是為至要前據都興阿奏於四月二十六日由鄂馳往英山或先督馬隊前進尚須繞道徐宿到揚需時王夢齡見在已抵淮安著嚴飭沿江各州縣聯絡兵勇嚴密防守以固北路藩籬清江南北沿河一帶挑據築圩前令文俊確查實在情形辦理有無草率茲據文俊奏查驗圩工楊莊頭壩等處尚均深固足資守禦由阜河至黨灣之

圩工尚未完竣著王夢齡飭劄朱善張等妥爲勸導趕緊修築以資捍衛其應如何嚴定守圩章程著王夢齡相度情形悉心籌議詳晰具奏總領兵勇民團同心守禦以期保衛地方南河因辦防堵設有抽收釐局庚長陸續添局十處撥歸淮安徐州安徽三處自四年至九年止共收釐銀二十六萬二千九百餘兩爲清江蔣瑞等處各勇經費據文俊查明已經報部者尚屬相符其未經報部者有無冒銷侵蝕情弊著王夢齡徹底盤查調齊各卷冊逐款覈算詳細具奏毋任稍有捏飾以清積弊而重防務將此由六百里各諭令知之○以署漕運總督王夢齡兼署江南河道總督○以觀劇弛防前署漕運總督聯英等下部議處○庚子諭軍機大臣等前據李若珠奏調艇船當令傳諭吳全美將艇船二百餘號駛赴狼山福山等處李德麟師船仍畱江上梭巡以防江南竄匪並疊次諭令喬松年接濟水師餉需茲據李若珠奏上下艇師已成隔絕請派吳全美統帶艇船東下李德麟仍畱營港先將下游布置嚴密再與楊載福李德麟聯爲一氣等語自係尚未接奉前旨著再行傳諭吳全美即帶艇船駛赴下游聽候李若珠調遣毋許藉詞延誤長江中間覓在道路不通李德麟師尚在魯港李若珠無從調遣楊載福前奏記名總兵陳金龍等會同李德麟等師船將嶼磯石壘攻破是該總兵距楊載福水師較近著暫歸楊載福調遣仍飭令設法疏通江路與吳全美等聲勢聯絡總期扼截江面毋令南岸之賊乘虛北渡方爲妥善吳全美全師東下儀徵以上是否空虛李若珠必須通盤籌畫不可顧此失彼昨據庚長探報江陰克復此路文報已通吳全美艇船應否仍泊狼山福山等處並著李若珠相機辦理毋稍拘泥各起艇師每月所需口糧甚鉅江北糧臺僅撥銀數千兩斷難敷用喬松年前奏水師餉無從出雖經戶部遵旨議撥款項交江北糧臺支發尙恐緩不濟急李若珠曾否查文經趕緊接濟何以絲毫未解著喬松年傳旨諭令查文經在上海關庫各款先行提解水師軍餉源源接濟不得藉詞推諉致干重咎並著喬松年先行設法給發以期固結水師即以保全大局至江南兵勇潰散所有前欠各餉自應劃除所集兵勇另行按月支給不得藉口補給從前欠餉致滋浮冒此節並著喬松年傳諭查文經遵照辦理將此由六百里加緊諭知李若珠楊載福並傳諭吳全美李德麟喬松年知之○諭前因浩罕派來夷使遞字恐其入卡句結當諭札拉芬麥安籌駕馭茲據裕瑞等奏稱浩罕派來額爾沁程斯密頂等遞字仍求和好經裕瑞等將前次接獲已斃額爾沁寄回信字謀爲不軌情形與此次額爾沁閱看額爾沁頗有愧色謂係禍由自取前已寫信回浩罕將住站呼岱達舒庫爾鎖押俟新換呼岱達到來商同寫信回浩罕將前次之事說明仍然和好等語該浩罕既遣額爾沁前來善說又將呼岱達更換尙知其曲在彼似非意圖報復惟明巴什所遞字內有不肯憑信之語夷情叵測難保不暗中句結猝啟釁端已諭裕瑞等嚴密戒備深入偵探著扎拉芬麥派入詳查該大臣所奏是否實在情形詳細具奏如該浩罕回信到時仍求和好或求將呼岱達伯塔爾等罪名減輕自可俯順夷情相機安辦以示懷柔儻該浩罕有蠢動之意亦當會商裕瑞等妥爲防範設法曉諭毋稍疏忽將此諭令知之○諭裕瑞等奏浩罕遞字仍求和好相機辦理一摺據奏浩罕派兵前往冰嶺並無其事此次派來額爾沁程斯密頂等遞字仍求和好意尙恭順裕瑞等所擬候新呼

岱達到喀與該額爾沁寄信回浩罕之便再飭阿奇木書為覆字一同寄去詳細開導使該夷誠信不疑如同信仍然效順或求將呼岱達伯塔爾等罪名減輕再為相機辨理所籌尚為妥協惟夷情叵測所言未可盡信且明巴什等所遞字內有不可憑信之語難保不暗中勾結猝啟釁端裕瑞等惟當不動聲色嚴密戒備以絕其窺伺之心並仍寬安靠回子深入偵探不可因該額爾沁言詞恭順稍涉大意如該浩罕回信到時仍求和好自可俯順夷情安為辦結以示寬大懷柔之意總在該大臣等明示羈縻暗加防範毋為該夷所乘方為妥善將此諭令知之○辛丑許乃釗奏張玉良以臣熟悉本省形勢屬臣先赴杭州與王有齡會商布置並乞皖南諸軍進援蘇省以保財賦之地今蘇城已破賊必犯浙情形又奏王有齡久官浙省洞悉地利其識見遠大才具開張實為濟變之才張玉良三月間克復杭城在彼相度防守亦復全局在胸兩人會辦必能妥協臣有幫辦江南軍務之責今金陵全軍潰退而揚州鎮江尚有兩軍水師艇船未知消息北路軍情亦形散漫臣自應前赴揚州與李若珠會辦以防北竄無如蘇常皆陷內河文報不通祇得乘坐海船由吳淞出海以達通州馳赴揚防臣之職也惟是臣再襄戎幕金陵退守罪戾甚重仰蒙 天恩不卽罷斥僅降四品京堂今又連陷四城全軍潰退尤屬罪無可逭相應請旨將臣從重治罪臣抵揚州後總當與李若珠悉心籌畫力圖防剿以冀稍贖前愆 上諭內閣降補四品京堂許乃釗當江南大營失利之時一籌莫展退至蘇郡又不能固守省垣見復退往揚州實屬怙怯無能有負委任許乃釗前已撤去幫辦軍務著即行革職留於李若珠軍營辦理文案戴罪自效○諭軍機大臣等何桂清王有齡奏長興失守賊竄湖州杭城危急並請撫夷勦賊各摺片逆匪大股至夾浦竄陷長興蕭翰慶一軍至塘口地方遇賊接仗蕭翰慶不知下落所部奔至湖州賊即圍撲湖城並分股繞出小路已至武康縣境距杭州僅一日之程杭城亦危急萬分江長貴一軍已抵平望因潰兵衝至遂折回湖州被圍該署提督係幫同辦軍務之員責無旁貸著激勵兵勇督同在城文武嚴密防守保衛郡城並分兵截剿武康竄匪以杜逆賊入杭之路瑞昌王有齡亦當撥派兵勇出省夾擊先清武康之匪並扼截湖州入省要路瑞昌見命總統江南各軍規復蘇城見在杭城喫緊自當先顧杭州再圖進取毋得株守省城致成坐困張玉良一再敗退奔回杭城亦當奮勉圖功隨同保守省垣以維大局毋令再有疏失致干重咎所有見在湖州防守情形及蕭翰慶下落並著瑞昌等迅速查明具奏徐有壬照會英佛欲借夷兵防守蘇州何桂清前赴上海商辦批繆已極江南賊勢雖張見在調集各路援兵自能力圖規復若借資夷力後患何可勝言所請應毋庸議將此由六百里加緊諭令知之○諭本日據何桂清奏自蘇州失守後賊陷長興湖郡戒嚴吳江一帶逼近賊氛情形亦甚喫重恐賊匪蔓延聯成一氣勢更不可收拾著薛煥安速布置迅圖規復蘇常毋令該匪久踞致成負隅之勢日後殲除愈難江陰克復後江路已通前據李若珠奏請將吳全美艇船二百餘號調赴福山狼山停泊與何桂清所奏鎮海一軍停泊福山等語果否扼要足資策應並著薛煥與李若珠通籌酌辦水師軍餉即飭查文經在上海開庫各款先行提撥毋致要需慮風道蕭盛連聲名平常前諭令徐有壬將該員撤任查明參奏何桂清請暫行接督臬司之處

著不准行仍著詳查明以員實蹟據實奏參毋稍徇隱江蘇臬司另行派員署理其蘇常一府及各屬失守之文武員弁並著詳
細查明具奏另片奏張國樑在丹陽禦賊官兵潰散墜塞不能前進策馬渡河水深馬沒沈溺不起據張國樑之弟張國材同都司
黃長貴護送江南提督印信至上海等語著詳煥再行確切查明張國樑是否沈水抑係受傷並飭張國材迅速尋覓將實在下落
情形據實具奏再降諭旨將此由六百里加緊諭令知之○以城陷脫逃及先期出城革署江蘇布政使蔡映斗署蘇州府知府吳
雲元和縣知縣馮樹勳職嚴行查辦○于江蘇殉難巡撫徐有壬祭葬世職徐有壬妻施氏等旌卹如例○壬寅諭內閣各省軍
務未平而郡邑士民辦理團練尚能隨同官兵勦賊是團練足以輔兵力之不逮具有明徵朕前經降旨諭令籍隸河南等省在京
官員各抒所見昨據怡親王載垣等會同周祖培等擬定河南團練章程呈覽自應先令該省籌辦順天府府丞毛昶熙著賞加都
察院左副都御史銜作為督辦河南團練大臣馳驛前往並著河南鹽運使銜南汝光道鄭元善幫辦團練事宜載垣等所擬團練
章程十條即著毛昶熙於馳抵河南後會同鄭元善按照所議條款妥為辦理○御史薛書堂奏臣訪聞勝保到豫謬妄不治輿情
兵勇到處傷亡軍械遺失略盡而勝保反授意帶兵各官捏飾勝仗據為奏報實屬有心欺罔賊騎蹂躪數十州縣勝保反在省城
飲酒狎優苗沛霖練勇勦賊來豫係袁甲三咨明河南豫備米糧三萬石為該練接濟之用乃勝保忌其有功藉口調用寨民將此
項米糧全行截留致該練枵腹向太和阜陽兩縣勒索口糧鄉民驚逃幾生大變勝保向來尚稱勇敢近因屢次敗挫銳氣全銷賊
擾內地並未出省迎勦賊將出境始行進駐歸德復行飾報勝仗保舉多員恐勦賊萬難有功 上諭副都統勝保經朕特簡督辦
河南勦匪事宜乃本年春間皖匪擾及豫境勝保未能出省認真堵勦任令匪蹤深入近省各屬多被蹂躪迨至捻眾回巢始赴歸
陳防堵以致物議沸騰實屬畏葸無能有負委任勝保著即來京以三品京堂候補其統帶兵勇並河南防堵事宜即著慶廉督辦
仍著副都統關保幫同辦理○諭軍機大臣等前因蘇常失守屢次諭令曾國藩帶兵迅速馳赴兩江總督署任並令兼程繞道由
浙赴蘇會同瑞昌調度各軍迅圖攻克本日有人奏安慶一城經曾國藩水陸布置聯營圍困賊已援絕勢窮剋日可復如舉建甌
之師直搗金陵急攻東壩踞蘇之賊必回顧巢穴即以援蘇之兵乘勢夾攻則蘇州可復常州可圖較之由長江取道赴蘇似為便
捷各等語蘇常為東南財賦之區且係數省咽喉自應以急籌攻復為上策見在賊勢已直趨杭湖勢將糜爛兩省尤為刻不可緩
曾國藩接奉前旨擬由何路行走尚未據該署督奏到如果安慶一城指日可復該署督正不妨先克安慶沿江而下乘金陵賊眾
空虛之時直搗巢穴一面調派援兵併力夾攻蘇州使賊首尾不能相顧似較便捷曾國藩既膺重任責無旁貸其安慶是否可以
即復金陵是否可進攻不至牽掣兵力久頓堅城抑或設法先解蘇常之厄均著酌量緩急妥籌辦理原摺著鈔給閱看將此由六
百里加緊諭令知之○命戶部右侍郎劉峴往奉天巡查海口會同盛京戶部侍郎倭仁妥議稅課章程○甲辰諭內閣曾望顏奏
官軍會擊滇匪勦撫兼施川滇邊界肅清一摺滇匪李短搭搭竄入川境後夥黨盤踞滇邊一帶遂為聲援意圖會合經川省官軍

鑿時擊退勦撫兼施匪首馬源盛等先後之降隨同參將祥符等越境進勦擒斬多名先將柿子壩等處賊巢掃蕩雲南官兵由大副會勦分途接捕復將李逆之弟李小花名匪首羅四板柳等次第誅滅其敗竄各匪悉被滇省兵團殺斃川滇兩省邊界地方一律肅清勦辦尚爲得手所有在事出力員弁紳民准其擇尤保奏候朕施恩○曾國藩奏自古平江南之賊必據上游之勢建瓴而下乃能成功自金陵被陷向榮和春等皆督軍由東面進攻原欲屏蔽蘇浙因時制宜而屢進屢挫迄不能克金陵而轉失蘇常非兵力之尙單實形勢之未得也今東南決裂賊益張欲復蘇常南軍須從浙江而入北岸先克安慶和州南岸先克池州蕪湖庶得以上制下之勢臣所部萬餘人已進薄安慶城下深溝固壘空濬長濠若一撤動則多隆阿攻桐城之軍亦須撤回即英山霍山防兵均須撤退各路皆退則軍氣餒而賊氣盛不但鄂軍難以自保即北路袁甲三翁同書各軍亦覺孤立無援是安慶一軍目前關繫淮南之全局將來卽爲克復金陵之張本此臣反復籌思安慶城圍不可遽撤之實情也臣奉恩命權制兩江必須帶兵過江駐紮南岸以固省會之人心而壯徽軍之聲援見定於十日內撥營渡江駐紮徽州池州兩府境內擬於江之南岸分兵三路一由池州進規蕪湖一由祁門至旌太進圖溧陽第三路分防廣信玉山以至衢州與張玉良王有齡就近聯絡各軍一面遣員回湘添募勁勇約須七月方能到齊八月方能進剿此臣移師皖南擬募新勇分路進剿之情形也從前金陵大營以蘇常爲根本餉糈軍械源源取給故能支柱數年臣今自皖南進兵應以江西爲根本昨據安慶營中盤獲逆首陳玉城自金陵發來偽文內稱見派賊目楊輔青李侍賢李秀城等直取蘇常再攻徽州以竄江西又擬派賊目吳如哮張落刊由定遠壽穎六霍以竄湖北兩路大舉等語蘇常已失則該逆所稱各狡計均屬意中之事急須先事豫防湖北各軍有官文胡林翼調度量可無虞江西兵力單弱實不足以禦百倍之賊必須湘南勁旅越境協防湖南撫臣駱秉章素顧大局爲臣聖主所深知賊若窺伺江西所有兵勇餉械當借資湖南臣等往返咨商竭五六兩月之力辦江楚三省之防仰仗臣皇上威福能待兵勇漸齊布置漸定然後賊至與之力戰所以保固江西兩湖者在此所以規復安徽三吳者亦卽在此目今賊勢方熾人心大震但求立腳之堅定無令逆氣之增長此臣聞賊計大舉上犯擬先防而後勦之情形也臣才識短絀夙乏遠略姑就近處籌畫略陳梗概其松江等屬是否尙存蘇省文武殉難若干暨淮揚定遠如何設法保全應俟查明熟籌陸續陳奏胡林翼奏臣聞賊亂必在仁賢理財必先政事古今無不平之賊而在先求平賊之人非常之才不可以拘牽資格修飾邊幅爲用也臣查前任江西廣饒九南道沈葆楨識略冠時才堪濟變其在廣信府任時賊眾數萬飄忽烏集軍民震駭甚無居人沈葆楨登陴設守效死不去遂以集援兵而完境土咸豐九年乞假歸養至今廣信士民望如慈父母臣雖未與識面官聲所播知爲奇才又浙江候補道李元度血誠果毅志節清嚴在江西勸捐練勇轉戰建昌廣信二府保守貴溪弋陽玉山廣豐四縣江西浙江軍民至今稱之以上二員如蒙恩畀以封疆藩臬之任責令籌兵籌餉必有守正不阿之節應變無窮之略又湖南在籍四品卿銜兵部郎中左宗棠精熟方輿曉暢兵略在湖南贊助軍事遂以克復江西貴州廣西

各府州縣之地名滿天下誇亦隨之其剛直激烈誠不免汲黯太索之譏要其善兵籌餉專精確思心固無他又湖南候選知縣劉
蓉曾同羅澤南李續賓等帶勇立功學有本源志期速大膽識恩威能結土心而奇軍政惟至今高臥故山不肯輕試以上二員應
請 聖明酌量器使並請旨飭下湖南撫臣令其速在湖南募勇各六千人馳赴江西浙江皖南一帶必能補救時艱臣又訪聞告
病編修劉熙載貞介絕俗學冠時人見任順天府府丞毛昶熙品節謹飭畱心吏治降補御史韓鳴皋德望清峻操守第一可否
特恩簡用伏乞 聖裁又聞降調御史尹耕雲胸有權略戶部郎中楊寶臣堅忍耐苦吏部主事梅啟照任勞任怨刑部主事范泰
亨才識過人河南知縣田玉梅膽略任戰以上八員臣均未識面亦無文字往來訪聞既確據實附陳以備 聖主採擇至見在湖
北藩司嚴樹森綜理精密才勝吏事湖北安襄鄖荆道毛鴻賓好善嫉惡秉心公正總辦湖北營務兼管糧臺之戶部員外郎閻敬
銘綜覈名實居心正大總理營務湖北候補道邢高魁樸誠質直遇事求實見當籌兵籌餉急切需才臣舉其姓名而不遽求恩澤
其應如何破格錄用因材器使之處均出自 聖裁又奏查曹澍鍾本不知兵在廣西時一無展布屢陳川省事情自謂官民信服
不過欲脫離殘破之廣西而莅完善之川省曹澍鍾與臣均是丁憂人員負罪從戎尚恐難安希幸升擢心尤可鄙况其夸詐巧猾
眾皆知之川中關繫全局臣何忍瞻徇不言昨聞成都將軍東純行抵鄂省可否飭催該將軍兼程前往接辦軍務並求 天恩收
回曹澍鍾督辦軍務成命或於川省有裨如一時乏人調張亮基劉長佑協勦均尚有益否則東南既經決裂西南復倚任非人天
下事何堪再誤臣忝膺疆寄自愧不能稱職曷敢作越俎之謀無如時局日艱生民塗炭不得已披瀝垂涕而密陳之伏懇 皇上
慎簡督撫將帥必深察其心術才力聲望之實際而不輕爲嘗試保全大局天下事庶尙可爲 上諭軍機大臣等前因江南逆蹤
鴟張蘇常失守特命曾國藩署理兩江總督並疊次諭令統帶各軍兼程前進本日據曾國藩奏統籌全局並辦理大概情形又據
胡林翼奏敬舉賢才力圖補救並瀝陳四川軍情各摺片曾國藩見在進兵安慶已薄城下驟難撤動而蘇常一帶望援孔亟亦須
帶兵過江先固人心所稱平江南之賊必據上游之勢見已駐紮徵池境內分兵三路一由池州進規蕪湖一由祁門至旌太進圖
深陽一分防廣信玉山以至衢州並聞賊欲分竄江西湖北須俟湖南協防江西兵勇布置妥協約須八月方能進剿各情通籌全
局甚合機宜即著照所擬辦理至四川軍務關緊要本日據胡林翼陳奏各情業經降旨令東純兼程前往署理四川總督並令
暫時接辦軍務曹澍鍾已令回籍終制矣該撫所保之左宗棠一員前已有旨賞給四品京堂令其妻辦曾國藩軍務若令督辦川
省軍務能否獨當一面於大局有無裨益即著安速籌商如可勝任即一面令該員迅赴川省一面奏聞再降諭旨其沈葆楨一員
已諭慶瑞等飭令前赴江西俟李元度募勇到時即可駐防一處劉蓉一員並諭知駱秉章飭令募勇六千前赴江浙皖南等省張
運蘭一軍已令迅速前往該員等到後即著曾國藩胡林翼分別差委調遣再本日據曾望顏奏請啟江在四川省城病故其所部
全軍請迅由楚省揀選得力大員兼程來川以資統帶即著官文等於湖南湖北兩省中揀派得力大員迅速馳往四川接續管帶

以資攻勦將此由六百里加緊各諭令知之○曾國藩奏告病廣饒九南道沈葆楨前在署廣信府任內堅守郡城保全東路嗣蒙簡任監司仍留辦理防務籌兵籌餉吏畏民懷前年春石逆自撫建傾巢蕞浙卒不敢直犯郡城其後李元度守廣豐玉山均因該道接濟得全其去廣信也士民遮道攀援來臣處遞呈請雷者凡十數次該道以二親年老力請告歸見當時勢艱難聞該道雙親尚健合無仰懇 天恩飭下福建撫臣傳諭該道迅由本籍馳赴江西於大局必有裨益至該道器識才略實堪大用臣目中罕見其匹 上諭本日曾國藩奏請起用告病回籍道員以資熟手一摺著慶端等即飭沈葆楨迅速馳赴江西聽候曾國藩等差遣委用毋稍遲延將此由六百里諭令知之○諭曾國藩奏軍營調遣乏員請飭催張運蘭迅速帶兵助勦等語前因曾國藩請調道員張運蘭一軍業已諭知駱秉章令該員統帶所部迅赴湖北軍營隨同勦賊茲據奏稱見擬渡江由徽州等處分路進勦兵力尚單將領亦乏獨當一面之才恐不足以資勦辦著駱秉章即飭張運蘭刻日起程由湖南取道江西至饒州一帶聽候曾國藩調遣毋得遲延紆折致誤事機本日又據胡林翼奏請飭候選知縣劉蓉由湖南募勇六千名馳赴江浙皖南援勦並著該撫飭令該員安速遵辦將此由六百里諭令知之○署廣西巡撫曹澍鍾奏審明守禦不力之已革象州知州盧承勳並無逃避情事請免治罪得旨盧承勳身任地方於賊匪撲城時藉名赴金雞塘迎敵復捏報受傷迫賊匪退後尙欲倖免失城之罪殊屬可惡著即發往新疆效力贖罪又奏遵查前任按察使黃鍾音殉難情節批念念不忘家事實不足徵其見危授命黃鍾音著仍遵前旨勿庸給予卹典

○曾國藩奏臣蒙恩簡署江督目下蘇常新失徧地賊氛應以兩湖為籌兵之源江西為籌餉之源臣自咸豐三年至今均係自設糧臺自辦報銷以本無地方之責也今擬札委江西藩司接辦糧臺仍添委道府數員幫同辦理其自咸豐三年至十年五月由臣分作三案造冊報銷接總督印務以後即由江西藩司衙門報銷以專責成至江西歲人之款除錢漕外專恃牙稅釐金臣見咨商撫臣毓科仿照湖南章程牙釐另設一局遴委道府大員專管不作藩司收款復仿照湖北章程督臣撫臣分辦牙釐錢漕仍互相通融互相稽考此後江西通省錢漕應歸撫臣經收以發本省綠營及各防兵勇之餉通省牙釐歸臣設局經收以發出境征兵之餉似此眉目分明庶官吏各有職守銀錢出入滴滴歸源杜絕影射浮冒諸弊得旨戶部速議具奏○命前任廣東按察使蔭椿往天津軍營差遣委用○命曹澍鍾回籍終制以東純兼署四川總督辦理勦匪事宜署成都○贈故記名按察使蕭啟江巡撫銜子祭葬卹廕○乙巳袁甲三奏定遠勦賊獲勝並李世忠擊賊情形得旨李世忠約軍向嚴然人數太眾當查其部眾以免勾結○丙午諭軍機大臣等前因糧臺移設望亭當諭張玉良等仍派查文經督辦茲據何桂清奏江北喫緊已飭查文經與記名總兵曾秉忠先帶師船往高寶邵伯湖一帶會商防剿查文經係專辦江南糧臺之員陳久新餉豈能歸於無著非何桂清心已昏憤即係該員自為脫身之計著辭煥迅速追回飭令清理江南糧臺事務本日又據魁玉奏江北餉源告竭水師艇船餉無所出情形萬分危急所派輪船赴上海請餉轉運諸多不便等語此項水師餉需前經諭令喬松年傳旨令查文經寬為籌備並著辭煥派委員帶

赴江北糧臺暫行支放水師餉需毋許遲誤至張國樞殉難情形及蘇常文武下落屢經降旨查明馳奏至今未據奏報著薛煥
迅即查明覆奏前已有旨令薛煥等問何桂清諒已接奉著趕緊起解勿稍耽延再何桂清奏據吳煦訪獲奸細姜少汀據供賊陷
蘇城金陵潰散兵勇投賊者數萬人內有大營領兵官李文炳及不知姓名戴紅頂者二人均已降賊等語大營潰退兵勇降賊至
數萬人已堪髮指而領兵官李文炳及一二品官員亦相率從賊想蘇常失陷其查無下落投降逆匪者不知凡幾並著薛煥詳細
查明據實具奏將此由六百里加緊諭令知之○諭前因李若珠奏將吳全美艇船二百餘號調赴福山狼山停泊當令傳諭吳全
美即帶艇船駛赴下游聽候李若珠調遣旋據何桂清奏派賴鎮海一軍停泊福山復諭薛煥與李若珠通籌酌辦茲據魁玉奏鎮
城孤懸南岸若無重兵屯紮瓜州金山以為聯絡則孤立無援見在京口師船僅十餘隻不敷調撥請飭江北迅撥艇船駛赴瓜鎮
停泊等語賊匪攻撲鎮江疊經兵勇會同艇師擊退是舟師之有裨於南北兩岸非淺所有吳全美艇船能否分撥瓜鎮金山一帶
停泊以為犄角之勢著李若珠酌量情形相機辦理何桂清奏記名總兵曾秉忠所帶長龍船前於克復九洲洲及長興縣城暨湖
州解圍敵賊甚多又見在防守鎮江之總兵馮子材陳國泰副將向奎等節次擊賊厥功甚偉所有出力之員弁兵勇著查明咨報
曾國藩保奏又常熟縣知縣周沐潤會同紳士龐鐘璐等雇募沙勇克復江陰縣城業經降旨將周沐潤及團首黃元昌等優加獎
勵其沙勇出力人員著一併查明咨報曾國藩擇尤請獎候朕施恩江北水師糧餉不繼本日已諭知薛煥派委委員攜帶兵餉赴
江北糧臺暫行支放水師軍餉該委員未到之先仍著喬松年先行設法接濟毋得諉卸致誤事機將此由六百里加緊諭知李若
珠並傳諭喬松年知之○諭前據王有齡奏長興失守賊竄湖州杭城危急當諭令瑞昌先顧杭州再圖進取本日據何桂清奏吳
江崑山失守浙省自二十四日以後文報不通情形甚為可慮並據擊獲奸細供稱嘉興失守數日未據瑞昌王有齡奏報朕心實
深懸繫著瑞昌等即查明嘉興失守是否確實及近日軍情如何布置迅速具奏江長貴已抵平望因潰兵衝至遂折回湖州據奸
細供稱係打仗失利亦與王有齡所奏不符並著據實具奏杭州嘉湖見在萬分喫緊該將軍等務當督飭兵勇迅速堵剿並激勵
各屬城鄉團練合力殺賊毋令蔓延將此由六百里加緊諭令知之○王明奏金州地方先後聚集洋船六十餘隻在和尙壘青泥
窪大孤山等處停泊時復登岸拆毀民房焚蕪帳房演放槍礮掠牲畜顯有窺伺滋擾情形臣因金州城池緊要將前次挑備省
城等處官兵調派記名副都統協領奇凌阿統帶馳赴金州並前調熊岳官兵均歸該協領統帶奏入諭令與副都統希拉布會同
旗民地方官斟酌緩急妥為布置○丁未諭軍機大臣等據喬松年奏淮海兩屬推廣抽釐可否改交署漕運總督察看辦理等語
前據喬松年奏請於淮海兩屬擇地設局推廣抽釐經戶部議文兩江總督察看辦理見在曾國藩尚未到任所有該運司請於淮
海兩屬推廣抽釐之處有無滯礙著王夢齡按照部議就近察看情形斟酌妥議辦理以免稽延另片奏鎮守營兵目張士瑚又名
張四鬍又名張治國向糧臺索餉兇兇恣鬧請飭密拏等語鎮守鎮兵前已調赴江南自南岸失事後該營兵逃潰無蹤並聞此軍

全爲賊匪裹去該兵目安居江北尙敢公然索餉前文煜管理糧臺時因該兵目奸很無賴包攬盤剝把持挾制種種不法奏請查
拳正法和春未能認真查辦奏懇寬免乃張士瑚怙惡不悛膽敢索餉肆擾藐玩已極當辦理軍務喫緊之時難保不聚眾要挾滋
生事端並據喬松年奏報該兵目黨與頗多恐李若珠不能鈐制致釀大患者王夢齡密派委員不動聲色前往設法查拏訊明後
卽行正法以肅軍令而杜後患將此由六百里諭令知之○子廣東陣亡遊擊黃清鴻等祭葬世職○己酉論軍機大臣等前經諭
令喬松年傳旨令查文經於上海開庫先提撥水師軍餉解赴江北糧臺暫由喬松年支給嗣後據魁玉奏江北餉細當請辭煥飭
令查文經寬爲籌辦派員帶赴江北糧臺暫行支放水師餉需矣茲據巴棟阿奏鎮江水陸嚴防力遏北竄請飭辭煥籌撥餉需等
語見在蘇常失陷鎮江爲南北咽喉愈形喫重自應扼要嚴防以杜賊匪北竄所有水陸兵勇應支餉需據該副都統派撥船隻
赴上海僅領五萬兩見當防期喫緊之際各營待餉孔殷辭煥設法籌款並籌辦兵米迅速遴委委員帶赴江北糧臺或於泰州
城內分設糧臺專放鎮防水陸各營軍餉及大江水師餉糈以便就近支領毋稍延誤並據巴棟阿奏上海內河道路尙未疏通須
以火輪船運餉入江較艇船爲靈便此項輪船既據稱曾經協同艇師攻剿得力著辭煥卽飭吳熙將前在鎮防之商捐輪船二隻
調赴鎮江聽巴棟阿調遣以資防剿兼備轉運軍餉本日據張芾奏湖州解圍長興亦已收復浙省文報見在是否已通如探有詳
細情形著迅速具奏將此由六百里加緊諭令知之○論本日據李若珠奏鎮城一軍與各起艇師口糧無著請歸喬松年一手經
理復據巴棟阿奏鎮江水陸兵勇之餉已久請飭江南糧臺籌款撥解各等語鎮江艇師餉需前諭辭煥籌備派委委員帶赴江北
糧臺暫行支放本日復諭辭煥迅速籌撥諒該撫已經籌備不日可由委員帶到矣其仙女廟招集之二千餘人應歸江北糧臺支
給著喬松年迅速籌支發毋使飢潰釀成良一軍八千餘人既經遣散回籍新募之勇未必得力著毋庸募補本日都興阿奏已抵英
山湖北餉絀難期接濟將來該將軍馳抵江北卽將裁勇所餘口糧接濟都興阿一軍鎮江在事文武官弁兵勇奮勇擊賊力解城
圍深堪嘉尙前已有旨令李若珠查明咨報曾國藩保奏惟該署督到任需時保奏太遲恐不足鼓勵軍心著巴棟阿查明尤爲出
力各員奏請獎勵候朕施恩將此由六百里加緊各諭令知之○子廣東陣亡殉難吏目尹紹伊等浙江陣亡道員蕭翰慶等湖北
殉難從九品帥遠星安徽陣亡遊擊榮勝等祭葬世職○庚戌諭內閣戶部奏遵議曾國藩請設立糧臺釐局一摺署兩江總督曾
國藩見在督兵進剿所有該署督糧臺卽著札令江西布政使總辦再派道府數員幫同辦理由江西報銷並准其將江西錢漕仿
照湖北章程歸巡撫經收以充本省兵餉其通省身稅釐金亦准其照湖南章程另設一局由該署督自行經收以充征兵餉需仍
應彼此互相通融稽考毋令稍滋滋弊至該署督前次帶兵所設行營糧臺尙未報銷著卽分案造報免致轉轄江西身稅釐金自
設局以來收支數目亦未報部著曾國藩會同江西巡撫將前收款項先行截清數目造報以清款目而免牽混○諭前諭河南等
省辦理團練並令順天府府丞毛昶熙回籍督辦因念山東地屬海疆毗連畿輔陝西與川豫接壤地方均屬緊要自應一律辦理

所有應辦事宜即著緒森、東、陝、西在京大小官員各就地方情形直抒所見該兩省官紳中有名望素著練達事務者並著各舉所知候旨派往該官紳等必知其體時艱助兵濟餉不但爲國家保守疆域亦可自衛桑梓賦實有厚望焉○諭軍機大臣等本日據喬松年奏滬陳江南招勇之弊並請豫調近省營兵備剿一摺所稱蘇州等城失守皆由賊匪豫先雜髮前來充勇因而將兵勇勾結官不及知臨時即紛紛投賊恐新派統兵大臣到後復須募勇則久漬之勇又將重出應募賊匪故智得以復萌擬請停止招勇即調派護軍營暨北五省之綠營令其馳赴江南北交新授統兵大臣布置所籌均係思慮豫防不爲無見見在江南北兵額不敷急需增補京營及北五省兵丁驟難調撥著曾國藩、瑞昌、巴、陳、阿、李、若、珠、薛、煥、王、有齡等通籌辦理如該營餘丁多已補盡即將所出兵缺行文該省督撫在本籍補挑精壯起送到營其路途資官爲籌給不准以彼省之人充此省之兵以重營制而資得力至招募勇丁本多流弊如曾國藩等所帶之勇俱係土著始能所向有功若以烏合之眾漫無紀律無事則虛糜糧餉有事則臨陣潰逃殊爲可恨見在江南潰勇多已投賊著薛煥即飭糧臺查明開除不准冒領賞卹及資遣回籍等項銀兩其見存之勇如係無業遊民打仗不能得力者即著嚴行裁汰如查有投賊之勇雜髮再出應募者著即行正法以肅軍律將此由六百里各諭令知之○諭本日據喬松年奏江南大營募勇多係無籍游民平時不守紀律臨陣輒行潰散甚或紛紛投賊流弊不可勝言已諭令江蘇浙江各督撫並帶兵各員分別裁遣矣向來楚省鄉勇多係土著良民剿匪頗稱得力昨據都興阿奏馳抵英山調撥馬隊並會商胡林翼調取余際昌勇丁三千餘名此項勇丁或能如數調到或由楚另行添募著都興阿妥爲擇選務須土著有籍者方可令其入伍斷不可以無業游民濫行充數致貽無窮之患該將軍請飭袁甲三、球籌餉項接濟楚軍一節昨據喬松年奏併成良一軍八千餘人由九洲潰退江北已由該運使散遣回籍當已諭令將此項裁勇口糧頭爲都興阿所帶楚勇餉需接濟矣該將軍務當就見在調到馬步兵勇由楚省先爲籌備餉需迅速前赴江北以圖攻取勿誤事機將此由六百里諭令知之○命著漕運總督王夔齡督同兩淮鹽運使喬松年辦理江北糧臺○辛亥諭軍機大臣等據瑞昌王有齡奏備陳蘇常等處失守情形見在收集安回急圖進剿並調兵專防杭州省城以待援師各摺片張玉良自常州至無錫蘇州節節敗退前經降旨將其革職暫任以示懲儆改該提督未知命其總統諸軍情尚可原所請治罪之處著加恩寬免張玉良前援救浙江頗爲神速此時既知愧奮著即親督大隊由嘉興平望進攻蘇州迅圖克復以贖前愆江長貴因傷退回瑞昌等應添官軍協同張玉良赴蘇進規蘇郡即以白固嘉湖藩籬如所調彭斯舉吳再升饒廷選各軍均可酌派赴蘇不可株守杭城致蹈從前覆轍至杭城情形見在喫緊張玉良既督隊先行瑞昌起程不妨稍緩江西福建赴援各兵勇計日亦當到杭著瑞昌王有齡分撥出省以勦爲防是爲至要所請撥餉已交戶部速議惟蘇常失陷上海關稅必然寥落恐軍餉一時難繼王有齡既將江蘇寄存銀三十萬兩全行用罄自應兼顧蘇餉毋得稍分畛域自取僇亡齒寒之禍將此由六百里加緊諭令知之○諭本日據文煜奏幅匪洪佃一由江南邳州竄入東省嶧縣糾合土匪屯聚

洪山一帶蘭山費縣兵勇及青州撥往馬隊先後進剿失利見將撥赴海口防夷之挑備官兵二千名內截留一千名改撥剿捻等語又據德楞額等奏洪佃一股匪已由該副都統等督帶馬步各隊在蘭山費縣境內接捕疊次擊斬七百數十名匪徒四散見飭江南山東地方官督帶鄉團合力兜剿等語著德楞額等乘勝分投剿殺務將此股兇匪殲除淨盡毋令蔓延此時幅匪如已追剿出境文煜所撥兵一千名即可調回仍防海口將此由五百里各諭令知之○浙江巡撫王有齡奏幫辦軍務江南提督張國樞陣亡請卹得旨仍應訪查實在下落如尚未亡或遇救得生猶堪備干城之選又奏辦理防剿請將丁憂總兵官劉季三留營調遣允之○以浙江湖州解圍並克復淳安縣城實在籍知府趙景賢花翎巴圖魯名號餘升敘有差○予浙江殉難在籍兵部侍郎戴熙向書銜祭葬世職建祠諡文節道員俞焜等祭葬世職○壬子恩錫緣事降調以毛鴻賓爲安徽按察使由湖北安襄○調察哈爾馬二千匹解京候撥○調直隸北路精兵四千名赴青縣候撥○鴻臚寺卿曹毓瑛奏江南大營決裂由於分兵援浙而浙省所以被陷則以徽甯等防任賊長驅而張芾周天受不爲之堵禦也徽甯爲江浙門戶竭浙江全省之力數年供應一旦賊至如入無人之境臣知 皇上洞鑒張芾周天受之貽誤而一時未逮罷斥者待以該處離金陵較遠不得不暫留統帶見在曾國藩將抵徽州

徽甯爲兩江所兼轄曾國藩所帶之兵僅有萬名而該處除分撥援浙外尚有三萬餘名主客之勢輕重不侔於行軍殊多窒礙可否將徽甯軍營兵勇統歸曾國藩節制並飭查明虛冒裁汰老弱以清宿弊曾國藩得此重兵即可簡其精銳進剿蘇常不至俟新募之勇曠日持久而後成功於東南大局不無裨益奏入畱中○甲寅諭內閣前諭山東等省在京大小官員各執地方情形仿照河南辦理團練章程直抒所見並令各舉所知候旨派往茲據大學士賈禎等酌擬辦理章程八條呈覽均屬可行自應一律籌辦著派前任戶部右侍郎杜翻作爲督辦山東團練大臣馳驛前往並著山東登萊青道貢璜登州府知府暫留濟甯州知州盧朝安幫辦團練事宜即按照所議條款並參酌河南章程體察情形妥爲辦理○諭軍機大臣等前據李若珠奏辭成良一軍八千餘人因欠發口糧遣散回籍茲據喬松年奏辭成良見在全隊逗畱邵伯湖中其心叵測本日復據王夢齡奏辭成良因與糧臺細故帶領所部及眷屬賁財竟赴高郵聲稱欲赴袁甲三營又稱往依李世忠各等語辭成良獻地歸誠業加賞賚何至因偶欠口糧遽萌異志復統全隊泊於高郵湖中四出窺伺若如王夢齡所奏因糧臺細故即帶領所部並糾合潰勇直赴高郵是其帶隊而行出於負氣並非心存反覆足見辦理糧臺各員調處失宜致令激而他去所有實在情形及因何與該員不合之處著喬松年查明回奏至辭成良糾眾北行經詹啟綸勸回不允竟將副將王萬清拘畱船中中心多叵測不可不防惟江南大營潰散勢成糜爛江北亦時防窺突且捻匪肆擾在在堪虞更不可操之過蹙致激而爲匪另起一股又屬滋蔓難圖著密爲偵探如果往投袁甲三營或往李世忠營即飛咨袁甲三妥爲撫綏以消反側之心儻查有滋事實跡著李若珠等密爲設法卽照抗違軍令之案殲其渠魁餘眾分別解散若如該運司所奏李若珠分調水陸大隊尾追其後不獨使其生疑且以有用之兵被其牽掣誠非善策該運司等惟當妥

籌辦法毋致擱頓失宜又舉曩端是爲至要將此由六百里諭知王夢齡李若珠並傳諭喬松年知之○以朱鳳標爲左副都御史

由通政○以瑛榮爲陝西布政使吳春煥爲陝西按察使由通商○乙卯諭內閣前諭河南山東等省辦理團練並已令順天府

丞毛昶熙前任戶部侍郎杜翻等回籍督辦因念順天直隸爲畿輔重地尤屬緊要自應一律辦理所有應辦事宜即著籍隸順天

直隸在京大小官員就地地方情形各抒所見該省官紳中有名望素著練達事務者並著各舉所知候旨派往該官紳等必知其體

時艱盡心籌辦用副朕綏靖畿疆之至意○諭軍機大臣等前有旨令安徽等省舉行團練已令在京官員各舉所知皖省被兵數

年郡邑淪陷即偶爾攻克一二州縣賊至復失終未一律肅清其團練殺賊隨同官兵出力者所在多有惟未能全行舉辦以致

人心不固平日漫無準備聞警相率潛逃地方官虛報募勇實招致無業游民充數藉以侵蝕口糧賊匪一至民無關心勇亦潰散

遂致棄城不守糜餉勞師伊于胡底朕思該省雖大半糜爛若就完善之處先爲辦理多一良民即可少一賊匪未必非釜底抽薪

之計並令紳士督辦使互相聯絡眾志成城且可免百姓無所依從及藉端滋事之弊如能辦理得力即可化莠爲良悉臻平靖見

在鳳陽懷遠全椒等處次第收復各處賊圩亦多攻克正宜實力舉行以輔兵力之不足著袁甲三翁同書查明未被賊陷及業已

收復各府州縣已辦者幾處未辦者幾處如何辦理始能有利無害會同妥商詳細具奏皖省紳士如苗沛霖徐立壯等隨營助勦

固能著著戰功即係衛鄉閭如桐城紳士疏長庚等亦能帶練得力屢卻賊匪可見認真舉行具有成效該大臣等諒必悉心籌畫

不至空言搪塞也將此由六百里諭令知之○丙辰諭軍機大臣等前據裕瑞等奏浩罕遞字仍求和好當諭暗加防範以杜弊端

茲據裕瑞等奏浩罕額爾沁遞字情詞恭順並稱已由住站安集延人眾出具聯名結數前次額爾沁之非與此次額爾沁信函專

人送回浩罕仍求和好等語該夷等既稱其曲在彼立意求和倍常遜順或可不至再啟釁端惟詳閱浩罕明巴什所遞怕爾希字

不但於額爾沁之不法大有疑詞即將該額爾沁毆斃亦大以爲非是種種不平尙未釋然於心須俟此次額爾沁信函到時看其

是否誠信無疑方可無慮更恐該夷僞爲恭順以懈人心乘我不備暗圖報復衷情叵測不可不防裕瑞等仍當恪遵前旨明示羈

縻暗爲戒備並深入偵探以絕其窺伺之心不可因其言詞恭順遂涉大意裕瑞著暫緩來京俟夷務辦結各卡安靜再奏明請旨

將此諭令知之○諭前因王夢齡奏辭成良因稟糧臺細故帶領所部竟赴高郵當諭令喬松年將實在情形查明回奏茲據李若

珠奏辭成良恃眾索餉擅劫副將見調官軍四面合圍等語辭成良糾眾北行逗遛邵伯經糧臺解到餉銀輒欲盡索從前積欠之

餉副將王萬清當向開導竟拘雷船中揚帆遁去所過露筋一帶頗爲滋擾辭成良索餉劫官任意妄爲自應大加懲勦惟見富賊

勢猖狂之際若操之過蹙必致激生事端並恐以後賊匪藉口將來未必肯再作投誠之計其已經自拔來歸者亦恐心存疑慮反

側不安於辦理招撫解散脅從之法未免窒礙况辭成良既授職官即查明有滋事實迹亦應照軍法治以應得之罪其部下勇丁

宜將首先滋擾之人嚴加懲辦餘眾分別解散方爲妥善著李若珠趁此圍攻得手之時飭令該勇丁等將辭成良並首先滋事之

人一併交出訊明後定擬具奏請旨備有意致死滅口惟李若珠是問其餘善爲安撫分別遣回勿得激成事變以弭釁端將此由六百里諭令知之○辭煥奏探聞洋船北駛及額爾金已抵吳淞口並克復嘉定等各情形玉明文煜奏佛人由煙臺駛入劉公島將口內商船全行拉去並在乎暢河口一帶外洋拉去船隻英西額爾金已抵吳淞口佛酋葛羅當亦隨後可到奏人命燁煥等開導洋商竭力妥辦○以畏蕙無能革浙江提督鄭魁士職○丁巳諭內閣載垣等奏訊明宇商濫支經費情形請旨辦理一摺前經戶部奏五字官號案內奏銷先未立案該司員等任意濫支請訊明歸案著追核據載垣等奏訊據已革戶部郎中王正誼供稱宇商迭次將墊賠各款呈請回堂覈銷經該堂官等飭令嚴行覈減嗣經該革員等議定減去六成准銷四成時因各項頭緒紛繁堂諭嚴催趕辦奏銷未及辦稿至奏銷後始行補辦存案又據已革戶部員外郎白斐音等供認濫支時曾經見過此項覈減清單委因回堂催辦奏銷未及趕辦存案後始行補辦並無情弊各等語此案宇號月支經費曾經奏明定數何得再行加增即使食用不敷亦應奏明請旨辦理該司員等率行混入奏銷案內彙總開銷事前又不明立案以致漫無查考所供因催辦奏銷未及趕辦存案是否實有其事並因何准令濫支之處著辦理字號奏銷及標畫存案之戶部各堂官據實明白回奏另片奏革商顧青田虧短捐鈔王正誼等任聽將空鈔抵補蒙混奏銷實屬營私舞弊王正誼白斐音家產著先行查鈔入官其所虧官項俟結案時一併查明分別覈辦○諭瑞昌王有齡奏嘉興失守請將攜銀先逃之知府革職等語賊匪竄踞吳江復撲平望營盤署提督江長貴受傷折回省城二十六日逆匪三路並進攻嘉興南門以致郡城失陷署嘉興府知府甯波府知府張玉藻於賊匪未至之先既不能豫爲準備輒藉經管局務爲名攜銀逃走航海避至紹興實出情理之外僅予革職等語本月初一日宜興溧陽之賊由張以爲棄城逃避者戒○諭瑞昌王有齡奏流洞橋擊賊獲勝並請將聞賊先逃之營弁革職等語本月初一日宜興溧陽之賊由張清犯流洞橋已革參將王鼎甲等不戰而潰經米興朝派兵馳勦轉敗爲勝所有駐守流洞橋之黃巖營守備汪超英臨陣退縮棄營逃回省城僅予革職不足蔽辜汪超英著卽行正法王鼎甲等業經革職胡岳虎著卽革職與王鼎甲一併暫留軍營如再不知愧奮卽著按軍律懲辦○諭軍機大臣等昨諭都興阿取道臨鳳馳抵江北帶兵進剿以免紆遲誤茲據奏等商調撥馬步各隊催辦餉項情形一摺據稱擬調余際昌所部三千餘名胡林翼因此軍移動霍山藩籬盡撤深以北路空虛爲慮且該營欠餉未能支領尚須催辦至抽調吉林馬隊未見多隆阿咨覆而舒保所撥西丹又復疲弱不堪見到英山馬隊止有百餘名實難得力等語現在江北久無統帥防剿喫緊若該將軍因馬步兵單繞道馳赴則遷延日久深恐有誤事機著官文胡林翼迅卽飭令多隆阿舒保將所部馬隊酌量調撥都興阿軍營與該將軍見有馬隊合計湊足四五百名以資攻剿並著調得力兵勇三四千名派委鎮將大員一二人管帶聽該將軍調遣江北李若珠所部一軍該將軍馳抵後卽可全歸統帶都興阿仍遵前旨酌量情形取道臨鳳剋期馳往江北督辦堵剿事宜勿得再有遲誤所需餉項卽著官文等寬爲籌備源源接濟並將該將軍見在調到馬步兵勇由楚省先

爲養餉餉需以便迅速戰至都興阿啟程遲延爲籌商調撥官兵催辦餉項起見事出有因所請交部從重治罪之處著加恩寬免將此由六百里各諭令知之○諭瑞昌王有齡奏嘉興失守統兵相機進剿一摺江長貴一軍駐紮平望原以保衛嘉興乃一經該逆攻撲兵勇輒紛紛潰散以致嘉興失守賊氛日熾偏近省垣覽奏實深憤懣前奉旨令瑞昌總統江南軍務並令江長貴幫辦軍務嗣因賊至武康杭城危急復諭瑞昌先顧杭城再圖進取現在江長貴受傷折回省城仍著瑞昌親統各軍出省勦辦王有齡畱於省城布置一切無須帶兵出省江長貴業經受傷退回如不能勝幫辦之任卽著瑞昌王有齡遴選提鎮大員奏請幫辦此時瑞昌帶兵前赴嘉興一帶卽令張玉良爲前敵至逆匪欲擾甯紹完善之區該將軍等卽派賴信揚督帶水師戰船扼要巡防並激勵民團聯絡守禦毋令紛竄著嘉興府知府張玉藻黃巖營守備汪超英見賊先逃僅請革職不足蔽辜已明降諭旨將該員等卽行正法以儆其餘浙省軍務疲玩已極該將軍等務當力加整頓以挽積習而振軍心將此由六百里諭令知之○戊午諭內閣本日據李若珠奏辭逆糾黨入湖官軍圍攻全數殲滅一摺前因辭成良歸誠效順獻出江浦縣城屢次出力著有戰功迭經降旨褒賞給三品頂帶並賞戴花翎其部下頭目人等亦經分別加恩獎勵以爲自拔來歸者勸昨據高松年奏辭成良自退至揚州後因索餉不遂輒稱帶領所部回籍歸農經糧臺發給餉需聽其遣散乃辭成良旋即擁眾入邵伯湖中搶掠露筋祠等處李若珠請撥兵追捕朕恐辭成良與軍營各員或有齟齬不合而去是以諭令李若珠切切曉諭不得遽加勦戮以致稍有屈抑乃本日據李若珠奏前令副將王萬清前往曉諭竟被辭逆拘畱復膽敢於高郵之王家港築壘六七座勾結西凌塘賊匪約期東竄叛逆顯然無從寬免當派副將劉成元總兵黃開榜等各率水陸官兵進攻而辭逆猶敢憑壘抗拒經官兵四面焚燒逆眾始奪船逃竄我軍截住轟擊立將辭逆大小船隻二百餘號全行焚燒逆眾除殆盡辭逆見官軍逼近投水身死辭成良投誠已逾一載迭受恩施宜如何感激圖報乃始則索餉劫官繼而句結巨逆負隅築壘獍子野心怙惡不悛實屬自外生成罪無可追除不願從中內應之五品花翎王品裕周大有唐春光孔慶祥等深明大義及隨同投出之被脅男婦一千餘名均著准予免死外其生擒之男婦百名卽著李若珠分別訊明正法遣散安爲辦理所有此次在事出力將弁文武准其擇尤保奏候朕施恩至辭成良降而復叛法所不容自應大加懲創以伸國法而快人心其餘各路軍營如有去逆效順真心投誠者一經統兵大臣及各營撫奏聞仍必優加褒獎不吝恩施將此通諭中外知之○諭軍機大臣等前因何桂清奏已飭查文經與曾秉忠管帶師船往高寶邵伯湖一帶防勦當以查文經係專辦糧臺之員陳欠新餉豈能歸於無著非何桂清心已昏憤卽係該員自爲脫身之計諭令辭煥迅速追回飭該員清理江南糧臺事務並著該署督設法籌款並籌兵米派委委員帶赴江北糧臺或於泰州分設糧臺專放鎮江一軍及大江水師餉精本日喬松年奏查文經見已渡江此時鎮城暨水營兵勇見糧臺大員到此仍置兵餉於不問恐致渙散決裂請飭查文經無庸管帶戰船仍辦江南糧臺以專責成等語著該署督仍遵前旨將該員追回另揀委員於江甘一帶擇地安設江南糧臺妥爲辦理

迅由上海籌畫餉精源源接濟若令諸軍飢潰惟辭煥是問查文經從前經手收支各款並著辭煥飭令該員逐款交代清楚如有含混浮冒即著嚴行參辦喬松年片奏長龍船兵餉請彙入水師艇船項下由南臺一併籌給等語此項兵餉即著由江南糧臺支放至江北糧臺事務已降旨令王夢齡督同喬松年辦理本日復諭令山東河南各將部撥銀十萬兩迅速解往既有督辦大員該運使不得以呼應不靈為詞仍當不分畛域寬為籌濟再大理寺少卿潘祖蔭編修楊泗孫奏稱常熟縣知縣周沐潤督率沙勇克復城池但僻處海隅遇有緊急要務非稟知上海即郵達江北展轉遷延機宜易失請飭丁憂在籍內閣學士龐鍾璐督同周沐潤攻勦附近未復州縣龐鍾璐曾任大員遇事准其專摺具奏等語所奏不為無見著辭煥即行傳旨諭知龐鍾璐並飭周沐潤如有緊要軍務即稟明龐鍾璐就近馳奏其江陰等縣民團前隨周沐潤出力者並著該署督飭令查明請獎藉以鼓舞人心此時江南逃兵充斥著辭煥通飭各屬州縣出示曉諭如有逃散兵勇過境擾害居民即著格殺勿論俾此輩好徒稍知斂迹以靖地方將此由六百里諭知辭煥並傳諭兩淮鹽運使喬松年知之○諭前因江北餉需益絀當准部議令文煜慶廉於山東河南二省各撥銀十萬兩以資接濟茲據喬松年奏江南賊氛偏地淮南片引不行淮北課銀悉充皖餉刻下運庫已空所有應發各項餉銀無從籌給情形甚為可慮著文煜慶廉務將未解餉銀迅速接續撥解江北糧臺以濟要需毋稍延誤將此由六百里各諭令知之○幫辦軍務四品京堂許乃釗奏金陵大營潰敗情形請將翼長王浚卹典撤銷得旨此等語朕聞之已久然當時汝在軍中既確見王浚播弄威權何不單銜密奏於大局不無小裨速軍潰地失人已死而追論於後不知者或被汝愚朕豈能受汝之愚此無他身家之念重耳至王浚惡劣聲名疊飭和春密查伊總以為可用是以未撤今若仍照提督例卹典原未免過優著飭部改為照參將例議卹以昭平允此朕心自有權宜初不因許乃釗此奏也王浚以一武弁從征十載隨向榮由楚至江雖有劣蹟尚能見危投命視僕僕奔走為何如耶視自命書生偷生海隅又為何如耶此摺並殊批著與本日值日奏事之各堂官同閱看由閣發鈔俾共知悉○以捐輸軍餉永廣江蘇蘇州府學額十名江陰三名婁縣二名華亭一名江西樂安學額九名四川安岳眉各二名簡德揚巴達大竹仁壽南充廣安岳池三臺遂寧蓬溪富順邛各一名○己未諭軍機大臣等信格林沁恆福奏疊調官兵到防並俄船停泊北塘投遞米夷信函各等語直隸備調官兵四千名除分撥唐兒沽及環壕廠臺等處防守外所餘及新調之兵共止有二千名為數較單青縣一帶為山東等省入京要道亟宜駐紮重兵以防奸宄瀾迹所有前項備調官兵二千名著信格林沁等遵照前旨揀派得力大員迅飭前往該縣駐紮當由京營另調兵二千名派克興阿管帶前往一併駐紮青縣與直隸官兵分作兩營以厚兵力而資捍禦俄夷寄京信函著恆福派員接收轉送京師至米夷轉遞信函和約內並未載有米國由天津海口呈遞之條是以礙難接收如米國欽差船隻到來可告以爾國既已換約自應按照條約辦理別無再議如欲給英佛兩國從中調處亦須由上海辦理五口通商欽差大臣處商議方為信守和約之道將此諭令知之○諭本日據戶部奏變通奉天山東捐米並雜糧章程以濟京倉一

捐糶稱本年新收及存倉舊漕米石數目約計甲米可放至十二年七月俸米可放至十二年秋季若來歲南漕不能接濟兩年以後恐有缺乏之虞擬令奉天山東於向辦捐米章程量爲推廣並准將旱稻白米及各項雜糧分別定價一體交捐運赴京倉以資接濟等語京倉爲根本重地該將軍等自宜竭力圖維寬籌備著玉明倭仁景霖文煜迅速辦理不得視爲具文貽誤放款亦不得稍形冒濫致礙各項捐輸其應如何推廣變通之處著各按地方情形妥爲籌畫先行具奏毋稍遲延至該部摺內所稱山東省歷年捐米除運京放賑外尙餘若干請飭該省查明限一箇月報部速運赴通又黃河爲患已隔多年濱水居民想應得所捐賑名目應行裁除並以後捐米應按舊章將運腳折耗均在捐生報捐內覈算清楚不得再行開銷以節浮費等語著文煜卽按照該部所奏各條覈實辦理毋許稍涉含混致滋浮冒其奉天所捐米石運腳折耗卽著照山東一律辦理將此各諭令知之○曾國藩奏臣連日與官文胡林翼籌商臣所部萬人暫交臣弟曾國荃匪統帶但於安慶團師中抽出總兵朱品隆副將唐義訓之二千人從征而飭臣弟另募二千以補其闕又於鄂師中咨調綏靖鎮總兵鮑超靈字營六千遊擊楊鎮魁禮字營一千合之見駐宿松馬步隊約其萬人隨臣先行過江又遵調開歸陳許道張運蘭一軍並咨商湖南撫臣駱秉章候補四品京堂左宗棠在湖南募勇萬餘人挑選將佐配齊軍械陸續由江西以達皖南會合進剿惟鮑超因傷疾舉發給假回蜀計須下月始到張運蘭遠在郴州計須七月乃可趕到左宗棠續募之勇到皖更須時日臣目下南渡兵數甚單統將未齊應先駐紮祁門縣境東以聯張芾徽州之聲援西以保江右饒州之門戶俟鮑超張運蘭到時卽令分赴徽甯蕪湖兩路俟李元度五千人到時卽由廣信赴浙蘇一路計三人到營之期先後不甚相遠臣自宿松啟程便道至安慶水師營次與楊載福彭玉麟面商後卽由建德以趨祁門備下游軍情愈迫鮑超等到營稍速臣當隨時策應不敢稍涉拘泥又奏准揚二郡自古稱爲澤國北有長淮南有大江中有洪澤邵伯高郵寶應諸湖運鹽串場人字芒稻諸河巨浸支流互相灌注一片汪洋若能造戰船二三百號多購洋礮精選將弁則不特可以保下河之米場竈之鹽亦且可以輔揚州之陸軍使逆賊不敢北犯助臨淮之陸軍使川路不至梗塞此淮揚水師急宜籌辦之情形也賊守金陵以安慶廬州爲犄角以太平蕪湖爲護衛蕪湖之南有固城南漪丹陽石臼諸湖上則通於甯國之水陽江清弋江下則止於東壩掘東壩而放之則可經太湖歷蘇州以達於婁江古之所謂中江者也蕪湖孤懸水中賊匪守之則易官軍攻之則難是以五年血戰不能得手而黃池灣沚屢次失利皆以全無水師之咎臣愚以爲欲克金陵必須先取蕪湖欲取蕪湖必於甯國另立一支水師徧布固城南漪等湖之中甯國水師攻其內大江水師攻其外如七年攻破湖口之例庶幾蕪湖可克而東西梁山可期以次恢復此甯國水師急宜籌辦之情形也逆匪堅忍善守官兵圍攻屢年往往因水路無兵不能斷其接濟從前武昌九江臨江吉安等城之拔實亦舟師之功居其少半側聞紅單師船體質笨重非大江狂風不能起碇又不能接應陸戰不能巡哨浞河金陵所以久而無功亦由水師一面終始不得絲毫之助今蘇州既失面面皆水賊若阻河爲守陸軍幾無進兵之路城外幾無焚營之所臣愚以

爲欲攻蘇州須於太湖另立一支水師浙江無事宜於杭州造船浙江有警亦宜於安吉孝豐等處造船必使太湖盡爲我有而後西可通甯國之氣東可指蘇州之背而陸師亦得所依附此太湖水師急籌辦之情形也此三者皆目前之急務如力不能兼則先辦淮揚及甯國二支如力仍不逮則專辦淮揚一支蓋蘇省財賦之區淪陷殆徧僅留下河之米場甯之鹽若不設法保全則東南之利將盡棄矣臣自咸豐三年奉旨辦理水師閱歷頗久而三處皆臣管轄之地鹽漕皆臣應辦之事頃已專丁至袁甲三軍營面詢淮安等處尙有木料可以造船者否其甯國安吉亦當派人前往察看木料之多寡船工之難易至徵位一宗擬即日派員齎銀至廣東購買洋礮五百尊由大庾嶺過山以達江西而出湖口又由英霍等縣過山以達固始而出長淮計往返須五月有奇程途雖遠而期限必嚴搬運雖艱而志在必行是否有當伏乞 聖慈詳明指示又奏臣擬辦淮揚水師保護下河產米產鹽之利然以臣屈指計之收效恐在二三年後不知部臣另有變通之方籌備京米否但此事要在必行仰懇 聖恩寬臣期限俾得辦成水師即防勤亦有裨益仍請飭下戶部查明京倉米石存餘若干是否足支壬癸等年之用各行到臣俾得斟酌籌辦又奏鄂省爲各路用兵之樞紐自古有事於大江南北者必爭此上游形勢湖北但有重兵即足制賊死命然臣已調鄂兵七千都興阿帶赴揚州又分數千人兩路各撥餉數萬湖北之力甚形竭蹶設愈分愈薄鄂省一有疏虞則兩六省之奏報不能達於北路伏乞 乾斷嗣後他處喫緊毋再抽撥鄂省兵勇俾官文胡林翼等得以勉力支撐不至蹈金陵大營覆轍 上諭督國藩奏抽撥兵勇啟程渡江擬設三路水師並籌畫京倉米石湖北官兵不宜再調各摺片蘇州失陷以後崑山吳江相繼不守賊蹤蔓延及浙省遂陷嘉興新投巡撫辭煥離由上海督勇克復太倉嘉定而地僻兵單勢難展布杭州將軍瑞昌前曾命其統師赴蘇見因杭城危急亦恐未能前進官國藩見已抽調兵勇萬人由宿松進駐祁門俟鮑超張運蘭李元度到後即由徽甯蕪湖廣信分路進兵具見胸有成竹謀定後戰惟蘇省待援迫切該督督惟當催令鮑超等迅速來營籌進剿但能援師早到一日即早一日救民水火實深盼該督督進駐徽境後擬即整頓皖南吏治該處軍務亦應統籌昨有人奏張芾等任賊長驅以致江浙大局決裂見徽甯兵勇尙有三萬餘名若統歸曾國藩節制即可簡其精銳以資攻剿不必專俟新募之勇等語張芾督辦皖南軍務於賊匪入浙不能堵禦咎無可辭徽甯等府本曾國藩兼轄地方該處軍務如併由該署督督辦自屬事權歸一惟地方遼闊能否控馭得宜著曾國藩於抵徽後察度情形奏明辦理該署督見統兵勇較單未可輕率前進宜加特重爲要至所稱擬設淮揚水師以保護下河之米各場鹽之鹽兼輔以淮揚陸軍均屬目前要務應即興辦至設甯國水師以與大江水師夾攻金陵設太湖水師以規復蘇常所籌亦屬周妥惟瞻日持久勢難坐待止可一面照議辦理一面相機進剿以速解倒懸之眾至京倉米石久形短絀蘇常雖經淪陷而產米之區尙復不少其本年漕米應如何酌量催徵起運赴京即著該署督咨商辭煥熟籌辦理事關京師根本該署督責無旁貸諒能悉心策畫至鄂省官軍擬抽調自屬實在情形曾國藩所募之勇人數較多所有餉需自應早爲籌及應預得力可用方能辦不虛糜帑此

由六百里諭令知之○官文曾國藩毓科奏查九江爲江楚咽喉關繫兩省全局從前曾承堯進剿建德兼扼彭湖已屬跋前疐後若再進紮馬田洋湖一帶是專注徽防距潯愈遠轉置兩省門戶於不顧見在賊勢趨重蘇常而皖南連復旌涇太后數賊軍聲較振曾承堯一軍未便深入皖境仰懇 聖恩俯念九江險要攸關准令曾承堯統率全部扼守巡防以固江楚門戶兼可與道員彭玉麟水師互相策應爲 曾國藩進攻皖北後路聲援至駐軍之下隅陝查非扼要之區應令相度地勢另行擇要紮營專顧潯防兼控建德以杜窺伺仍俟池州收復徽師堪以抽調由張芾派軍駐防或江省往援蘇浙之師凱旋有兵可分再行酌覈辦理上諭軍機大臣等皖南自克復涇旌石太後建德防守稍鬆曾承堯所部兵勇未便令其深入皖境著張芾即飭曾承堯統率全部擇要扼守以固江楚門戶與彭玉麟水師互相策應兼爲曾國藩所統一軍後路聲援至該總兵見駐軍下隅陝地方僻處一隅勢難兼顧並著飭令相度地勢另行移紮馬田或洋湖陂等處以資堵剿茲據該撫等奏稱皖南自克復涇旌石太後建德防守於事當諭毓科飭令該總兵統率所部移紮馬田或洋湖陂等處以資堵剿茲據該撫等奏稱皖南自克復涇旌石太後建德防守稍鬆曾承堯所部兵勇未便令其深入皖境著毓科即飭曾承堯統率全部擇要扼守以固江楚門戶與彭玉麟水師互相策應兼爲曾國藩所統一軍後路聲援至該總兵見駐軍下隅陝地方僻處一隅勢難兼顧並著飭令相度地勢另行移紮專顧潯防並控建德以遏賊氛而固疆圉並著毓科知會張芾遵照將此由六百里諭令知之○庚申諭軍機大臣等前據勝保翁同書先後奏稱擒首孫葵心乞降當經諭知勝保必須殺賊自贖真心來歸再當酌辦不可輕率從事茲據勝保奏該擒首極知感畏情願自拔迷津率眾薙髮擬先派員前往料理再行擇日定地受降並將翁同書致勝保信函及孫葵心投誠稟詞一併呈覽孫葵心係著名擒首人數眾多若能撫之歸來羣寇亦易於懾制其機自不可失惟此輩狼子野心難保不因人多乏食窮蹙來歸以投誠爲領餉之計設或受降以後其部下人眾因所欲不遂仍復四出擄掠擾害地方是以有用之經費參養盜賊其弊何可勝言勝保前已有旨令其來京以三品京堂候補著翁同書察看此事有無把握如果真心投誠即著該撫接辦其應如何駕馭及受降以後部下人眾如何分別遣散妥爲安插之處均著該撫通籌大局悉心經理毋得稍涉大意致貽後患將此由六百里諭令知之○諭勝保慶廉奏進剿亳州擒匪攻克賊圩一摺李河潤及黃莊賊圩爲擒匪入豫要路見經官軍攻毀殆盡自應乘此聲威速行進攻將亳州境內各賊圩一律剿除著慶廉即行督飭帶兵各員與關保協力防剿一應團練剿撫事宜並著妥爲布置該撫身任地方責無旁貸務須盡心籌畫毋得遷延貽誤致負委任將此由六百里諭令知之○辛酉諭內閣前因戶部字號月支經費請加增未經奏明該司員等混入奏銷案內彙總開銷諭令管理字號奏銷及標畫存臺之戶部及各堂官明白回奏茲據翁心存全慶沈兆霖溥寶鎰先後回奏據稱該司員辦理五字奏銷時逾限數月僅令趕緊清算因字商添支經費曾經翁心存等駁駁議減並未奏明該司員已將此款列入奏銷清單並奏銷後始補畫存臺均未查出自請嚴加議處各等語字號月支經費係奏明定數即使不敷酌

議加增亦應奏明辦理乃該堂官等於酌添經費未能專摺陳奏遽任該司員等列入奏銷清單並當時未立存彙事後始行補畫種種錯誤咎有應得翁心存沈兆霖基溥寶鑒著分別交吏部都察院嚴加議處全慶於辦理五字奏銷時尚未到任惟隨同補畫存彙亦有不合著交都察院議處○諭有人奏四川提督占泰當賊在自貢兩井時駐兵下游並不出戰屢次虛報勝仗二月初八日在馬踏井大營慶賀生辰令將弁拜壽收受禮物賊竄五通橋牛華溪等處該提督仍駐兵榮縣半月之久遷延不進致賊連陷眉州青神彭山蒲江邛州等處三月十九日賊竄名山仍不追剿以致名山又陷且以克復昌功並有毆打知縣劉棟威需索供給民人徐恆順等在建昌道鄂惠處稟告有案等語又有人奏占泰怯懦無能擁兵自衛且忌功妒能不許人打仗并研縣知縣劉棟威因稟其逃避該提督喝令隨從捶擊幾殆所過州縣惡其擾害閉門不納甚至開礮轟逐總兵虎嵩林亦有賊至按兵不動之說四川臬司蔣徵蒲由捐納道員坐升臬司督辦軍務怯懦無能又四川近來辦事大權全歸於成綿龍茂道洪貽孫其人由佐雜捐升道員無孔不鑽無惡不作通省以其貪而忘禍或呼為摸錢蛾曾望顏初到四川督望頗重傳聞該道有餽送該督黃金三百兩之事後遂遇事挾制肆無忌憚該道又藉軍餉為名按款斂錢每日二文十日一收差役四出騷擾大半皆飽該道私彙候補令武姓欲揭其劣蹟該道餌以即補好缺入而貪言武知縣厲聲相向該道慚沮無辭等語事關吏治隳壞軍務廢弛虛實均應徹底根究著崇實會同東純確切查明據實參奏毋得稍有不實自干咎戾將此由五百里諭令知之○文煜奏洋人陸續到煙臺者約共一萬數千人廠車馬匹亦復不少探聞過暑後放船至海豐縣之大山地方再行水陸兼進直赴天津奏入諭僧格林沁等熟籌安辦○江蘇學政孫葆元奏江陰等處情形得旨時事艱難汝雖任學政自應振刷精神不可豫存退志○王成諭內閣前諭江蘇等省辦理團練並令在京大小官員各就地地方情形直抒所見並各舉所知候旨派往茲據大學士彭蘊章等酌擬辦理章程十條呈覽均屬可行自應一律辦理著派大理寺卿晏端書作為江北督辦團練大臣馳驛前往並著淮徐道吳棠幫辦團練事宜在籍內閣學士龐鍾璐著作為江南督辦團練大臣其幫辦之地方官著彭蘊章等於江蘇司道中訪察保奏候旨簡派晏端書等即按照所議條款體察情形妥為辦理○諭前諭陝西等省在東大小官員各就地地方情形各抒所見籌辦團練事宜並各舉所知候旨派往茲據戶部左侍郎梁瀚奏酌擬辦理章程九條呈覽均屬可行陝西團練即派署巡撫譚廷襄督辦前任陝西陝安道坐補聿秦階道陳晉恩著發往陝西與見任陝安道張守岱在籍候選知府馬百齡均幫辦團練事宜按照所擬條款並參酌河南等省章程體察情形妥為辦理○官文胡林翼奏官國藩奉命署理兩江總督部下兵力實薄若遽撤安慶之圍則皖北全局震動再四商榷於安慶圍師中抽撥朱品隆等馬步一萬餘人渡江啟程安慶圍師尚須添募以益兵力雖經胡林翼趕緊召募而新勇未至舊隊先行彌縫補救實已竭蹶不遑都興阿到英山亦言安慶桐城潛山霍山等處兵力實形單薄見據副都統多隆阿舒保前後咨稱馬隊不敷防剿胡林翼先行咨送遊擊周玉成等親兵一哨統計馬步不滿千人都興阿五年入楚北七年入皖北血戰

經營始得此尺寸之土地若使楚師盡行皖疆復委棄於賊實非都與阿之心且皖北地方八年之久未覩官軍威儀該省新復之宿松太湖潛山等處六州縣殘黎喘息未定每聞撤調兵勇則士民遮道號泣慘不忍聞若以兵少餉竭棄此子遺之皖民而僅以保境圍爲心亦非臣等所忍出此都與阿疋疾本未全愈乘輿以行需人扶掖前在省城臣等即屬其暫行養息數旬都與阿力言不可臣等目擊其精力短絀衝鋒陷陣實恐未能再馬隊必須步隊相輔今則副將石清吉雷正綰總兵鮑超等既不能同行余際昌三千三百人獨當英霍一路一搖足而山險盡失若以零星隊伍雜湊成行則北人管帶南勇風氣既異情偽又難盡知近日楊載福彭玉麟督率水陸將安慶東路樞陽鎮偽城克復樞陽爲安慶之咽喉賊匪糧道必經之處且皖北逆首陳玉城及各賊目之妻孥畜產盡在安慶城中賊之來援必速查湖北兵力未分時陳逆糾十萬之賊西犯以救潛山太湖臣等與曾國藩合力圖謀血戰月餘屢瀕於危幸而勝之今則賊既無所顧忌必挾全力西犯以謀楚軍曾國藩既已渡江楚省兩次又分去勇丁一萬六千人臣胡林翼新募各軍尙未趕到是楚北皖北之危迫情形不待智士而已知之都與阿有督辦軍務重寄臣等所敢擅留惟細審兵勢賊勢及都與阿近日精力顛蹙 聖恩另簡大員馳往江北其安慶桐城後路空虛應以臣胡林翼兼行督管黃州德安漢陽一帶可否暫飭都與阿移入麻城孝感黃陂等縣養息病軀藉其聲威坐鎮或可補救萬一再聞布政使辭煥見在揚州應否專委召募陸勇水師以保揚州鹽場及臺下河產米各州縣吳楚皆澤國也以舟楫爲利水師一萬可抵步兵十萬應請飭下督臣曾國藩於淮安設大府選將募勇造船鑄礮另設水師專營奏舉賢才破格錄用假以便宜淮安地處上游江湖河海均可通行異日克復江南蘇州常州各郡縣必以水師爲根本其甯國太平等府之石關湖南嶺湖應另設水師一支衢州杭州亦應設水師一支勤遠謀而收實效果水師得力則吳越可平曾國藩自咸豐三年勅造水師管帶最久賢才既多功績既大以此委任而責其成功事必有濟 上諭軍機大臣等據官文等奏湖北撥派兵勇已多趕往湖南增募勇丁並請另設水師專營等語與曾國藩所籌適相符合曾國藩見已抽調兵勇萬人由宿松進駐祁門俟鮑超張運蘭李元度到後即由徽甯蕪湖廣信分路進兵並擬設淮揚水師以保裏下河及各場竈並輔淮揚陸軍已令即日興辦鄂省官軍調出已多漢黃德三府空虛無備恐賊匪乘間內犯繞入腹地包襲安慶桐城英霍後路不可不防胡林翼已派員前往湖南增募勇丁著依新募各軍到後妥爲布置勿使逆匪得伺其隙新投江蘇巡撫辭煥見在上海並未前赴淮揚江北統兵大員非李若珠所能勝任都與阿雖患股疾不能騎馬然該將軍久歷戎行曉暢兵機正可藉資調度不必衝鋒陷陣親臨前敵著該大臣等仍遵前旨調撥馬隊兵勇並籌餉餉項派赴都與阿軍營以便該將軍統帶啟程前往江北督辦堵剿事宜勿稍遲誤將此由六百里諭令知之○諭瑞昌等奏廣德失陷賊蹤刻疾並欲添調黨援三四萬以圖大逞恐其席卷而東則浙省面面受敵將有應接不暇之勢著即咨催江長貴一軍進紮餘杭爲張玉夏等後路策應毋令再有疏失嘉興賊匪出擾屢被民團擊退張玉夏收集江南潰散兵勇合諸省城內外防剿諸軍及福建江西新撥各隊不下六萬

餘人兵力不可謂不厚見已前赴石門灣白洋鎮之間步步進紮並調水師船駛赴石門以便水陸並進張玉夏素稱勇敢前次救援杭州厥功甚偉故命署理欽差大臣總統諸軍旋以蘇州失守潰退革職雷營著即飭令迅速前進立復各城以贖前愆儻所向有功仍可重膺懋賞毋再挫失致干咎戾張芾奏餉源告竭道員孫觀赴浙之餉未回暫行代辦之道員福咸又藉病諉卸請派大員經營糧臺等語著王有齡迅派大員前赴甯國辦理糧臺以專責成將此由六百里諭令知之○諭張芾奏廣德涇縣先後失守徵防戒嚴分兵堵截一摺賊匪敗竄回撲涇縣又復失陷徽甯之路隔絕亟宜乘其喘息未定迅圖克復即飭道員蘇式敬等由績溪旌德迅速進攻節節掃蕩克復城池以保浙皖門戶據奏廣德之賊盡數竄出是否該州城已經收復並著查明具奏至皖餉缺乏前據張芾奏請飭江西等省撥解已令戶部速議具奏旋據該部奏准於湖南湖北各撥銀十五萬兩並令江西仍於每月解足三萬兩之外再行籌撥數萬兩迅解皖南以資接濟著張芾先為安撫軍心毋令譁潰俟各處餉項解到與周天受一軍酌量分用以安眾志將此由六百里各諭令知之○許煥奏臣奉命署理欽差大臣後即照會英佛米俄四酋英佛並不照覆額爾金葛羅到滬惟裝運軍火行李上船並帶有竹梯車馬木刻假洋人等數日內即行北駛經華商楊坊等勸其與臣見面該酋答以止知進京不與外省官員相見額爾金即日起旋葛羅尚須稍遲數日米俄兩酋亦附和同行決意北駛無從勸阻奏入諭恆福派員因勢利導僧格林沁妥為辦理○以廣德涇縣等城被賊竄陷張芾下部議處○子安徽陣亡總兵官李嘉萬等祭葬世職

咸豐東華錄九十四

六月癸亥朔諭內閣色克通額等奏參前任庫倫辦事大臣擅改祭山章程等語庫倫肯特依神山向係用湯退牛羊供獻前任庫倫辦事大臣貝子德勒克多爾濟到任後並不遵照定章沿照伊父倫布多爾濟在任時用活牛活羊供獻殊屬有違定制德勒克多爾濟著交理藩院議處嗣後恭祭神山仍著用湯退牛羊以符舊制○甲子諭軍機大臣等前因廣西軍餉支絀當諭湖南省接濟並疊經諭令四川山西陝西等省速撥協餉以濟軍餉本日據劉長佑奏艇匪聚眾江面不靖潯州未克則慶太思南等六府數十州縣與省城聲氣頓隔土匪濫起千百為羣欲思剿賊必議增兵而餉項日絀斷非本省力量所能投撥各軍積欠已多需款甚鉅即鄰省稍為籌措亦無濟要需等語廣西地瘠民貧兵艱餉竭自屬實在情形見擬進躡石逆並分期贖買縣等處股匪以保全局需用更繁駱秉章前奏先將劉長佑所部楚勇口糧發至九年十月底止欠解之七萬餘兩陸續找清以後每月勻撥一萬兩著駱秉章仍按月源源接濟以利軍行至山西陝西兩省前諭令於協解湖北月餉內劃解銀各十萬兩並諭會望顏將四川省欠解銀十二萬五千兩迅速陸續解往迄今未據報解著會望顏英桂譚廷襄趕緊湊集撥解毋再推延將此由六百里各諭令知之○諭僧格林沁恆福奏北塘祁口續到夷船接收俄函並請派譚廷襄等來京籌辦各摺片僧格林沁等派員接收俄函業將米信令其撤回惟明常既經出口因何又有米船駛至北塘復行進口情殊叵測夷人在海口一帶廟內住宿和約內並未載有此條著僧格

林沈等派員曉諭令其迅速下船出口不可任其久踞致墮衛中祁口往來之船在高沙嶺驢駒河等處丈量水勢又有粵人登岸
詢問赴津路徑其爲英佛無疑該大臣等尤當督飭南岸馬隊官兵輪流至祁口一路巡防如有紮營情事亦須派人向其開導斷
不可如烟臺金州等處任其登岸占踞總須以理相拒不可費自我開並曉諭居民不得與之接濟以杜窺伺至駐紮青縣官兵即
照所請派副將牛浩然管帶俟此項官兵到防歸克與阿統帶此時戰撫之機間不容髮防朝事宜僧格林沁業經辦理周安惟撫
局屢降諭旨令恆福專辦實無勞費豈可稍存成見有意推諉著仍遵前旨相機安辦所有請派譚廷襄等來津之處著毋庸議奏
片內已詳細批示諒該大臣等必能領會也俄信尙未據禮部送到俟送到時再行相機辦理將此由五百里諭令知之○以四川
天全州城被賊竄陷曾望顏下部議處○乙丑諭軍機大臣等瑞昌王有齡奏浙江軍餉罄盡一摺浙省見在防剿喫緊必須各省
協濟軍餉自係實在情形本日已由六百里寄諭湖北湖南福建廣東四川江西各督撫按數撥解矣張玉良收集潰勇二萬四千
餘人此輩多有眷屬無心戰鬪斷難得力若仍用之必致騷擾地方此時給與口糧不過暫時籠絡仍當設法徐爲遣散以節糜費
見在賊勢蔓延兵力不敷堵剿全在激勵團練保衛身家不但可以協助官兵兼可節省軍餉據奏嘉興之賊時出擄掠多爲民團
所敗可見百姓敵愾同仇深明大義著瑞昌王有齡飭屬認真團練如湖州紳士趙景賢等即可派辦毋得視為具文張玉良見察
石門灣步步進剿馬得昭爲後路策應趙景賢會同劉仁福由平望兜剿著即督飭各員分路攻擊克復嘉興進攻蘇郡毋稍延緩
將此由六百里加緊諭令知之○諭據瑞昌王有齡奏浙江軍餉業已罄盡原有兵勇與招集江南潰軍共有五六萬之眾見在進
攻嘉興援剿廣德均需大隊口糧不容稍缺請飭備各省協餉等語浙江甫遭蹂躪元氣未復而兵勇雲集士卒饑疲口糧無出自
係實在情形著慶瑞瑞璣仍遵前旨籌撥銀數萬兩迅解浙江並著勞崇光著齡飭粵海關監督毓清遵照部撥在於粵海關稅項
下除應解內務府銀兩外下餘銀十萬兩解浙官文胡林翼駱秉章曾望顏毓科仍各按照前次部撥協款數目迅速籌
撥解赴浙江俟曾國藩一軍到浙以資協濟毋稍延誤本日又據劉源灝奏粵匪竄擾黔境本地苗教各匪復事鴟張餉竭師疲力
難兼顧請飭催撥餉等語四川省欠解餉甚多著曾望顏無論何款迅即籌撥銀二十萬兩就近解黔以濟急需將此由六百里
各諭令知之○諭劉源灝奏粵匪竄擾黔境內賊復肆鴟張懸陳危急情形一摺粵匪擁眾萬餘由興義貞豐歸化竄陷廣順永甯
兩州城窺伺定番貴州省城附近苗教各匪乘間而起雖經趙德昌等帶隊馳往擊退而清水江以內數百里賊蹤幾徧廣順甫經
收復其永甯竄踞粵匪勢正披猖定番距省僅百餘里省城四面受敵情形實爲危急著田興恕即督大隊由石屏取道遵義徑抵
省門以顧根本並將粵黔等匪與劉源灝斟酌緩急力圖剿辦以除醜類而靖地方毋稍延誤將此由六百里諭令知之○命沈兆
澧來京以莊受祺爲浙江布政使林福祥爲福建按察使由江西吉甯○調湯雲松爲江蘇按察使甯曾綸爲浙江按察使○命降
補總兵官鄭魁士往袁甲二軍營效力○丙寅諭軍機大臣等本日據薛煥奏青浦松江相繼失守並嚴扼要隘迅圖克復一摺覽

奏曷勝憤懣青浦松江於五月二十三等日連行失陷該城文武竟不能爲一日之守且松江郡城設有提督五營額兵二三千名並有何桂清添派督標兵一百六十餘名儘足防剿乃賊匪竄至時僅有華亭婁縣募勇在西門接仗一次而五營員弁兵勇無一人出戰任令賊匪長驅入城實堪痛恨該處營務自張國樑在金陵督師後俱係參將游桂林主持是否聞警先逃著卽迅速查明嚴行參辦以伸軍律見在東西汶及得勝港等處水師雖經獲勝而逆匪仍踞城未退著薛煥卽督帶添募兵勇聯絡鄉團迅圖克復毋令再行蔓延至江蘇兵勇銳氣盡失潰逃相繼難期振作惟有鼓勵民團可輔兵力之不足見已降旨令前任內閣學士龐鍾璐爲督辦江南團練大臣晏端書爲督辦江北團練大臣著該撫就近與龐鍾璐迅速籌商務令被賊郡縣一律舉行實力堵剿毋得有名無實至該撫招募呂宋夷兵助剿本有流弊既經英酋普魯斯喚回正可聽其撤回不必再行強留張國樑所遣江南提督員缺未便久懸著該撫卽於江蘇帶兵各員中擇其得力堪以勝任者酌保一人候朕簡放並已諭知瑞昌王有齡恐蘇省無可保之員卽在浙省帶兵各鎮內酌量保奏矣至漕糧爲天庾正供關緊要蘇省未失地方產米之區尙多仍著該撫設法豫爲籌畫於明歲春間由海運津以備京倉支放是爲至要將此由六百里加緊諭令知之○諭前因嘉興廣德相繼失陷諭令瑞昌等飭令張玉良統帶水陸兵勇步步進紮以期迅速復嘉興郡城本日復據薛煥奏青浦松江連日失守賊氛甚熾各等語江蘇松江地方與浙省嘉興壤地相接見在郡城雖被竄陷而嘉善各屬尙無賊蹤若賊由松江等處竄擾旁縣則蹂躪之區愈多攻剿更屬不易浙省兵勇及各路援兵統計不下六萬名民間團勇又能奮勇殺賊著瑞昌王有齡卽飭張玉良迅速由石門進剿以圖克復嘉興保全浙境卽可進援蘇省並著激勵民團同心殺賊以助兵威見在浙江帶兵各員除饒廷選已放浙江提督外有無得力大員堪膺江南提督之任著著瑞昌王有齡一併察看保奏候朕簡放再嘉興見雖失守而浙省產米之區尙屬不少明年漕糧正賦卽當籌辦以實京倉著王有齡豫爲籌畫屆時由海運京毋誤天庾正供將此由六百里加緊諭令知之○文煜奏烟臺海口積有洋船駛到洋人廣東人約共一萬四五百人馬一千二百匹羸七八十頭大車四十餘輛獨輪小車一百餘輛木桶木箱蔴袋等多件委員問以見居煙臺何事答以避暑七月後卽赴天津該洋人復探聽煙臺至利津及利津至天津水陸程途遠近並於山南平地試演礮車兼開煙臺鋪戶傳說六月初旬起身並有大將軍卽日坐船西行已否各僧格林沁等嚴防薛煥奏額爾金萬羅於五月十七十九日先後由滬啟碇並探得有會齊兵船於六月初旬偕抵大沽海口察看中國如何舉動始決戰和之說奏入諭僧格林沁恒福等安酌辦理○以松江青浦府縣等城被賊竄陷薛煥下部議處○丁卯諭內閣前據浙江等省辦理團練並令在京大小官員各就地方情形直抒所見並各舉所知候旨派往茲據尙書許乃普等公保督辦幫辦各員請旨簡派以專責成自應一律辦理著派前任漕運總督邵燦作爲浙江督辦團練大臣並著浙江差委道員史致諤幫辦團練事宜卽按照河南等省所議章程體察情形妥爲辦理○諭軍機大臣等曾望顏奏石逆竄擾黔省逼近川疆一摺粵逆石達開由紅水江竄入黔省分股攻陷永甯廣

順等州勢甚猖獗川東一帶與黔省地方在在毗連若由黔入川更恐滋蔓難圖前調蕭啟江一軍赴川本爲防剿石逆而設嗣蕭啟江抵川病故楚軍統領乏人曾諭令官文等於湖南湖北兩省中揀派得力大員前往管帶此時如已揀派有人著即飭令迅赴川省以資攻剿左宗棠見在襄辦曾國藩軍務前有旨令官文等妥速籌商該員是否能獨當一面令其赴川督辦軍務昨據曾國藩奏該員在楚南募勇隨同剿賊亦恐不能卽往蜀中此時川省軍務毫無起色滇匪既未能除石逆又將竄擾該省據兩湖上游設或糜爛楚省亦有西顧之憂曾望顏本不得力曹澂鍾業已撤回此時並無熟悉軍務之員在彼督辦深爲可慮左宗棠前在湖南襄辦軍務尙爲石逆所畏若令督辦川省軍務能否勝任仍著官文等迅速具奏再降諭旨將此由六百里各諭令知之○諭前因粵匪竄陷廣順永甯窺伺定番貴州省城附近苗教各匪乘間蜂起省垣危急當降旨諭令田興恕卽督大隊由石旣取道遵義徑抵省城力圖剿辦茲據曾望顏奏粵匪石達開分陷永甯廣順等處並有大股已被邸岱之說黔省首領與川省敘永應毗連如該逆由遵義竄擾則必由南川縣入川儻由仁懷假道則綦江江津合江等處皆屬可虞請飭田興恕帶兵由西秀一路直入川境再分兵一由綦江趨遵義一由敘永趨大定如兵力未敷卽於川南川東招募團勇歸其統帶餉需亦由川省籌撥各等語石逆垂涎川省已久黔省素稱瘠苦該逆未必竟思久踞恐其聲東擊西假道黔疆以遂入川之計四川滇匪尙未剿除所有該省兵勇均赴天全并研兩處剿辦未暇分顧川南邊防若令石逆乘間闖入必致滋蔓難圖著劉源灑田興恕酌量緩急通盤籌畫如黔省情形稍鬆探明果係石逆大股入川卽帶兵迅赴西秀由綦江敘永分投迎剿旣可以保川省藩籬亦可以樹黔省聲威毋致顧此失彼將此由六百里諭令知之○命江蘇按察使湯雲松幫同在籍內閣學士龐鍾璐辦理江南團練事宜○予四川陣亡布歷歷汪應濤等祭葬世職○戊辰諭內閣本年朕三旬慶辰長業經軍敷圖澤並將在京大員老親加恩優養茲據吏兵等部查明外任大員老親有年逾八十者祿養承恩康彊逢吉洵爲盛世嘉祥允宜普加賞費用示朕錫福推恩至意○諭軍機大臣等本日據王夔齡奏清淮餉源告竭釐捐幾無可抽勒捐亦無把握擬於江北各屬及兩湖江西東豫五省有漕各州縣按照缺分大小或四五百兩或二三百兩量力捐輸並措捐庫平銀一千兩以資倡率請飭湖北等省各督撫一體飭屬照辦各等語清淮地方關繫南北咽喉必得士飽馬騰方足以壯聲威近因賊氛逼近釐捐各項諸形短絀不得不廣爲勸捐以救目前之急湖北湖南江西山東河南各州縣或甫離賊氛或地方多事原不能責其一律捐輸惟軍興以來紳商富戶屢次輸將以佐軍情况各州縣受國家豢養之恩目覩時艱急公好義之員諒不乏人著官文胡林翼駱秉章毓科文煜慶廉責令各該糧道實力勸諭飭令有漕各州縣按照缺分大小量力捐輸集有成數卽解交王夔齡糧臺以濟軍餉將此由五百里各諭令知之○諭前因何桂清奏派令查文經赴高寶等處辦防積據喬松年奏查文經業已渡江疊經諭知薛煥以查文經係專辦江南糧臺之員卽行迅速追回令其清理經手事務另揀委員於江甘一帶擇地安設江南糧臺餉項由上海源源接濟勿令諸軍飢潰本日據查文經奏蘇松太道於應解餉需以本境設

防及供應英佛兩國防兵爲詞絲毫不解迭經催提仍屬罔應並請將寄存浙江甯波銀十萬兩由海道解往應用等語江南糧臺應放水師等餉薛煥於接奉前旨後諒已於江甘等屬另設糧臺委派賢員辦理各軍需餉急迫即著該撫於上海籌畫款項陸續解往毋任匱乏致有貽誤查文經尙在高郵著薛煥遵照前旨即行追回令其將經手收支各款交代清楚如查有浮冒等弊即著從嚴參辦至夷人防兵自應由夷酋發給口糧斷無中國支應之理何以該署道員吳煦於查文經催餉時輒以此言答覆是否實有其事並著薛煥查明具奏毋稍回護其蘇省寄存甯波銀十萬兩據王有齡奏此項與前存藩庫銀二十萬兩業已動用查文經所請提解糧臺之處著毋庸議將此由六百里諭令知之○予貴州陣亡知縣劉代英等祭葬世職○己巳 上以三旬萬壽節御同樂園賜王大臣蒙古王貝勒貝子公等食○諭內閣劉長佑奏官軍攻復慶遠府城一摺逆匪石達開竄踞廣西慶遠府城經劉長佑督飭文武員弁先將分宜思恩河池等處股匪痛加剿洗蕩除淨盡該逆震恐自相殘殺知府榮林即率勇練由西路前進署宜山縣知縣況逢春等各帶團練由北路前進四月十八日榮林勒賊獨山塘擊斃二千餘名況逢春等沿途轉戰亦斃賊千餘名十九日會師臨城該逆開門由南路逃遁官軍追逐四十里殲擒賊匪多名當將郡城克復善劉長佑乘此聲威飭令榮林等跟蹤追剿迅掃賊氛毋畱餘孽所有在事出力文武員弁團練人等並著查明保奏候朕施恩○庚午 上御同樂園賜王大臣蒙古王貝勒貝子公及外藩使臣等食○諭軍機大臣等慶端奏浙省軍情萬緊即日統兵馳援並請飭催各路援師會剿一摺逆匪竄陷嘉興杭城危急瑞昌王有齡業經派張王良督兵進剿並節次諭令瑞昌總統江南諸軍由浙進攻蘇常兵力尙敷剿辦慶端請帶兵前往會剿自係不分畛域但福建毗連浙省必須嚴防門戶以免該逆乘虛竄越著慶端即帶兵勇馳赴閩浙交界處所扼要駐紮與浙省遙爲聲援毋庸赴浙轉致本省空虛見在曾國藩統兵由祁門前進湖北派兵已多實難再調官文等見已派員赴湖南募勇江西亦經添派官兵援應均無須另行徵調所有福建派援之金廈泉州兵勇著該督即飛催前進毋稍延誤將此由六百里諭令知之○命浙江在籍左副都御史王履謙幫辦本省團練並督辦勸捐事宜○辛未 萬壽節 上御正大光明殿受賀 御同樂園賜食次日如之○王申諭軍機大臣等慶廉奏請暫畱勝保在豫辦理招撫事宜一摺捻首孫葵心乞降疊據勝保翁同書先後奏聞當經諭知勝保該捻首如果真心來歸必須殺賊自贖再當酌辦不可輕率從事旋有旨命勝保來京已命翁同書接辦招撫事宜惟此輩狼子野心難保不因人多乏食窮蹙來歸其應如何駕馭及部下人數如何分別遣散妥爲安插之處並諭翁同書通籌辦理矣著慶廉即行知照翁同書仍遵前旨妥辦所請暫畱勝保辦理招撫之處著毋庸議慶廉見在出省駐紮紫歸德督辦防剿責無旁貸務當激勵諸軍與各團勇聯爲一氣認真堵剿不可因有議撫之舉稍涉大意所統兵勇當此新舊更替之際尤貴統馭得宜無使軍情渙散致有譁潰之虞將此由五百里諭令知之○命大學士彭繡章毋庸在軍機大臣上行走○甲戌諭軍機大臣等瑞昌奏進攻嘉興待集援師並請催曾國藩統兵迅速赴浙會商一摺浙省各路援師並收集潰散兵勇爲數已屬不少正

宜乘此兵力規復嘉興松江兩郡迅速進攻蘇州以期挽回大局若再遷延觀望俾賊匪得以從容布置勢將負隅久踞攻克又稽時日且恐四出蔓延防剿更形棘手曾國藩見由東流進駐徽郡擬俟增募湖南新勇到齊將皖南防剿事宜布置稍定再圖進取本日已諭令該署督卽行赴浙會商攻剿惟該署督兵尙未齊恐一時未能遽行到浙瑞昌惟當迅速啟程督同張玉良統率各軍攻克嘉興進剿蘇郡賊匪不得坐待曾國藩到杭亦不得以防守省垣爲詞株守杭城致誤事機另片奏請調河南山東各省馬隊二三千名赴浙助剿等語此時豫東兩省本處防剿正在喫緊之際本屬不敷分布勢難再撥他省將此由六百里加緊諭令知之○諭瑞昌奏請催曾國藩兼程赴浙一摺據稱浙省援師及收集兵勇除由張玉良調攻嘉興外尙須分扼孝豐於潛嘉善等處見在存兵無多急盼援師方能進規蘇州松江聞曾國藩已由東流抵徽請飭兼程赴浙會商進剿等語已諭令該將軍卽將見有兵勇統帶迅速啟程進取蘇松不得稍涉觀望惟該將軍兵力較單亦屬實情曾國藩前奏於行抵徽州後尙須待新募勇到再行前進自爲持重起見蘇松常等府均屬財賦之區果能早爲規復或可不致糜爛著曾國藩酌度情形如所帶官軍萬人合之瑞昌兵勇足敷剿辦卽著星馳前進將蘇州等府縣城池速籌克復不必再俟新勇其如何取道浙中以便與瑞昌面商各務並著斟酌辦理至張芾督辦皖南軍務不能得力前諭曾國藩以徽甯本該署督兼轄地方如將該處軍務歸併辦理自覺事權歸一於到徽後察度具奏曾國藩見已渡江著仍遵前旨卽將能否兼顧之處據實奏聞將此由六百里加緊諭令知之○乙亥諭內閣前諭河南等省辦理團練並各派大員回籍督辦因念四川地屬巖疆毗連雲貴近因滇匪竄擾尙未肅清嘉慶年間該省舉行堅壁清野之法著有成效此次自應倣照辦理所有應辦事宜卽著籍隸四川在京官員就地方情形各抒所見該省官紳有名望素著綠達時務者並著各舉所知候旨派往該官紳等必知共體時艱盡心籌辦用副朕綏靖邊疆之至意○諭軍機大臣等前因有人奏四川提督占泰臬司蔣徵蒲督辦軍務怯懦無能成綿龍茂道漢貽孫魏送曾望顏黃金遇事掎制等款當經諭令崇實等會同查參本日復有人奏川匪之起由筠連縣多徵洋藥稅銀並楊寡狗等無辜被誅以致激變事起之後署總督有鳳等茫無主意濮詒孫力主不發兵餉以致迭陷三城前此陳彥坤訐案因王慶雲與翁祖烈同鄉咸謂代懇有鳳添派濮詒孫番辦陳彥坤得爾自認誤控其銀則分派優缺州縣皆濮詒孫設法消弭戕馬營兵以數十人斃賊二千餘人不爲保舉蔣徵蒲帶兵剿賊動卽避匿並未接仗候補直隸州知州伍雲錦在紳士楊熙軍營辦理糧臺浮開兵餉迭經控告三撤三委並濮貽孫趨附炎熱綽號撲燈蛾與蔣徵蒲狼狽爲奸知府史致康爲之羽翼藩司祥奎於升調等事惟濮貽孫是問致有濮作道四川開濮作桌四川滅之謠請飭查辦等語吏治軍務相爲表裏果如所奏則四川吏治之壞已極若不亟加整頓軍務安有起色著崇實東純按照所參各情並前諭查辦各款一併嚴密訪查如有端倪卽將該員等奏請革職鞫問嚴行訊辦毋涉徇隱以肅法紀而儆官邪並著迅速具奏毋得遷延原摺片二件均著鈔給閱看將此由五百里諭令知之○文彩因病免調縣森爲工部尙書倭什理布爲禮部尙書以伊勒東阿爲理

藩院尙書由工部左侍郎選○丙子諭內閣前諭河南等省辦理團練令在京大小官員各就地方情形直抒所見並各舉所知候旨派往

茲據尙書陳孚恩等以江西毗連安徽浙江廣東等省擬辦團練酌保辦理人員並擬團練事宜八條呈覽自應一律舉行在籍四

品銜前任翰林院修撰劉繹著賞加三品京堂銜作為江西督辦團練大臣並著吉南頓甯道沈葆楨布政使銜甘肅安肅道劉于

濤幫辦團練事宜即著按照該尙書等所擬章程體察情形妥為辦理務須抽選壯丁按期操演毋得團而不練以致有名無實所

需器械卽由團練處編號散給俟軍務告竣時卽令繳還所有河南等省議定章程並著鈔給閱看酌量遵行○僧格林沁奏洋

船先後駛至海口十餘隻並接收米團照會鈔錄呈覽得旨此次米夷既有照會明露欲為英佛調處之意是已有議撫端倪卽可

迎機善導該大臣擬俟英佛照會到時由恒福照覆令其照例進京換約並約其卽赴北塘會商為先占以禮相待地步所論甚合

機宜著恒福乘此機會相機辦理○以福濟為工部左侍郎文俊為西甯辦事大臣麟魁為刑部右侍郎降調高尙書○丁丑諭軍機大

臣等薛煥奏克復松江府城見乘勝進剿一摺江蘇松江府城被賊匪竄踞薛煥飭令候補道張景渠等會同直隸州知州應寶

時等約會民團分投進剿五月二十七日賊匪分路出巢圖竄上海官軍乘其不備卽刻進攻直抵南門城下施放槍礮轟斃逆匪

多名城內各匪慌亂我軍攻破城門應寶時督令兵勇首先由南門殺入兵勇民團一齊擁進斃賊一千餘名當將松江府城克復

城內餘匪經兵勇乘夜搜捕淨盡其圖竄上海之賊經各路兵勇民團沿途截殺斃賊無算該匪星奔四散悉為民團擊殺剿辦甚

為得手著薛煥督飭水陸兵勇激勵民團乘此聲威迅復青浦進攻蘇州省城以慰朕懷所有此次出力之文武員弁兵勇並團練

紳董勇丁著薛煥查明保奏候朕施恩其前經降旨令查之失事文武員弁是否聞警先逃仍著查明從嚴參辦毋稍寬縱○諭前

諭順天直隸辦理團練並令在京大小官員就地方情形各抒所見並各舉所知候旨派往茲據侍郎齊承彥等公同酌保督辦幫

辦各員開單呈覽自應一律辦理著派候補內閣學士桑春榮作為順天直隸督辦團練大臣並著大順廣道聯捷幫辦團練事宜

卽按照河南等省議定章程體察情形妥為辦理○旨國藩奏連日淮浙江撫臣王有齡函稱蘇屬多為賊陷又陷松江郡縣大倉

嘉定失而旋復張玉良進攻嘉興兩次獲勝廣德州業經收復統計浙省兵勇六萬餘人是兵力已厚不獨杭城可保且能由嘉興

以漸圖蘇蘇賊勢趨杭一節當不至上勞 宸厯至安慶一城有楊載福彭玉麟曾國荃等水陸扼紮斷賊接濟惟逆匪四眼狗母

妻宗族皆在城中秋間援賊必至如能與多隆阿李續宜各軍合力擊退則城賊勢窮可期得手但使陳逆全股與安慶桐城官軍

相持亦足分下游之賊勢紓蘇浙之兵力至南岸三路進兵之說目今賊餒彌盛占地愈廣我軍合力進攻深恐賊鈔我後適接王

有齡函開中路不宜遽進深陽恐其驅賊南犯臣擬俟左宗棠李元度鮑超張運蘭等先後到齊北路則直趨池州南路則直趨廣

德中路則暫不深入先守徽甯要隘庶免鈔我後路亦無偏賊南竄之虞此臣注重安慶皖南不敢先圖蘇常一隅之微意 上諭

軍機大臣等前因江蘇軍情緊急諭令旨國藩星馳前進迅復各城茲據奏稱不宜遽進深陽恐其驅賊南犯擬俟左宗棠等到齊

分路進攻先守徽甯要隘以免賊匪鈔後自係持重老成之見著照所擬辦理至浙江軍務張玉良進攻嘉興雖獲小勝尙未克復郡城見在松江府城克復薛煥會督兵團進攻青浦若同該署督所派援軍分道並進與瑞昌等軍會合進剿更可大振軍威該署督務當兼權緩急毋得坐失機宜將此由六百里諭令知之○署陝西巡撫譚廷襄奏請陝省兵馬兼歸巡撫節制得旨著樂斌抵陝與譚廷襄妥爲商酌若各鎮協以下均由巡撫節制其升調缺分兵馬錢糧有無違礙之處一併熟商不可各存意見務期有益於地方籌畫妥當會銜具奏○戊寅諭軍機大臣等倭格林沁恆福奏夷船連檣而至津沽防守喫重一摺夷船一百數十隻均在攔江沙外停泊距海口不過三四十里倭格林沁調派馬步官兵分紮各路並於埕子莊地方豫籌馬隊以備臨時截擊布置諒已周密該夷此次調集兵船聲言水陸並進意圖報復實則以兵脅和勞崇光薛煥均探該夷有議和之意米夷又欲從中調處是英佛不專主戰已可概見今既在攔江沙外停泊即著恆福派委委員詢其來意並先行照會該酋令其照米國之例少帶從人由北塘進京換約朕思倭格林沁海口布置雖已周妥惟念決裂之後從此兵連禍結迄無了期朕又何忍沿海居民遭其荼毒恆福身任地方當仰體朕心不可因海口設防嚴密仍存先戰後和之意所有如何照會之處即著妥籌速行辦理○諭據王有齡奏運飭各屬舉行團練等語本年三四月間賊踞分水高安等縣附近民團隨同殺賊長興西南兩鄉二萬餘人殺賊數千縣境肅清嘉興之王店鎮等處團勇沈毀賊船擊獲奸細殲斃賊匪無數蘇省所屬吳江縣之同里等鎮亦經該撫委員諭令聯絡完善各鄉團自禦俟有官兵前進助剿各該處舉辦民團踴躍奉行無不同仇敵愾願隨官軍攻剿共圖恢復實屬義勇可嘉該撫通行勸諭並先給功牌獎勵辦理亦甚得宜見在諭令各省辦理團練已有旨派前任漕運總督邵傑作爲浙江督辦團練大臣並著浙江差委道員史致諤等幫辦團練事宜矣惟團練原爲紳民義舉以衛桑梓而固疆圉各省係民捐民辦地漕爲天庾正供豈容絲毫短少若各直省紛紛請免國家經費有常庫款將從何出王有齡所稱請免地漕之處萬不可行著毋庸議仍令各該紳民出費自行捐辦俟捐費積有成數或將來援照成案請加通省中額廣各州縣學額或照推廣捐輸例從優給獎擢予官階或照軍功優敘與在事出力打仗人員一體保奏優加甄敘但能辦有成效殺賊立功朕必破格施恩以昭懲賞該撫卽當出示曉諭妥爲辦理總期兵民聯爲一氣以資攻剿見在平望旣經克復卽著瑞昌督飭各軍會合民團迅速嘉興次第攻克蘇常是爲至要將此由六百里諭令知之○浙江巡撫王有齡奏在籍道員趙景賢督帶練勇收復湖州平望地方得旨嘉獎○追子福建陣亡道員趙印川建祠並入祀本籍昭忠祠○子江南陣亡副都統多隆武等祭葬世職○己卯諭軍機大臣等據德標額等奏蘭鄒等界勦辦情形見仍督飭兵勇躡蹤剿捕並挑備馬隊聽候海防調撥一摺據稱匪首翟三禿子被擊帶傷竄至沙墩經營總依查布等跟蹤追襲竄入灑塘勒哈洪阿自長城技捕到磨山莊塢地方生擒張士蘭等二十餘名正法翟三禿子身受重傷竄入江南蘭鄒界涿等界漸就肅清匪首洪佃一仍踞項城尙覬覦我軍等語該匪疊經官軍痛加剿洗餘黨無多惟匪首翟三禿子洪佃一尙未就擒見在江北

軍務正當喫緊之際難保不句結爲患亟應乘勝殲除淨盡以絕根株著德楞額等不分畛域分路兜剿務將翟三禿子洪佃一二犯捕獲勿使一名漏網以清餘孽文煜所謂馬隊該副都統業經挑撥吉林等馬隊共二百五十名令營總穆隆阿等管帶聽候調遣著俟文煜調撥即令啟程德楞額見在追捕餘匪俟蘭鄂費嶧一律肅清仍回韓莊駐紮勿庸前赴登萊一帶以專責成將此由五百里諭令知之○論昨因夷船在欄江沙外諭令恆福先行照會該酋令其少帶從人來京換約本日據僧格林沁等奏夷船三十餘隻駛至北塘海口夷人登岸占踞村莊恆福見照會米酋轉約英佛二夷進京換約所辦尙爲妥善著恆福即分撥照會徑行給與英佛告以汝等此次既到北塘足見真心和好有意換約而來如願照米國之例進京換約必代爲轉奏俟奉旨允准即可由此北上佛國照會內告以上年爾國並未助英國打仗大皇帝深爲嘉獎此次來至北塘換約從此更敦和好如此分別照會看其如何答覆迅即馳奏至大沽後路及天津郡城著僧格林沁仍嚴密防範毋稍大意○庚辰諭內閣前據御史薛書堂侍郎宋晉御史福寬等奏請裁汰河員並改設漕運總督簡員駐守各摺片當交御前大臣軍機大臣會同該部議奏茲據載垣等奏遵議裁汰河工文武官員酌改操防營伍各事宜開單呈覽江南河道總督統轄三道二十廳文武員弁數百員操防修防各兵數千名原以防河險而利漕行自河流改道舊黃河一帶本無應辦之工官多闕冗兵皆疲惰虛費餉需莫此爲甚所有江南河道總督一缺著即裁汰其淮揚淮海道兩缺亦即裁撤淮徐道著改爲淮徐揚海兵備道仍駐徐州所有淮揚淮海兩道應管地方河工各事宜統歸該道管轄廳官二十員內豐北蕭南銅沛宿南宿北桃南桃北外南外北海防海阜海安山安十三廳均係管理黃河見在無工又管理洪湖之中河裏河運河高堰山盱揚河江運七廳見在工程較少均著一併裁撤惟中河等七廳有分司儲蓄宣洩事宜所有裁撤之運河中河二廳事務著改設徐州府同知一員兼管裁撤之高堰山盱二廳著改設淮安府同知一員兼管裁撤之裏河廳著改爲淮安府督捕通判兼管裁撤之揚河江運二廳著改歸揚州府清軍總捕同知兼管至裁撤黃河無工十三廳原轄各工段汛地即著落各該管州縣官管轄不得互相推諉各廳所屬之管河佐雜人員除揚莊等插官十員專司啟閉毋庸裁撤外其餘州等管河州同五缺高郵州等管河州判三缺東臺等管河縣丞十九缺高良澗等管河主簿二十一缺阜甯等管河巡檢十六缺均著一併裁撤清江地方緊要著添設總兵一員作爲淮揚鎮總兵駐紮該處俟軍務平靜再行改駐揚州原設河標中營副將一員著即裁撤改爲鎮標中軍遊擊駐紮蔣壩其淮徐遊擊一員駐紮宿遷所有鎮標中營員弁並右營廟灣洪湖佃湖等五營遊擊以下官五十四員馬步守兵共二千五百餘名原屬操防悉仍其舊至蕭楊等營所屬修防兵六千九百餘名著一律改爲操防將二十四營改設蔣壩宿遷蕭縣豐沛桃源安東山阜高郵葦蕩左右等十營除酌留遊擊以下八十一員外其餘六十一員悉行裁撤以上各營官兵均歸新設淮揚鎮總兵統轄著即裁汰老弱簡選精壯認真操練以資戰守見在江南軍務未竣該省督撫勢難兼顧所有江北鎮標以下各員均著歸漕運總督暫行節制○諭軍機大臣等僧格林沁等奏米夷照會內稱英佛兩國即欲交兵

見有夷船結隊出村意圖侵犯一摺米夷照會極福有業已無法之語是該國不能從中調處該督仍給與照會令其轉致英佛張兵和好措詞頗爲得體惟米夷既有推諉之意自應徑行照會英佛示以中國寬大或可稍知悔悟此次該夷出村撲犯業經擊退在我給與照會並非示之以弱前降諭旨已極詳備該大臣等必能仰體朕心也將此由五百里諭令知之○袁甲三奏定城踞賊經官軍疊次痛剿援絕勢窮詎自五月二十六七日後大雨時行淮河水勢大發各湖同時異漲營盤多被衝塌臣料該逆必將乘兩繞竄因派撥各隊分別布置六月初四日該逆五六千人由山僻小路繞撲于昌麟營盤各營趕到前後奮擊該逆退竄鮑家圩初八日副都統善慶等帶隊往剿立將該圩攻毀殺賊二三百名初九日該逆仍由橫山口僻路回竄善慶等登高瞭望馳驟下山截擊槍箭齊施該逆首尾不能相顧副都統烏勒興阿亦帶隊馳到會合夾擊追至楊家圩于昌麟等伏兵齊起殺賊六七百名生擒一百七十餘名餘賊遁回城中其由北門出竄之賊經薩薩布等四面衝擊斃賊五百餘名生擒三十餘名見在淮水斗長三丈有餘不惟各路營盤被淹且糧價頓昂柴草俱缺兵勇暫擇高阜駐紮亦暫於舟中辦事一俟天氣晴霽即激勵諸軍迅拔堅城其駐紮盱眙之向得聽一軍先已調赴前敵助剿見飭徐立壯酌留兵勇牽制南路賊勢並調薩薩布得春帶隊馳回併力圍攻又奏自滁州解圍後總兵李世忠約會全椒守將遊擊李顯發等內外夾攻五月十二日該鎮督帶參將朱元興等直攻河北賊營李顯發等整隊出城兩面環攻賊匪登時紛亂立將賊營踏平十三日李顯發等搶過浮橋扼紮南岸直衝賊營該逆驚亂奔逃河南賊壘亦即乘勢平毀先後斃賊一千餘名生擒二百餘名該逆向西敗竄我軍追殺四十餘里全椒城圍立解二十一日潛師出滁城徑襲來安李世忠與朱元興等分三路進攻斬甚多該逆閉門死守我軍晝夜環攻城高濠深急切難下李世忠恐定來逆賊彼此援應隨分隊於三界石壩張入嶺一帶紮營疏通糧道並斷賊援查來安係滁全後路且與天六毗連斷難任賊久踞今滁全均已解圍亟宜乘勝趕復來安見將盱眙存糧設法轉運以濟軍食一面由臨淮籌撥軍火俾各軍併力環攻迅圖克復均報聞○壬午諭軍機大臣等僧格林沁等奏夷人勢大志驕暫難議和懇情直陳一摺所奏情形尙爲透徹此次夷人連檣而至原屬意存叵測不可不嚴爲之防僧格林沁恐一意主撫以致懈我軍心所慮尙是惟恆福身任地方撫事責無旁貸且十七日之戰既已擊斃五十餘名以後並無動靜未必非候我給與照會藉此轉圖該督務當平心和氣妥速辦理若坐失機宜該督不能當此重咎也○癸未諭軍機大臣等本日據劉源灝奏各匪竄陷歸化修文等城逼近省垣請飭田興恕迅速援省並據田興恕奏見在籌辦防剿情形及部署下游各軍即行督軍赴省各摺片粵匪自攻陷歸化廳城後已至羊昌河一帶距省不及百里苗效各匪攻陷修文縣城屯聚省城數十里外省中存兵無多三面受敵異常喫緊田興恕雖飭副將沈宏富劉吉三兩軍由涇潭襄安赴援尙恐緩不濟急著田興恕迅將剿辦下游各軍部署完竣即督所部由葵川取道遵義馳赴省城會同巴揚阿等兵練分投掃蕩勿畱餘孽一俟省垣情形稍鬆仍即馳回石阡相機堵剿以固川省門戶田興恕所奏勸捐抽釐事權未能歸一等語幫辦軍務貴東道何冠

英著卽專辦該省勸捐抽釐諸事以濟餉需其糧臺事務著劉源灝另行揀員襄理毋庸令該道會辦以專責成至黔中州縣疲玩成風屢經田興恕札飭辦理捐釐各州縣動以着練爲詞任意開銷全無實際該撫甫經到任無所用其同護著卽認真查明嚴參懲辦以除積弊將此由六百里諭令知之○以貴州歸化修文廳縣城被賊竄陷劉源灝下部議處于陣亡道員周夔等祭葬世職副將田興奇祭葬世職建祠○申諭軍機大臣等本日據僧格林沁等奏英夷迭來免戰白旗擬卽照會令其定期會晤一摺並將照會及旗事各件鈔錄進呈夷船於駛近北塘河口後瞥見火攻木筏備齊卽應迫回駛以致輪船閤淺其船上夷人二名上岸各執白旗一面上書免戰二字另有摺疊白布一塊據稱須舊作往來之用各等語顯有就我範圍之意恒福所給照會深得大體惟佛國亦有兵船在津亦須一律給與照會如願來京換約卽與約定日期迅速具奏諒恒福必能仰體朕心不避艱難妥速辦理也僧格林沁仍當督飭馬步各營加意嚴防不可稍涉大意○己酉諭軍機大臣等本日據薛煥奏松江克復後查獲賊匪偽諭一紙內有兩粵兵勇三千餘人欲由上海投誠字樣廣勇通賊爲害非鮮請通飭各省軍營裁汰驅逐毋令入伍等語各省軍營招募廣勇歷有年所若如該署督所奏該勇與逆匪勾結蓄意不良本年江南大營潰敗實由於此不可不嚴爲之防著袁甲三翁同書瑞昌王有齡慶廉李若珠於各該營內嚴密詳查此項勇丁如有逆迹顯露已得其通賊實據者除將該犯立即正法外並行文該楚本籍夷其族屬以儆兇頑而消反側其尙無通賊實據而平日素不安分者亦須分別裁汰嚴行驅逐或資遣回籍毋許再招入伍以期盡絕根株袁甲三等當慎之又慎不可因循姑息致蹈覆轍再本日據薛煥奏江震所屬之平望前經湖州紳士趙景賢於五月二十六日帶勇克復後因賊眾蜂聚聞又失陷等語平望克復瑞昌等業經奏聞此次因何失陷並進攻嘉興是否得手著瑞昌王有齡迅速具奏將此由五百里各諭令知之○薛煥奏江陰縣城於五月十六日被賊復陷嘉定縣城克復後又因松郡餘匪回竄崑山蘇州援松之賊到處焚掠北簞山紀廟野雞墩黃渡等處徧地賊蹤均經分派兵勇民團擊退而黃渡一股忽於六月初五日回竄嘉定城復失陷見派兵進攻而太倉寶山上海亦均派撥兵圍堵截報聞○丙戌諭內閣前因御史許其光朱湖奏請清理刑獄各一摺當派肅順文祥會同刑部覈實查辦茲據奏稱查明監禁各案犯將情節較輕及無難速結之段大等四十二名已分別發放取保省釋矣刑部見審事件與彙題會審各案均有定限例義本極嚴明承審司員如果照限完結何至案有留贖獄多繫囚此後著該部堂官飭令承審司員務須遵例迅速審結不得怠玩遷延致有積壓如有任意因循逾限不完者卽著咨部照例議處其新分到部之員律例未諳該堂官等亦應令其潛心講求日久再行試令聽斷庶於見審各案方無枉縱如有不堪造就者尤當隨時甄別以昭慎重至當月司員尙有分別收禁人犯之責嗣後新進之員著隨同學習當差俟二年後再行輪值當月玉瓦親督官弁並派令馬德昭等分路進攻將嘉興城外逆匪壘卡一律攻毀掃除淨盡見在逼近西城紫營期辦尙爲得手著瑞

士趙景賢於五月二十六日擊退將平望鎮克復昨據薛煥片奏亦稱趙景賢於二十六日克復平望後因賊眾蜂聚聞又失陷平望鎮究竟是否得而復失著瑞昌王有齡確切查明迅速具奏其竄入長興之賊並著迎頭截擊痛加剿洗勿令賊眾闖入境內以致牽掣我軍該將軍等惟當力保湖郡進攻嘉興以期迅拔堅城肅清浙境將此由六百里諭令知之○諭前據曾國藩奏酌擬變通進兵章程北路趨池州南路趨廣德中路先守徽甯俟布置稍定後即親赴淮揚籌辦鹽漕大江南北兼顧統籌尙屬周妥惟薛煥僻處海隅兵力單弱難辦恐難得手瑞昌尙在浙省張玉良收集潰軍進攻嘉興雖獲勝仗亦未收復郡城此時蘇常一帶並無重兵攻剿前因李若珠已患痺疾在江北帶兵未能得力是以命都興阿馳往督辦本日據該將軍奏稱湖北無兵可撥尙在英山駐紮似此節節耽延將來賊勢北趨剿辦愈難措手即完善之區鹽漕亦不易辦曾國藩見授爲欽差大臣大江南北水陸各軍均歸節制事權歸一責無旁貸著飭催左宗棠李元度鮑超張運蘭等到齊由池州廣德分路進兵規復蘇常其江北一帶尤爲緊要應如何布置之處亦應悉心籌畫免致臨事周張該大臣膺茲重任務當統籌全局迅掃逆氛以副委任將此由六百里諭令知之○諭前命都興阿馳赴江北因馬隊兵單恐其遷延日久有誤事機疊經諭令官文胡林翼迅飭多隆阿舒保將所部馬隊酌量撥赴都興阿軍營與該將軍見有馬隊合計湊足四五百名並調得力兵勇三四千名派領將大員一二人管帶聽該將軍調遣茲據都興阿奏屢次催調馬步各隊未經籌撥進止兩難請旨遵行等語江北久無統帥防剿喫緊李若珠見患痺疾力不能支將來蘇常克復後賊勢必致北趨亟宜嚴密布置以固江北藩籬朕以都興阿聲威素著特命剋期前往督辦堵剿事宜該將軍受恩深重宜如何奮勉圖功迅速啟程乃至今遲延不進殊非朕意據該將軍奏稱兵勇不敷鄂省官軍雖已調出多名而湖南添募勇丁不日到著官文胡林翼仍遵前旨迅即添調馬隊並得力兵勇三四千名速赴都興阿軍營以便該將軍統帶前進馳赴江北督辦防剿勿得再行遲延致誤事機所需餉項仍著官文等寬爲籌備毋令缺乏本日已降旨將曾國藩補授兩江總督並授爲欽差大臣督辦江南軍務大江南北諸軍均歸節制都興阿與該大臣曾經共事自可協同商辦總之江北地方軍務緊要該將軍不得有畏難之心官文胡林翼不得存畛域之見惟期同心共濟迅堵賊氛朕實有厚望焉將此由六百里各諭令知之○實授曾國藩兩江總督並命爲欽差大臣督辦江南軍務○丁亥諭軍機大臣等巴棟阿奏籌辦鎮防兵勇情形請添調營兵一摺另片奏水師分泊不均請簡員督帶師船等語鎮江見在實存兵二千八百餘名所出各缺原應由各省挑補惟湖南等省或見辦防剿或徵調已多勢難再撥該署將軍所請各省共撥兵四千赴鎮江之處應毋庸議賊踞蘇常有窺伺鎮江之意巴棟阿即就見有之兵力認真堵剿該處各勇既有一萬四千餘名之多若能認真訓練亦可隨同官兵助剿不得因係久募之勇任其坐糜糧餉至江面水師本歸李若珠調遣據巴棟阿奏稱除泊儀徵英洲頭一軍以防浦六窟匪外其餘北岸停泊之船皆宜歸併南岸等語江面水師全在

分布得宜方能有益若偏重一處必致顧此失彼著李若珠即責令擇要分泊上下梭巡嚴扼江面見在楊載福已令李德麟吳全美等駛赴下游可與陳國泰等師船互相聯絡以重江防總宜視各口之險夷以定師船之多寡方為妥善並著李若珠於水營鎮將中擇其堪以統帶師船者酌保一員聽候簡派以專責成而杜觀望將此由六百里各諭令知之○諭據巴棟阿奏江防緊要亟應先靖江面南北兩岸上下表延數百里之遙艇師二百餘隻擬擇要分泊等語江面分布艇師兵力尚形單薄前有旨令吳全美艇船駛赴下游李德麟在魯港仍飭令疏通江路與吳全美聯絡聲勢昨據楊載福奏已飭李德麟師艇與吳全美併赴下游以資分布見在江防喫緊著楊載福嚴催吳全美李德麟剋期帶領所部師船迅速前赴下游聽候李若珠調遣毋得稍有遷延致誤事機將此由六百里諭令知之○前署四川總督曾望顏奏克復天全州城報聞○以東純兼署四川總督由成都○戊子諭軍機大臣等本日僧格林沁等奏接得英夷照會鈔錄呈覽並俄夷回來應否准其會面各摺片額爾金投遞照會雖諸多要挾然並非專意主戰亦可概見此次但告以中國與兩國並無必戰之心額爾金係八年原議和約之人此時前來換約與八年原約並無不合如有應行面議之事大皇帝見派有欽差在京面議汝等即可定期由北塘進京議定為是並照會佛夷令其一同援照米國之例少帶從人由北塘進京換約即或俄夷回來毋庸阻止恒福不必向其答話前俄寄鴉包一件著即送去並告知見無應商之事催令即行起碇勿在海口逗留該大臣等諒必斟酌妥善也○己丑諭內閣前諭四川省辦理團練並令在京官員各舉所知候旨派往茲據給事中趙樹吉酌保各員請旨簡派在籍前任詹事府右春坊右贊善李惺著賞加五品卿銜作為四川督辦團練大臣並著前任宜昌鎮總兵虎嵩林成都府知府楊重雅幫辦團練事宜即按照河南等省所擬團練章程並嘉慶年間該省舉行堅壁清野之法體察情形妥為辦理○軍機大臣等僧格林沁等奏夷人分股攻撲新河馬隊不能支持一摺據稱二十六日夷人出隊馬步約有萬餘分撲新河軍糧城我軍因眾寡不敵見已退守唐兒沽等語唐兒沽距大沽僅止八里為大營後路最關緊要若即嚴飭克與阿等扼守環牆不准稍有鬆懈西凌阿防堵北塘一帶是其專責此次雖因眾寡不敵馬隊不能鈔擊究係該都統未能奮勇抵禦所致西凌阿派撥吉林馬隊必須設法迎頭截剿儻再有貽誤該都統豈能當此重咎僧格林沁見調山海關馬隊前往天津駐紮著即飛催前進該大臣惟當鎮定軍心安為調度不可稍涉張皇恒福辦理撫局貴無旁貸不得因業經接仗遂置撫局於不問著仍遵前旨設法轉圜以顧大局○官文翰林翼奏欽奉諭旨詢問左宗棠能否督辦四川軍務等語往返函商曾國藩渡江僅帶朱品隆所部三千人並湖北所撥鮑超等勇七千人如欲分謀池太兼顧江西揚州必須厚集兵力探聞江蘇之賊近已回屯蕪湖和州兩岸是欲窺伺湖北江西為西犯之謀曾國藩一軍亦嫌力單左宗棠以新練之軍於襄辦江皖軍營尚堪有濟若督辦四川軍務恐難勝任查粵西撫臣劉長佑自隨前任安徽撫臣江忠源轉戰粵西湖北安徽江西等省久於行陣其舊部李明惠劉坤一江忠義席寶田等皆堪分任軍旅可一面先行馳援重慶等處一面在湖南增募二三萬人入川剿辦必能得力若令劉

長佑由開道出西陽秀山水程進保重慶取徑最捷保全甚大如慮石逆先期竄蜀或改道荆宜速保夔州尚可補救 上諭前因四川軍務緊要擬令左宗棠前往督辦當諭官文胡林翼將該員能否勝任迅速具奏茲據奏稱左宗棠督辦川省軍務難收速效若令劉長佑由西秀進保重慶取徑甚捷保全甚大等語左宗棠既不能獨當一面卽毋庸赴川仍襄辦曾國藩軍務廣西省見在防剿正當喫緊劉長佑未便遽離該省湖南地方尙稱安靜著略乘章卽馳赴四川督辦軍務該撫於湖南紳士素爲熟悉擇其曉暢軍務者酌量帶往並添募湖南練勇以資剿辦湖北軍營中曾經戰陣得力之員籍隸湖南者亦不乏人著官文胡林翼酌派數員交略乘章差委石達開窺伺川疆滇匪尙未撲滅其勢岌岌可虞東純見署川督未諳軍旅該撫務卽迅速啟程由便道入川毋稍延誤蕭啟江所帶之勇據官文等奏已咨令都司彭忠信候選同知直隸州知州王沐分起管帶此項勇丁及川省兵勇均歸該撫調遣以冀迅掃賊氛略乘章卽出省後湖南巡撫著文格暫行署理將此由六百里各諭令知之○諭許乃普奏皖浙交界情形並請飭辦理皖南團練一摺皖南爲江浙門戶地當要衝曾國藩已抵建德卽日進紮徽境見在各省舉行團練皖南地方緊要自應一律辦理前據鴻臚寺卿程祖誥奏翰林院侍讀呂錦文在籍有年籌辦國防擊退竄匪著有成效請飭令辦理皖南團練事宜茲據許乃普奏請飭工部郎中余述祖回籍辦理婺源團練該員資望較淺若令專辦該縣團練當可得力呂錦文在籍率團擊賊辦有成效未知能否勝督辦之任著曾國藩察看情形擇其諳練軍務素繫人望者酌保一員迅速奏聞候旨簡派卽令督辦皖南團練事宜以期協助官兵保衛疆圉許乃普原摺著鈔給閱看將此由六百里諭令知之○諭前據許煥奏籌濟鎮江及大江水師餉糶並滬上道府無員可委札飭喬松年在江北遴委委員辦理江南糧臺茲據查文經奏餉需無款可指專候接辦糧臺委員前來督辦等語當常州失陷之後兵勇潰散存營兵勇無多該員所稱普放水陸各營一月口糧並途次補放借給之款共放銀十八萬三千二百餘兩難保無任意冒銷之弊查文經著卽革職由許煥嚴密訪查有無藉端虛冒情事並飭令將從前經手收支各款交代清楚如有含混侵蝕情弊卽著嚴行參辦至江南糧臺存項無多無款可指見在大江水師及長龍船待餉孔殷必得迅派委員辦理許煥不必拘定官階大小趕緊遴選公正諳練之員仍遵前旨設法籌款飭令帶往江北辦理江南分設糧臺專放鎮江一軍及大江水師軍餉不得以無員可委盡諉之喬松年派員經理儘有貽誤致令諸軍飢潰惟許煥是問將此由六百里諭令知之○命安徽按察使毛鴻賓總辦皖北營務○辛卯 硃諭僧格林沁握手言別倏忽半載見在大沽兩岸正在危急諒汝在軍中憂心如焚倍切朕懷惟天下根本不在大沽海口實在京師若稍有挫失總須帶兵退守津郡設法迎頭自北而南截剿萬不可寄身命於礮臺切要切要離營後南北兩岸礮臺須擇可靠之大員代爲防守方爲妥善朕爲汝思之身爲統帥固難言擅自離營今有硃筆特旨並非自己畏葸有何顧忌若執意不念天下大局止了一身之計殊屬有負朕心握管不勝惶惶諄諄特諭汝其懷遵此硃諭著載垣端華軍機大臣公同閱看附廷寄六百里加緊發去○翁同書奏沙河以北捻圩林立捻首程保民築圩盤踞尤爲諸捻

令襄辦軍務該員聞詔之日即在湘募練五千餘人俟秋開成軍率以東下若令該員獨往川省則臣頓少一枝勁旅恐不足當皖南之逆氣合無顧懇 聖恩俯念 襄助需人仍令左宗棠督勇來皖實於江楚等省大有裨益奏入 上從之○曾國藩奏查大江北岸安慶無爲和州各城南岸池州蕪湖太平各城皆濱臨大江將來陸軍進攻金陵沿江埭蕩必藉水師夾剿之力吳全美李德麟等師船本駐魯港見因下游喫緊遵旨將吳全美調往並經 飭李德麟全軍併赴狼山福山焦山瓜州一帶以資分布所有蕪湖以上江面臣即商令楊載福彭玉麟派營接防目下蕪湖縣城未復東西梁山未破吳李二鎮下駛後與上游相隔過遠未易聯爲一氣臣見往祁門距安慶江面已三百餘里此後或進駐徽甯或馳赴淮揚軍情瞬息變更機宜固不可遙度奏報尤不可太遲若概由臣處轉奏誠恐稽延貽誤楊載福統帶水師身經數百戰謀勇器識度越諸將其江面戰守事宜似應仍令該提督會同彭玉麟安辦並由該提督自行具奏以期稟承 聖訓無誤事機得旨允行○曾國藩奏欽奉諭旨以張芾等任賊長驅致使大局決裂臣察度臣沿途訪問皆謂張芾所部兵勇近來甚不得力周天受駐守甯郡餉項久虧軍心渙散臣竊計該二郡兵勇如果足資攻剿應不至如此決裂臣於六月十一日進駐祁門距徽甯均數百里初到此間情形未悉且兵將未濟勢難前進張芾所部各軍應暫由該副都御史統籌調度俟左宗棠張運蘭等新軍到皖後再行悉心察看酌度辦理報聞○壬辰諭內閣著派文俊恒祺前往北塘海口伴送英佛二國使臣進京換約○諭軍機大臣等本日據僧格林沁等奏二十八日卯刻夷人仍踞唐兒沽並未出村尋釁該大臣等將應設破位等妥爲布置人心較定並由恆福給與英佛照會告以大皇帝業已派有大臣在京等候該使臣等商議尚未接有照覆等語見已將文俊恆祺前往北塘伴送該使臣進京換約之處明降諭旨該大臣等見在無論行抵何處著即兼程前進儻該夷索看旨意可即將本日明發諭旨給與閱看接見以後是何情形著即詳悉馳奏將此諭令知之○諭前經明降諭旨派桑春榮爲督辦順天直隸團練大臣見在京畿東南一帶亟應興辦從前粵匪竄擾天津近京地方如武清等州縣均各辦有成效備見民情好義足以助兵力之不逮所有各處團練成規具在自不難迅速舉行著張祥河董醇會同桑春榮即飭近畿東南兩路各廳州縣趕緊先行辦理應如何團結訓練以杜奸細之窺伺以作同仇之志氣務須悉心斟酌俾臻妥善其從前武清等處辦理章程有可採擇之處著與見議各章程參酌互用並須於數日之內一律舉行不得稍涉延緩至京畿西北兩路及直隸閩省俟東南各州縣辦有頭緒後再行次第籌辦將此各諭令知之○是月緩徵山西臨汾洪洞二縣被旱被雹新舊額賦

咸豐東華錄九十五

秋七月癸巳朔諭軍機大臣等前因僧格林沁等奏大沽礮臺危急當令僧格林沁籌大局辦理茲據奏稱回守天津必致兵心搖動夷船一經入河津郡萬難保全見在情形惟有嚴守大沽已連日設法布置激勵馬步官軍竭力固守等語覽所奏情形自屬確有見地著即激勵南北兩岸在防將士悉力固守如有臨敵退縮及亂言惑眾者該大臣即當以軍法從事以嚴紀律而固軍心

一月東華錄 咸豐九十五 三十九

見已由恆福兩次給與該夷照會儻從此就無事機固順如或再肆猖獗該大臣督軍擊退則津郡與京師皆可無虞震動萬一事機緊急該大臣總當恪遵硃諭斷不可固執已見諒該大臣必能仰體朕心勿專以大沽爲重置京師於不顧孰輕孰重又何待朕屢次諄諄訓諭也○諭周天受奏旌德等處賊匪竄犯甯國郡城被圍急盼援師一摺據稱賊匪兩萬餘人由旌德涇縣分路竄撲甯國府城該提督派撥官軍分投迎擊疊次鏖戰賊勢不衰見在府城被圍情形危急請速派援師等語甯國爲浙江屏蔽儻有疏失則蕪湖等處之賊得與蘇常聯絡剿辦愈難著手曾國藩已抵祁門著卽調派旅閒道前往甯國與周天受內外夾擊藉解城圍並責成領兵將弁星速過行毋稍遲誤其蘇常等屬應如何速籌進剿一俟鮑超等到營並著卽行籌辦將此由六百里諭令知之○諭周天受奏江蘇金壇縣城自四月初一日被圍經總兵蕭知音參將艾得勝周天孚著知縣李准督率官紳民團嬰城固守至今數月並無一旅之援請飭援救等語金壇縣城以彈丸之地界連常州等處四面皆賊該文武將士紳民深知大義堅守待援至數月之久效死勿去必得迅速援救俾忠義自效者得以固全方可激勵軍民之心前據薛煥奏稱已咨商總兵馮子材派兵前往見在該總兵是否業已派兵往援著巴棟阿迅卽添派勁旅兼程赴援力解城圍將此由六百里諭令知之○諭本日據張芾奏旌太逆匪糾黨圍撲甯國府城浙西賊竄偏徼界並據周天受奏甯城被圍固守待援各一摺旌太等縣賊匪糾合大股圍撲甯國府城該提督登陴守禦疊次出戰均有斬獲而賊勢仍不少卻甯郡爲江南上游地勢最關緊要江長貴於廣德防內派撥之援兵二千數百名計亦不久可到著周天受一面嬰城固守一面激勵士卒先就見有兵力會合江長貴所派之兵四面夾擊並著張芾派撥得力兵勇前往救援以期迅解城圍其宜興股匪已竄於潛昌化偪近欽東並著張芾派撥將弁督兵實力堵剿毋令蔓延將此由六百里各諭令知之○命江西浙江湖北湖南各督撫籌撥餉銀軍火解赴皖南軍營並命浙江巡撫王有齡速派大員接辦甯國糧臺○子安徽陣亡參將廖榮陞等祭葬世職○甲午予廣西陣亡參將劉文彬祭葬世職建祠○命撥張家口稅銀一萬五千兩接濟直隸軍餉○乙未諭內閣崇實奏查明撤任知府許告上司各款分別定擬一摺前因會望顏奏撤任知府翁祖烈膽列八款許告當諭令崇實秉公查辦茲據奏稱查明原許各款內勒索規禮一節據各州縣辦差家人俱堅供並無其事惟該署督自陝入川所帶人數眾多於丁役人等不加防範以致浮言盈耳所稱盤查銀庫僅看銀三封餘概免盤查並收受規費折乾一節該署督盤查藩鹽兩庫因銀數較多並不抽查僅看零銀三封實屬草率翁祖烈因夔州府知府羅升楷差解四廳經費銀六千兩至督署投遞遂疑該署督有收受規費情事所云水禮折乾亦不能指出實據所稱敘嘉軍務日緊該署督畏葸不前一節上年滇匪上竄敘嘉一帶該署督業經奏請親往督剿到省後因近省土匪蠕動復奏請在省坐鎮以致日久無功雖非意存畏葸實屬坐失事機所稱川省吏治因循該署督札諭屬員乃既稱確切查明復云姑寬既往一節該署督雖無私心實係前後詞意矛盾致翁祖烈得以藉口所稱武備廢弛廣招匪匪滋事一節據崇慶州金堂縣稱係奉防期屆札飭不盡由該署督之意但該署督身任總督豈

得請爲不知所稱撤移防期局並派陝西候補知府田良在局及爲富順縣知縣胡汝開鋪張勞績一節訊據防期局向設藩署該署督改移皇華館以便親自稽查田良入局尙無把持等弊惟該員向來聲名平常該署督未免輕信偏任胡汝開以帶勇擅長該署督將其記功旋因防勦不力卽予奏參尙無不合所稱該署督不按定期放告遇停刑日發交印封一節雖爲公事認真起見究莫定例不合至縱子干預公牘並串通家丁在外招搖一節訊因該署督年老健忘過公務紛紜往往令伊子曾捷魁存記批發稟件或令代筆以致物議譁然疑有賄屬關通之事家丁張喜呂義亦無串通舞弊情事惟該署督既信任伊子家丁張喜呂義等皆係年輕浮動訊無搖搖殊難憑信會望顏身任總督大員不能整躬率屬種種荒謬又信任其子不能嚴加防範因而家人藉勢招搖致招物議實屬咎無可辭前已因案革職暫留四川總督署任著卽行革任仍留於四川聽候另案查辦會祖烈以屬員計告上司雖訊非無因乃砌詞列款肆行詆毀此風斷不可長著卽行革職永不敘用以示懲儆張喜呂義著杖一百枷號一箇月遞回廣東江蘇各原籍折責發委調任成都府知府楊重雅布政使祥奎鹽茶道韓錦雲前任夔州府知府羅升栢查無賄屬代辦臬司及致送規費等情均著無庸議川省陋規前已明降諭旨永遠裁革地方官狃於積習難保不潛行營私相沿不改此案雖無確據實難保其必無嗣後地方大吏各宜自飭廉隅以爲表率庶幾源清流潔大法小廉不至爲屬員挾制計告之風亦可永息務當激發天良痛懲前轍以副朕澄敘官方之至意○諭崇實奏隨營知府被控重情並見任知府徇私舞弊請分別嚴辦一摺據稱四川撤任知府會祖烈呈出田良幕友邵桂芳稟詞控告田良捏報冒功縱賊殃民所有各款虛實亟應徹底根究邵桂芳於該大臣行抵川省時卽向行館投遞呈詞經成都府知府楊重雅向候補知縣鍾翰假稱借閱擅行懷去顯係意存寢息陝西候補知府田良著革職鞫問交崇實東統嚴行審辦並緝提邵桂芳到案對質楊重雅著一併撤任嚴究以成信讞○諭軍機大臣等本日福濟奏甘省要政亟宜練兵裁冗足餉養鋒以除糜費而防飢噪一摺甘肅地處窮邊額兵甲於直省歲須各省協餉甚鉅近年撥解維艱於咸豐五年議准餉銀每兩按時價折入錢五分仍緩發二成先發一成茲據奏稱所發餉銀實數止得一半猶有短欠遲支不能按季士卒枵腹時有出伍辭糧陽爲求餉陰謀鼓噪之事以致曠操違令該管官亦無如何設兵無以爲養多兵反足爲害若不及時裁冗恐有尾大不掉之患第裁之不可太驟必須辦理得法陸續汰其老弱畱其遺缺積之年餘可去三分之一然後將所畱二分勤操練習悉成勁旅庶幾裁冗卽以練兵糜費可除於見在養鋒先期足餉飢噪可防於未然卽文武各官歷年添設不少冗員亦應隨時裁改以省枉費等語著樂斌林揚祖卽按所奏情形悉心體察斟酌妥議覈減務須兵能日贍餉不虛糜以期有備無患另片奏甘省兵餉除地丁釐金協款外惟倉糧尙屬有餘可資搭放如甘涼肅等處月放銀麥各半惟西甯倉多疏瓦陳陳相因易致徵變其他縣亦有應存三四萬石至十餘萬石者該管道府縣目擊飢兵困苦且恐或生覬覦酌量准借抵放而藩司拘於成例責令籌議扣還上下相持有名無實等語並著該督卽查查明各州縣實儲新舊倉廩除應畱各營例支本色外其餘存糧各就

地方情形於見領二成餉銀之外酌量搭放並將各兵所借之糧統俟協撥充裕餉銀全領之時再行陸續接季扣還是否可行有無窒礙之處一併詳細查明妥議具奏將此諭令知之○諭前諭會國藩侯左宗棠李元度鮑超張運蘭等到齊分道進兵規復蘇常茲據王有齡奏逆匪竄入於潛後復東竄貴芳橋離臨安四十里地方風山牧停村等處均有賊蹤勢將內犯省城防剿均難請飭該大臣迅速赴援等語逆匪盤踞於潛東可達臨安餘杭南可達新城分水桐廬均可內犯省城若占踞嚴州則江西福建餉道不通援兵隔絕杭城亦為坐困省城兵勇雖有一萬數千能守而不能戰該撫據探報並盤獲奸細有四眼狗陳逆由蘇糾合賊黨五六萬欲竄杭湖又思先取徽甯之語省城萬分危急會國藩見已馳抵祁門若由此入徽即由瀘安嚴州轉戰而東先將此股逆匪剿除則皖浙可以保全然後進兵削平江蘇諸郡縣庶大局可以挽回如會國藩尚未能督兵前往即著催調張運蘭鮑超等迅速到齊兼程前進以顧全局將此由六百里諭令知之○僧格林沁等奏接得英佛照會言詞桀驁意將全力攻撲大沽及兩岸礮臺見復占踞大小梁子奏入命由軍機處擬出照會交文俊等轉達僧格林沁等固守礮臺悉力抵禦○官文胡林翼奏准都興阿恭錄諭旨催調兵勇等查湖北征皖各軍多隆阿舒保分為兩路每營馬隊不過千名其中尚有不得力者除已撥給都興阿二百九十餘名外為數無多外謀皖境內願楚疆實屬不敷策應何能再行抽撥至湖北步軍均係湖南勇丁勇與兵異非自行招募則將與勇不習難期得力且皖北楚軍除蕭啟江六千人派援四川不計外蕭翰慶之援浙會國藩之謀吳分去一萬六千餘人兵勇分布實形不足臣胡林翼派員回南招募新勇總須八九月後乃能到防安慶桐城潛山英山霍山等處兵力實虞單弱其漢陽黃州德安三府尤屬空虛見據各路探報賊首偽輔王楊逆率大股四萬餘人循南岸而上意在過江鈔我兵之後賊目偽寶天義偽則天義偽秉天安等率眾二萬餘人已至和州四眼狗陳玉城已至廬江該逆等妻孥畜產盡在安慶城中勢將剋日分股來撲是楚北皖北之情形萬分危迫且據蜀中探報首逆石達開見已由粵西竄黔省攻陷廣順州城將謀五路犯蜀四川滇匪尙肆何堪再有石達開之擾萬一川省有警則湖北居其下游荆宜一帶尤須防守此湖北馬步兵勇萬難分撤之實在情形也都興阿雖骸疾尙未全愈而帶兵多年誠如 聖諭該將軍久歷戎行曉暢兵機正可借資調度不必銜鋒陷陣臨前敵該將軍自應遵旨馳赴揚州督辦堵剿聞揚郡舊有馬隊約千人都興阿到後即可奏明歸該將軍統帶是馬隊一項不慮乏人調遣而李若珠所帶步隊各營亦盡歸其節制堵期均可兼資如必欲攜帶步隊前往或由該將軍自行委員招募一二千人以資調度得旨近又有寄諭仍飭籌撥官文等自應懍遵該將軍雖不甚習於步隊已有旨飭令另派大員隨同都興阿管帶○命防堵山海關正紅旗漢軍副都統增慶將調赴山海關之吉林黑龍江官兵一千三百名交副都統格綸額管帶馳赴大沽聽候調遣○命直隸山東山西陝西各將軍督撫都統副都統將前調馬隊官兵派員管帶馳赴通州聽候調遣○命長蘆鹽政寬惠等調防守天津官兵並郡城練勇赴大沽防剿○以冒功糜餉撤四川提督占泰任並速問○丙申諭軍機大臣等昨諭令寬惠崇厚迅派兵勇救援大沽棧路本日復明降諭旨令焦祐瀛張之萬回籍散勸民團招集義勇會同堵剿天津百姓素稱好義諒必同心協力踴躍爭先祈需募勇

口糧必須豫籌接濟著寬恩崇厚不論何款寬爲籌備准焦祐瀛等先爲提用俾清要需事竣由崇厚稟實報銷以清款目所有製備軍火懸賞殺賊一切事宜均著照焦祐瀛等呈遞寄寬惠等信函辦理該少卿等未到之先即著隨惠崇厚督同天津府知府石贊清及本地紳士先行籌辦並雇募勇丁不得招致無業游民以防奸宄是爲至要○命光祿寺少卿焦祐瀛翰林院侍講學士張之萬馳驛回籍辦理團練○丁酉命協辦大學士戶部尚書周祖培兵部尚書陳孚恩工部左侍郎潘會瑩右侍郎宋晉會同五城御史辦理團防○戊戌諭內閣前因御史陳濬奏參監司大員棄城潛逃當降旨將蔡映斗等拏問並將吳雲先行革職飭解煥確查如先期並無札委即行拏問審辦茲據辭煥奏稱已革署蘇州府知府吳雲先期出城確係奉有前江蘇巡撫徐有壬印文札委並呈出令箭令旗等件尙無捏飾情事吳雲業經革職著免其拏問○諭全亮慶雲奏賊勢漸熾擬撤省城防兵一摺滇匪竄入四川屢圖上犯省垣經全亮等揀調滿洲營馬步官兵分駐城外扼守見在楚軍會合川省兵勇分路進剿連日獲勝并研解圍成都所屬地方亦一律安謐所有防守省城滿洲營官兵著即裁撤歸旗以節糜費○諭軍機大臣等辭煥奏近日各路軍情請飭統兵大員派兵馳援一摺據稱蘇省自松江克復後餘匪復陷嘉定進踞南翔鎮招集附近土匪圍竄上海青浦縣踞城逆匪距上海密邇難經兵練攻擊未能得手滬城兵力甚單請速催會國藩瑞昌督師赴援等語已諭知瑞昌王有齡飭張玉良迅派勁旅三千馳赴滬上矣會國藩見移營暫住祁門縣境擬俟新募楚師到齊始由徽甯進剿昨因蘇省逆匪由浙省長興孝豐一帶竄至於潛縣境甯國郡城又有大股逆匪數萬攻圍甚急已諭令會國藩派兵迎剿進解甯郡之圍此時浙省皖南軍情喫緊會國藩勢難兼顧蘇省辭煥惟當俟浙省援師到後力圖攻克青浦嘉定二城會合民團進圖蘇郡並速行鼓勵常熟民團克復江陰城池以斷賊匪渡江北竄之路將此由六百里諭令知之○僧格林沁等奏初五日卯刻洋人馬步萬餘攻撲石縫礮臺因藥庫被焚以致礮臺失陷提督樂善登時陣亡見擬督帶重兵扼守通州 上諭該大臣等見擬酌量退撤再圖決戰實能顧及大局聞之稍慰惟通州爲京師屏蔽而天津實爲通州門戶若非力扼天津恐通州亦難安堵此時海河防具層層密布想始隻尙難立時闖入且津郡城外築有壕牆尙堪扼守著僧格林沁等將大沽兵勇一面撤退一面前往津城將海河兩岸及郡城守禦事宜督飭寬惠等妥爲籌畫後再赴通州未可因該處水陸受敵置之不顧瑞麟於初一日始往通州其天津後路以至通州一切布置應如何相度要隘擇要嚴防調撥兵勇分投堵禦以臻周密之處均著該大臣等妥爲辦理○文俊等奏接到佛國照覆必欲 欽派全權大臣方肯會晤命恆福再給與照會○瑞麟奏通州設防情形命派撥京兵於城外擇要駐紮○命杭州將軍瑞昌等撥兵三千名馳赴上海交巡撫薛煥調遣○予江南陣亡從九品馬善等祭葬世職○乙亥諭軍機大臣等前因會國藩毓科奏請起用告養同籍道員沈葆楨辦理廣信防務當諭慶端等飭令前往江西並將該員補授吉安贛甯道員缺茲據慶瑞瑞璜奏該員因親老多病家無次丁未能遠離已准其終養開缺惟此時皖南浙江賊氛蔓延江西廣饒一帶防務均形緊要所有帶勇督團撫綏地方各事宜亟須得力人

員辦理著會國藩毓科會同商酌即揀派熟悉地方情形素稱得力之員前往廣饒一帶辦理防務以固邊圉將此由五百里各諭令知之○庚子諭軍機大臣等撥僧格林沁奏天津無可守禦見往蔡村候旨並見擬調兵固北面之防自請治罪各一摺天津既無可守該大臣擬於通州逃南屯紮將天津礮位及在防官兵撤至通州並將山海關馬步各兵一併交增慶帶往所籌均尚周妥即著照所議辦理其通州河西務原駐各兵無庸撤回京師該大臣將所帶官兵雷於通州駐紮即著迅速來京面投機宜再行回至防所節節向前布置以衛京師○諭本日據慶廉奏統籌堵剿皖捻大局須合力兜擊分路進攻一摺捻匪張落刑等大股蔓延宿亳蒙懷廬壽一帶及豫省邊界江蘇山東河南三省屢遭蹂躪此擊彼竄總未能痛加懲創豫省兵力僅分路扼防不足以資攻擊該撫請飭袁甲三傳振邦等移兵分路扼剿自係爲通籌大局起見袁甲三見攻定遠已將得手著即分撥得力之軍環擊滄北各賊圩直搗東南要膏博振邦侯袁徐二圩攻克後即從東北一路規取賊巢並著慶廉力扼商鹿邊境節節進紮以圖臺北各圩其苗沛霖分紮宿南之軍著袁甲三飭令就近移紮蕭永邊境與扼守永城商鹿等軍互爲聲援力扼西北進剿東南如遇大股紛乘即當力挫兇鋒不得稍分畛域如此三路兜剿同時並舉定可制賊死命堵穴擒渠該大臣等務須同心共濟以期早殄逆氛將此由六百里各諭令知之○諭見在金壇情形危迫著巴棟阿仍遵前旨即行飭令馮子材迅速進攻並嚴飭該道府等趕緊籌辦器械糧餉毋得遷延貽誤致失事機鎮城防守事宜亦應加準備勿令賊匪得以窺伺句容丹陽常州無錫蘇州各處賊匪膾聚日多既有秋冬回竄之信尤應加意嚴防巴棟阿務宜督飭各軍聯絡師船水陸堵截毋令逆匪渡江北竄益致蔓延將此由六百里諭令知之○命大學士桂良馳赴天津會同直隸總督恆福辦理夷務均投爲欽差大臣○以科爾沁親王僧格林沁辦理海防未能周妥革去正黃旗領侍衛內大臣鑲藍旗滿洲都統並拔去三眼花翎○予天津陣亡直隸提督樂善祭葬世職建祠諭威毅○辛丑諭軍機大臣等本日據文俊等奏稱前由軍機處擬定照會底彙已照錄送往未接照覆等語上次軍機處所擬照會係令該使臣來京面議尙在大沽未經撤防之先見在情形不同已令桂良即日馳驛赴津應令該使臣在津靜候會同辦理著恆福等明晰知會勿致稍有疑惑本日復據恆福等奏英兵已入津城等語該督接見巴酋其意總以未經派有欽差不能停止干戈爲詞桂良候領欽差大臣開防即日啟程約十五日必可到津已由桂良擬就照會著恆福轉交該使臣俾知桂良剋日可到以免再有疑慮恆福恆祺均著居住城外以便與桂良面商一切○諭瑞昌等奏於潛大股賊匪疊陷臨安餘杭二縣並由餘杭竄偏省垣雖經總兵劉季三一軍擊退而省城兵勇能守而不能戰張玉良攻期嘉興之軍正在得手亦難撤調福建江西之兵雖經催調到尙須時待援情形自屬非常緊迫著會國藩仍遵前旨迅速取道入徽即由清安嚴州轉戰而東先將此股逆匪撲滅保全浙省再圖規復江蘇諸郡設或該大臣不能親往亦須先派得力之兵前往救援以冀挽回大局再據王有齡片奏連日探得蘇省逆賊紛紛北走終日水陸不絕且據團勇擊獲賊匪僞文內有賊目李侍賢尙在蘇城盼望其黨速往省垣之語蘇城賊勢單薄似乎可信著會

國藩以此會應由何路進兵迅圖規復地方仍遵前旨察情形迅速辦理將此由六百里諭令知之○諭前有旨令東統兼署四川總督一切剿匪事宜均歸節制矣本日據全亮等奏提督占泰膜視軍務致令大股逆匪全數逸出竄至卅浦新津等州縣窺伺省垣辦理軍務之知府田良由營潛自回省占泰又稱患病以致百姓搬移人心震動各等語是川省情形業已緊迫異常曾望顏既經革職全亮等所統滿州營官兵爲數不多又恐呼應不靈未足以資守禦著東統迅速前進馳抵成都會同全亮等籌商攻剿之策該署督身膺疆寄責無旁貸務須整飭戎行激勵將士迅掃賊氛不得稍涉遲緩致誤事機前因提督占泰冒功糜餉業經撤任知府田良被控縱賊殃民業已革職拏問均交東統會同崇實嚴行查辦此次田良潛自回省並占泰玩誤捏病各情著一併訊明具奏毋稍徇隱將此由六百里諭令知之○賞選已革廣西提督張玉良頂帶幫辦杭州將軍瑞昌軍務○以鄧爾恆爲雲南布政使花詠春爲雲南按察使由禮傳○王寅諭軍機大臣等據信格林沁奏遵旨將所帶官兵畱於通州駐紮先派員齎摺來京一摺此次該大臣將馬步兵撤退駐紮通州係遵奉諭旨通籌大局起見並非督剿不力該大臣威望素著能得兵心自應仍領欽差大臣關防會同瑞麟總統諸軍辦理防務妥籌布置以期保衛京師見在通州一帶防堵喫緊要隘處所官兵恐不敷分布所有瑞麟伊勒東阿統帶前往之京營官兵一萬四千名著暫畱通州扼要設防俟各處所調之防兵到齊後再行體察情形酌量抽撥回京其所調防兵均歸信格林沁瑞麟統帶至通州洩水挑空引河務須趕緊籌辦是爲至要○命武備院卿恆祺爲撫夷幫辦大臣○命直隸布政使文謙將天津寄存藩庫餉銀二十餘萬兩迅解通州撤順天原設糧臺均歸天津道孫治經理並另撥銀三萬兩解交光祿寺少卿焦祐瀛等辦理團練○于江西陣亡從九品魏深清等祭葬世職○癸卯追子浙江陣亡道員蕭翰慶等祭葬世職○甲辰諭軍機大臣等前因蘇常等處失守當諭瑞昌王有齡將所調各軍酌派赴援茲據薛煥奏清官軍失利松江府城復陷上海情形危迫請飭督師大臣兼程援救等語松江復失與青浦以上逆氛聯爲一片嘉定之賊分竄羅店地方勢將撲犯寶山上海爲餉源所繫賊所注意見在三面皆賊存城兵勇無多實屬萬分危迫前諭會國藩自嚴州轉戰而東目下將弁兵勇是否調齊當此事機緊迫之餘該大臣務當設法探明道路兼程前進急攻蘇松各城使該逆回兵救援以解上海之危瑞昌因宜與之賊直犯餘杭逼近省城未能前進見在滬城危急著該將軍卽於馬得昭彭斯舉吳再升饒廷選四員中酌派一人統帶精銳四五千人前往救應營中如尙有廣勇毋庸派往並飭帶兵之員不得遷延觀望致誤事機本日復據張芾奏逆匪環伺甯郡援絕兵單城圍未解等語賊圍甯國愈聚愈眾周天受激勵飢軍誓以死守情形亦甚緊迫前經諭令會國藩調派勁旅問道前往應援著仍遵前旨分撥兵勇派委得力將弁迅速統帶前進以解甯國之圍將此由六百里加緊各諭令知之○諭薛煥奏松江復陷上海危急請催兵將赴援一摺逆匪潛赴崑山蘇州糾約大股復將松江府城攻陷上海逼近兇鋒該署督調派兵勇分籌堵禦尙屬周妥前飭瑞昌派兵赴援本日復諭令會國藩趕緊援剿並催令瑞昌等派員統帶精銳赴上海援應著薛煥迅速迎提一面飭催會

秉忠長龍船赴滬助剿一面督率員弁竭力固守以待援兵毋稍疏虞前據巴棟阿奏六月間有夷船一隻入江上駛問係英吉利船由上海前赴金陵傳教至今未回復據王有齡奏搜獲逆目僞文有洋人兄弟來降之語本日辭煥摺內亦稱洋淫瀆夷房牆壁黏貼僞示著辭煥派員設法離間將此由六百里諭令知之○諭張芾奏甯國郡城兵單援絕剝辦棘手情形一摺自旌德太平敗匪糾合涇縣蕪湖賊黨進圍甯國府城增築逆壘偏攻甚力周天受登陴誓守飢踣之卒踈然奮興屢次襲賊營賊卡並選精銳下城奮力攻勦疊有斬復而賊圍益堅又謀開紅楊樹踞匪將復併力來犯我軍困守二十餘日雖屢戰輒勝恐兵疲餉竭久將不支各路官軍自應竭力趕緊赴援雖據奏稱江長貴已催令江長泰所帶三百人會合張芾所派護餉前往之守備倪開試等四百人繞道入城兵力尙形單薄會國藩近在祁門前已有旨諭令調派勁旅間道前往甯國與周天受內外夾擊以解城圍本日復諭迅撥兵勇就近赴援其浙江報撥甯餉到徽即著張芾加派弁兵妥速轉解前往以固軍心其摺中所稱賊信甯國北門意將斷我糧道米興朝南離廣德五十里即頓兵不進且師行十日未出百里等語似此惶怯無能自應嚴行指劾並著張芾速將該革鎮還畱各情據實嚴參毋稍容隱將此由六百里諭令知之○督辦河南團練大臣順天府府丞毛昶熙奏統陳團練辦法並酌擬條規一添築堡寨以扼要隘一講求險要以便堵禦一慎擇首事以資統率一分選團丁練丁以備訓練一攤捐練費以備公用一互爲救援以資聯絡一申明號令以一眾志一嚴定約束以禁頑暴一公賞罰以示勸懲一嚴察奸宄以防內應一旌忠義以作民氣一事貴實力奉行得旨所議條規均屬周妥照議辦理○乙巳論軍機大臣等前因通州一帶防堵喫緊當諭令信格林沁等於要隘處所嚴密布置並添調直隸等省官兵歸該大臣等調遣尙恐不敷勦辦所有卓索圖哲里木昭烏達三盟兵丁除已調赴軍營外其餘是否尙堪續調著信格林沁體察情形或每盟各調一千或各調二千卽行酌量具奏並斟酌駐紮地方見在通倉米石本擬運至京倉惟轉運非易趕辦尤難若卽以此項米石覈算兵丁應得口糧估計時值於餉需內搭放數成既可節省實銀且尤便於兵食於經費較有裨益著信格林沁等悉心體察妥議具奏至順天糧臺見既歸併孫治一手經理無論銀米及搭放款項均應與天津糧臺一律支發以昭平允由津至通各要路多設巡卡嚴密防範來往行人亦應認真盤詰前由張家口解往之要犯關四並由京解往之子七及潘志和三犯曾否審有端倪該犯等見在羈禁何處著一併覆奏○諭文煜奏江浙漕船收進俚島等語江浙漕船三隻共裝漕米四千七百三十石因洋面未靖暫行收泊山東俚島口內著文煜派員確切查明此項漕米如今在船停泊是否不至微變抑或於附近地方暫行露囤俟海防事竣再行運津兌收該撫卽體察情形妥爲辦理將此諭令知之○命戶部續撥餉銀十萬兩解赴通州糧臺○以通州辦理防務命直隸河南山西各督撫將備用軍械迅速解京○黃巴革大學士襄尙阿五品頂帶交欽差大臣信格林沁軍營差委○前工部尙書文彩卒子祭葬諡安恪○丙午 硃諭惠親王等信格林沁勤於王事朕深廬念况近京一切布置更必日夕勤劬著惠親王等前赴通州傳旨詢咨信格林沁防守情形並著信格林沁激勵兵心以期有備

無慮○論內閣周鼎培等奏籌議國防章程酌擬條款呈覽一摺京師爲首善之區周鼎培等辦理國防自應實力奉行務使宵小潛蹤善長安堵以期人心靜謐所擬章程各條均向妥協著即照所議會同五城御史悉心妥籌辦理不可有名無實其設立公所等一切經費著照所請由該尙書等先行倡捐如有情願捐貲報效者並准由該尙書等奏請獎敘以昭激勸○諭軍機大臣等竊松年奏金壇被圍日久請將守城文武先行優獎等語金壇文武力守孤城數月之久深堪嘉尚參將艾得勝知縣李准著卹陳阿先行查明奏請優獎其隨同守城出力之官紳兵勇一併查明先行奏請優獎以示鼓勵將此由六百里諭令知之○命給事中吳焯辭書堂御史楊榮緒徐啟之郭祥瑞劉有銘朱湖焯春黎任兆堅白恩佑幫辦五城團防○丁未諭內閣曾國藩奏平江縣城捐建忠義祠懇請列入祀典一摺湖南平江一縣地當江鄂之衝自粵匪滋事以來四鄰皆陷一邑獨完計自守禦賊出境荷戈前後力戰死者約二千六百餘人洵屬忠義可嘉允宜特予褒榮用光祀典該大臣請於該縣捐建忠義祠將贈太僕寺卿何忠駿等分別奉祀遴派公正紳耆經理祭田均著准其照辦並著照各府昭忠祠及湘鄉縣忠義祠之例列入祀典地方官春秋致祭以妥忠魂而彰蓋節○曾國藩奏臣自行抵祁門後王有齡催臣赴浙瑞昌催臣由浙赴嘉興而甯國被圍緊急張芾屢函屬臣撥兵赴援臣以所部萬人皆係新募之卒未經見仗不敢輕於一試又以鮑超爲水所阻尚未旋鄂朱昂隆患病未痊不能帶隊張運蘭雖入江西境內毓科咨甯袁州以防南贛之賊臣以不援則甯國有坐困之勢赴援則統將無可派之人正在萬分焦灼忽於六月二十九日接到瑞昌咨稱賊偪杭城當經調集各軍奮力擊退奸匪供稱賊股回竄徽甯又接張芾函開甯國亦獲勝仗協餉已於二十四日送入府城臣前奏八月進剿欽奉恩旨允今浙江偏城之賊業經擊退若鮑超等陸續到齊甯國保全無恙當可與初次原奏相符至進兵之路凡浙中來信皆勸臣先赴杭州注重嘉興凡江北來信皆勸臣先攻池州注重蕪湖欽奉諭旨飭臣斟酌辦理以臣愚見由杭嘉以至蘇州處處阻水兵從一路而入必難得手目下張玉良三萬餘人頓兵一面已屬失勢若臣與瑞昌再以重兵繼之愈覺窘束而不能施展不特進攻蘇州毫無把握也不若待兵將調齊察賊勢最重之處疾趨而痛剿之至諭旨垂詢徽甯軍務能否兼顧一節臣入徽境已逾半月留心察訪張芾自咸豐五年籌辦徽州防務屢挫賊鋒使不至深入浙境於大局不爲無益惟所部各軍紀律太寬近日多住民房攜帶婦女張芾於各嶺設卡之處並未親出查閱一次卽徽州城守之具亦無豫備觀其軍心之懈實已難期再振周天受向以能戰著名本年二月不能扼守廣德致有杭州之變三月不能扼守建平致有東壩之失徽甯兩防歷年取用浙餉約計千餘萬浙中恃爲長城故本省別無防守之師一旦藩籬盡撤任賊長驅杭人慘遭浩劫百物蕩盡以故浙江官紳士民莫不痛憾周天受貽誤大局而張芾有督辦之責亦當分任其過諭旨以賊匪入浙張芾咎無可辭臣固不敢爲之寬解也臣與張芾在京素識近來同歷戎行書問常通稔知該員學養深沈操行廉正尙爲老成宿望惟治兵非其所長用人或受蒙蔽應如何位置得宜之處臣聖主自有權衡非臣下所敢妄擬已革提督周天受貽誤浙省情罪較重惟從前打仗出力

見在甯郡被圍尚能督率將士忍飢困守其胞弟周天培亦以忠勳殉難可否將周天受仍留臣營差遣以觀後效出自 聖主鴻裁至徽甯池太等府處處與江浙毗連地方遼闊表延七百里一片逆氛幾無尺寸完區臣軍調募齊備人數不滿三萬正當狂寇壓境之時不敢自信調度得宜漸有起色惟係臣兼轄地方且目下駐師將來進兵皆不離乎皖南自應力籌兼顧責無旁貸特是徽甯兩防兵數尙眾銅習已深舊欠過多新餉尤缺不裁汰則口食無資一裁汰則變態百出辦理棘手一言難罄臣才力短絀深恐弗勝如奉旨歸併臣處督辦臣兼顧皖南即斷不能更顧浙江 上諭軍機大臣等前因甯國被圍緊急並浙江於潛之賊竄偏省垣疊經諭令會國藩迅撥勁兵分道援剿本日據會國藩奏稱該大臣既顧皖南即不能兼顧浙江浙省見在兵勇已有五六萬人前撲省垣之賊業經擊退即著瑞昌等迅就見有兵力飭令帶兵各員分途剿辦張玉良向稱驍勇善戰並著該提督剋期攻復嘉興進規蘇郡毋得藉口待援遷延不進見在松江復失滬城危急前諭該將軍等派員前往救應並著迅速派往毋稍遲緩一俟上海得手即可會合浙師兩路進兵蘇城不難克復也將此由六百里各諭令知之○諭前據龐鍾瑯奏常昭兩縣已接括無遺深恐團練飢潰請飭協濟當經諭令會國藩飭地方官就附近完善之區勸捐接濟本日復據龐鍾瑯奏稱常昭兩縣已接括無遺深恐團練飢潰請飭迅速寬籌等語蘇常迭陷以來常熟以蕞爾一隅民團齊心守護屢次殺賊使三路之賊不能歸併一處若因餉竭渙散賊勢愈形猖獗勦辦甚難得手不可不急籌接濟以勵民心會國藩遠在祁門恐未能迅速籌撥著焜煥於該處設法籌款解赴常熟交龐鍾瑯散給俾民團益臻踴躍該省餉需雖屬竭蹶惟民團心志齊一足輔兵力之不逮較之招集潰軍徒糜餉項者尙爲得力毋令因餉竭潰散是爲至要將此由六百里諭令知之○諭本日據官文奏署四川總督東純在湖北途次病故一摺已令崇實署理四川總督矣見在滇匪竄擾逼近省垣又有石逆分股窺伺川境之信前有旨令駱秉章馳赴蜀中督辦軍務恐一時未能遽到崇實見在川省審辦案件該處情形諒應熟悉所有防剿事宜責無旁貸亟應整飭戎行妥善布置毋許貽誤因循再蹈曾望顏覆轍其援剿川省之楚軍見歸江西補用同知直隸州知州王沐統帶勦辦甚屬得力該署督務當妥爲駕馭毋令軍心懈弛前因黔省軍餉四川欠解甚多曾諭曾望顏籌銀二十萬兩就近撥解復諭令東純於接署督篆後即行籌解此時黔省軍情緊急盼餉甚殷著崇實仍遵前旨速行如數籌解毋得推諉致誤要需至已革提督占泰等兩次參款並濮貽孫田良等各案前經諭令崇實東純會同查辦著該署督即遵前旨嚴密訪查認真究辦毋稍徇隱將此由六百里諭令知之○劉長佑奏逆匪石達開上年自桂林潰竄後膺聚慶遠分陷各屬本年正月分股趨犯甯甯思恩兩府屬竄至百色廳二月十四日分遣逆黨數萬直撲百色廳城總兵富順等激勵兵練悉力固守連挫賊鋒該逆兩次用地雷轟塌城垣十餘丈城內深濠柵密兵練復奮力迎拒賊不得入十五日兵勇出戰連焚賊壘十數座該匪敗潰死者不可勝計十六日逆黨石鎮常逃至塘茶村經團總李汝昭斃之石鎮吉黃潰生折回慶遠路過安定亦經該土司擒獲石達開之弟石達德先亦爲思恩府檢斬爲卒制官廣依等復率眾數萬闖入泗城遂自泗城走西林西隆

一帶四月初七日欽使徐德水江竄赴貴州與義府地界復撲雲南廣南府城查石逆請吳常經過之處必分數路每路復分爲數起使官軍力不及防此次官軍廣依入黔後石逆尙踞處遠逆黨賴積新等陷河池思恩各州縣力撲南丹土州欲由此分道入黔經該土知州莫樹棠等集團堵截斃匪不下數千該逆勢不能支乃折回慶遠石逆遂率而南蓋欲繞道思恩出泗城尋官廣依原路趨黔以窺蜀也請旨飭下四川雲貴各督撫臣遵派勁旅沿邊控制夾擊以杜積竄其前自羅融竄入永甯州境股匪查係石逆後旗部眾內亂殺其宰制余忠扶遂背石逆東走欲取道折回江西號稱數萬臣派革職副將謝永祐等於六月十五六等日連敗賊於瓦寨該匪乘夜徑走懷遠所屬小龍勝一帶臣已飭副將耶世堂等各率楚勇前往追截臣僞國宗石鎮吉自八年在福建與石逆分股竄陷廣東湖南沿邊各州縣至桂林始與石逆會合在賊中最高悍石鎮常石達德皆該逆親信子弟兇惡異常均以次就戮足視賊膽而振軍威上諭本日據劉長佑奏石逆分股闖入黔境見在督飭截剿一摺石逆詭譎異常凡經過之處必分其黨爲數路每路復分爲數起使官軍不暇兼顧得以肆行奔突若非合力兜剿不免有過此竄彼之虞著張亮基劉源灝田興恕激勵各軍將竄入黔滇各股會合粵省兵勇悉數殲除勿畱餘孽並著遴選勁旅於沿邊一帶地方實力截擊毋令餘匪竄入四川西秀敘永一帶尤爲黔滇入蜀要隘卽著崇實嚴飭防剿各軍認真巡探如有該逆股匪竄近川境之信立即派撥兵勇認真堵剿毋使擾及完善之區將此由六百里各諭令知之○以崇實署四川總督由駐藏大臣署○命張芾來京其軍務統歸曾國藩督辦周天受交曾國藩差委○命署陝西巡撫譚廷襄將捐備軍餉四萬五千兩迅解順天通州糧臺○予安徽殉難通判程枚河南陣亡協領依興阿等祭葬世職○戊申諭軍機大臣等本日據桂良奏接到英佛照會請旨遵辦一摺照會內稱總以天津通商賠償兵費爲退兵息兵之關鍵該大臣等前此給予照會所云無不可商者原指見面互相商辦並非直言允許見在仍須斟酌妥善俾無後患方合辦法桂良馳抵津郡與該酋等晤面如提及索賠兵費若能相機開導減去若干固屬甚善否則必不可減亦應與之言明寬定期期並由何項扣還庶可從容辦理至天津通商一層可告以不獨八年所定和約並無此條卽本年二月所要四款亦無此語况八年和約有牛莊而無天津原係以此易彼今何又多此款該國既帶兵船不獨大沽天津民心驚疑卽商賈亦必裹足不前實與爾等無益如允許不帶兵船駐紮若欲建夷樓與不退兵船無異亦不可允許總之賠費通商卽使允准亦必將兵船退出海口方能定議換約其舟山煙臺二處亦均須退出始可辦理兩國旣云和好必須以禮相待若占踞地方以兵脅和實非長久之道桂良等務當於羈縻之中仍寓挽救之意○諭本日據毓科奏逆匪由宜興開道入浙迭陷於潛臨安竄入餘杭直撲倉垣見催副將文瑞等就近赴援並請閩省派兵援救各等語前因於潛逆匪竄僞省垣雖經總兵劉季三擊退而省城兵勇能守而不能戰曾諭曾國藩迅速赴援昨據該大臣奏稱兼顧皖南不能再顧浙江是浙江待援之師惟有福建江西尙可就近助剿前據慶瑞先後派令署總兵繼興等統帶兵勇援浙見在尙有千名未到著慶瑞瑞璣迅卽催令赴浙聽候瑞昌王有齡調遣毋得再有遲延

並著隨時偵探浙江情形如兵力尙屬不敷即著續行添調派往援應毋誤事機將此由六百里諭令知之○己酉諭內閣裕瑞英
蘊奏浩罕輸誠納款一摺上年浩罕遣使額爾沁阿布都劉里木進京朝貢經葉爾羌參贊大臣裕瑞據情具奏當諭該大臣將貢
物接收代遞乃該額爾沁不即折回逗遛葉爾羌回城招集各城安集延人等任意妄爲滋生事端於裕瑞預備筵宴傳見時輒敢
喝令從人行兇刃傷弁兵多名被兵丁將該額爾沁拒斃並將同謀之呼岱達伯塔爾等拿獲定擬罪名監禁並復令阿奇木伯克
將全案情形函致浩罕知悉茲據裕瑞等奏稱浩罕伯克遣額爾沁捏斯密頂敏關前來並呈遞圖書自認錯誤仍求將貢物賞收
尙屬恭順可嘉自應俯如所請所有浩罕呈進貢物即著該參贊大臣等遵照前旨接收代遞聽候頒給敕書賞件並准其照舊通
商監禁之呼岱達伯塔爾等十五犯均著加恩免罪釋放即交該伯克自行管辦以示懷柔遠人至意○諭裕瑞英蘊奏審擬住站
安集延回子聚眾阻擾並私隨安集延之內地回犯分別懲辦等語本年二月間喀什噶爾及英吉沙爾內地回子有私隨安集延
回子糾眾聚住英吉沙爾所屬之別什蓋莊二城情事當經護理領隊大臣德祥分派回兵往拏住站安集延呼岱達額爾帕爾等輒
敢聚眾阻擾傷斃回兵復沿途搶奪馬匹直奔卡倫綸布察克布魯特俾斯底克率眾兜捕將額爾帕爾等七犯檢獲其私隨安集
延之內地回犯素皮蓋等二十一名亦經英吉沙爾回兵續行擊獲經裕瑞等審明定擬具奏安集延回犯額爾帕爾等糾眾拒傷回
兵並搶掠馬匹等物本應從重治罪始念此次浩罕額爾沁呈遞圖書仍請納貢尙屬恭順著准其仿照成案將額爾帕爾玉素普二
犯留於葉爾羌永遠監禁愛依提入則捏孜爾帕里完庫吐魯克五犯留於英吉沙爾永遠監禁其素皮蓋等二十一犯著查覈情
罪輕重分別懲辦希皮察克布魯特俾斯底克等獲要犯甚爲出力著該參贊大臣等酌量請獎○命前任葉爾羌參贊大臣理藩
院左侍郎裕瑞來京供職○以烏魯木齊都統常清爲伊犁將軍○于雲南陣亡知府淡樹琪四川原籍建祠從九品周廷振等附
祀○庚戌諭內閣慶廉奏援剿度厄竄匪疊獲大勝一摺毫擒劉狗雷彥等糾合馬步賊匪突竄鹿邑境內占踞萬集等處民寨圍
撲城池經該撫飭派總兵承惠等於本月初九日分路兜攻賊斃數十名賊眾敗竄初十日我軍分起馳進萬集寨該匪列仗迎敵
經知府張曜王榮烈等督飭馬隊兵勇奮力衝擊斃匪五六百名跟蹤追殺不計其數立將萬集寨克復參將馬春華等乘機進攻
趙集寨斃匪數百名亦即克復其屯踞劉集及圍攻邱集之匪知萬集趙村先後攻克紛紛潛逃經關係派令馬隊併力疾追斃賊
二百餘名剿辦尙爲得手著慶廉即飭該鎮將等乘機進擊毋任旁竄○諭軍機大臣等據劉源灝奏修文克復內竄賊匪大半擊
退省城情形亦覺稍緩著田興恕探明省垣如可毋庸赴援即可先辦粵匪務須迎頭截剿毋庸繞道入川至應需軍餉前經諭令
四川先籌銀二十萬兩就近撥解惟川省見辦軍務餉源支絀恐一時不能全數解到著劉源灝先於本省設法籌措以濟軍食不
得專恃鄰省籌濟停兵待餉致誤事機本日據工部奏黔省應解黑鉛久未批解請飭催陸續補解等語黔省應解黑鉛數年未據
批批解到見在庫存無多海防緊要深恐貽誤軍需著劉源灝將成豐二年下運起歷年應解黑鉛迅即分批解部以資灌造毋再

耽延將此由六百里諭令知之○以江蘇上海被圍命杭州軍瑞昌等迅速派員赴援再續派援兵以資策應並命辦理江北軍務福建陸路提督李若珠飭總兵曾秉忠統帶長龍等船飛速馳救○辛亥諭軍機大臣等據桂良等奏夷務急迫不得已將所求各款允准各摺片並據載垣軍機大臣等將桂良等所寄信函呈覽桂良等照覆英佛將所求各款概爲允許固係暫示羈縻然前屢降諭旨如天津通商及占踞海口斷不可允許該大臣不過因該酋不肯晤面起見如晤面時仍當設法挽救消弭此事萬不可以見在議撫任聽肆意要求漫無限制○加浙江黃巖鎮總兵官黃彬提督銜統帶江蘇鎮揚一帶各起師船○壬子諭內閣翁同書奏兵練收撫各圩一摺沙河兵練自改拔程圩後聲威益壯經翁同書飭令苗沛霖等統帶得勝之師於六月二十六日進築板橋集地方徧諭從前被脅各圩果能殺擒投誠即准收撫當有展溝闢墮等處地方聞風響應各將從逆搶首擒斬獻功贖罪其餘附近大小各圩俱一律薙髮投誠於本月初四日齊至板橋集即經苗沛霖妥爲安置旬日之閒兵不血刃共收撫六十餘圩泥河以南漸就肅清辦理甚爲妥速布政使銜四川北道苗沛霖著交部從優議敘以示鼓勵○焦祐瀛等奏選籌團練事宜密爲布置擬在武清靜海二縣地方籌辦豫備迎剿尾追之策奏入 上嘉其尙合機宜○癸丑諭軍機大臣等據桂良等奏接奉嚴諭歷陳急迫情形並夷酋必欲先期進京各摺片天津通商一節前曾諭桂良等必須先令該夷將兵船馬隊全行退出海口議定每年來京幾次不可建蓋夷樓方准允許其應如何立定章程條款桂良等亦須奏明請旨聽候辦理斷不能卽予以蓋用關防憑據至先期進京之處卽當嚴詞以告見在條款尙未議定換約與否亦尙未定巴夏禮遽欲先行進京其意何居顯非真心換約可知如謂觀看房屋將來議定條約後該兩國來京少帶從人自有一定章程豫備款待中國以誠信待人亦無所用其疑慮如條約未定斷不能允其先行進京其索賄兵費一節務須遵照前旨寬定期由廣東關稅分成扣還酌量妥議另片奏夷人搬入鹽政衙署經阻不允等語既係和好如何占踞官署應卽令其退出所有該署文案案件事關緊要著卽設法移出妥爲收存儻有疏失惟該大臣等是問桂良等身膺重任既不能設法挽回力圖補救而又怯懦無能徒以願大局爲詞轉貽後患兩次諭旨已逐層嚴示該大臣等自應懷遵妥辦勿干重咎○諭據御史梁經先奏陝西乃匪回匪搶劫各案層見疊出該匪巢穴卽在蒲富臨渭四邑之交二百餘里一片遼闊並無城池雖渭南之下邽鎮臨潼之關山鎮各設有縣丞職分卑小難資彈壓該縣等又以四邑交界互相推諉以致盜風日熾惟添設縣治庶緝捕責有攸歸下邽之地處四邑之中漢唐皆有縣治關山鎮亦尙有圍牆丞署若割四邑之地於該處改設下邽縣城修築較易而渭南臨潼兩縣丞卽可裁撤至修葺城池衙署學校等項前有修華撤廟餘銀交商生息可以提取動用等語著譚廷襄察看該處情形是否可行並修築城池等經費有無窒礙之處詳細查明具奏將此諭令知之○命吉林將軍景瀄黑龍江將軍特普欽各揀調馬隊餘丁一千名挑選獵戶一千名派員管帶並命西安將軍托明阿陝西巡撫譚廷襄飭催原調官兵均馳赴通州聽候調遣○甲寅諭內閣德楞額等奏官軍剿滅幅匪江南山東邊界一律肅清一摺江南山東等處幅

匪於四月間勾結捻匪意圖內應經德楞額等親統馬步兵勇會督地方各官極力勦洗並據記名副都統富爾琮等先後稟報各路擊獲匪首多名奪獲器械無算立將幅匪數千名全行勦滅邊界一律肅清辦理尙屬安速所有打仗尤爲出力之員著該副都統等保奏候朕施恩毋許冒濫○諭軍機大臣等龐鍾璐奏上海常熱情形危急請飭援救一摺據稱江陰逆匪於七月初間連日出撲向東焚掠見在賊蹤離常熱不過二三十里請飭江北諸軍速往援救等語江北防兵本不甚多近因馮子材帶兵由丹陽進援金壇李若珠撥兵二千名助剿嗣薛煥因上海危迫又調去勇五百名並長龍船全行援滬水陸各軍無可再撥勢未能兼顧常熱仍著龐鍾璐剴切曉諭紳民團勇竭力防剿一面督同知縣周沐潤等力籌保衛一面催令編修趙曾向速邀江北民勇前來救援其糧餉前經諭令曾國藩薛煥設法籌撥俟解到時妥爲散給以資接濟至上海被圍甚急前諭瑞昌等迅撥精銳四五千名馳往應援諒已趕到仍著龐鍾璐隨時偵探俟上海圍解即可會同薛煥將各路援兵分順常熱以杜賊氛將此由六百里諭令知之○諭李若珠奏派撥師船赴援上海並請上游師船迅速下駛以資防剿一摺據稱逆匪自復陷松郡大股竄至上海城外民團官軍多被衝散存城兵勇無多在該縣三面被圍情形萬分危急業經派令都司姜德管帶練勇五百名駕船前往並派官秉忠管駕長龍等船順流赴滬見在長江下游務須多派艇師節節防備箭飭楊福迅催上游師船剋期下駛兼顧南北等語上海爲江南餉源所自出且與北岸營齒相關儻有疏虞關繫甚重曾秉忠一軍駐紮江陰靖江一帶原爲策應上下游而設見已全幫調赴上海則長江更覺空虛見聞逆匪有在蘇造船之說萬一乘虛而入勦辦愈難得手前有旨令吳全美李德麟等統帶全部師船駛往下游迄今未見東下殊屬延緩著楊載福查明該總兵等師船是否江路梗阻抑係沿途逗留迅飭不分晝夜駛赴下游聽候調遣毋得再涉遲延致有貽誤將此由六百里諭令知之○命陝甘總督樂斌挑選獄戶二千名派員管帶馳赴通州聽候調遣○子天津陣亡委翼長阿克東阿祭葬世職○乙卯 硃諭惠親王等中國以天下之勢而受累於夷廿載於茲職撫兩難誠堪浩歎蓋謀國者務爲長久之計應變者尤賴握要之圖朕不憚詳思夜以繼晝恐召對時爭有或遺因縷晰而細言之一大沽爲津郡門戶門戶既失則最爾之城已在該夷掌握通商一層許與不許等該夷既占礮臺及三岔河等處將來多集兵力止能野搏斷不能肉身與船礮爭鋒朕初意未嘗不善以桂良此次抵津不許津郡則必戰引之深入決戰之後則明言新條不算仍引舊約如再不能則以津城通商換駐京一款斯則可矣今既經該大臣等已允通商止可就議條款暫示羈縻決裂之時將桂良等撤下或即斥革辦到何地步再因時處置一索費一層多方要挾必遂其欲而後止無論二百萬不能當時付與卽有此款亦斷無此理一帶兵換約謂各有戒心不得不防若既經議無何必擁兵若擁兵而來顯懷莫測卽使遷就進京必仍有斷難應允之條款彼時欲戰不能欲允不可況陸續潛來之夷隊雖有兵而不能阻煽惑依附之匪類雖嚴示而不能禁大患切膚一決卽內潰於心京師重地尙可問乎以上二條若桂良等喪心病狂擅自應許不惟違旨畏葸是直舉國家而奉之朕卽將該大臣等立置典刑以飭綱紀再與決

戰一已會進京一層兩國既經議和一切供給自應飭該司妥爲籌辦何必先來踏勘况既來則不肯走與帶兵換約一事其害相等斷不能應許一津城大沽不能即時退兵一層既經議撫則應罷兵豈有以刃加頸而索償之理况此條與賠費爲一事互相牽連不過再爲添償地步決裂之後亦可以向該夷索費爲消弭之法一決戰宜早不宜遲趁秋冬之令用我所長制彼所短若遲至明歲春夏之交則該夷又必廣募黑夷舉四國之力與我爭衡再句通髮逆遠近交攻支持頗覺費手以上各條竭朕心思手書示惠親王載垣端華肅順軍機大臣等辦法亦止能如此若別有良謀可再詳細面陳勿稍緘默○ 殊諭載垣穆蔭除面奉旨允許酌辦幾條外如有要求可許則許亦不必請旨如萬難允許之條一面發報一面知照僧格林沁督兵開仗載垣等即趕緊撤回恩駕○ 諭內閣王有齡奏請將已故道員卹典撤銷並將帶勇逃出省城之員嚴議一摺本年二月間逆匪竄撲杭州省城前署浙江鹽運使金衢嚴道繆梓總辦營務偏執已見朋議株守不肯派兵出城擊賊以致省垣被陷實屬咎無可道所有該故員已得卹典著卽行撤銷繆梓之子候選同知繆植禮所帶勇丁先經內亂城陷時該員復行逃出著卽行革職以示懲儆○ 諭軍機大臣等本日據桂良等奏夷情危急懇俯允所請各摺片並鈔錄照會各件呈覽此次該酋等來桂良等行寓索看全權大臣等敕旨照會內復以桂良並無畫押之權爲嫌其意無非欲桂良等卽行允許遂其以兵挾和之計該大臣等仍當勿避艱難剴切開導中國所投欵差大臣卽爾國所謂全權大臣名異而實同如事屬可行亦不妨先允後奏事屬不可行亦不能一概應允前所謂無不可商者原係兩國彼此斟酌何去何從並非將兩國一面之詞悉行聽從始謂之全權大臣也如天津通商一節桂良等業經允許必須議定條款進京後絕無增添更改之處方無後患如帶兵換約一節事屬萬不可行兩國既經換約卽係和好何得又帶多人前來足見爾國猜疑未化儘不能相信桂良卽可自許留於天津俟兩國換約後再行進京以釋其疑况通州一帶見在駐有重兵爾國人眾前來必不放過因不放過而互相用武是釁由爾國所啓不得歸咎中國且通州非議和之地該處亦無議和之人如巴夏禮來京先行踏看一層已諭知僧格林沁該酋行抵何處卽行攔回桂良等斷不可令其前來致令起釁至賠償兵費一節此開卽使允許尙須行文廣東省湊撥展轉尙須時日斷不能以兩月爲期由京付給見銀以上各條該大臣等務須層層駁辯明晰開示以期漸就範圍方爲不負委任前派恆祺爲幫辦大臣原因其熟悉夷情藉可往來挽救初不料其隨同桂良性命是聽一籌莫展至此大江蘇委員藍蔚雯等係薛煥專派爲夷務而來到津已久亦不聞有一辭之贊巴夏禮亦係英國幫辦彼既可來我卽可往該大臣惟當飭令恆祺率同藍蔚雯等前往該酋處設法勸導實力挽回方爲妥善本日示惠親王等殊諭內第二三條著鈔給桂良等閱看正在寄諭間據桂良等馳奏夷酋決意帶兵北上等語桂良接奉此旨如該夷尙未北犯自應在津郡遵照所諭各層極力挽回儘業已北犯卽不必再與議和照會○ 諭據景廉奏俄夷貿易人等原由博羅霍吉爾卡倫行走茲據該夷咨請嗣後冬春開改由霍爾果斯卡倫行走與原定章程不符請旨遵行各等語俄夷赴伊犁貿易人等向由博羅霍吉爾卡倫行走惟上年因積

雪難行曾經孔拉芬泰許其由霍爾果斯卡倫行走嗣後冬春間所有俄夷貿易人等善准其暫由霍爾果斯卡倫行走以示體恤但事關邊陲必須慎重以垂久遠著景廉查明該處情形以後如見有窒礙難行之處仍當奏明停止毋滋流弊將此諭令知之○

曾國藩奏臣奉諭旨飭催左宗棠等到齊分路進兵規復蘇常一節查左宗棠之勇選練未齊聞須八月朔日始由湖南起程李元度擬於七月初帶勇由平江起程尙未報行抵何處鮑超因江水封峽不能行舟六月十六日始由夔州起程張運蘭六月二十七

日行抵萍鄉適江西撫臣毓科以南贛有警札飭該軍暫紮袁州尙未接臣後二次飛催來皖之札屈指約計李元度張運蘭鮑超等到徽當在七八月間左宗棠到徽當在九月中旬臣前奏由池州廣德進兵維時廣德有江長貴扼守我軍由此進攻冀與嘉湖

各軍聯絡頃接張芾函稱竄杭之賊由安吉孝豐回撲廣德該州城竟於七月初四日失陷江長貴不知下落賊必踞此要地使皖浙之師聲氣隔絕又甯國被圍一月雖經周天受督兵固守而賊仍未退據探偽輔王楊七麻子帶池州之賊將自北路往撲甯國

新破廣德之賊將自南路往撲甯國甯郡糧少援孤竊恐周天受力難久支軍情變幻旦夕不同鮑超不能於六月趕到皖境既與臣原奏不符江長貴不能一日堅守廣德尤非臣意料所及目下皖南固危乎其危浙江亦防不勝防臣軍調齊以後須一攻廣德

一援甯廣之閒又須有一支重兵往來策應勢不能繞越皖境而徑趨蘇常此蘇常急難規復之實情也諭旨又念上海兵力單弱嘉興亦未收復一節前准薛煥咨函松江上海等處水陸兵數無多欲由張玉良處分撥三千人未知果調得勁旅否臣相距過遠

援應不及近因浙西多事文報阻滯雖彼此各致數函尙未接覆書據探偽忠王李秀城帶領賊眾由金陵往犯上海頃聞松江復陷上海舟師大挫危迫殊甚至張玉良嘉興一軍與臣處信息罕通但聞二十九日地道已成轟塌數丈旋因賊眾堵禦未能成

功又微聞將帥不和文武不協相持過久恐生事變臣新膺督師江南之命本有統轄該軍之責惟見值皖南危迫勢不能舍近而圖遠且廣德復陷浙事日棘臣與兩處文報動多梗塞此嘉興上海暫難兼顧之實情也諭旨垂詢江北一帶如何布置一節臣前

於五月十七日奏飭總兵吳全美李德麟師船全數下駛駐泊焦山瓜州等處以通鎮揚兩府之氣而扼逆匪北渡之路又於七月初三日奏派遣員李鴻章與辦淮揚水師以護鹽場而輔陸軍無非爲力保江北起見惟水師匠材鳩工赤地新立非數月所能就

緒臣俟皖南各城立腳稍穩乃能繞道馳赴淮揚亦非數月所能成行側身東望焦憤實深都與阿壘奉諭旨督辦揚州軍務日夜憂灼謀所以速行之法官文胡林翼亦百計經營謀所以資送之法無如事多窒礙迄不能就不特三千勁旅五月口糧鄂省之力

一時難以撥付即弁勇之心亦實不願遠行蓋自湘省至揚州繞道五千餘里上游一水可通人多而氣聚下游百物昂貴人少而勢孤同一應募之勇同一額定之糧其願就鄂就皖而不願赴揚州者情也勢也以臣愚見淮徐等處風氣剛勁不患無可招之勇

但患無訓練之人擬即函商官文都與阿等酌帶楚師千人先行馳往仰慰臣聖懷到江北後用楚軍之營制練淮徐之勇丁嚴其禁約寬其期限李鴻章往辦水師亦照此法行之臣明年馳赴淮揚亦照此法行之餉絀而不改其常戰敗而不變其度期於有成

而後止若仗 聖主洪福得一二名將出乎其間則兩淮之勁旅不減三楚聲威此江北先行籌畫之微意也 上諭前因都興阿
奏屢調馬步各軍未經籌撥當經諭令官文等速調馬隊並得力兵勇三四千名派赴都興阿軍營帶往江北防剿隨據官文等將
無可調撥情形馳奏復批令懷遵前旨籌撥矣本日據曾國藩奏稱淮徐民風剛勁不患無可招之勇而患無訓練之人已函商都
興阿止須酌帶楚師千人前來江北到防以後以楚師之營制練淮徐之勇丁可期得力等語所籌係因楚軍無可調撥爲因才於
地之計尙屬妥善著官文胡林翼即行調派馬步得力兵勇千名配齊軍裝糧械令其速赴都興阿軍營爲數既屬無多不得再行
推諉都興阿於此項官兵到後著卽統帶啟程前往江北到防以後應如何於淮徐等屬抽調勇丁加以訓練藉資防剿之處卽著
與曾國藩會商辦理將此由六百里各諭令知之○諭曾國藩奏接奉諭旨統籌全局一摺據稱李元度等兵勇約須七八月閒到
徽左宗棠須九月中旬到徽到齊以後亟須分攻廣德救援甯國未能急議規復蘇常至嘉興上海亦暫難兼顧都興阿督辦江北
軍務尙未啟程已函商官文等令該將軍酌帶楚師千人馳往江北到防以後以楚軍之營制練淮徐之勇丁可期得力等語蘇省賊
氛延蔓急盼援兵而該大臣部下兵將未齊驟難進剿亦屬實情著俟李元度等陸續到徽後應如何攻剿廣德派援甯國卽照議
迅速辦理至淮徐勇丁可用都興阿卽可無須多帶兵勇前往江北所籌亦屬妥善再本日據瑞昌等奏探聞賊目李秀城住居蘇
城並不設備賊數不滿千人時於胥盤兩門之外觀看田稻無錫城內之賊亦不過三四百人均甚畏民團等語蘇城之賊圍攻上
海其空虛亦在意中著曾國藩確行偵探如該處及無錫兩城果係賊匪無多卽著檄調勁旅閒道出奇前往規復亦不可失此機
會不必專俟兵勇到齊轉涉拘泥也將此由六百里諭令知之○欽差大臣兩江總督曾國藩奏謝授缺恩得旨卿數載軍營歷練
已深惟不可師心自用務期虛己用人和衷共濟但不可無定見耳○命怡親王載垣兵部尙書穆蔭爲欽差大臣往通州籌辦撫
局○命署戶部右侍郎袁希祖往天津查辦團練○丙辰諭內閣王夔齡奏湖河漲漫設法籌堵撫恤一摺南河高寶等處因上游
山泉漲發挾同積潦下注當經道員朱善張將高郵車邏壩南關新壩啟放並督率民夫赴工搶辦旋因風雨交作人力難施自露
筋鎮至金灣一帶無工處所開段漫塌百餘丈小民蕩析離居殊堪憫惻著王夔齡委派委員會同地方官紳董趕緊設法堵築勸
捐籌辦並嚴飭各屬認真防護勿令再有疏虞其被水災民務當加意妥爲撫恤○河南巡撫慶廉奏此次大股捻匪就稱數萬竄
有馬步二萬餘人蓄意西竄疊據探報匪眾攜帶婦女家小欲占奪城寨爲移家計因亳境匪眾被水淹浸盜糧匱乏糾眾西趨攻
城破寨意圖久踞經我軍疊加懲創奪回萬集等三寨斬賊數千其勢已覺總兵承惠等又出其不意鈔向賊前攔頭奮擊力解安
平寨張莊之圍痛加剿戮逆眾旣無屯踞之區又斷其西北之路不能不折向東趨七月十四日五鼓承惠等追至柳河蔡集地方
適關保撥赴邱寨之豫勝營勇會同民練遇賊接仗承惠等帶兵趕到督同參將百順等揮令馬步奮勇直前斃匪甚多奪獲賊物
無算救出被難民婦百餘口該逆向東狂竄又該逆糾捻股馬步數千人聲稱圍鹿復離承惠激勵兵勇奮戰殲類追至鹿邑以西

距城十餘里維時關保派令參將馬春華等統帶馬步兵勇出城迎擊承惠先會知府張曜等督飭勇隊繞由正南向東兩面兜襲該逆果糾馬步攻撲鹿邑西南城垣關保率同候補道趙連標等及地方官紳兵勇登陣守禦賊眾撲近城濠均經擊退馬春華等於城外合力夾擊慶戰多時生擒髮逆張柱一名匪勢不支步賊先潰馬賊亦紛紛東竄關保隨飭趙連標等督帶陝甘官兵出城接應各軍一同追剿復有另股悍賊來援張曜等躍馬奮擊兩路伏兵齊出承惠督領全隊分路截殺我軍屢勝之後無不踴躍爭先轟斃殲殪賊匪數百名餘匪踉蹌鼠竄追殺二十餘里至鄭集地方復斃悍賊數十人落後敗匪及隱伏穢地內之賊沿途搜殺無數餘逆遁歸老巢承惠督同張曜等於十五日直抵亳城整隊駐紮豫境一律肅清懇恩俯准將尤爲出力之總兵承惠等分別獎勵 上諭亳州擒匪大股數萬竄擾豫境疊經官軍痛加剿戮逆遁回老巢豫境一律肅清所有尤爲出力之河北鎮總兵承惠著賞加提督銜候補知府張曜著免補知府以道員補用其餘打仗防堵出力之員弁兵勇著慶廉查明保奏候朕施恩○諭軍機大臣等據桂良等密奏一摺見在英佛以條約未定即欲帶兵北來本日已命怡親王載垣尚書穆蔭即日前赴通州見在先給照會杜其進兵著僧格林沁即日益用欽差大臣關防封安派委員前迎投遞毋稍遲誤將此由六百里加緊諭令知之○丁巳僧格林沁等奏通州布置情形得旨見在議撫之王大臣料已行過通州惟不知此時已見仗否若尚未決裂僧格林沁等斷不可輕於一試總期於撫局有絲毫之益實爲萬幸也○欽差大臣桂良等奏節次遵旨辦理夷務情形得旨桂良恆祺著即赴通州候旨恆福著仍駐津郡○以辦理夷務未能妥協撤大學士桂良直隸總督恆福欽差大臣武備院卿恆祺輔辦大臣命將欽差大臣關防交怡親王載垣等祇領江蘇委員監蔚雯等仍聽候差委○賞還科爾沁親王僧格林沁三眼花翎○予江蘇殉難訓導惲彥昌祭葬世職○戊午諭內閣毛昶熙奏連年鄉團殺賊遇害未經請卹等語據稱河南歸德一府連年鄉團殺賊出力管帶團勇屢戰捐軀者殊不乏人未經請卹其帶團禦賊著有成效者亦未查明請獎著慶廉將所有連年鄉團出力陣亡殉難並辦團有效人員迅速查明奏請分別獎卹以後遇有鄉團應獎應卹之事即著毛昶熙查明分別奏請恩施○諭軍機大臣等本月二十五日兵部遞到俄使伊格那提業幅咨文一件據稱欲於英佛二國欽差進京之後暫遲數日啟程赴京等語此次俄夷尾隨英佛前來即使阻止諒亦未必肯聽茲已由軍機處咨覆令其俟英佛二國議定後再行來京此刻正在商議之際不必前來惟該夷若知載垣等出京伊亦必來見面議此事該王大員等亦即照軍機處咨文答覆可也○諭略乘章奏遵旨督辦四川軍務見在籌調湖南湖北兵勇並請令左宗棠入川各摺片所奏請令左宗棠襄辦軍務一節前已有旨令該員勿庸入川仍著襄辦曾國藩軍務矣昨據瑞昌王有齡薛煥等奏均以蘇常糜爛不堪上海鎮江等處情形危急苦無援兵非曾國藩一軍入蘇不可而曾國藩又以左宗棠等募勇未到不能前進駱秉章既有劉嶽昭等隨同前往著即飭令左宗棠迅速帶勇仍赴曾國藩軍營另片奏皖南協餉無從籌撥等語所有皖南軍務前經降旨統歸曾國藩督辦皖南防兵爲數不少見在甯國被圍日久亟應籌撥前摺以圖進剿曾國藩所

帶兵勇又係楚軍自應仍由湖南接濟該撫等案顧大局自不可意存腹視者略秉章文格仍於湖南設法籌措按照部咨每月如數撥解皖南軍營以濟急需至石逆見雖距蜀尚遠而入蜀之滇匪擾近省城賊勢猖獗東純已在湖北病故昨命崇實暫署四川總督該大臣未諳軍務在川楚軍無人統馭恐不足恃略秉章即當催齊募勇迅速入川以清對境毋再遷延將此由六百里諭令知之○諭前派毛昶熙督辦河南團練事宜諭令按照載垣等會議章程妥爲辦理本日據毛昶熙奏河南團練以歸陳二府爲先

前勝保因調團不齊勒派百姓出資雇丁統計勇糧運費較正供多至倍蓰百姓苦累近日紛紛稟請以抽丁一項民力已竭鄉團勢難再辦其開封等府百姓聞歸陳雇勇之苦亦復觀望不肯實辦團練之事仍恐有名無實等語用民之法總宜深得民心勝保等所辦章程既與民心不洽自應改絃更張以期得力著慶廉體察情形將此項雇勇酌量裁撤毛昶熙即按照載垣等會議章程趕緊集團練勇以輔兵力勿令捻匪乘虛竄入並著該團練大臣和衷共濟務使紳士與地方官聯絡一氣辦團方有成效將此由五百里諭令知之○以江蘇禦賊出力賞巡撫薛煥頭品頂帶餘銜有差○已未調安徽軍營甘肅甯夏鎮總兵官鄭魁士赴江蘇鎮江辦理軍務○庚申諭內閣朕屢念兵艱中心惻怛若令枵腹荷戈焉能責其用命疆場茲由內發銀二十萬兩普賞防堵巡防各兵丁以示激勵人心之至意○辛酉諭內閣杜翹奏請仿照河南章程調遣官兵等語著山東巡撫文煜飭令各營將弁將額設官兵認真訓練遇有緩急由團練大臣調遣與民團相輔而行以資得力○諭軍機大臣等僧格林沁瑞麟奏夷人逐日前進其意必至通州見在嚴陣以待以備截擊一摺據稱載垣等接英夷照會仍欲赴通商議經載垣等復又兩次給與照會該夷並不照覆仍往前進載垣等見已折回通州據探前隊已至河西務僧格林沁等見派格綏額督帶馬隊駐紮安平俟探馬到時即攔阻毋令再行前進如不聽從即行拏獲後隊儘越過馬頭即著僧格林沁等迎頭截擊該大臣等惟當激勵眾兵同仇敵愾以副朕望載垣等若仍留通州恐兵士猶謂向欲議撫意存觀望已諭令該王大臣察看情形或尚可暫留或即行回京斟酌辦理○諭李若珠奏滬城解圍見又添兵往援並金壇失守各情形一摺逆眾圍撲上海經在城文武奮力擊退守城兵勇不過千餘人見在遊蹤尙在數十里內各處援師未到自應令向奎一軍迅速前往乘勝進攻力保餉源重地金壇固守已逾數月守備馬得勝與賊潛通川勇約期內應遂致縣城失陷兵勇逃至鎮城者已有二千餘人見正當招集潰散兵勇之時難保無此項兵勇混雜其中潛至鎮城應募著巴棟阿嚴密稽查如有川勇逃至鎮城者責令各營將弁隨時查出即行正法毋使奸宄漏迹致貽後患將此由六百里諭令知之○命候補三品京堂勝保簡練精兵親自統帶於通州以西擇要駐紮並命直隸山東山西陝西各督撫飭催前調官兵星夜趨赴通州聽候調遣○予安徽陣亡副將于昌麟四川陣亡通判繆榮吉等祭葬世職○是月賑湖北沔陽等十一州縣湖南澧州等八州縣被水災民蠲緩山東濱州等三十二州縣及濟甯等衛被旱被風被蟲被雹被擾莊屯新舊額賦撫恤福建澎湖廳遭

風災民

咸豐東華錄九十六

八月壬戌朔論軍機大臣等德楞額等奏自請帶兵赴通等語據稱山東軍務雖當江北喫緊之際較之京通輕重懸殊商令哈勒洪阿暫紮韓莊德楞額親帶兵勇一千名星馳赴通聽候調遣山東韓莊一帶防務稍鬆已諭令德楞額准其帶兵赴通俟該副都統到時著僧格林沁等體察情形如大營可無需此項馬隊即令德楞額屯紮附近通州一帶或繞截前途或鈔擊後路由該大臣等自行酌量調派可也正在寄諭間據載垣等奏到在通已與巴夏禮威妥瑪接晤言尚馴順呈出在津時與桂良等議定續增條約八款惟天津通商一款極有關繫第桂良等業經允許難於翻悔當即給與照會俟額爾金到通即行蓋印畫押再行進京換約其所帶隊伍悉駐張家灣以南五里外不再前進一寸該大臣等見既准額爾金抵通其照會內有隨帶弁兵約照一千之數其餘紮營總於張家灣以南五里之外等語著僧格林沁仍嚴兵以待於額爾金來通時除約定千兵以外如有任意續來仍應攔阻額爾金既隨帶弁兵千數來通將來葛酋定議時所帶弁兵亦必照此數目總須嚴密偵訪尤恐巴夏禮等貌為馴順其中仍有叵測該大臣諒必能籌畫精詳萬無一失也將此由五百里諭令知之○論昨據德楞額奏請分兵赴通助剿已諭令該副都統准帶兵勇千名馳赴通州並諭知僧格林沁於附近通州一帶酌量調派本日據傅振邦奏穎毫大股捻匪傾巢而出計有十數萬眾由永南沿滄而東襲破練圩兩處圍攻滄南軍營雖經擊退其勢甚熾飭河南山東一體嚴防等語復經諭知德楞額察看情形能否帶兵赴通自行斟酌辦理矣再本日據托明阿等奏西安馬隊二千三百名並商雒等處步隊一千五百餘員名配帶軍火等項自七月十二至二十一等日業已渡河趨出陝境此次馬步各隊計已陸續可到著即將續調之察哈爾馬隊後起官兵一千名分撥勝保軍營令於由通入京各要隘酌量布置以爲該大臣等後路援應見在該大臣等軍營兵共有若干名及所調各省官兵已到營者共有若干名著將數目查明具奏○癸亥傅振邦奏永境捻股勾結西路援賊北竄永碣臣派撥勁旅駐紮黃口與蒙村苗村等營聯絡嚴防仍督南路大軍照舊攻圩賊旣窮折回韓村一帶伺間滋擾臣督飭各營隨時擊退復念袁徐兩圩附近積潦成湖難以進攻賊亦堅匿不出惟聞沙河一帶漏網餘匪歸併西路若不乘勢進剿恐日久又生波折因飭知府童維翰等於六月三十日調齊團練會合馬步官兵直趨蒙境將小湖集賊圩擊破徑取蒙城正西之西洋集該處賊圩叢密爲蒙亳老巢門戶防守極嚴七月初三日大軍進攻三戰三捷攻破賊圩十四座殺賊三千餘人賊勢窮蹙詎穎毫大股捻匪因渦泥漲溢賊圩被淹搶首姜台凌劉狗等糾集數百圩之眾各帶家屬輜重傾巢北竄圖掠完善之區適趁首劉添幅余麻和等潛往旬結兼有張逆之兄張閔行新舊毫永一帶飢民爲之前驅於是五旗之賊計有十數萬眾欲就食滄南由永南沿滄而東徑至童亭襲破練圩兩處十六十七等日遂至張家埠口將滄南官軍營盤圍住冀斷前敵餉道各營出擊屢勝奈賊愈集愈多相持不退十九日臣督同苗沛霖率隊前進與賊接仗鏖戰三時之久殺賊四五百名衝入重圍將遊擊王清泰四營隊伍接出暫就南岸紮駐二十日賊糾大股十數

萬排死來撲我軍據險列陣屹立不動相持時許田在田自率馬軍突出兩翼壓下田亦揮步隊奮力齊上兵勇一以當百將賊隊衝爲四路追殺四五里該匪大股接應回拒適南路苗沛霖帶隊趕到我軍勇氣百倍南北夾攻賊益不支均向西南潰遁兵練會集一處追至清水溝以西前後殺賊甚多焚毀賊壘五座剽取首級一千餘顆始行收隊二十一日苗沛霖親統各練由歸正廟西北進剿該逆大股出迎兇悍異常我軍分列五隊三面兜擊將賊壓退適劉蘭馨張建猷等帶隊由小澗鈔賊之西臣等分撥馬隊會同李玉田等由東路繞北夾擊賊眾披靡狂奔我軍分投追殺斃賊三千餘人踏毀賊壘五座生擒著名大捻首余麻和韓四芒等二名其餘小捻首以百數計查該賊十數萬之眾傾巢而來經我軍奮力攻剿立挫兇鋒所慮該匪自恃人眾未免旁竄爲患除飭各路嚴防外相應請旨飭下慶廉德楞額分飭永城與山東各路防兵一體加意堵剿毋稍疏虞上諭軍機大臣等傅振邦督飭各軍痛剿兇鋒惟賊勢眾多拌死狂奔尤虞旁竄紛擾著慶廉德楞額各飭永城與山東各路防兵一體嚴防並速探賊蹤所向與傅振邦等軍分投接應毋分畛域聯絡堵剿除羣醜保全完善地方昨有旨准德楞額所請帶兵勇一千赴通見當捻勢橫東防又加喫緊著德楞額體察情形緩急酌酌行止毋致顧此失彼將此由六百里各諭令知之○子安微陣亡副將劉蘭馨等祭葬世職○甲子以候補三品京堂勝保爲光祿寺卿○乙丑以英佛二國人偈近通州稱欲帶兵入見嚴飭統兵大臣決戰近畿州縣整團阻截降旨懸賞通諭中外○諭軍機大臣等前因江北防務緊要楚軍未能分撥諭令官文胡林翼調派馬步兵勇千名交都興阿統帶啟程前往江北到防以後於淮徐等屬抽練勇丁藉資防剿茲據李若珠奏金陵逆匪見在製造礮船並擄取船隻意圖北竄其由丹徒小河口等處出竄賊匪雖經各艇船將弁先後擊退惟艇師單薄亟盼上游援師等語見在會秉忠所帶之長龍船全數派往赴滬下游各起艇師爲數無多設金陵之逆擄船下竄丹徒等處再有逆眾橫趨則江北一帶更形喫重著官文胡林翼迅將前調馬步兵勇一千名挑選精壯配齊軍裝器械由都興阿統帶迅赴江北力籌堵剿至以楚師營制訓練淮徐勇丁實爲見在切要之圖著都興阿仍遵前旨與會國藩會商趕緊辦理以冀練成勁旅正在寄諭間據都興阿奏楚勇未能遠征擬調吉林馬隊一起及見有馬隊已咨行官文胡林翼催調等語著官文胡林翼迅將此項馬隊即飭赴前路都興阿軍營以便該將軍即日統帶啟程馳赴江北認真剿辦保全完善之區是爲至要將此由六百里各諭令知之○諭前據張芾奏浙江賊眾突犯廣德江長貴親督馬步各隊出城馳剿所向披靡該逆復糾眾回撲江長貴與米興朝登陴督戰及賊眾圍城江長貴猶引親軍數十人拔關而出與賊死戰手刃數賊究因援軍未到以致州城失陷江長貴突圍退至安吉等語已降旨將該署提督革職畱任茲據瑞昌等奏廣德州失守情形與張芾所奏大略相同惟所稱該逆竄入廣德東南二門時江長貴在南門不知何往以致米軍退走與張芾前奏江長貴登陴力戰各情迥不相符江長貴自派援江蘇等處節節潰退此次統領廣防所部有七千餘人並不爲軍竟不能固守一兩日以待援兵實堪痛憾著瑞昌來存王有齡將江長貴此次如何臨陣退縮棄城不守及張芾前奏因何不符之處據實查

明參奏毋稍徇隱米與朝赴援不力此次復退至四明前已諭會國藩奏參該將軍等奏請免議之處著毋庸議所擬仍由民團辦理防堵各節即著瑞昌來存王有齡等認真激勵迅速舉行以收實效將此由六百里諭令知之○諭本日據載垣穆蔭奏巴夏禮等已帶四十餘人抵通州呈出照會有互換和約時須將國書親呈御覽之語經載垣等再三駁詰堅執如故此係國體所存萬難允許該王大臣可與約定如欲親遞國書必須按照中國禮節拜跪如儀方可允行設或不能止宜按照米俄兩國之例將國書齎至京師交欽差大臣呈進俟接收後給與璽書亦與親遞無異見在撫局將有成說不值因禮節而決裂設固執前說惟有與之決戰其隊伍敢過張家灣以北即著該王大臣一面趕緊知照僧格林沁等督兵勦辦該王大臣即一面回京毋得泥於議撫致決戰局至劫去天津府知府石贊清一節該王大臣即行文知照額爾齊斯中國最得民心之官猝被爾國羈留士民憤恨異常洵欲鬪中國亦斷難禁止見當兩國互換和約之時豈宜有此務令孟姓夷酋迅速以禮送還以全和好而弭事變該王大臣約定各條務須於在通時與之定準切不可有俟到京後再行商酌之語言詞務須斬截以昭中國信義勿得稍有游移○諭載垣穆蔭奏英夷所請各條已皆允許巴夏禮復遞同佛夷巴士達美里登來通呈出照會內有換約時所有國書須親呈御覽之語此條萬難允許已知照僧格林沁等嚴兵以待等語似此忽生枝節如載垣等再加開導不執前說自不至因此決裂諭令該王大臣等如果遵天朝禮節拜跪呈遞國書自屬可行否則仍應援照米夷來京呈遞國書辦理誠恐因此條不允仍帶夷兵過張家灣著僧格林沁等即行痛剿不必再為顧惜撫局該大臣等務嚴兵以待毋致倉卒或失事機本日據載垣等呈遞恆福咨文內稱該夷因聞大兵欲鈔其後路將天津府知府石贊清劫畱營中不放手民憤懣異常洵欲鬪有不容並立之心已諭載垣等給與照會令迅即放回並諭恆福等密為布置一聞張家灣開仗之信即令民團進攻昨有旨令勝保帶兵紮定福莊茲據載垣等奏兵力不宜過分請將勝保所帶全軍飭令即赴僧格林沁大營等語著僧格林沁等體察情形如尚須厚集兵力即將勝保所帶全軍飭赴僧格林沁大營以備剿擊或於所帶之兵酌量分調若干前往若前敵之兵已敷攔剿勝保一軍仍令紮定福莊以為後路該大臣等軍營見共有兵若干名及所調各省官兵已到營者共若干名前經諭令查明數目具奏務於即日遵查迅速奏聞可也○諭據載垣穆蔭奏巴夏禮堅欲撤退僧格林沁張家灣之兵該王大臣與之剖辨掉頭不顧驟馬逃去該大臣立即知照僧格林沁與之開仗大兵獲勝巴夏禮業已就擒各等語著恆福即會同焦祐瀛等乘此聲威激勵團勇痛加勦洗其津通一帶沿途各民團一體號召協助官軍並懸重賞鼓勵眾心迅即調度勿誤事機是為至要○諭僧格林沁等奏來隊來撲我軍退至八里橋一摺僧格林沁見扼八里橋截住夷兵前進之路諒能振起軍心務須設法更番擗戰使其不得休息恐該夷調齊大隊轉來撲我致落後手尤須防其鈔襲後路或由通州城內衝出撲我八里橋之後取道北犯勝保之兵應令某余家衛以備截擊來京要路其所帶僅止步隊見有察哈爾馬隊一千名如老弱不堪衝突即可將其兵丁守營另選精兵用其馬匹以利馳逐事機萬緊著僧格林沁端麟會同勝保安籌

賊勝機宜務期一鼓作氣戮力同心實殷厚望○丙寅諭內閣戶部奏在籍藩司勸捐軍餉未經報銷請獎請嚴查究辦一摺江蘇在籍前任湖南布政使王藻自咸豐三年在本籍通泰一帶辦理捐輸聲名狼籍眾怒沸騰該員經手所收捐項不下二百餘萬作何動用既未報銷又未呈報請獎等語該部既查無奏咨給獎案據即該員本身所捐銀二萬四千兩亦難保無將他人捐項作為己賞冒邀獎敘情弊著王藻齡會同喬松年嚴密確查並提隨同該員勸捐各紳士訊明通奏等處捐項數目乾沒若干實據即行奏明請旨並飭令該員王藻先行交出銀三十萬兩充飾其餘仍照數分限嚴追如該員恃符狡賴不即完繳即行參革嚴追查鈔家產變抵按律治罪以為侵蝕捐項者戒○諭軍機大臣等周天受奏甯軍續獲勝仗請飭催餉援一摺甯國官軍自六月十七日以後續獲勝仗力保郡北糧道並攻克西南兩路逆遊卡逆壘見在敗匪負隅鄰疆不守甯國孤城固守五十餘日餉道益梗設有疏虞關繫皖南全局前諭會同藩救援甯國該大臣以兵將未齊須俟七八月間李元度等陸續到徽方能進剿目下帶兵各員諒已趕到著即派撥兵勇馳援甯郡毋再遲誤周天受仍著就在兵力固守待援並聯絡地方紳團相機擊剿勿稍疏懈見在皖南軍務歸會國藩辦理所有湖南等省協餉並著該大臣自行嚴催見在廣德克復士氣奮興周天受惟當激勵士卒力解城圍是為至要將此由六百里各諭令知之○諭戶部奏酌提各省漕折銀兩採買糧石以實倉儲一摺京倉為根本至計兵民口食攸關亟應廣為籌畫見在江西湖南湖北軍務肅清閩安業所有應徵各款自可照舊徵收著官文胡林翼文格毓科將江西漕折銀提四十萬兩湖南湖北漕折銀各提十萬兩務於年內一律解京並將起解銀數日期先行奏報奉天山東二省前經諭令籌辦推廣捐收糧米如何章程著玉明文煜迅速妥議具奏毋稍延緩將此由六百里各諭令知之○玉明奏金州復到夷船多隻仍飭濱海嚴防○貴安徽在籍翰林院編修宋夢蘭侍講銜督辦皖南團練事宜○命山東在籍已革閩浙總督劉額珂廣東巡撫黃恩彤前任江蘇巡撫傅繩勛等分辦本省團練○會國藩奏接奉四次諭旨飭令迅速進兵查目下軍情自以規復蘇常為要而皖南進兵必須能保甯國能復廣德乃有進兵東下之路則必以急援甯郡急攻廣德為要二者力不能兼辦則又以專救甯國為要然由祁門徽州而入甯郡須分走旌德涇縣石埭等處見己一片賊氛必須節節掃蕩以分賊勢而清後路則欲援甯郡又以先勦旌涇石埭三縣為要臣自聞甯國被困之信續撥銀五千兩由張芾派弁轉解因無路可達中途折回臣催調各軍急切難來日夜傍徨莫知所措茲據鮑超稟稱已於七月初五日行抵宜昌府張運蘭稟稱十一日行抵江西省計七月底均可到祁門臣擬俟該鎮道等到齊派鮑超率靈營六千由黟縣以攻涇縣又飭李元度先往廣信布置防務仍由徽州旌德前進必俟涇旌石三路肅清直抵甯郡然後臣軍之立脚始定皖南之局勢始安皖南安則浙江亦安而蘇常亦有可圖臣擬俟入九月間大戰數次察接仗之利鈍定入蘇之遲速目下兵力未齊上不能慰聖主宵旰之憂下不能答蘇人雲霓之望此臣之心負疚惶惶無地者也至鹿鍾璐所稱由浙至蘇先復吳江此張玉良一路之事必先克復嘉興然後能達吳江由滬至蘇先復崑山此薛煥一路之事必先克復松太

然後能進崑山由江北至蘇取道常熟此李若珠一路之事必先分兵過江然後能趨常熟此三路者存自保之不暇未必能遽圖進取若軍南赴吳江仍須由皖南下手北赴常熟仍須由淮揚下手行軍本有次第賊情時有變吏既難倖倖於不可必成之功

又豈敢臆斷於不可逆料之事臣惟有嚴督皖南諸軍速戰一日速進一步以期仰副聖塵再准張芾函稱廣德州城於十四日

寅刻收復賊向建平東壩濠陽竄去周天受來信甯廣仍爲賊阻又探有賊二萬由池州竄併石塊臣查廣德收復暫由浙軍戍守

俟左宗棠新軍一到由廣德先入蘇境目下救援甯國仍由石塊漣旌前進報聞○丁卯以雲南楚雄廣通元謀府縣等城被賊竄

陷張亮基徐之銘下部議處予陣亡知府楊觀等祭葬世職○戊辰諭內閣載垣穆蔭辦理和局不善著撤去欽差大臣恭親王奕

訢著授爲欽差便宜行事全權大臣辦理和局○諭軍機大臣等本日據軍機大臣呈遞勝保信函知前路接仗失利大營退紮八

里橋勝保已受重傷撫局難成載垣穆蔭辦理不善已撤去欽差大臣見派恭親王奕訢前往督辦和局本日明發諭旨一道信格

林沁等即宣示夷人令其停兵待撫恭親王奕訢未便與夷人相見候其派委議撫之人或恆祺或藍蔚雲等到後再與面議該大

臣等仍當嚴陣以待堵其北犯務須阻遏兇鋒以顧大局發去照會二件即派員持交英佛二酋可也○內廷王御前大臣等奏見

在撫局未成請將巴夏禮暫時鞫留以爲轉圜地步報可○己巳上詣安佑宮行禮以秋獮木蘭自圓明園啟鑾皇長子隨

駕○瑞麟勝保奏八里橋與夷接仗勝保受傷得旨勝保著賞假調理瑞麟著毋庸來圍即在城外督率伊勒東阿接應隨同信格

林沁截擊○庚午諭內閣雷京辦事王大臣著派豫親王義道大學士桂良協辦大學士戶部尚書周祖培吏部尚書全慶義道全

慶著仍在禁城周祖培著仍在外城桂良著仍在城外○諭軍機大臣等前有旨令景瀄特普欽等各撥兵一千名獵戶一千名前

赴通州一帶交信格林沁等調遣昨據景瀄等奏派兵一千名業已啟程見在夷氛逼近京城朕於本月初八日巡幸木蘭所有前

調吉林黑龍江兵丁如已進山海關即著春佑迅速知照帶兵官飭令折赴熱河護駕毋庸前赴通州再熱河行宮及一切供應著

春佑卽飭該總管及地方官妥爲打掃豫備是爲至要將此由五百里諭令知之○命大學士賈禎協辦大學士周祖培兵部尚書

陳孚恩刑部尚書趙光在外城辦事○壬申勝保奏請飛召外援以資夾擊諭旨國藩袁甲三慶廉翁同書傳振邦派兵剋日赴京

○是日駐蹕巴克什營行宮○癸酉信格林沁等奏佛國通事愛喜略欲輕騎進城與恭親王會晤心懷疑慮須有確據方肯進城

洋人已將石贊清送回巴夏禮須加以恩禮妥爲看待以爲轉圜地步見在恆祺藍蔚雲等並未前往卽使洋人有心就撫亦無由

轉機洋人各處哨探撫局宜迅速辦理不可稽延奏入命恭親王給與照會擇城外適中之地派恆祺等前往與愛喜略會晤由恭

親王斟酌辦理○命張祥河桑春榮董醇飭辦順天西北兩路團練○以瑞昌爲山西按察使由黃甯○是日駐蹕兩間房行宮○

甲戌子江蘇陣亡左贊善趙振祚祭葬世職○是日駐蹕常山峪行宮○乙亥諭內閣辭煥奏嘉興軍營將士請雷獲罪大員督勦

等語據稱副將吳再升等稟稱各營兵丁因已革總督何桂清前曾籌畫軍需接濟兵食願令該革督赴營督勦俟克復蘇州再行

赴京何桂清身任封疆大吏某城不守以致江蘇全省糜爛厥咎甚重著該撫仍遵前旨迅即派員押解來京聽候審辦該將士等請留軍營督剿之處著不准行○命署江蘇臬司候補道江清驥接辦江南糧臺○刑部尚書瑞常等奏添派大員巡守地面得旨巡守地面著添派成琦孟保○予江南陣亡副將舒祥等江蘇陣亡道員史保悠等祭葬世職○是日駐蹕喀拉河屯行宮翼日如之○丙子毛和烈奏遵辦河南團練事宜當與撫臣慶廉商以團練之要總宜就地辦團就團練丁令以八成自守以二成出戰造具花名清冊委派官紳分管操練一有警報立即酌調防剿隨地有丁無調紮之弊有調紮之利乃撫臣堅執成見總謂調紮之勇甚為可惜各縣雇勇之費不過抵正供十之二三不至累民無論抽丁鄉團總須調管自備資斧分派駐紮等語臣再四婉商鄉團辦成之後足資防剿不必常川調紮撫臣仍不聽從夫使此項雇勇果為可惜果不累民臣何敢稍存偏見無如勇不足特費尤累民皆有明證確據敬為我皇上陳之查撫臣派紮民勇以營郭十字河宋集高辛集等處為最要之地乃自七月二十四日後賊由營郭附近竄入豫境其地駐紮民勇六百名不聞能堵賊也由營郭竄至宋集附近地方其地駐紮民勇三千四百名不聞能堵賊也又西至高辛集十字河等處撫臣所派將官與賊接仗失利退回府城兩處駐紮民勇未聞能助官軍也賊遂西竄柘城擾鹿邑撲太康圍陳州撫臣所遣官兵節節尾追陳州調紮之勇未聞有堵禦者其分股竄擾府城東北蔡道口陳家集馬牧諸處盤踞數日肆行焚掠從容回巢大營既未派一兵一勇前往剿捕而賊經過之會亭驛鄆縣城皆有民勇駐紮亦未聞有堵禦者致令捻匪縱橫出沒如入無人之境見在酉股竄至西華商水等處數百里內慘遭荼毒臣親在宋郡聞見皆莫乃撫臣猶以民勇為可惜此臣之所不解者一也撫臣自七月初旬聞賊有內擾之信即由高辛集退回府城至今不出鎮道大員隨居城內其城外營盤幾同虛設幫辦軍務關係亦安居鹿邑縣城邊界各防所僅派微末員弁帶兵千餘幫同民勇防守夫以受恩深重之員身擁重兵猶不肯親駐邊界而謂民間雇覓之勇零星散布遂可恃為藩籬之固此臣之所不解者二也查歸德一府調紮民勇撫臣全委知府傅壽形辦理而該府辦事有名無實聞每月在糧臺領餉八千兩雇勇二千名專責守城乃捻匪近城臣督同紳士登陴巡視該府所募之勇每門止有三十名其餘皆係虛冒夫撫臣同居府城尚不能覈實辦理而謂其邊界所辦之防丁為可惜此臣之所不解者三也查陳州一屬練丁皆調邊境內地一無可恃此次賊匪內擾奔突蹂躪毫無闕阻是防邊本以衛內地而反以害內地此臣之所不解者四也至謂抽丁調防不至累民百姓所出不過抵正供十之二三臣細為覈算即如歸德所屬之商邱一縣派勇一千二百名每名民間日給口糧制錢二百文統計一年需用八萬四千餘貫加以器械火藥運費不下十萬以銀價合計約值銀七萬兩商邱正項地丁不及五萬兩而撫臣謂不過抵正供十之二三此臣之所不解者五也查歸德大營兵勇見在不及二萬藩司竭力籌餉歲需百餘萬而兵勇猶以口糧欠缺怨聲載道乃欲令歸陳凋敝百姓常川雇勇二萬五六千名且謂民力可支樂於從事其誰欺乎此臣之所不解者六也伏查歸德二府百姓勇敢素著聞賊則踊躍爭先聞駐防則憚於從事

蓋以剿賊時日可計易於衰糧駐防則動輒經年難以籌餉誠如原議隨地結團隨團選丁加以訓練使皆知戰守之方則無處非團即無處非防擒匪雖眾總不及百姓之多處處與之為敵賊何敢長驅直入較之勒民派勇以有定之防勇禦無定之賊蹤得失懸殊無難立辨臣見奉諭旨趕緊集團練勇以輔兵力自當欽遵趕辦無如勒派之勇不撤則民力已竭近日各處官紳皆以勢難兼辦稟請畫一章程勢處萬難十分掣肘臣亦知撫臣總管軍務地方呼應較靈非與和衷共濟必無實效乃細察撫臣之意總以改其見辦章程為憾兼以調派民勇曾經奏明辦有成效心存回護不肯變通臣奉命辦團為大吏牽制諸事無可下手不得不據實遞陳伏候 乾斷見在擒匪竄至西華商水等處歸德境內安謐無事開封許州各屬十分喫緊撫臣及關保安坐歸德鹿邑兩城不肯督兵追剿臣擬即親至開許等處就近激勵民團防賊北竄 上諭軍機大臣等昨據慶廉奏抽調歸德練丁請暫緩裁撤並稱已與毛昶熙商酌是以朕准其所請今據該大臣所奏此項民勇既不得力自應全行裁撤歸民團慶廉身任封疆全在與紳士和衷商辦始能聯絡一氣若偏執己見心存回護齟齬不合於事豈能有濟仍著與毛昶熙會同商辦一切不得各存意見致誤事機見在西竄賊匪尚未回巢開許一帶喫緊著與關保督兵進剿若統兵大員安坐不出將士豈能用命其傳壽形冒銷勇糧之處即著查明嚴參將此由六百里各諭令知之○予江蘇被戕參將張朝綱祭葬世職○丁丑 上至熱河詣 綏成殿行禮○

諭內閣朕見在駐蹕避暑山莊天氣漸寒所有隨扈侍衛官員章京等每員著賞給銀五兩兵丁每名著賞給銀三兩以示體恤至每日應給口分若干著總理行營王大臣妥速具奏○袁甲三奏據李世忠稟稱叛逆薛城良自高寶泗水潛逃行至來安經該鎮設法誘赴滁州陽示羈縻藉觀向背詎該逆狼子野心毫無悔懼膽敢遣其胞弟薛之和私赴定遠與張翼二逆暗中勾結斷難姑容當派參將李顯發等將薛城良及其弟薛之和其子薛玉堂薛玉根一併正法並將薛城良首級解送前來臣親驗無異即派委員弁解赴滋事地方懸桿示眾查該逆薛城良前次陷身不義事急投誠仰蒙 皇上天恩宥其已往優予官職並經和春等按月給餉派防九洲洲宜如何感激圖報乃因江南軍情失利遂將全軍撤退竟置九洲洲要隘於不顧旋即藉餉滋鬧糾眾數千人沿途焚掠江北人心大為震動雖經水師兜擊將其全股撲滅而首逆竄逃希圖再逞幸經李世忠設法誘擒將該逆父子兄弟同時正法不啻餘孽實於軍務所關非細謹將尤為出力人員開列籲懇恩施 上諭漏網首逆薛城良遣其胞弟薛之和私赴定遠與張翼二逆暗中勾結意圖再逞李世忠密派參將李顯發等將薛城良及其弟薛之和其子薛玉堂薛玉根一併正法洵足彰國法而快人心李世忠公而忘私殊堪嘉尚著即補授江南提督以昭優獎○恭親王奕訢等奏洋人有在通州議和之語已給與照會諭嘉其措詞得體即命相機辦理○戊寅諭內閣江南提督張國樞由廣西自率所部隨同向榮轉戰數省所向無敵朕見其謀勇兼優功勳卓著由偏裨擢至提鎮大員並令幫辦江南軍務殊思異寵屢次褒嘉復因其克復城池賞給世職該提督感激激圖報哲志滅賊救我以來東南半壁倚為長城詎意本年夏間金陵大營潰敗和春退守丹陽張國樞自鎮江往援出城擊賊身受重傷策

騎渡河人馬俱沒於水先後據僻嶼等奏報朕猶以為傳聞之謬未即開缺論旨詳細確查並命其弟尋覓骸骨尙冀該提督不死
出爲國家宣勞乃距今數月終無確耗其爲業經捐軀已無疑義若使張國棟尙在蘇常一帶何至糜爛若此追念盡臣益深愴惻
張國棟著追贈太子太保銜照提督陣亡例從優賜卹所有任內一切處分悉予開復入祀昭忠祠並著於死事地方及該提督原
籍建立專祠以慰忠魂該提督子孫幾人著廣東督撫查明俟服闋後送部引見候朕施恩用示朕眷念勤勞優加褒卹之至意尋
予祭葬世職諡忠武○諭軍機大臣等據王有齡奏蘇常各屬團練望兵甚殷請飭統兵大臣兩面會剿並嘉興軍營失利各摺片
蘇常失陷以來不見官兵已逾三月吳縣各鎮舉辦民團均尙安靜其無錫金匱武進陽湖江陰各縣亦行團練殺賊甚多惟日久
支持筋疲力盡若大兵遲到恐難久存曾國藩本有八月進兵之議見在左宗棠張運蘭李元度等當已趕到著卽派令該員等督
率兵勇或從太湖進攻蘇州無錫或從廣德進攻溧陽宜興以分賊勢而慰民心其嘉興一軍營盤如何失守著瑞昌王有齡等查
明首先潰退之員嚴參懲辦一面飭令張玉良等奮勉圖功整軍前進一面布置城守事宜嚴密防堵毋令該逆擾近省城是爲至
要將此由六百里加緊各諭令知之○已卯曾國藩奏接准王有齡兩次咨函張玉良嘉興大營於七月二十三日後路爲賊所包
遂致全軍潰退張玉良受傷退至石門賊復攻陷石門距省甚近杭城危急請分隊救援臣奉旨接辦皖南軍務甯郡被圍兩月周
天受困守孤城屢次求援臣見派鮑超張運蘭由涇旌兩路赴援甫經拔隊成行斷不能失信於甯國而改援浙江目今浙省賊勢
浩大亦非三五千入所能救全臣處別無大隊可撥必須左宗棠新軍抵徽配足萬人乃可赴杭援剿特略乘章督辦四川軍務
之命奏明抽調湖南防兵又奏請左宗棠入蜀湖南官紳因吳蜀兩處徵調本境空虛人心驚恐是以左宗棠遲遲未能成行臣聞
逆賊石達開尙在廣西四川縱或危亂尙在半年以後浙江之陸危則在一月以內即皖南江西之安危亦在兩三月之內緩急迴
殊仰懇 天恩飭令駱秉章暫緩入蜀湖南防兵暫不抽動俾左宗棠星馳兼程來皖合兩湖江西官紳之全力共救浙而攻蘇或
有補於萬一端昌王有齡奏據張玉良各稱七月二十三日賊眾傾巢出撲大營我軍連戰五晝夜疲乏已極力不能支全行潰退
將士傷亡甚多張玉良身受重傷退於石門軍器俱已遺失等語臣等卽飭吳再升一軍扼守石門會同張玉良收集潰散兵勇實
力堵剿一面飭令彭斯舉等防堵海甯惟查嘉興大營潰退後四通八達處處可以內犯防不勝防且蘇常逆匪大股來援賊勢甚
重杭防所存兵勇雖有一萬數千名係收集潰散之眾且杭州城大地曠守禦甚難屢請曾國藩來浙會商共持大局至今尙駐祁
門應請旨飭下曾國藩迅卽督兵來援以顧危局儻以兵未調齊不能赴浙卽由曾國藩就近兼顧徽防令張芾統帶所部星馳援
剿或仍由曾國藩多撥勁旅飛速救援庶幾浙省不至糜爛大局尙可挽回 上諭軍機大臣等日昨因王有齡奏蘇常團練望兵
甚殷諭令曾國藩卽派帶兵各員分路進攻以分賊勢而慰人心本日復據瑞昌等馳奏嘉興大營全行潰退張玉良身受重傷退
紮石門杭州情形危急請飭曾國藩督兵來援如不能赴浙卽令張芾星馳援剿並據曾國藩奏接王有齡函稱石門已陷賊匪距

省甚近請分隊救援見派龍超張運蘭赴援甯國不能改援浙江必須左宗棠新軍抵徽方可赴援等語見在浙江望接甚切若待左宗棠到後始行入浙誠恐緩不濟急徵防軍務已歸該大臣兼辦張芾如尚未交卸即著該大臣知照張芾迅即帶兵前往救援左宗棠前已有旨令其毋庸入川仍襄辦會同藩軍務一俟該員到後或即令赴杭或令進攻蘇常以牽賊勢由該大臣酌量辦理可也至該大臣請令駱秉章暫緩入蜀見在四川軍務緊急若曠日持久必致滋蔓難圖前據駱秉章奏抽調湖南防兵為數亦不甚多不至有空虛之虞朕因程誥尚稱知兵已賞給二品頂帶令其署理湖南巡撫以便駱秉章交卸啟程矣○前據駱秉章奏請令左宗棠帶勇入川隨同助剿當因蘇常一帶喫緊諭令左宗棠仍赴會同藩大營襄辦軍務本日據會同藩奏嘉興軍營潰退浙江省城危急必須左宗棠新軍抵徽乃可赴杭援剿見在駱秉章督辦四川軍務抽調湖南防兵本省空虛左宗棠遲遲未能成行請飭駱秉章暫緩入蜀俾左宗棠兼程來皖等語四川賊勢嗚張若再曠日持久誠恐滋蔓難圖且蕭啟江所部楚勇甚為得力惟王沐官職較卑未能駕馭亟須大員統帶著駱秉章仍遵前旨帶領得力員弁兵丁迅速赴川以期力保完善之區並著催令左宗棠趕赴會同藩大營毋再稽延將此由六百里諭令知之○命官文等派兵赴京都與阿統帶馬隊入援○賞程誥二品頂帶署湖南巡撫由提督○命綏遠城將軍成凱盛京將軍玉明陝甘總督樂斌山東巡撫文煜河南巡撫慶廉山西巡撫英桂統兵入援以庫倫辦事大臣德勒克多爾濟署綏遠城將軍盛京戶部侍郎倭仁壽盛京將軍甘肅布政使林揚祖署陝甘總督山東布政使清盛署山東巡撫河南布政使賈臻署河南巡撫山西布政使常禧署山西巡撫○庚辰勝保奏力疾銷假得旨報國心殷實堪嘉尚○辛巳諭軍機大臣等前因恆福奏請赴熱河隨扈業經批示勿庸前來俟夷務定局回鑾時赴口接駕見在東北一帶地方緊要必須有大員坐鎮且沿路兵差絡繹文報紛繁所有各州縣應辦事務必須該督前來呼應較靈恆福著即到古北口內駐紮以資督率其天津一帶夷務即著責成寬惠等會同焦祐瀛等辦理可也將此由六百里諭令知之○恭親王奕訢等奏撫不可恃請飭統兵大臣激勵兵心以維大局從之○壬午諭軍機大臣等本日據錫齡阿奏午浦官兵會同援軍克復縣城一摺據稱七月二十一日克復平湖後即於二十二日將嘉善縣城克復第滿洲官兵駐守午浦更兼四路土匪甚多實屬不敷遣調斷難兼顧兩縣請飭副將陳步高帶兵駐守平湖分紮嘉善等語浙江自嘉興大營潰退後省垣戒嚴見在未知情形如何實深慮念平湖嘉善兩縣收復必須有重兵駐紮防其回竄陳步高一軍如尚未調赴他處即著分紮該兩縣以資防剿儘兵力不敷或即飭令協領多仁布等協同守禦著瑞昌王有齡斟酌辦理並著傳知錫齡阿浙省援兵昨已寄諭會同藩令其派兵分路進攻以分賊勢但恐緩不濟急張芾一軍未知會否趕到該將軍等與其株守省城莫若飭張玉良等迎頭截擊使賊不能逼近城池方為妥善將此由六百里諭令知之○廣東巡撫書齡奏進攻樂昌仁化逆匪獲勝得旨收復城池暨打仗出力人員著擇尤酌保數人隨同收復之本地地方官不准過為開脫○癸未諭軍機大臣等據龐鍾璐奏常昭縣城失守請飭都與阿駐紮江北相機規復一摺江南自謀常失守揭

地賊匪等聞文官紳尚能激勵民團同心固守前以該國大服紳至眾寡不敵縣城遂於八月初二日失陷都與阿見時未能即抵江北鎮江官軍雖向李所部經辭煥調往上海尚有李若珠派來援兵著巴棟阿酌量情形派兵迅圖克復並著於沿江各要隘嚴密防堵勿令該匪北竄是爲至要將此由六百里加緊諭令知之○子江蘇陣亡從九品龐祖安等祭葬世職○淀園火○甲申諭軍機大臣等本日據慶廉奏官軍追擊捻匪總兵承惠陣亡見乏督隊得力之員請派曾經出師打仗勇往之鎮將二員來營調遣等語河南軍務緊要督隊需員著袁甲三於軍營得力鎮將中挑選兩員即行派往交慶廉差遣如鎮將無人可派亦可於參遊內擇其能得兵心打仗奮勇者派往前調總兵滕家勝帶勇前來諒已接奉諭旨著即飭令星夜遊行毋得遲誤將此由六百里諭令知之○諭前因夷氛直犯京師諭令慶廉迅即統帶精兵星夜前來將河南勦匪事宜交毛昶熙會辦該撫諒已接奉此旨本日據慶廉奏官軍眾寡不敵鎮將被賊是河南搶匪情形正當喫緊之際設或該撫帶兵北來逆捻一聞此信乘機北竄尤爲可慮毛昶熙未諳軍務亦恐呼應不靈著慶廉體察情形如不能動身前來即著前調之副將黃得魁遊擊趙喜義等管帶新募勇及得力楚勇共數千名兼程前進刻日到京以資調遣該撫請派曾經出師打仗之鎮將二員已諭知袁甲三由該大臣軍營揀派矣將此由六百里諭令知之○工部尚書兼管順天府府尹事張祥河等奏車輻屨維艱得旨所奏自係實在情形務期無誤要需斷難拘於例價著實用實銷勿得稍涉虛冒又奏請修墊橋道批撫局已成朕即回鑾惟此時尚不必豫爲降旨况回鑾橋道不過略加修葺耳無虞趕辦不及○子河南陣亡總兵官承惠等祭葬世職○乙酉督辦貴州軍務署貴州提督田興恕奏由湄潭費安赴省得旨赴省應接無後顧之憂方爲妥善○左副都御史張芾以補行守制請開缺回籍從之○丁亥諭內閣邵燦等奏請飭地方官會辦團練等語團練一事雖屬紳民義舉非地方官會辦亦恐呼應不靈所有浙江團練事宜著責成邵燦王履謙會同該省地方官認真辦理如有地方官及紳士人等從中阻撓或藉詞推諉即著邵燦會同王有齡據實奏參至團防經費尙未辦齊准其於紹興府捐輸項下酌量提用○諭軍機大臣等前據寶山秦吉林頭起官兵業已抵關日內想已陸續到齊著即嚴密布置以資守衛前調黑龍江兵二千名計期亦應進關見在夷氛緊急著即飛催帶兵官迅速前赴熱河毋稍遲滯如尙未到關並著趕緊迎提是爲至要○諭前有旨令恆福迅赴古北口內駐紮督率地方官辦理一切本日據恭親王等奏正議撫局該夷酋於二十一日直犯圓明園焚燒街市恆福已到蘆溝橋道阻未能前往請令吳廷棟赴口等語著慶昫傳知吳廷棟即令該臬司由張家口趕緊赴古北口駐紮督辦往來兵差文報各事宜毋稍延緩將此由六百里加緊諭令知之○劉長佑奏石逆餘黨數萬自東泉瓦窯敗後志在奪路竄越湖南迨至板橋斗江楚軍既阻之於前粵兵復乘之於後沿途圍練又節節邀截乃改計分道並出牽綴兵勇冀得乘虛以窺省垣其由板橋回竄永甯一股係石逆後隊約七八千人經團紳姚宏緒等督團截剿敗之於三隍又敗之於喇塔七月十七十八等日圍撲雒容縣屬之中渡該處團總黃趾麟督練守禦賊頗多候補總兵李明惠復撥營勇前往援剿大獲

勝仗賊走黃冕查黃冕爲柳州入省大路該匪恐眾竄踞勢將斷我聲援李明惠恐追之太急賊必竄偏省垣又恐太平股匪伺隙出擾勢難兼顧一面將勇調回東泉一面飛函商請進止臣已由柳州洛垢酌撥數營馳赴黃冕相機進剿復函去後探報睨田股匪半由中營圩橫竄靈川七都查係石逆左旗其頭隊已至潭下圩距省止五十里臣與在城文武日夜巡防並調同防勇環築城外藩司張凱嵩又調練勇千餘人陸續入城人心益固先是疊訊賊供知此股匪黨因背石逆欲回金陵臣曾徧發告示准其投誠二十四五等日長髮賊目衛輝應等率眾乞降臣宣布德意許以立功自贖仍一面督飭兵練照常守禦一面委員候補府鳳貴等前赴廟塘圩逐加點驗共收投誠壯丁七千餘人疲弱者三千餘人二十九日臣令參將陳周典等率勇數千馳往靈川興安追左旗股匪出隊後接到李明惠函報後旗賊匪尙踞黃冕分擾理定舊街一帶當派各營出隊親督追剿二十五日追至理定該匪望旗潰奔都司陳本熾李正植等奮力追剿殲賊三四百名其自相踐踏落水者無數是夜該匪竄至永福城外之五里橋築卡抵禦李正植率軍功楊子吉等用劈山礮連環轟擊賊始棄卡狂奔我軍追至五里橋地方圍練亦四出截擊殺死溺死賊匪千餘人李明惠見賊勢已蹙派勇悉力跟追自率三營仍由永福撤回柳州同日又據李正植稟報追剿賊匪已至兩江圩沿路檢斬甚眾餘匪悉竄義甯縣境查此股賊匪疊經挫敗自應乘勢殲除已飭副將郭世望等督勇前往與柳州各營合力窮追並知會湖南防兵夾擊不使餘孽蔓延至投誠部眾人數逾萬其匪營隨剿者固宜籌發資糧卽遣散回籍者亦應酌給路費無如軍餉萬分支細每慮力不從心又查投誠人民多隸江西安徽湖北湖南各省茲既自撥來歸未便令其失所應請旨通飭各省督撫轉飭各屬州縣遇有投誠人民回籍悉令安居復業勿復追究從前並懇飭下沿途經過省分發給口糧酌撥兵役護送出境得旨勅撫兼施實中竊要至遣散回籍各投誠義勇止可酌發口糧執照礙難多撥兵役護送著卽將所奉硃批飭行各省未便又降諭旨○劉長佑奏探報石逆及賊目賴積新尙盤踞武緣城外遺眾往攻南甯府城疊經官兵擊敗仍復死拒未退該府城郭堅固雷署左江道吳德徵在任年久曉暢軍務深得民心應可力圖戰守臣已飛咨督臣飭令廉州等府就近會合援應兼扼入東之路報聞○己丑諭軍機大臣等本日據僧格林沁等奏夷人退出圍庭一摺僧格林沁瑞麟統帶重兵節節退紮已屬長慮無能此次夷人直犯圍明圍驛行橫搶又不能馳往救護實屬咎無可辭僧格林沁著革去爵職仍留欽差大臣瑞麟著卽革職均仍留軍營帶兵堵剿保護京城力贖前愆○庚寅諭內閣韓煥奏參總兵屯兵不進以致縣城潰陷請革職戴罪圖功等語據稱金壇縣被圍日久該縣文武嬰城固守稟請總兵馮子材撥兵救援該總兵大書斷難往援等語盡封送往兵民共見遂致人心渙散迨經巴棟阿派令援剿兵已逾萬不難間道馳往內外夾擊力解城圍仍復駐紮鄰境遷延觀望一聞城陷隨卽撤兵而回似此種種乖謬畏縮不前僅子革職尙不足以蔽辜馮子材著先行革職暫留軍營仍著巴棟阿確切查明如實係有心規避卽行嚴參懲辦○諭軍機大臣等據瑞昌奏大兵進剿統員請飭張芾赴浙督剿一摺據稱張玉自嘉興潰退以後威望頓挫不足以資統馭張芾御兵嚴整甚得兵

心懇飭令來浙幫辦軍務督軍進剿嘉興等語昨因張督奏請回籍補行守制業經諭旨允准如張督尚未離徽卽著留滯飭令赴浙幫辦軍務本日又據薛煥奏蘇省常昭已陷上海岌岌援兵不至亦恐難支著留滯酌量情形速籌援救是爲至要將此由六百里諭令知之○克勤郡王慶惠等奏城守事宜未可深恃公同將巴夏禮等交恆祺送往該營以示寬大因恭親王業經移寓未能面商從權辦理奏入諭守城各王大臣等悉力守禦一切換約事宜聽候恭親王等擇地辦理○慶惠奏請飭恭親王入城辦撫得旨已諭恭親王擇地就近駐紮斷難在城內辦撫又奏連日多有潰兵進城批進城潰兵應嚴密訪查不可置之不問○勝保奏見在布置情形得旨摺中並未敘及傷愈情形殊深慮念兇能騎步如常抑尙需人扶掖又奏暫駐天甯寺以待新兵必須痛勦再行議撫得旨所奏不爲無見○署四川總督崇實奏巴布夷人就撫得旨該夷既係野夷就撫回巢實爲正辦况該土司出具切結更不值重煩兵力○杭州將軍瑞昌等奏省城官軍潰退得旨張玉良督辦所請張芾赴浙已諭留滯○袁甲三奏官軍議之處著寬免又奏請派張芾幫辦軍務得旨一時乏人仍應責令張玉良督辦所請張芾赴浙已諭留滯○袁甲三奏官軍進剿定遠偏城爲壘無戰不捷該逆被勦情急屢圖出窺均經截回外援亦均擊退前據獲賊供稱粵逆大股卽日來援臣一面於奏報摺內聲明一面會商臣穆騰阿督飭各軍上緊圍攻據練總緒開泰等稟稱偽西平主將吳如暉由廬州帶隊來援當派西北兩路兵勇會同副將徐立壯合力兜剿交仗六次營總常喜受傷三處循復裹創力戰統計斃賊二百餘人南路賊鋒稍挫據東路探報偽英王四眼狗糾合大股粵逆由石埠橋過江至浦六交界之葛塘集號稱十萬聲言赴援定遠由天長竹鎮石梁一帶晝夜疾趨臣得信後趕飭副將格洪額參將許保清都司蔡福同沿途鈔擊轟斃頗多該逆避兵而走飄忽異常已由三界石壩向池河一路南竄八月十二日由池河分竄定遠南路繞截徐立壯糧道徐立壯出隊衝擊互有殺傷該逆愈聚愈眾城內之賊亦乘勢出撲徐立壯前營九座均被圍困臣與穆騰阿飛飭副都統烏勒興額等管帶全起馬隊並挑選步隊六千人會合西路總兵尹善廷等馬步兵勇於十三日冒雨馳赴嚴澗橋援剿並派知府張汝梅等分列隊伍於東西岡以牽賊勢十四日該逆見我援軍驟至分股迎撲我軍以步隊夾馬隊奮勇衝擊賊眾三千餘人立被壓下我軍偪過溝南槍斃執旗黃衣賊目一名徐練各營隨卽解圍詎該逆此竄彼來倚恃人眾更番迎拒我軍展轉對敵勇氣倍加斃賊甚多而賊聚愈眾隔溝相持一夜未經收隊十五日正鏖戰間東南又來另股直撲徐立壯後營張得勝等軍奮力轟擊徐立壯帶隊衝出營內火起練眾往西撤退我軍轉戰兩日兵已飢疲該逆由東南兩路包鈔層層圍裹我軍分投截擊眾寡懸殊頗有傷亡幸張汝梅等帶隊接應始各撤回臣查我軍進攻定遠長圍偏困本屬呼吸相通徐立壯管帶練勇獨當南路一面平日打仗甚屬奮勇茲以粵逆驟至糧道被阻營盤被圍前營業經衝出而後營尙不知退策何處東南偏地賊營徐練撤竄路已通西北兩軍勢成孤注况逆眾十倍於我設該逆由後路鈔襲斷我糧路必致全軍坐困終成潰裂臣與穆騰阿熟商惟有飛飭西北各軍暫行撤退分顧後路扼守長淮以全銳氣見幸將士並無損傷

軍械並無遺失一俟布置稍定再圖進取藉固北路藩籬報聞○子江南陣亡總兵官魯占鼇浙江陣亡知縣李宗謨等祭葬世職九月壬辰諭軍機大臣等本日據勝保奏齊集援兵靜以觀變一摺足徵該大臣忠勇性成赤心報國著即投爲欽差大臣並開缺以侍郎候補總統各省援兵相機剿辦即由勝保知照禮部頒給關防○諭本日據王夢齡奏清淮餉源告竭請迅賜飭催等語據稱疊據徐州探報捻匪藍黑白三股繞出宿營後路沿途焚掠寬至徐城迤西之雙溝愈趨愈東邳睢境內均有大股滋蔓欲由蘇灣等處搶渡滋擾並有分竄清淮之意前因王夢齡奏請借撥兵餉當即諭令山東山西河南各省借撥銀四五萬兩迄今幾及三月何以尚無絲毫解到著文煜常績慶廉仍遵前旨迅速各籌銀三四萬兩委員星夜解赴清淮如一時尚不能齊亦須先解二三萬兩毋誤要需將此由六百里各諭令知之○諭本日據英桂奏酌調各路官兵親帶赴京並請飭山東河南得力將領帶兵前來等語據稱見於省標挑選官兵一千名大同鎮兵二千名分撥馬匹咨調將領一俟到齊星夜親帶赴京並咨大同鎮總兵慶德先帶本標官兵前來見已派勝保爲欽差大臣到京時著即隨同剿辦河南練勇素稱強壯前已有旨諭令慶廉挑選精健數千名令副將黃德魁遊擊趙喜義管帶前來助剿見在山東防堵正在喫緊德楞額前請帶兵親來已有旨令其暫緩來京矣將此由六百里諭令知之○諭昨接二十六日奏報知恭親王等尚在長新店居住聽候恆祺之信連日如何情形務即迅速具奏見在夷人退至黑寺自圓明園一帶至黑龍潭太子府沙河清河等處地方土匪肆擾以致文報阻隔行旅不通若不早行懲辦誠恐聚集日多釀成大患綿動派撥之兵二千名未知會否到園亦須有大員統帶方能得力本日已改派文祥署理圓明園八旗包衣三旗印鑰其綿動派撥之兵一併歸文祥調遣著即調集各旗及巡捕營官兵飭令將各處土匪嚴行捕拏立即正法以靖地方而通道路長新店距城較遠文祥若仍在該處亦覺鞭長莫及著恭親王等在京城西北附近地方擇地駐紮文祥便可兼顧園庭仍隨恭親王辦理一切正在寄諭間接據勝保奏因和礙戰見處情形一摺據稱各起官兵二三日內皆可到齊惟道遠赴援不無疲憊自應量予休息始可即戎無如守城諸臣汲汲議撫方且訂期開城爲休兵息民之策再四思維惟有齊集援兵靜以觀變如謹守條約相安無擾亦不敢自生外憂如竟顯然反覆或屯兵不撤自當相機而動等語該夷於城北一帶修築礮臺並至城根測量遠近已諭令慶惠等激勵眾心堅守以待並將候補侍郎勝保授爲欽差大臣總統各省赴援諸兵整軍備勦著恭親王等迅即給予照會責其修築礮臺之非如仍遵前約並不另生枝節即可畫押換約以敦和好由恭親王等斟酌辦理可也○戶部左侍郎左翼總兵文祥奏夷人竄擾園庭請分別治罪得旨陳良才等四員均著革職留任並摘去頂帶飭令嚴拏土匪如再不知愧奮即行嚴參文祥著革職留任麟魁慶英均著降四級留任○癸巳內閣欽奉 硃諭軍機大臣自隨扈以來諸務繁多事凡承旨書諭並札咨事件倍於平時尙能鉅細無遺所夕在公穆隆著加恩賞寶黃馬褂匡源杜翰均著加恩賞戴花翎以示優眷○子河南陣亡知府王榮烈等祭葬世職○甲午豫親王義道等奏 臣等爲保護城池起見不及候恭親王等面商暫開一門許洋人入城見尙安靜專待辦

撫王大臣親來換約命恭親王等人城將本年所議續約重押蓋印八年天津和約互稱台洋人退出京城再商定駐京章程○義道等奏俄羅斯使懇請來京命文祥由軍機處給予照會令其進京○諭僧格林沁等派員查擊土匪疏通道路○大學士彭蘊章以病乞休允之○許乃普以病免調陳孚恩爲吏部尚書以沈兆霖爲兵部尚書萬青黎爲左都御史黃宗漢爲吏部右侍郎候補

○子湖南陣亡主簿楊傳等祭葬世職○駱秉章奏查粵東賊目周春粵西賊目曹偉人等均係石逆夥黨兼聞逆目賴積新亦與曹偉人會合蹤迹詭幻出沒無常屢據獲賊供詞或稱圖竄湖南或稱欲由湖南竄江西因湖南各路防堵嚴密該逆但思取道邊界以爲竄江之謀若備禦稍疏即難保不伺間以逞使湖南有事則從征兵勇室家在念無以安各省楚軍之心儻江西被擾則皖

浙皆警亦恐掣東征大局之肘臣前因張運蘭一軍調赴皖南即飭同知楊安臣副將朱升開等添募勇丁分赴桂陽宜章扼要設守據探東昌仁化兩城俱爲賊踞東昌一股有併趨仁化之說復飭同知魏喻義自臨武移紮宜桂交界地方聯絡布置七月十九

至二十三等日粵東逆賊連次犯界均經我師截擊未令竄越惟仁化壤接江楚賊蹤相距非遠邊防仍不可稍鬆而粵西石逆分股之竄擾融縣懷遠者始於斗江搭造浮橋圖窺通道經參將江忠朝擊卻復擾義甯永甯靈川興安灌陽等處沿途裹脅勢甚猖獗臣從前奏明令黃澹照防堵城步令劉嶽昭由東安赴新甯原期厚集兵力迅將此股掃蕩庶楚邊撤防得力兵勇可以抽調遠

征今賊勢漸東已於八月初七日闖入永明縣境雖經周達武王永章合力擊退然賊鋒尚未大挫若令越過永明即慮蔓延爲害臣已飭劉嶽昭折回永州暫統南路諸軍運籌防剿並飭黃澹照移紮東安江忠朝回駐新甯如機有可乘即便分道齊出併力剿辦臣欽奉諭旨飭令催齊兵勇迅速入川查湖南邊防喫重永道各州縣人心惶惑未便遽將重兵調開前所調劉長槐于高勝朱

品文三營又以皖北軍務正當緊要催准將朱品文一營派遣回南尚未據報行抵何處飭經飛催劉嶽昭黃澹照安速布置但使兩軍中有一軍可以勉強抽調臣即督帶入蜀冀紓聖主西顧之憂報聞○乙未已革大學士瑞麟奏擬於田邨擇地誦吉恭奉

孝德皇后梓宮 雲嬪 瑋常在 玗常在 盒常在采棺暫安得旨所辦甚好○丙申總管內務府大臣寶璽奏禁圍被搶印

信遺失得旨文明革職畱任寶璽撤去巡防一切差使降爲五品頂帶暫停開缺以觀後效○丁酉諭軍機大臣等前因田興恕奏

請仍由湄潭襄安赴省當經諭知赴省應援無後顧之憂方爲妥善本日據劉源灝奏獨山定番兩州均被粵逆攻陷距省甚近人

心震恐城中僅有飢疲之兵數百名萬不足恃請飭田興恕迅速赴援等語粵逆糾眾數十萬逼近省城情形岌岌可危自應先其

所急以固根本著田興恕統帶得勝之軍徑由婺川遵義赴省救援此路並無賊阻迅速可到其湄潭襄安兩縣賊匪可派兵分剿

以順後路俟省垣附近一帶賊勢稍鬆再出省以次剿辦該撫請飭催四川各省餉銀已諭令崇實等籌撥矣將此由六百里各諭

令知之○豫親王義道奏僧格林沁屢著戰功仰懇恩施得旨朕視滿蒙臣僕原無二致何必妄自分別况此次大礮臺者僧格林

沁非瑞麟也又非終身廢棄更何必代爲乞恩此摺若係汝一人之見不過識見未充情尙可恕若係與雷京守城諸人商酌具奏

一月更畫錄 戊豐九十二

一五一四

乞他人之恩掩己畏葸之罪更屬非是○命署四川總督崇實迅籌銀二十萬兩解赴貴州軍營充餉○子河南陣亡知縣田玉梅等祭葬世職貴州殉難知州侯雲沂祭葬世職建祠○已亥署山海關副都統寶山奏報吉林官兵業經調齊得旨各項兵團統歸汝調遣○命山東山西各巡撫親帶兵勇馳紮直隸境內備調○辛丑會國藩奏張運蘭一軍於八月初八日帶隊行抵旌德探聞涇縣之賊竄踞東岸長興建平之賊竄襲廣德州逆酋四眼狗竄踞甯國縣該道防賊鈔後暫紮旌德與宋國永一軍東西接應宋國永於八月初六日行抵長圍探聞石埭大股賊匪竄入鐵家嶺三叉嶺所有徽軍原防太平甘棠之副將余永椿參將袁國祥等營盤被陷宋國永派營分紮山口烏泥關以當前敵初七日賊眾繞撲我營當即派隊擊退初八九等日宋國永追賊至太平三口一帶旋即進紮甘棠分佈各嶺查偽輔王楊七麻子攻甯郡已久十六日接周天受密書知城外各營全陷城內糧藥俱盡勢將不支正在飛催馳援十七日據探甯國郡城已於十三日戌刻失守並據副將熊廷芳自甯郡潰圍退至旌德稟稱十二日大雨如注火藥不然賊乘勢撲入各營同時潰散賊分踞我營拋擲火器入城周天受令百姓上城守禦各隊兵勇開南門衝出千餘人城池遂陷周天受及道府各官不知下落等語查甯防兵勇近七千人堅守七十餘日屢經擊退賊匪乃賊黨四面圍至糧盡援絕一朝失陷實堪痛惜張運蘭馳抵旌德甯邑陳逆伺其右涇縣賴逆阻其前兵力過單勢難獨進宋國永馳抵太平因徽軍存余永椿之敗西路未清該二員尚非赴援不力應免置議李元度於八月十六日帶勇抵徽已在甯郡失事之後暫令接辦徽防事務鮑超於春間請假三月乃六月間由蜀起行逾期已久八月二十日始到祁門遷延貽誤咎實難辭應請旨將綏靖鎮總兵鮑超革去勇號以示薄懲仍責令督軍進勦力圖克復至浙江候補道廖士彥經周天受飭令赴浙催餉業已撥給餉銀該員沿途逗遛聞警折回致甯軍因飢敗潰尤屬畏葸無能應請旨將廖士彥即行革職臣甫經奉命接辦皖南軍務兵將未齊派援未至甯郡即已失守亦有應得之咎並請旨將交部議處皖南鎮總兵陳大富駐紮南陵堅守半年今甯國既失南陵孤懸賊中萬難獨守臣已屬其自拔出城潛至江邊由水師接送上游以圖再振甯郡既已失守嶺外各股悍賊乘勝內撲徽績祁夥處處交警仍駐紮祁門飭李元度防守徽州添派禮字及河溪等四營馳往績溪協防張運蘭仍紮旌德鮑超一軍仍駐太平堅守靜鎮以伺逸賊之隙飛催左宗棠新軍倍道來援共圖克復甯廣以期進規蘇常上諭內閣前因甯國被圍屢經降旨令會國藩分軍往援當據奏報已令張運蘭宋國永馳抵旌德太平等處即遇悍賊窺伺兵力過單未能前進尚非救援不力均著免其置議鮑超請假逾期至八月二十日始到祁門遷延貽誤咎實難辭姑念其驍勇素著革去巴圖魯勇號以示薄懲仍責令督兵進勦力圖克復至浙江記名道廖士彥經周天受飭令赴浙催餉業已撥給餉銀並由張芾派委營員協同護送該道沿途逗遛聞警折回以致甯軍因飢敗潰尤屬畏葸無能廖士彥著即革職以示懲儆會國藩甫經接辦皖南軍務難因兵勇未至究屬失於防範著交部議處周天受嬰城固守數月之久力竭被陷殊堪憫惜著查明該提督及圍城文武下落迅速具奏○諭軍機大臣等據僧格林沁奏派員防守古北口

情形一摺據稱和議漸有成緒有無變更尚難豫定古北口雖有馬隊尙形單薄見飭成保帶領提標官兵會同烏蘭都布置防守並令密雲協領恩成帶兵五百名前往駐紮統歸成保管帶等語俱著照所議辦理本日復諭杜翻等將苗勇三千酌量改歸南路助剿以杜捻匪北竄該大臣無庸行文阻止附京一帶土匪肆擄前經該大臣等奏稱已派西凌阿帶兵在清河棠營朕聞該處並無官兵駐紮該都統係在何處避匿著僧格林沁等查明參奏將此由六百里諭令知之○諭據傅振邦奏苗練未能遠調先撥兵勇赴京並自請北上助剿一摺苗沛霖所部練勇自滄南一挫尙須再加整頓自屬實在情形且見在粵捻勾結南北交乘未便調令遠出著卽無庸飭令前來傅振邦抽撥之馬步官兵一千五百餘名仍著協領恆齡參將玉祥等管帶星夜赴京歸勝保調遣該提督自請北上之處前經批示汝欲赴京自效奮勇可嘉惟捻氛逼近東境能截賊回巢勿使北竄直東卽爲汝功著仍遵奉此諭毋庸前來將此由六百里諭令知之○諭據英桂奏派兵分起前進等語據稱先派參將珠爾杭阿管帶省標官兵前進並咨總兵慶德由宣化府一帶至近京聚齊復添調太原鎮標官兵五百名派城守尉慶瑞統帶作爲後路除珠爾杭阿等所帶官兵應隨英桂駐紮直境外其慶德所帶一軍如由宣化而來亦可畱於京城西北一帶拏辦土匪著勝保酌酌辦理本日據袁甲三奏已派張得勝帶得力勇丁一千二百起身並移騰阿自請帶馬隊一百名前來都與阿尙無啟程之信如穆騰阿先到卽著該都統幫辦勝保軍務其苗練一軍據傅振邦奏苗沛霖稟稱自滄南一挫尙須再加整頓未能遠出該提督已派協領恆齡等帶兵勇一千五百餘名赴京著歸勝保調遣至山東曹勇三千名據杜翻奏稱趙康侯等統帶已於九月初一日啟程見因捻匪意圖北竄山東南境空虛已諭令杜翻文煜酌量令此項團勇折回隨德榜額助剿如日內業已到京卽著勝保察看斟酌去留並籌給糧餉毋令缺乏將此由六百里諭令知之○諭據杜翻奏檄調民團赴北援剿一摺據稱飛札調取鄆城民勇三千名派趙康侯季錫營帶領北上已於本月初一日啟程並由藩庫借撥銀四萬兩以作餉需等語本日據德榜額奏捻匪北竄見雖極力扼截情形甚爲喫重文煜業經帶兵北來南路空虛無人策應見在山陝直隸各省兵勇到京者已不爲少著杜翻文煜酌量情形將此項勇丁飭令折回赴輝縣一帶隨同德榜額剿辦捻匪或酌畱一半歸文煜統帶備接到諭旨時趙康侯等業已到京仍著歸勝保調遣將此由六百里諭令知之○諭官國藩奏請飭江陝兩省協濟皖餉等語據稱皖南徽防之餉歷奉諭旨江西每月協解八萬近來僅解三萬少或二萬安慶一軍亦向該大臣索餉本省無可籌撥軍務實難支持自保實在情形著毓科每月將漕折銀協解五萬兩內以三萬兩撥濟徽防以二萬兩撥濟甯防並著譚廷襄每月協濟銀二萬兩解至湖北交官文等專發安慶一軍解三個月卽行截止該撫等務卽飭令該藩司迅速撥解毋誤要需將此由六百里諭令知之○諭袁甲三奏派委張得勝帶勇助剿並請畱鄭魁士幫辦軍務各摺片據稱接奉諭旨密飭張得勝挑選得力勇丁一千二百名星速北上見在令勝保嚴兵以待此項勇丁著卽兼程前來歸勝保調遣穆騰阿前請回京辦理軍務因定遠正在喫緊業已諭令該都統毋庸赴京鄭魁士並准其畱皖助剿該大臣等尙未

接奉諭旨此次穆騰阿既已督帶馬隊起身即著前來幫辦勝保軍務穆騰阿離營後著鄭魁士幫辦袁甲三軍務該大臣自請來京之處見在鳳陽賊氛正熾業已批示毋庸前來矣將此由六百里諭令知之○曾國藩奏臣前奏通籌大局不撤安慶之圍以取上游之勢調募兵勇原期七月取齊八月進剿冀從廣德一路疾趨蘇境不料廣德再失而甯國又陷八月將盡兵將尚未畢集不特不能救浙圖蘇並皖南亦岌岌可慮寸心愧憤無地自容然細察地勢舍此別無下手之方但使陳揚諱悍賊盡來皖南分救安慶則於臣處雖日形竭蹶於下游或少得蘇息總之臣身在皖南心懸江浙財賦菁華之地蹂躪日甚一日即餉源日絀一日生靈困苦所不待言 聖主軫念東南臣何敢不以 聖主之心為心蘇人痛深水火臣何忍不以蘇人之患為患俟皖南立腳稍穩即當分派一路先趨蘇境以慰 宸廑而符原議報聞○子江蘇陳亡總兵官葉萬青等祭葬世職○壬寅諭內閣穆蔭見丁父憂軍機處見在事務較繁著賞假十四日經理喪事假滿即行當差俟回京後再補行穿孝○以李商為工部左侍郎候補○癸卯諭軍機大臣等黑龍江官兵陸續由熱河赴口不日即可到齊見在兵數既多必須大員統轄以一事權所有西安馬隊一千五百名黑龍江馬隊二千名密雲步隊五百名均著歸恆福調遣此項官兵素稱勁旅著督飭各帶兵官勤加操練不可令其日久生疲至密雲縣暫存僧格林沁糧臺銀十八萬九千兩見在曾否全數提到各項官兵口分即由此款動用仍照戶部議定防兵口分按數支發當此軍需浩繁經費支絀之時務當嚴飭辦理糧臺各員揜節出入覈實支銷毋稍虛糜將此由五百里諭令知之○諭本日據巴棟阿奏蘇常大股逆匪攻撲鎮江請飭曾國藩迅速統師來南會合進攻挽回大局等語據稱逆首李侍賢糾合悍賊四萬於八月二十六日圍撲鎮江府城經巴棟阿督率馮子材等出城奮擊斃賊多名江面艇船亦開砲協同助剿相持三晝夜之久賊勢仍不少退等語江蘇自常昭失守以後惟有鎮江一府孤懸江岸必須竭力保全以為進覬蘇常之地雖經巴棟阿等勉力支持無如餉細兵單十分危急且金陵之賊亦有下窺之信甚屬可慮前閱曾國藩奏摺知該大臣刻刻以蘇常為念鎮江儻有疏虞則江南賊勢聯成一片異日進兵更為費手善該大臣統籌兼顧迅撥勁旅馳往援救務須設法保全是為至要將此由六百里加緊諭令知之○諭據巴棟阿馳奏蘇常逆匪復犯鎮江官軍接仗情形並添調兵勇協剿一摺據稱賊首李侍賢抽調蘇常悍賊於八月二十六日由辛豐丹徒而至晝夜環攻鎮江府城經巴棟阿與馮子材選派隊伍督令出擊連日斃賊不少水師船隻亦協同助剿該逆仍不肯退見在固守待援等語著巴棟阿督率馮子材嚴密防守以維大局李若珠派援之忠勇二千當已到齊並著設計進剿力御賊氛至諫壁鎮等處賊船出港離經參將李新明等擊退據巴棟阿片奏探聞金陵之賊尚有礮船多隻意圖下窺一帶一帶賊造長龍船僞用吳全美旗號等語逆情詭譎尤須加意嚴防著李若珠嚴飭黃彬陳國泰等統率師船併力防剿江北一帶亦須嚴為布置毋令分窺吳全美李德麟所帶各船據揚載福奏業於八月下旬啟碇並著李若珠飛催該鎮等迅赴下游以厚兵力巴棟阿請催曾國藩統師來南之處已諭令撥軍赴援矣將此由六百里加緊各諭令知之○大學士彭蘊章奏謝開缺調理恩得

旨卿入在樞垣備悉時事已在夷務軍務備有見及之處並採訪輿論民情仍應隨時具陳交附近地方大吏代遞○甲辰諭軍機大臣等據王有齡奏浙省寇氛日熾民困日深請飭派大員督師進剿一摺據稱浙省三次震動幸保孤城見在湖州喫緊安吉孝豐於潛岌岌可慮張玉良屢經挫銳銳氣全無瑞昌來存久患暑燠調理需時浙省並無統兵得力大員曾國藩經營江皖有不能援浙之勢請飭左宗棠前來辦理江浙援剿事宜等語浙中諸將如道員彭斯舉總兵吳再升副將劉芳貴等尙屬敢戰必須得人統率方能相聯一氣前據瑞昌奏請匪張芾幫辦軍務昨張芾已奏明不能赴援計左宗棠此時當抵祁門著曾國藩酌量情形如徽甯一帶無須此軍卽令左宗棠統率所部迅由廣德前往督軍進剿於江浙兩省軍務均有裨益將此由六百里諭令知之○命江西吉南賴甯道李瀚章幫辦團練事宜○乙巳諭內閣恭親王奕訢奏英佛兩國互換和約一摺英佛兩國業經朕派恭親王奕訢於本月十一十二等日與換和約從此永息干戈共敦和好所有和約內應行各事宜卽著通行各省督撫大吏一體按照辦理○諭軍機大臣等本日據恭親王奕訢等奏辦理英佛換約情形並自請議處各一摺據稱業已於本月十一十二等日互換和約朕閱兩國和約內雖摺內有增減大致尙無出入所請明降諭旨一條自係慎重之意本日明降諭旨一道著恭親王等宣示並交內閣發鈔定人心而杜奸謀恭親王辦理撫局本屬不易朕亦深諒苦衷自請處分之處著毋庸議另片奏俄夷照會請派大員商酌等語該夷要求本在意思中所稱未了之事卽令瑞常等告以緩芻烏蘇里等處均照奇吉闊屯之例借與居住密奏一件甯甯事關重大必須計出萬全方爲妥善本日英桂亦有密摺所見相同已令該撫至京與恭親王等面議妥協再行具奏○諭據勝保奏僧格林沁等所統各隊請飭分別撤留等語本日已有旨令僧格林沁瑞麟馳赴行在並將所統察哈爾及蒙古三盟官兵帶回遣撤其餘吉林黑龍江等處各軍均著歸併勝保軍營卽交該大臣統帶並著留心察看其不得力者卽行撤回和約已換各省續調兵勇紛紛前來未免虛糜糧餉著勝保先將河南所調之勇飭令折回此外兵勇酌量情形具奏再降諭旨停其赴京將此由六百里諭令知之○諭本日據恭親王奕訢等奏英佛互換和約見在返兵城外僧格林沁瑞麟著卽赴行在該大臣等軍營所調察哈爾蒙古三盟官兵著全數帶回遣撤其餘各軍均著交勝保統帶○諭前因英桂奏督兵赴京當經諭令該撫一入直境卽可築住聽候勝保札調再行前進其慶德一軍仍著由宣化一路赴京此際該已接奉諭旨見在已互換和約該撫所帶官兵仍遵前旨辦理至英桂密陳一摺著卽日親赴京師與恭親王等當面密商條款再行具奏○丁未袁甲三奏定遠遊捻句結大股粵逆竄撲鳳陽府縣兩城在龍興寺九華山馬鞍山及眉山獨山等處踞險築營三十餘座並於各要隘闡截糧道副將吳秀等激勵兵團竭力固守該逆屢次撲城均經城上礮石擊退臣又調知縣金汝霖等西路團練兩面夾擊八月二十九日穆騰阿親督馬步各隊直衝賊陣副將王才秀等首先殺入賊勢披靡山後旋又繞出賊股拒戰甚力西路練勇趕至該逆分股抵敵兵練屢次衝擊一時未能會合日暮始行收隊臣復派遣員張學醇等於九月初一日夜選帶奮勇街杖潛至山前擁入賊營該逆猝不及防踉蹌奔逃惟時

金汝霖亦至青州營地方焚毀賊壘一座城上又連開大礮該逆棄營狂奔我軍奮勇掩殺副都統烏勒興阿克蒙額等帶領馬隊由南路鈔截於林家橋一帶殲斃淹斃難計數計查我軍自定遠撤退後布置未定該逆遂以大股圍撲鳳陽府縣兩城儻有挫失則上下千餘里防不勝防茲幸該文武等督率兵勇明攻暗襲以寡擊眾轉危為安 上諭內閣定遠擒匪句結大股粵逆宜撲鳳陽府縣兩城副將吳秀等嚴密固守道員張學醇等乘夜在攻立解城圍該文武等督率兵練戰守不遺餘力自應立予優敘副將吳秀著以總兵記名簡放並賞加提督銜補用道張學醇著賞加堅勇巴圖魯名號並賞加按察使銜其餘在事出力人員並定遠案內存記各員均著准其覈案請獎○諭軍機大臣等據翁同書奏粵逆大股圍攻情形緊急並都興阿已抵壽州各摺片前因夷氛逼近京都官文等請令都興阿統軍北上朕業已允其所請見在彼此罷兵該將軍見經行抵壽州即著協同翁同書將此股粵逆擊退毋庸赴京蘇常諸賊時思北竄江北地方更為喫緊著侯道路一追即統帶馬步隊迅赴揚州一帶督同李若珠等嚴行防守翁同書督率諸軍連獲小勝該逆尚未遠颺著激勵將士實力防剿以保危城本日袁甲三奏稱鳳陽已經解圍派參將許保清管帶礮船駛赴懷遠遙為壽州聲援該撫請催協餉之處已嚴諭河南及山陝兩省迅速撥解矣將此由六百里加緊各諭令知之○諭本日據翁同書奏粵逆圍攻壽州情形緊急請飭催河南等省餉銀一摺著寶臻無論何款先行籌撥數萬兩解往翁同書大營以拯危急其山西陝西二省應解壽州軍餉並著常績譚廷襄迅即按月撥解以濟要需將此由六百里加緊各諭令知之○署步軍統領瑞常奏洋人復擾園庭請一併治罪得旨前摺已批此次園庭被焚中營副參遊著免其再行懲處瑞常接印在初次被搶之後著加恩降四級留任文祥慶英均不必再行議處其三山專汛都守等官著查照前批懲處○戊申諭軍機大臣等據慶端瑞瑣奏蘇常嘉興尚未克復江浙兩省應運漕米能否按額運津實難豫定京倉為積儲重地俸餉攸關自應豫籌接濟以免匱乏見在籌辦臺米明年解運京倉等語該督撫等體國之忱殊堪嘉尚江浙財賦之區多遭蹂躪本年新漕斷不能如數徵收天庾正供勢必缺額即著慶端瑞瑣督飭司道各通盤籌畫或分勸輸將或籌款採買務期多多益善於明年春夏間雇備船隻分批解運接濟京倉是為至要將此由五百里諭令知之○諭本日據李若珠奏江面水師大獲勝仗並克復江陰各摺片此次賊船千餘號由丹徒諫壁辛豐各口欲圖北竄經參將李新明等督軍大獲勝仗其江陰逆匪復經黃彬督令副將郭定猷等焚燒木簰杜截歸路於九月初三日將縣城克復剿辦甚為得手軍務大有轉機惟江陰既已克復而常熟福山常州等處皆有賊匪非有重兵駐紮萬難守禦據該提督奏鎮江業已解圍著巴棟阿即於大營內抽出一軍飭令迅赴江陰屯守既與鎮城互為犄角亦可不規復南岸地步至吳全美李德麟等師船一百八十餘號業經駛赴下游兵力已厚即著李若珠督同黃彬飭令擇要分泊務使與南岸鎮江江陰等處陸兵互相聯絡嚴密巡防毋令賊船北竄此項水師糧餉著江清驥喬松年於南北兩臺中會同籌款放給不准互相推諉致有缺乏都興阿一軍業已行抵壽州昨諭令其統率馬步隊馳赴江北該將軍一到軍威益振巨寇不難蕩平矣將此由大

百里誰知巴棟阿李若珠並傳諭江清驥秀松年知之○已酉諭軍機大臣等據總理行營王大臣仁壽等奏請調派各衙門堂司各員及侍衛各項官員來赴行在並各省應解餉銀舊存直省一摺此次隨扈各員惟吏戶禮兵四部及理藩院內務府均有堂官其餘刑工兩部及大小各衙門並無堂官前來各衙門司員來者更屬寥寥每日應辦事件若俟回鑾後再行清理必致積壓太多除吏戶禮兵等各衙門均有堂官隨扈並派穆蔭兼管行在內閣外著派刑部左侍郎靈桂工部右侍郎宋理藩院尚書伊勒東阿都察院左副都御史聯康卽日前行在隨扈並將行在印信帶來文武大小各衙門司員經堂官派出如有推諉等情卽著嚴參懲辦至各省解京餉銀著戶部飭令解赴直隸省城藩庫收存按月奏報聽候指撥卽京內兵餉等款亦著奏明由行在撥給另片奏寶蓋等簿解銀兩不力請一併交部從重治罪等語本日已據戶部奏解銀八萬兩前來寶蓋張祥河董醇均著加恩寬免再昨日朕閱戶部奏摺九月內尙有放給巡守官兵口分見在業經換約所有城內巡守官兵除應留防守地面若干名其餘著守城巡防王大臣等分別去匪覈實支放隨時奏明以節糜費將此由六百里諭令知之○巴棟阿奏擊賊大勝李侍賢退回蘇常鎮江府城解圍命復總兵官馮子材職免其查辦○命直隸河南山東陝西各督撫迅籌欠解各項軍火器械運交江南軍營○子湖北殉難知州楊嘉運原籍建祠○庚戌以毛鴻賓爲江蘇布政使李續宜爲安徽按察使由湖北刑宜施道遷○子江蘇殉難知縣李淮參將周天孚等祭葬世職○辛亥諭內閣樂斌奏遵議陝省各鎮兵馬兼歸巡撫節制一摺前因譚廷襄奏軍興以來徵調防堵多有巡撫籌辦平日無節制之權有事恐呼應不靈擬請量爲變通當經諭令樂斌會同譚廷襄妥商茲據樂斌奏擬請嗣後遇有征剿防堵要務陝西各鎮協官兵均由該撫酌調仍咨總督查照各該營訓練操防亦令該撫就近稽查備有廢弛及缺額等弊卽行會同總督聯銜參辦其武職升遷調補稽覈糧餉等事仍由陝西提督移咨總督辦理若各鎮協將領中有人地不宜之處應合該撫咨商總督提督酌量更調等語所議尙無滯礙均著照所請行至請加提督銜之處著毋庸議○會國藩奏查甯郡失守案內臣奏明僞英王陳玉城帶大股悍賊屯踞甯國縣探得踞甯邑者非陳玉城乃僞侍王李侍賢也八月十八日由胡樂司竄叢山關及樓下各隘口皖南道李元度於十六日帶勇三千抵徽扼防聞警卽派兵由績溪前進十九日出隊分路進剿一走叢山關一走樓下肅字營營官同知童梅華督隊猛擊賊敗該營追出關外伏賊突出從嶺尖翻下包鈔我後童梅華身受槍傷登時陣亡弁勇傷亡百餘人平字營將到樓下斃賊百餘正酣戰間聞肅字營失利而止是夜間道趨回賊乘勢竄過績溪張運蘭嶺外旌德之軍與李元度嶺內徽軍中間已被賊隔斷矣二十一日張運蘭探知大股賊進踞楊溪一帶派兵從中遊擊斃賊馬數十匹悍賊一千餘名賊紛紛潰走墜巖落澗死者無算追過板橋收隊次日仍回旌德臣因徽州賊勢浩大李元度兵力甚單先由祁門抽派禮字河溪各營二千餘人倍道馳援飭於徽城外堅築濠壘以靜制動乃李元度以賊逼城下逐日出隊搦戰修築不及營壘未成賊已大至二十四日僞侍王李侍賢同請逆首共帶四萬人直撲徽城李元度親督各營出城接仗屢寡不敵禮字河溪各營由西門大路退回

休甯李元度率平江四營入城固守賊即跟蹤圍攻西門李元度身臥城頭竭力堵禦二十五日申酉之間賊伏西門民房之間鑿牆對城施放火槍守陣弁勇站脚不住賊眾即緣梯直上李元度趕調各門隊伍來救賊已四面登城而入府城遂陷迄今十日因賊氛阻隔尚未開李元度下落自接李元度圍城中飛書求救即調張運蘭由旌德入援鮑超由太平入援無如城大而圯兵勇僅二千有奇不敷分布又係新募之卒甫經到繳竟不能支持數日以待援師實堪痛惜調度無方咎無可辭應請旨將臣交部議處見在各股悍賊盤踞徽郡休甯及嶺外旌涇太石各縣有分窺浙江上犯祁門之意不得已檄調鮑超回駐漁亭張運蘭回駐黟縣以遏狂寇而定人心並咨商左宗棠迅督所部赴樂平婺源一帶以防徽州宣江西之路俟賊勢稍定再行合力進剿上諭旨國藩奏徽州失守自請議處一摺旨國藩未能先事豫防著交部議處仍著鮑超張運蘭等迅速進兵力圖克復闔城文武下落著該大臣查明具奏○諭軍機大臣等本日據樂斌奏督兵啟程並請卸任西甯辦事大臣暫署總督一摺據稱上次續派官兵二千名又飭派涼州等營官兵一千名定於九月初九日統帶啟程等語見在撫局漸已就緒樂斌調派之兵業經啟程者即於陝西境內業任其未經啟程者即行截住毋庸前來樂斌既已起身酌帶官兵迅赴京師與恭親王等面商事件其總督事務即著福濟暫行署理提督成瑞仍留省城幫辦營務將此由六百里加緊諭令知之○諭本日據旨國藩奏請於該大臣與胡林翼二人中欽派一人帶兵北上一摺見在撫議漸可就緒且徽甯相繼失守舒桐方議進兵皖南北均當喫緊之時該大臣等一經北上逆匪難保不乘虛思竄擾及完善之區江西湖北極為可虞旨國藩胡林翼均著毋庸來京至鮑超一軍諭知旨國藩飭令迅克甯郡毋庸前來該大臣見已令其回駐漁亭仍著相機前進力圖克復該大臣甫接皖南防務連失兩郡雖因餉絀兵單究屬籌畫未密著即振作軍心再接再厲萬勿一挫之後即損軍威李元度此次失衄殊屬可惜人才難得著即迅速查明下落具奏將此由六百里加緊諭令知之○劉長佑奏石達開自慶遠潰往武緣餘黨數萬人分為兩旗八月初四日竄至興安署知縣榮志與蔣顯敷率勇迎戰該匪拚死拒撲衝入縣城蔣顯敷陣亡榮志受傷墜馬為賊擁去時副將鄂世堂等督軍疾追賊向麻子渡紅石源狂奔唐應瑞錫敬等夾擊先後殲擒數千人鄂世堂等追至道州該匪已為楚師所破分別剿撫殆盡振旅而還桂林全境肅清所有投誠人等經署鹽法道蘇鳳文等分起遣遞回籍酌畱精銳三千餘名並選千人隸臣楚軍以分其勢至該逆石達開及賴贛新等擁眾數萬尚在武緣遺黨往攻南甯府城疊經左江道吳德徵左江鎮色克精阿督兵奮擊殲斃萬餘該匪復分撲遷江之良塘忻城土司之七峒勢已窮蹙庫勇亟應前關後躡會合掃除即選道劉坤一久歷戎行素為軍中信服臣飭令馳赴柳州大營統率全師會同總兵李明憲整飭部伍相機規畫一面攻取太平甯平南路一面分兵渡河由間道進屯忻城土司一帶號召慶遠思恩兩府團練進攻石逆以冀制其死命至興安城守營把總蔣顯敷臨陣捐軀殊堪惻愴懇天恩優給卹典得旨蔣顯敷著交部從優議卹○壬子諭軍機大臣等據勝保奏分別雷撤官兵一摺見在各省官兵及黃得魁等勇丁均已趕到兵勇不下一萬二千名見在足資

防範安徽捻氛正難總兵張得勝及協領恆齡所帶官兵二千數百名即應飭令趕緊折回本日據文煜等奏濟甯被圍已派曹勇三千防勇一千隨德榜額等前往助剿河南與東境毗連尤關緊要已諭慶廉統帶兵勇迅速回省矣另片奏諸酋情願由上海助剿等語該國果有此意應俟兩國均退回天津後由恭親王等酌量辦理該大臣統帶軍旅防剿是其專責此事毋庸與聞將此由六百里諭令知之○癸丑恭親王奕訢桂良文祥奏河南捻匪肆起幾徧通省自竄擾汝甯以後賊勢益形猖獗當此多事之秋更難保不乘機北竄且直隸大名一帶壤接東豫民情素稱強悍萬一捻匪外來土匪內應直省必致震動辦理更形棘手見在大名本鎮及調防官兵僅二千餘名兵力甚單不足以資抵禦必須添調重兵扼要嚴防並派大員統帶諸軍相機剿辦方資得力查勝保軍營共有兵勇萬餘名信格林沁軍營約有一千餘名瑞麟軍營約有二千餘名共約有一萬數千名擬請於三營內酌撥精兵三四千名或於續調未到兵勇內截留數千名簡派大員統帶馳往大名一帶相機剿辦以期消患未萌再風聞河間府屬之獻縣冀州所屬之衡水縣均有土匪聚集多人見已札飭直隸藩司文謙委員確查如果實有其事即當派鎮協大員於河間一帶緊要地方防堵一面撥兵剿辦免致蔓延為患上諭軍機大臣等本日信格林沁等奏遵旨撥交遣撤官兵一摺見在直隸畿南土匪遽起據文謙奏獻縣衡水武強交河一帶千百成羣肆行搶掠雖經該藩司派道員許誦恆前往會同文煜所帶兵勇掩捕兵力太單恐不能迅速肅事遲延日久必致愈聚愈多勦辦更為費手大名等處間亦有匪徒蠢動河南捻匪猖獗來去無常山東幅匪未清近復有捻匪大股圍困濟甯情形甚為危急此時各省兵勇撤調空虛難保不乘機北竄朕思見在天氣寒冷正北方勁旅得力之時若能於年內將捻逆一律蕩平粵逆勢孤辦理尙可得手信格林沁瑞麟均著毋庸馳赴行在即著帶兵前往勦辦北路各匪先由河間一帶次及山東河南權其緩急以次進剿據信格林沁等奏哲里木昭烏達兩盟及歸化城官兵尙屬得力著即將兩盟官兵一千二百餘名留於軍營其歸化城兵三百名為數太少著酌量裁撤本日已諭勝保分撥吉林黑龍江等處馬隊二千數百名共合成四千之數歸該大臣統帶信格林沁見為欽差大臣俟到東豫時著督飭各路兵勇合力兜剿該大臣軍營兵力如有不敷各營均可調遣信格林沁等惟當激勵將士力贖前愆如能迅奏膚功自當重膺懋賞朕實有厚望焉○諭朕因京南一帶土匪遽起並山東河南兩省均有捻匪竄擾恐其互相勾結乘虛北犯本日已諭令信格林沁瑞麟帶兵前往勦辦該大臣等所帶官兵除已撥交勝保軍營外兼有哲里木等盟官兵一千二百餘名其餘均已遣撤著勝保再於吉林黑龍江等處得力官兵馬隊撥給二千數百名合成四千之數交信格林沁等統帶朕聞該夷所用廣匪均已由京遣散聽其自便如果屬實此項匪徒難保不聚眾滋事著勝保嚴密訪查如有據掠等情立即捕拏回土匪一律懲辦○子天津陣亡侍衛扎精阿等祭葬世職○甲寅諭內閣前因給事中唐王森奏杭州北新關弊竇叢生商賈裹足等情當經諭令王有齡飭該關監督嚴密訪查具奏茲據王有齡奏稱北新關設有南北二口凡南路已經輸稅之貨行至北口若過限五日重復徵收載在志書並非奏准定例書役往往藉此詐贓又各關口

過往行人攜帶用物其應納稅不過三分者向准免稅其後漸有併計納稅之事皆由陸家埠良山門螺螄埠草橋門等處營口家
 人及巡捕人等索詐匪難大為行旅之害等語杭州北新關為商賈往來要道稅課有常豈容胥役家丁恣意譎詐著該關監督嚴
 密稽查將過關五日之限一概刪除其零星貨物仍照定例不過三分者概予免稅以便商民經此次明定章程之後如再有
 重徵併計藉端論索等弊除書役家人從重治罪外朕必將該監督嚴加懲處○乙卯諭內閣載崇奏母病未痊懇恩賞假回京醫
 治一摺載崇前因母病請假赴密雲迎親茲因母病未痊奏請續假自應由密雲發摺批准後再行啟身此摺係九月二十一日由
 爾京王大臣代發顯係不候批示業已回京殊屬非是載崇著開兵部侍郎缺並撤去一切差使仍留乾清門侍衛散秩大臣俟伊
 母病愈即行前赴行在當差毋許延誤○諭軍機大臣等勝保奏東省捻氛甚熾請飭撫臣回省督剿一摺前因英佛已換和約諭
 令文煜在直境駐紮聽候調遣復據文煜奏稱駐富莊驛一帶會同直隸官兵掩捕土匪見在勝保恆福已各派兵前往偵格林沁
 等不日亦可統師南下兵力足敷剿辦皖省捻匪竄撲濟甯城圍未解正當喫緊之際著文煜統帶兵勇即赴濟甯會同德楞額及
 傅振邦所派之協領恆齡等兵勇分投夾擊迅解城圍毋留餘孽文煜到後清盛著即行回省將此由六百里諭知文煜並傳諭清
 盛知之○諭劉長佑奏官軍剿賊喫緊請抵撥餉銀一摺逆匪石達開餘黨自桂林潰竄大股尙聚武緣見經該撫督飭各軍分別
 剿撫廣西軍務漸有起色惟據稱楚營欠餉至四十萬之多將益漕一軍亦不下二十餘萬兵勇待哺嗷嗷山西陝西奏撥餉餉尙
 欠解八萬兩道途較遠運解為難湖北蘆源豐旺請於該省應解餉內酌撥若干就近解濟粵西即以山陝應解粵西之餉查冊
 湖北酌撥銀數就近抵解皖省等語著官文胡林翼酌量情形就近抵撥用資接濟其山陝兩省應解粵餉著常續璋廷襄亦即迅
 速解赴楚省以清款項將此由六百里各諭令知之○諭毓科奏江省上下游同時告警請將援浙各軍調回堵剿一摺廣東股匪
 周豆皮春等竄入江西樂昌等處經官軍擊退其敗匪由信豐竄至安遠意在撲城並分股回竄仁化勢尤兇悍其鄭大聲橋一股
 轉竄南雄襄東鳳凰橋距南安府甚近往來飄忽亟宜堵其深入之途而南贛等州縣處處與粵東毗連險隘紛岐防不勝防且水
 陸各軍調往堵剿者已逾萬餘粵都以北萬分空虛兼值甯國徽州相繼淪陷饒州一帶緊接皖疆尤有臂亡齒寒之慮必須調回
 援浙各軍方足以資捍禦浙省軍務見在情形稍鬆所有江西援浙各軍除文瑞一軍仍留防守省垣外著瑞昌王有齡飭令道員
 彭斯舉副將劉芳貴遊擊劉長培等各率所部營勇兼程回江援剿毋得稽延致誤江西全局將此由六百里諭令知之○以慶英
 為兵部右侍郎學士○以安徽黟縣碧陽書院公捐軍餉承廣學額一名○以克復廣西柳州府城賞總兵官李明惠三代一品
 封典餘升敘有差○丙辰諭軍機大臣等本日據恭親王奕訢等奏夷酋帶兵回津一摺此次英佛兩國雖經換約還兵恭親王等
 總領切實與之訂定不至再啟爭端至恆祺崇厚等在津撫馭夷人止可作為奕訢隨員所有通商瑣屑事務由恆祺等辦理遇有
 要事仍應稟明恭親王等酌辦應具奏者由恭親王等具奏恆祺等不得具摺另奏議定俄夷條約並開單呈覽業已具悉已命軍

機大臣另擬咨諭一道即可宣示○論本日據恭親王奕訢等奏議定俄國條約開單呈覽一摺俄國使臣呈出條約十五款經恭親王令瑞常等會同該國使臣伊格那提業幅逐層商酌定議尙屬妥協即著照所議辦理惟兩國通商往來必期永遠和睦方於兩國有益著恭親王仍飭瑞常等與該使臣言明彼此共守和約毫無疑惑即可定期畫押蓋印以昭信義而敦和好○命武備院卿恆祺辦理海口通商事宜長蘆鹽運使崇厚以三四品京堂候補幫同辦理○丁巳諭軍機大臣等前因直東一帶土匪蠢起當諭僧格林沁瑞麟帶兵前往剿辦先由河間一帶及山東河南權其緩急以次進剿並諭知勝保撥給吉林黑龍江等處馬隊二千數百名交僧格林沁等調遣矣本日已賞給伊興額六品頂帶交僧格林沁等差委著該大臣即將僧格林沁分撥之吉林黑龍江馬隊一千數百名全數撥交瑞麟先行帶往河間剿辦土匪其餘再行續撥見在濟甯尙未解圍所有勝保軍營山東兵二千餘名即著遵同交文煜統帶迅赴濟甯以資攻剿將此由六百里諭令知之○賞已革科爾沁親王僧格林沁郡王爵並還三眼花翎已革大學士瑞麟侍郎銜並還花翎○戊午諭軍機大臣等清盛奏泰克情形較緊請留過境兵勇並抽撥駐援官兵一摺皖捻竄擾東境其勢甚張見在濟甯城圍已解遊捻大股俱在甯陽之施家集等處屯聚滋陽境內亦有賊蹤本日據杜翻奏鄆鉅單曹等縣均被竄擾自應厚集兵力以資攻剿前調赴京師各兵勇趙康侯等業經折回傳振邦所派之恆齡等馬步各隊亦經勝保飭令留於山東助剿所有總兵張得勝管帶川楚練勇見已行抵東境著一併留於東省會同該省兵勇合力進剿至駐運之東省援兵二千名昨已寄諭勝保令其迅速遣回交文煜統帶矣該撫務即會同德榜額等激勵兵勇迅掃賊氛以靖疆圉將此由六百里諭知文煜並傳諭清盛知之○山東團練大臣杜翻奏辦事顛預之濟南守汪承鏞請以同知降補得旨與撫臣文煜函商意見相同方准會銜具奏彼此不得將將就含混又奏匪道員丁守存辦理沂州團練批著仍令回直該道服官直省不候諭旨因接信函擅行回東殊屬不合丁守存著交部議處又奏請飭畢承昭等辦理海防並道員陳寬就近起復又批畢承昭案關奏銷未便留辦海防著迅即飭令赴皖陳寬所請起復之處著吏部查議具奏○己未諭內閣順天府奏請照例賞給米石收養貧民一摺今歲近畿百姓猝遭兵燹深堪憫惻若仍照向章收養難免覺獨無告者仍喪溝瀆之中朕心甚爲廬念所有普濟堂一廠著如何例賞小米三百石之外再行加賞小米三百石功德林一廠卽於此項小米內分給二百石以資養贖其五城粥廠亦應提早開放著五城御史認真經理毋令一夫失所並著於放飯時嚴密稽查如有匪徒潛迹卽行拿辦以副朕軫念窮黎之至意○諭軍機大臣等官文奏懇懇提兵入援京師一摺覽奏具見惻忱惟見在英佛換約定期退兵該大臣所請提兵入援之舉著毋庸前來前據曾國藩奏請帶兵入援亦因撫局就緒諭令停止其都興阿一軍行抵壽州並諭令卽赴江北毋庸北上矣至東豫一帶捻匪未能肅清見經派令僧格林沁瑞麟等督兵前往足敷剿辦惟粵逆近又竄陷徽甯勢甚披猖難保不乘虛北犯如探有內竄之信卽著該大臣帶領所派馬步隊三千餘名馳赴北路迎頭截擊毋令分竄將此由六百里諭令知之○恭親王奕訢等奏請豫定回鑾日期得旨覽奏具見

忱惻惟此時尙早况勝保係帶兵大員撫局亦不應干涉又奏佛酋所要北堂可否允准批此事尙係小節既經益用護照亦未便再事爭執東北二堂究在何處速查覆奏○于通州殉難倉監督賈倫等祭葬世職○庚申諭軍機大臣等本日據恭親王奕訢等奏匪首畏罪自請效力等語據稱勝保探知河間土匪頭目王落越係屬匪類託名見王落越畏罪願效力自明並請解散匪眾各等情前據恆福奏稱匪首王落越藉團練爲名聚眾一千餘人肆行擄搶當諭令僧格林沁瑞麟前往剿辦先由河間一帶次及山東河南以次進剿見在王落越忽稱匪類託名難保非聞大兵將至畏罪投首惟既願效力自明如果屬實即可令其解散匪類以省兵力其零星匪徒搜捕亦易於成事著僧格林沁瑞麟詳細查明應如何將王落越雷營效力及飭令解散匪徒不至大兵南下再行聚眾滋事之處悉心籌畫妥爲辦理將此由六百里諭令知之○恭親王奕訢等奏洋人送到刊刻通行各省條約告示請鈐用欽差關防由該國人等自行帶往各省交府尹督撫宣布業已照辦請諭沿海各督撫悉心籌辦從之○恭親王奕訢等奏洋兵全數返津○是月後復直隸磁州等十二州縣被早被電民旗新舊額賦並酌免差徭蠲緩河南鄭州等三十二州縣被擾村莊額賦

咸豐東華錄九十七

冬十月辛酉朔諭內閣本年天氣漸屆嚴寒朕擬暫緩回鑾俟明歲再降諭旨○曾國藩奏據副將林保等稟稱官甯國城中糧米罄盡已無生理將弁各官均請周天受出城徐圖再振周天受誓以身殉不肯出城黃昏時羣賊盡入旋即遇害署皖南道福咸當城破時出戰於南門街上身受二傷與甯國府知府顏培文宣城縣知縣王乃晉同時殉難臣查已革湖南提督周天受堅守七十餘日援盡糧絕軍民愛戴城破身殉大節凜然其胞弟周天培去年在江北殉節胞弟周天孚本年在金壇殉節亦係堅守孤城力竭不屈一門忠義貞烈可風周天受應請開復原官照提督例從優賜卹並請於甯國府建立專祠仍於四川省城及本縣建立周天受周天培周天孚三人祠宇以褒忠義而昭激勸江甯巡道福咸所署皖南道缺業已另放有人猶能固守危城效死弗去應請與甯國府知府顏培文宣城縣知縣王乃晉暨竹塘殉節之署永州營遊擊副將朱景山均照本職從優議卹附祀周天受甯國祠內以慰忠魂至徽州之陷皖南道李元度既不能穩修營壘又不能堅守待援貽誤大局責無可辭道銜徽州府知府劉兆璜歙縣知縣羅德隆徽州營參將文芳身任地方均有應得之咎應請卹將李元度革職擊問劉兆璜羅德隆文芳均行革職其打仗不力之候補參將鎮寧營遊擊楊鎮魁候補遊擊蕭以德守備鄒良佐都司姚才立均請革職都司銜孔旭日千總余大勝管帶親兵敢不歸伍輕棄主將請旨卽行正法以肅軍律至叢山關力戰陣亡之同知童梅華守備張斐文均請交部從優議卹 上諭內閣已革湖南提督周天受力守甯國危城七十餘日糧盡援絕誓以死守於城陷時遇害署皖南道福咸巷戰受傷旋即殉難甯國府知府顏培文宣城縣知縣王乃晉亦皆同時殉難均堪憫惻周天受著開復原官照提督例從優賜卹並於甯國府建立專祠其胞弟

周天培上年在江北殉節周天孚本年在金壇殉節亦係堅守孤城力竭不屈一門忠烈大節懔然著於四川省城及本縣建立周天受周天培周天孚三人祠宇以褒忠義而昭激勸江甯巡道署皖南道福成甯國府知府顏培文宣城縣知縣王乃晉竹塘營殉節之署永州營遊擊副將朱景山均各照本職從優議卹附祀周天受甯國專祠以慰忠魂至徽州之陷皖南道李元度不能堅守待援以致貽誤大局責無可辭徽州府知府劉兆瑛等身任地方均有應得之咎皖南道李元度著革職拏問徽州府知府劉兆瑛歙縣知縣羅德隆徽州營參將文芳均著革職其打仗不力之遊擊楊鎮魁候補遊擊蕭以德守備周良佐都司姚才立均著革職都司銜孔旭日千總余大勝敗不歸隊輕棄王將均著卹行正法以肅軍律其叢山關力戰陣亡之同知童梅華守備張斐文均著交部從優議卹○諭軍機大臣等本日據恭親王奕訢等合詞籲請回鑾一摺此次恭親王等議撫換約奏請回鑾固係爲鎮定人心起見然反復籌思木蘭巡幸係循 祖宗舊典其地距京師尙不甚遠與在京無異足資控制朕意本年暫緩回鑾俟夷務大定後再將回鑾一切事宜辦理所有各衙門引見人員及一切應辦事件見均查照木蘭舊例遵行辦理至前派應行前赴行在者著卹飭前來其各衙門辦事之堂司各官均著趕緊清理積壓諸事勿少稽延將此由六百里諭令知之○諭前因直東一帶土匪讜起當諭僧格林沁瑞麟帶兵前往剿辦並諭勝保將僧格林沁等撥交之吉林黑龍江馬隊一千數百名交瑞麟先行帶往河間剿辦土匪茲據勝保奏匪首王落越遣人投誠獻縣等處滋事匪眾係王啟山等六人爲首因伊不肯從到處冒名計圖嫁禍王落越情願齊集練勇擒獲王啟山等解散其黨以圖自贖王落越是否真心畏罪自明仍著僧格林沁等詳細查明即令拏辦王啟山等贖罪以期迅速肅事本日據杜翻奏擒匪猖獗濟甯兗州泗水均已被圍文煜所帶兵勇尙未趕到僧格林沁等俟畿輔一律肅清卽行前赴山東節節剿辦以期盡絕根株至吉林黑龍江馬隊業經勝保奏明聽候僧格林沁調遣如兵力尙有不敷著僧格林沁等再向勝保大營分撥以利攻剿將此由六百里諭令知之○諭前據勝保奏省搶氣甚熾諭令文煜統帶兵勇卽赴濟甯會同德榜額等兵勇前往攻剿嗣復諭令勝保將該大臣軍營山東兵二千餘名遣回交文煜調遣其張得勝恆齡各軍二千數百名均已置於東省助剿本日據杜翻奏曹州兗州沂州泰安濟甯等屬二十六州縣均有匪蹤出沒濟甯兗州泗水均各被圍連日尙無確耗各等語文煜旣已接奉前旨著卽會同德榜額等督率各路兵勇四面兜擊分投剿辦毋任蔓延季錫魯陣亡西路帶勇人少著卽派已革道員黃良楷協同趙康侯分帶團勇以資得力將此由六百里加緊諭令知之○諭慶廉奏粵逆圍撲壽州分調官兵扼要堵剿並擬暫駐彰德以杜北竄一摺粵逆數萬人糾合搶逆攻撲鳳陽業經官兵擊退壽州業已解圍惟捻逆大股竄入東境勢甚猖獗兗曹濟甯一帶均有匪蹤歸德地方與山東毗連亟宜力圖扼截毋令擾及豫境見在夷氛已退業經諭令慶廉毋庸北上所有前派兵勇著慶廉卽帶赴歸德駐紮以便剿除逆匪毋使滋蔓另片密奏藩司賈臻恃才妄作膜視軍餉等語該司於應籌軍餉京餉遷延不解殊屬不知緩急著嚴飭該司於應籌兵勇口糧及欠解京餉迅卽如數報解儻敢仍前玩泄卽著嚴參懲治將

此由六百里諭令知之○諭傳振邦奏擒趙東北經官軍擊剿截回並徐復勝偏賊西趨一摺擒匪徑趨東北經傳振邦調派署總兵李恆清等於荆山橋台莊一路迎頭截剿大有斬擒其攻僥徐郡之賊復經吳棠等緹城追殺賊仍往西北伺隙濟甯一帶本日據杜翹奏報擒匪滋擾東省見在曹州沂州兗州泰安濟甯州所屬二十六州縣時有告急文報或城關被圍或屢戰失利賊蹤業已北趨勢甚猖獗亟須官兵迎頭截剿以期迅速堵遏傳振邦前派恆齡等所帶之兵一千數百名業經勝保飭令雷東助剿田在田見在督同胡元昌等繞赴單縣即著繞前杜截偕令回巢以固北路藩籬是為至要將此由六百里加緊諭令知之○王成諭內閣崇實奏籌辦團練各情形並據李恆奏遞陳下情請另行簡派督辦大員一摺據稱川省團練並無堪勝提督之巨紳不若責成該省總督藩臬督飭各州縣及各屬紳士認真辦理○諭軍機大臣等略秉章奏帶兵入川請由川省接濟軍餉等語前命略秉章赴川督辦軍務該撫已於九月十八日交卸撫篆料理啟程所帶劉嶽昭等軍不下萬人湖南僅能籌給行糧一入川境即須接濟著崇實即飭局員於夔州所屬擇要設立糧臺寬籌糧餉俾楚師士飽馬騰迅速奏功是為至要將此由六百里諭令知之○諭據德榜額等奏追剿竄匪疊有斬擒一摺此次擒逆竄入東境在兗州擊退後擁眾竄據德榜額奏稱已諭色爾固善帶領馬隊自宮里集地方鈔至大汶口北面截其北竄青泰之路並令富新帶兵駐紮曲阜搜捕土匪該副都統馳抵平邑與色爾固善合隊自北向南攻剿等語前因濟甯被圍諭令德榜額前往救援自係因剿捕東路竄匪未遑兼顧見在曹濟一帶均未肅清著俟克沂竄匪偕回老巢後即會同文煜所帶兵勇迅將各處匪徒一律掃蕩勿令北犯一步將此由六百里諭令知之○李維翰以病免以畢道遠為兵部右侍郎由丙選○張亮基以病免以劉源灝為雲貴總督鄧爾恆為貴州巡撫陳景亮為雲南布政使貢瑣為山東按察使由長蘆選○加賞駐紮張家口備錫林郭勒官兵柴炭銀○予四川殉難典史徐思源祭葬世職○略秉章奏粵西之賊由永明擾及道州江華時周達武王永章李金陽三營分駐蔣家嶺等處堵截八月初八至十六等日該逆分股由龍虎關竄越周達武等聯絡分布會同團練攔頭迎剿初八十一兩日邀擊於玉田村斃賊數千賊目陳浚昇等棄械投誠約四千人資遣回籍者三千餘眾挑留精壯四五百人責令效力自贖十五十六日邀擊於古子江督率降卒直前衝擊而團練自後圍襲斃賊尤多由是石逆所部左旗後旗賊黨無一脫者此次粵匪注意湖南為竄擾江西之計周達武等以少擊眾奮勇立功各屬鄉團隨同官軍掃除悍賊在事員弁兵勇官紳團練均屬著有微勞可否由署撫臣羅喆擇尤保獎以示鼓勵上從之○癸亥諭內閣翰林院侍讀學士棉宜奏職員呈請回籍勸捐據情代奏一摺山西職員張國棟謝智爾請回籍勸捐欲由戶部發給執照見在山西勸諭捐輸

皆歸地方官督同紳士辦理若再添設市井之徒從中勸諭百弊叢生不可勝言且由戶部發給執照前往勸捐亦無此政體編宜所奏不准行○諭清盛奏濟甯解圍團勇接仗獲勝並見在撥兵截剿情形一摺檢逆竄入東境圍攻濟甯州城經署知州盧朝安督率同城文武紳團嬰城固守不時馳城迎擊互有殺傷復會合河標參將孫延略遊擊周貞元兩路夾擊槍礮轟發賊始分股奔竄該州城圍立解見在竄賊分股肆擾著文煜會同德榜額督飭將弁迅堵逆氣無任延蔓○諭翁同龢奏六安解圍一摺粵逆圍攻六安州城西捻數萬亦竄至固先寺丁家集一帶經總兵吉順等由水陸各路分股兜擊賊勢不支悉向東南遁去六安城圍立解在事尤爲出力之總兵吉順著賞還提督銜其餘員弁兵練著翁同龢書擇九保奏○諭軍機大臣等見在軍機處事繁人少焦祐瀛著卽赴行在當差所有津南彈壓土匪事宜著交張之萬陳鴻翔辦理將此由五百里諭令知之○諭毛昶熙奏請專派藩司辦理撫局等語據稱槍首孫葵心蓄意投誠惟罪深重辦撫之員非所深信往往遲疑中止該槍首聞藩司賈臻前隨勝保招撫李世忠始終予以誠信深爲感服每欲由該司受撫等語孫葵心如果真心悔罪投誠其機自不可失著毛昶熙會同慶廉體察情形儘該逆首遣人員稟卽著責成該藩司悉心經理務須示以誠信使之不疑而又不至墮其術中致貽後患是爲妥善將此由六百里諭令知之○以捻逆竄入山東署巡撫清盛下部議處○子山東陣亡知縣李錫魯等河南殉難知縣武世昌祭葬世職○甲子直隸總督恆福奏津郡新設埠口通商請飭文謙籌辦得旨飭令文謙赴津會同恆祺等辦理通商事宜吳廷棟著回省督辦防務○乙丑諭內閣僧格林沁等奏請雷道員辦理糧臺並前次報銷暫行緩辦等語見命該大臣等統兵剿匪所有軍營糧臺卽著派天津道孫治辦理至該道前次所辦糧臺業經報銷二次其第三次報銷自應隨時報部方免輟轉著卽飭令趕緊清釐以重帑項○諭朕聞京師城內夜間明火劫案層見疊出輦轂重地豈容匪徒肆行無忌著瑞常文祥慶英嚴飭巡捕旗營各員弁認真捕拏訊明後卽行正法如該員弁再行玩泄卽著嚴容懲辦並著順天府五城一體嚴拏務須接捕淨盡毋令宵小潛蹤以儆匪類而安善良○諭軍機大臣等本日據御史蔣超伯奏本年秋季江北高郵界馬棚灣決口潰溢至三四百丈之寬直注下河各邑秋禾不及收引通泰鹽場亦皆淹浸等語裏下河十二州縣爲漕米鹽課關稅所從出若不堵築決口致該地方久被淹浸恐江北軍餉無從取給關係非輕著王夢齡會同晏瑞書迅籌修築或卽勸諭紳耆民捐民辦以工代賑趁此冬令水淺之時迅速興工俾財賦之區災黎不至失所毋得假手吏胥致滋弊竇將此由五百里諭令知之○命直隸布政使文謙籌餉二十萬兩解往欽差大臣僧格林沁軍營○京口副都統巴棟阿因病賞假命甘肅西甯鎮總兵官馮子材督辦鎮江軍務○丙寅諭軍機大臣等恭親王奕訢等奏俄約已換一摺此次恭親王等於本月初二日業將俄約畫押蓋印與之互換惟地圖一分係綏芬烏蘇里河分界之據因前定條約曾添入空曠之地遇有中國人住並漁獵之處俄人均不得占之語一經畫押漫無限制告以明春須派員互勘未卽畫押自係爲慎重界址起見此次俄約十五款除吉林黑龍江二處已合軍機大臣鈔寄行知外其餘各省尚有應行行文知照之處著恭

親王等一體知照以便屆時會同酌辦○諺昨因僧格林沁等請調官兵當諭俟馬步各隊調齊即馳赴河間剿辦茲據恆福奏省南一帶土匪盪起安平縣有土匪三四百人由深州闖入該縣黃城村內焚搶東鹿縣有土匪千餘名在該縣舊城村搶掠此外晉州棗城肅甯等處亦有匪徒竄擾又滄州臬匪蕭夢秋鹽山縣匪李四鍋腰率眾千餘人闖入靜海縣屬之北港各灘搶掠鹽場焚毀汛房畿南河間一帶土匪尚未肅清復有安平等處匪徒滋擾偏近省垣若不及早殲除必致釀成巨患僧格林沁等見京中頂著即調集各兵亟籌剿辦如河間一帶尚不能立時蕩事即酌量分兵各路掩捕務期盡數捕滅勿任蔓延以安良善而靖地方將此由六百里諭令知之○諭前經降旨諭令穆騰阿來京幫辦勝保軍務茲據袁甲三稜騰阿奏該都統見已挑選馬隊官兵一百二十員定於九月二十四日啟程惟此時京城安堵如常皖捻句結粵匪竄擾淮南一帶勢復鴟張穆騰阿著毋庸來京赴援即行統帶馬隊官兵迅速折回袁甲三軍營會同袁甲三鄭魁士期辦粵捻各匪以期力遏兇鋒將此由六百里諭令知之○以安徽軍營需餉命山東河南江西各巡撫將部議撥款迅速解往並撥江西新漕折色十萬石○戊辰諭內閣瑞常等奏飭查殉難紳民一摺八月間浣圍被擾內務府員外郎秦清全家自焚殊堪憫惻所有秦清家十六口殉難情形著內務府查明分別奏請旌卹其餘近畿一帶殉難紳民著八旗都統順天府直隸總督迅速查明具奏以彰節義至各處遺骸亦堪矜憫並著順天府暨營城各地方官員迅即掩埋毋令日久暴露○諭軍機大臣等本日據僧格林沁奏山東捻匪鴟張擬於畿輔一帶土匪辦有頭緒後即行帶兵南下見咨調勝保營陝甘官兵四千名助剿一摺復據勝保奏稱該管所存兵勇統計不過八千餘人無可分撥等語見在山東濟甯泗水等處雖經解圍而大股捻匪七八萬分路四竄兗沂曹濟秦各屬二十六州縣紛紛告警屢計山東見有兵力實屬不敷攻剿且直隸河間一帶土匪尚未肅清復有安平匪徒滋擾偏近省垣此外晉州棗城肅甯滄州鹽山各處匪徒盪起畿南一帶地方尤關緊要自應先其所急著勝保將陝甘官兵四千名迅速撥赴僧格林沁瑞麟軍營以資攻剿毋稍延誤將此由六百里各諭令知之○己巳諭軍機大臣等文煜奏西路捻匪肅清見赴東路查探剿辦一摺捻匪自濟甯州城解圍後四路分竄被兵勇追擊各由荷澤等縣渡河竄回老巢曹單一帶已無賊蹤文煜見駐泰安已撥兵赴郭鉅一帶搜捕土匪安撫居民該撫擬即由泰安赴沂州察探東路相機進剿等語捻匪竄擾東省蔓延二十餘州縣此等狡竄忽靡常並未大受懲創西路既已肅清其東路賊匪尚在沂州一帶肆擾德榜額兒帶圍取道蘭郟屬之馬陵山從旁鈔襲著文煜即帶所部兵勇與之會合夾擊偪令回巢其恆齡一軍雖令折回並著文煜知照傳振邦揀派得力將弁會同該撫之兵迎頭截剿總期一律肅清勿令擾及完善將此由六百里諭令知之○予山東陣亡訓導張書紳等祭葬世職○以浙江嚴州府城被賊竄陷著知縣李長齡職予陣亡副將封九寶祭葬世職○辛未諭內閣劉長佑奏越南國入貢屆期察看道路情形請旨遵行一摺見在廣西南太潯梧等府軍務未竣道路尚多梗阻所有越南國丁巳辛酉兩屆例貢著暫行展緩俟該省軍務平靖後再由該撫具奏○諭前諭直隸等省辦理團練均已次第舉行茲據

符即深澤奏甘肅地方緊要請飭一律辦團並酌保官紳開單呈覽一摺甘肅環控西陲地方遠闊且與陝西四川毗連見在四川
滇匪未靖自應一律舉辦團練以靖邊陲所有甘肅省團練事宜即著陝甘總督樂斌督辦並著甘涼道蕭浚蘭丁憂刑部員外郎
吳可讀江西候補道楊昇幫辦團練○諭薛煥奏克復縣城等語賊匪竄踞江陰縣城經靖江縣知縣齊在鎔署通州知州張富年
並都司龔致福等統帶艇師及兵勇民團將內河賊匪木牌礮船轟毀並將城外礮臺奪獲九月初四日兵勇鈔入東門將城中逆
匪檢淨盡立將縣城克復所有在事出力人員著准其擇尤保奏以示鼓勵○諭軍機大臣等本日據恭親王奕訢等奏俄酋所
稱伊國欲送中國槍礮一節前已由理藩院行文令其由陸路運至庫倫此次欲派該國官數員帶匠役來中國教導在西北兩路
距京較遠地方請中國派員帶同兵丁數名前往學習製造演放諸法請旨遵行等語該夷既有此意自係有心見好未便遽行阻
絕著奕訢等一面行文知照俄酋令其將槍礮送至恰克圖地方即由內地派弁兵運回京師省其自備經費以示和好之意一面
於京營內遴選熟習槍礮兵丁並奏派大員帶往恰克圖即於該處認真學習演放各法輪番更替以期技藝純熟○諭本年換約
退兵俄羅斯使臣伊格那提業幅亦即隨後換約該酋見恭親王奕訢等面稱髮逆在江南等處橫行請令中國官軍於陸路統重
兵進剿該國撥兵三四百名在水路會擊必可得手又稱明年南漕運京恐沿途或有阻礙伊在上海時有米國商人及中國粵商
情願領價採辦臺米洋米運津如令伊寄信上海領事官將來夷船沙船均可裝載用俄米旗幟即保無虞等語中國期賊運漕斷
無專借資外國之理惟思江浙地方糜爛兵力不敷勸辦如借俄兵之力幫同辦理逆賊若能早平我之元氣亦可漸復但不可不
思患豫防佛蘭西在京時亦有此請著曾國藩等公同悉心體察迅速奏明候旨定奪至代運南漕一節江浙地方淪陷明歲能否
辦理新酒尚無定議然漕糧為天庾正供自不可缺所稱採辦運津之說是否可行應如何妥議章程辦理之處並著曾國藩薛煥
王有齡酌量情形迅速具奏○予江蘇殉難同知吳德昭等祭葬世職○壬申諭內閣德榜額等奏迎剿捻匪偪入江南仍督隊追
襲一摺本月初二日捻匪由馬陵山竄撲郟城縣境經德榜額等督同兵勇奮力迎剿斃賊百餘名生擒三名其北來一股復由港
口渡河鈔襲官軍後路適都統穆騰阿帶兵北來乘勢夾攻官軍勇氣倍加復斃賊數百名生擒七十餘名旋因天晚撤回城下該
逆乘夜來撲復被槍礮轟斃多名遂由港口渡河西竄官軍追入江南邳州境內沿河追擊疊有斬擒勦辦向屬認真著即會同傳
振邦所派兵勇前後夾擊悉數殲除毋任遺颺致畱餘孽○辦理江南糧臺江蘇記名道江清驥奏糧臺事件可否自行陳奏得旨
凡關涉糧臺事務著照前案由汝具奏○癸酉諭軍機大臣等本日據樂斌奏酌帶官兵赴京並英桂請赴行在陛見各一摺見在
夷氛已遠樂斌著帶兵折回甘省英桂亦毋庸馳赴行在陛見即回山西辦理勸捐籌餉及地方各事宜○諭慶端奏賊蹤闖入涪
安浙東軍情緊急請飭毓科抽調林福祥所部各軍馳赴三衢堵剿等語見在浙東嚴州府城已被逆匪攻陷情形危迫持援孔殷
閩省援浙兵勇已先後派往一萬餘名勢難再行續調升任福建臬司林福祥見在江西帶兵所部定武軍及親兵營素稱得力著

毓科迅飭林福祥於所部兵勇內抽調二三千名派得力員弁管帶星馳赴浙援剿應用糧餉軍火並著該撫迅速籌備固三衢之門戶卽以保豫章之藩籬務期不分畛域趕緊籌辦毋得遷延推諉致誤事機將此由六百里諭令知之○暫革左副都御史張芾奏請應否來京或回籍守制得旨著卽行回籍補行守制汝年尙壯將來報效爲日正長朕自中秋抵承德後身體安健特諭汝知○毛昶熙奏^原馳抵豫省辦團訪聞光州屬境有積年捻首趙廣合陳得一等聚眾滋擾翰林院庶吉士吳元炳回籍力行團練就近商同各州縣設法緝拏旋與光州知州祝壇等將破賊巢將趙廣合等悉數擊獲得旨獎敘○子貴州殉難在籍翰林院檢討但鍾良知縣但陸良祭葬世職○乙亥諭軍機大臣等德榜額奏擊退圍攻重豐賊匪見催援軍併力夾擊一摺捻逆圍攻重豐民圩經德榜額等督兵追剿立將該逆壓退惟追躡失利色爾固善受傷賊眾兵單未能得手大股賊匪尙在邳州一帶恐其渡河紛擾冀圖北犯著文煜卽飭各路官軍自滕縣迎擊並飭富新移營前進會同郝上庠督帶民團合力兜擊德榜額亦當激勵士卒會合夾擊並飭沿途州縣統帶民團併力鈔截毋令北竄將此由六百里各諭令知之○子浣園殉難員外郎秦清六品苑丞秦哀祭葬世職○丙子福建陸路提督李若珠奏龍袍洲賊匪分竄瓜揚兜剿搜勝得旨此次獲勝自係賊壘尙未堅定若再有大學必以全力撲犯著嚴督勦辦勿令下竄一步○丁丑諭內閣翁同書奏遊擊之母訓子有方懇恩獎勵等語副將銜候補遊擊孫之友之母孫劉氏先命其子率眾投誠嗣因逆犯亳州復令登陲固守克保危城該氏年逾七十深明大義實屬可嘉孫劉氏著加恩照其子副將升銜給予二品封典以爲母訓克端者勸○諭軍機大臣等本日據僧格林沁等奏查辦直隸土匪情形並擬移兵東省勦辦擒匪各摺片僧格林沁等自行抵河間後經各地方鄉團會同兵役陸續緝獲土匪分別正法各匪以次解散該大臣擬卽督帶馬步各隊取道東昌以次南下勦辦擒匪瑞麟暫駐河間等處俟起兵丁其衡水靜海等處已札飭冷慶許誦恆等帶兵梭巡彈壓並令各州縣查明出力鄉團鼓勵所籌均尙周妥卽著照所擬辦理山東擒匪曹州一帶已報肅清尙有大股擒匪擾及輝境德榜額所帶兵勇失利已諭文煜會合該副都統迎前截擊杜其北犯該匪飄忽無常避實乘虛是其慣技此次深入東境蹂躪二十九州縣並未大受懲創該大臣行抵東豫後必須會合兩省兵力進掃匪巢以期一鼓蕩平是爲至要將此由六百里各諭令知之○諭前據僧格林沁等奏不日帶兵南下請調勝保營陝甘官兵四十名復據勝保奏稱兵力無可分撥當經諭令勝保將此項官兵迅速撥赴僧格林沁等軍營矣本日據僧格林沁等奏直隸土匪漸次解散擬卽由河間取道東昌勦辦擒匪俟續調陝甘官兵到齊卽行前進並稱勝保擬勻撥川楚勇各二千名恐難得力各等語僧格林沁移兵東省勦辦擒匪亟應厚集兵力以壯聲威此項官兵若畱於勝保軍營徒事防守未免可惜勝保仍遵前旨將前項陝甘官兵四千名迅速撥赴僧格林沁軍營以資攻剿而利進剿行毋得延誤該大臣所調河南川楚各勇三千名並著酌量撤回原省以節糜費將此由六百里諭令知之○諭僧格林沁等奏請裁減兵額等語據稱本年天津海口一帶仗仗察哈爾官兵首先潰敗實屬不堪調用而該處兵額最多若不量予裁減必致虛糜

糧餉所籌自係爲節省經費起見著慶的查明該處兵額共若干若其分撥各臺者若干游牧者若干汰除老弱簡擇精壯尙可練
習者若干應如何酌量分別裁減之處卽著妥議具奏將此諭令知之○諭見在各省文報遞至良鄉縣後轉遞京城再由兵部遞
交順義縣接遞行在未免耽延時日著恆福卽飭良鄉縣於接到文報時徑遞順義縣接遞毋庸由京轉遞如該二縣相距程途稍
遠卽於中途添設腰撥以免稽延將此諭令知之○浙江巡撫王有齡奏請留何桂清會辦浙防得旨所請斷不准行○命湖南在
籍前任陝甘總督易棠內閣學士周玉麒翰林院侍讀學士丁善慶幫辦團練○予安徽陣亡州判陳建章等浙江殉難參將銜胡
應元等江蘇傷亡副將余兆清祭葬世職○戊寅諭軍機大臣等前因德楞額奏擒匪在邳州一帶搶渡運河擾及嶧境當經諭令
文煜督飭各軍由滕縣會合德楞額之軍併力夾擊本日據文煜奏擒匪見由江南贛榆縣之青口折回仍在嶧嶧邳交界屯聚
並據探聞該匪南撲邳州之臺灣以江南團練堵禦未能過河折赴白莊進東三里之黃林莊頭起已過運河因上流水發餘匪尙
在邳嶧一帶游奕等語匪蹤飄忽無常此等狡竄是其慣技亟宜痛加剿洗以期盡殲醜類文煜見已行抵沂州著卽督飭各路兵
勇會合德楞額之兵認真剿擊邳嶧一帶遊匪悉數殲除並著王夢齡飭令派出各員弁迎頭堵剿毋任滋蔓將此由六百里各諭
令知之○己卯賞還前任倉場侍郎崇綸家產○庚辰諭內閣前因慶廉奏參藩司賈臻膜視軍餉當經諭令慶廉嚴飭該司迅籌
報解儻敢仍前玩泄卽著嚴參懲辦茲據賈臻奏參慶廉貪婪欺罔舉止乖謬各情慶廉賈臻以撫藩大員互相參奏必應嚴切根
究以肅官箴慶廉賈臻均著卽行撤任交新任河南巡撫嚴樹森秉公查辦毋許贖徇○諭軍機大臣等文煜奏擒匪被擊竄回老
巢東境肅清擬回省辦理夷務一摺此次逆捻出巢由東省魚臺金鄉渡河經各州縣團勇會合官軍極力堵禦將該逆擊竄回巢
東境一律肅清文煜著卽回省仍著分派員弁搜捕土匪並安撫難民無令失所見在英佛各國條約業已通行各省俟該酋行抵
登州卽著文煜前往海口悉心籌辦通商事宜以期永遠相安此次擒匪竄入東境係由魚臺金鄉一帶該處係何員帶兵駐紮防
堵不力有應得之咎著文煜查明參奏本日據袁甲三奏總兵張得勝帶勇北上截圍山東應否飭令回營等語見在撫局已成張
得勝所帶兵丁毋須北上袁甲三軍營正當攻剿喫緊之時文煜卽飭該總兵回營助剿將此由六百里諭令知之○諭前因江陰
縣城克復宜有重兵守禦諭令巴棟阿於鎮江大營內抽撥一軍迅赴江陰屯守茲據巴棟阿奏稱原擬抽調兵勇三千名前往江
陰駐紮旋因大股逆黨自句容等處竄至湯崗築壘侵犯鎮城見將分派江陰之軍撤下一千五百名留備防守以一千五百名飭
副將富陞管帶前赴江陰一面咨行李若珠於江北軍營撥兵一千五百名同赴江陰駐紮等語鎮江附近一帶逆黨屢聚該處防
務緊要勢難多撥兵勇分駐江陰著李若珠於江北大營內迅撥精兵一千五百名派委得力鎮將帶赴江陰會同鎮將所派兵勇
駐紮該城嚴密防守毋得遲延推諉致誤事機將此由六百里諭令知之○諭恭親王奕訢等奏英國欲於長江通商商業經給予照
覆允准一摺長江通商一節八年原定和約內載明除鎮江一年後立口通商外其餘自漢口沿流至海各地選擇不逾三口准爲

夷船出進貨物通商之區今該國以撫局已成欲先赴漢口九江兩處開商應納稅餉或在上海鎮江各關按照新章交納並據該
酋照會內稱先向海關報明護船兵器火藥鉛彈等物請給照單該關口查明所報軍器數目如在情理之中即註明給發備有額
外軍器或並無照單私行售賣者即將該船所載貨物全行入官並驅逐該船出口不准在江面貿易各等語業經恭親王等允其
咨照湖北江西督撫矣惟漢口九江兩處係屬通商船始所有一切章程必須按照條約與之妥為商定以期永遠相安其進口出
口應納稅餉恭親王已令其與上海關公同商酌亦須明定章程免致稅課虧短至該洋船所帶兵器火藥等已據聲明在海關呈
報均須嚴密稽查照章辦理其經行江面地方所有防守弁兵俱應飭令一體知悉毋得滋生疑慮以致別啟釁端著官文胡林翼
辭煥毓科巴棟阿李若珠等悉心安辦總期杜漸防微而又不至有傷和好此為至要○曾國藩奏臣接奉諭旨飭令統籌緩急機
宜臣查規復蘇常分救鎮江上海皆臣職分最要之事惟嘉興濱而浙中無牽制之師金壇常昭陷而江左有長驅之勢見皖賊之
分竄浙江者又疊陷嚴州各城浙江之衢州江西之廣信紛紛告急且探得逆首陳玉城等各賊由北岸廬六一帶上犯李侍賢等
各賊由南岸徽池一帶上犯急救安慶之圍計甚兇狡查東流建德毗連饒州景德鎮賊若乘虛竄入則江西大局俱為掣動幸左
宗棠一軍於九月十五日行抵樂平臣商令暫駐該縣如饒州有警則赴西北截剿廣信有警則赴東路截剿並飭鮑超張運蘭拔
營進攻休甯已於九月二十九日獲一勝仗以目前情形而論必須將各路防兵布置穩妥仍分一軍由開化華埠橫出外則與張
玉夏等夾擊嚴州之賊內則與鮑超等夾擊徽州之賊使之退出嶺外然後江西可保浙省可安而皖南之立腳可定若臣專謀
皖吳即將皖南設法經營臣當於今臘明正親率馬步數千由皖北繞赴淮揚就近與辭煥巴棟阿會合聯絡相機策應仍一面嚴
防北竄之路以維全局又奏九月二十九日鮑超張運蘭各軍會攻休甯鮑超於卯時出隊並派各軍分路鈔擊踏毀賊卡三座斃
賊四五百人乘勝追至城下賊由東門繞至北門迎戰復出大股接應雲慶鈔其歸路將賊截作兩段余大勝等督隊圍殺又斃
七八百人餘賊退回堅伏不出張運蘭是日先派左右翼穆潔潭口以防施太來路令陳青雲等兩路進攻該道自率中軍馬步與
諸將會於榔市攻破馮家嶺賊卡一座又進攻榔市賊卡其卡前有兩壘一村適劉光明易開俊攻破龍源賊卡齊至夾擊遂將村
壘毀平追至城邊斃賊三四百名生擒十三名解散脅從無算見聞逆首楊雄青等各率死黨意圖救援已嚴飭該鎮道等偪賊緊
攻兼防後路援賊勿涉疏懈均報聞○命左副都御史銜順天府府丞毛昶熙督辦河南剿匪事宜○以嚴樹森為河南巡撫未到
任前以河東河道總督黃贊賢暫行兼署以唐訓方為湖北布政使裕麟為湖北按察使由廣東鹽運使遷○以邊浴禮為河南布政使鄭
元善為河南按察使由南汝○辛巳諭軍機大臣等瑞昌王有齡奏續陳近日軍情請將江西接浙兵勇暫留堵剿並請將劉于濤
所部兵勇暫緩遣散一摺前因統科奏江省上下游同時告警請將接浙各軍調回堵剿業經諭令瑞昌等飭令道員彭斯舉等各
率所部兼程回江接剿茲據瑞昌等奏稱粵逆見由清安一帶擾及威坪回竄蜀口徽州北路之賊亦竄至杞梓里三陽坑等處昌

化衢州一帶防務空虛張玉良已統率所部進剿嚴郡彭斯舉等分駐海甯海鹽等處防堵嘉興南甌賊匪未便撤動請將彭斯舉劉芳貴劉長培等軍暫行留浙並請飭曾國藩毓科將劉于濤陸軍暫緩遣散等語浙省此時賊氛甚熾防剿在在需兵江西林福祥劉于濤各軍尚稱得力左宗棠新募勇丁見駐樂平亦足爲該省督援所有彭斯舉等援浙兵勇著毓科暫緩調回如果江西防務需用甚殷卽著咨商瑞昌王有齡等調回一半以資防堵其劉于濤所部陸軍卽著曾國藩毓科暫緩遣散以厚兵力將此由六百里各諭令知之○命荊州將軍都興阿督辦江北軍務福建陸路提督李若珠幫辦○王子諭軍機大臣等前據文謙奏每月酌撥僧格林沁軍營月餉銀二萬五千兩當經諭令僧格林沁等查明該藩司所擬月撥之款是否足敷支放本日據僧格林沁等奏見在需餉每月總在六萬之數抵豫東後尙須添兵以馬步兵一萬名覈計每月需銀十萬兩文謙擬撥月餉二萬五千兩僅敷數日之用而山西自春夏之間每月撥解銀二萬兩數月以來未據報解請飭各該省寬爲籌備並按月解交等語僧格林沁等統兵南下需餉甚急亟應迅籌接濟以期土飽馬騰著黃贊湯文煜文謙於各該省寬爲籌備源源接濟每月總須湊成十萬之數其山西省月撥之二萬兩並著英桂撥解毋稍稽延至僧格林沁馬步兵業經分起前進文謙解到銀一萬兩支放已竣並著文謙查明庫存部餉未解京者尙有若干酌量提解僧格林沁軍營以濟要需嗣後各省解京餉銀並著飭令源源解部勿稍遲緩將此由六百里諭知黃贊湯文煜英桂並傳諭文謙知之○丙戌諭內閣傳振邦奏官軍擊退竄匪大獲勝仗一摺捻匪竄擾山東鉅野縣時經總兵田在田調齊副將胡元昌等會合鄉團勒堵兼施立將濟甯以西賊股由曹縣等處擊回其由沂州回竄之匪屢撲邳州城圩經城內兵練及各鄉團並出堵截屢有斬擒該匪復由東北直撲徐州城垣田在田與署總兵李恆清等進剿追殺十餘里匪勢不支紛紛潰散自相踐踏均由蕭縣以西遁去計斃賊三四百名奪獲虜馬槍礮旗幟無數救出難民車輛尤多剿辦尙爲得手所有徐州三次守城出力之文武紳練及兩入東境剿匪之尤爲出力各員均著准其分別酌保候朕施恩○諭軍機大臣等前據毛昶熙奏捻首孫葵心欲由布政使賈臻受撫當經諭令該大臣責成該藩司悉心經理本日據賈臻奏皖境著名捻首渦河之南以孫葵心爲大股河北以劉狗爲大股如孫葵心就撫則劉狗亦可招降由此辦理得手則江皖東豫可望肅清惟散遺酌匪及籌給口糧等事均應妥議章程稍涉稽延恐貽誤請准單銜奏事並俟孫葵心具稟到日擬卽赴歸陳一帶籌辦等語昨因賈臻與巡撫慶廉互相參奏業將該藩司撤任交新任巡撫嚴樹森查辦惟招撫事宜至關緊要孫葵心於該藩司深爲感服自未便易入辦理見該藩司已派遊擊陳奇金持札前往開諭如孫葵心實係真心就撫具稟前來卽著賈臻前赴歸陳一帶擇地駐紮相機妥辦其如何分別留遣及籌給口糧等事宜均著妥議章程仍隨時稟商毛昶熙辦理並著毛昶熙隨時奏聞該藩司毋庸單銜具奏將此由五百里諭令知之○督辦徐宿剿匪事宜雲南提督傅振邦因病賞假命山西太原鎮總兵官田在田暫行接辦江南淮徐道吳棠暫行幫辦○以辦理團練不洽輿情撤在籍漕運總督邵燦督辦浙江團練大臣並撤道員章嗣衡等幫辦○丁亥諭內

閩田與怒奏官軍剿賊連獲大捷克復甞安縣城見擬督兵赴省一摺逆匪盤踞龍溪勢甚猖獗田與怒飭副將沈宏富等各率所部相機進剿八月十二日楊巖寶等分攻左右各寨賊匪出營迎敵我軍奮力衝殺斃賊無算立將龍溪賊巢攻破十六十七等日又將水溪聖巖門新土小泥田構子坪五處賊營十餘座次第攻克副將劉吉三等進攻三角莊殺賊一千餘名參將李有恆進剿大寺頂之賊三獲勝仗斬擒甚眾八月二十四日田與怒親督長勝軍徑紫籠溪逆匪糾約三萬餘人分路來撲我軍截住該逆歸路兵勇分投衝出迎敵窮追二十餘里斃賊二千餘名我兵一無損傷九月十一日冒雨進攻參將羅孝廉等奮不顧身飛登賊牆大兵繼進攀附而上殲除逆賊殆盡即乘勝直撲松坪前後夾擊斬賊四千餘名乘勢攻克猴坪賊巢是日三戰三捷踏破賊營七十五座陣斬偽扶明王石大魁偽元帥偽將軍十餘名拔出難民二萬餘名解散餘黨二萬有奇十八日踏毀紅崗堡賊營後直抵甞安殺斃黃衣紅衣賊目數名斬獲不計其數立將縣城克復此次官軍進剿計兩旬以來連獲大捷殺賊二萬數千收復地方三百餘里赴省大路已通著即乘此聲威殲除餘孽○諭軍機大臣等慶廉奏擒兇竄撲鹿邑縣城迎擊獲勝見擬出省堵剿一摺毫州大股捻匪萬餘人竄入鹿邑縣境攻撲城池經記名道趙連標等會同毛昶熙所派勇練擊退殺斃多名匪眾仍竄回毫境老巢惟賊情狡詐股數眾多難保不去而復來亟須督兵大員前赴歸陳一帶相機堵截慶廉見在因案撤任業已派毛昶熙督辦剿匪事宜著卽速行出省馳赴歸陳邊境整飭團練厚集兵力相機堵剿以固邊圉慶廉調回之北路援兵俟到齊後統歸毛昶熙管帶將此由六百里諭令知之○諭孔繁瀨奏南捻竄擾曲阜土匪乘機勾結適總兵富新等帶兵踵至派隊剿辦賊已遠竄惟土匪桂錫楨等未獲且濟甯等處復見賊蹤誠恐突然再犯請飭富新駐紮曲阜保衛林廟並可策應曹濟控制滕嶧等語曲阜爲聖賢林廟重地自應妥籌保衛惟見在東境業已肅清卽有零星土匪該處地方文武自當上緊緝拏毋令滋擾若甞富新一軍駐紮該處恐以有用之兵置之無賊之地未免可惜儻該縣駐有重兵實足以西應曹濟南控滕嶧則林廟旣資保衛於通省軍務亦實具奏將此由六百里諭令知之○恭親王奕訢等奏呈進俄人地圖並請派員履勘得旨互換和約著收存禮部備查毋庸齎赴行在至明歲季春赴吉林查勘分界事宜應派何人前往方昭妥慎著恭親王酌擬請旨○予貴州陣亡副將劉吉三等祭葬並職建祠○戊子諭內閣辭煥奏賊匪圖犯金山等處疊擊獲勝一摺十月初五日賊撲江蘇金山縣涿涇鎮等處經總兵曾秉忠派守備楊貴福等會合金山縣知縣周紹廉等併力扼剿曾秉忠復親督各船頭頭截擊擒斬悍匪甚多遂將風涇鎮收復該逆又糾約蘇常大股徑撲廣富林圍犯松江時曾秉忠甫自松涇收隊回泊龍王廟當於初六七等日分三路進攻慶戰三時賊匪大敗死者不可勝數該逆大股復集寶山縣所屬之羅店鎮經都司姜德分爲三隊設伏誘賊出戰自率中隊當先繼合左右兩隊夾擊賊不能支餘逆竄遁期辦尙爲得手福建汀州鎮總兵曾秉忠著遇有提督缺出題奏所有在事出力將弁著併煥查明擇尤保奏候朕

施恩至廣。林官軍水陸並退。雖因眾寡不敵。究係防勦不力。副將向奎。遊擊陳貴。守備許廷輝。均著摘去頂帶。遊擊虎崑。揚經該署督飭令赴援松江。並不即日啟程。旋又聞警。耽延著一併摘去頂帶。以示薄懲。而觀後效。命太常寺少卿焦祐瀛。在軍機大臣上學習行走。是月。獨殺廣西橫州等四十九漢土。廳州縣被擾地方。額賦湖南澧州等九州縣暨岳州衛。被水莊屯。新舊額賦。並碾常平倉穀。撫恤貧民。

十一月辛卯。諭內閣。勝保奏請專派大員防河等語。直隸大順廣道聯捷著專辦防河事務。准其奏事。其直隸之大名順德廣平河南之彰德衛輝懷慶各府。應辦防河事宜。均著妥為籌辦。嗣後如有搶匪偷渡河岸。惟該道是問。其濱河各該地方官。有怠荒疏失。及不遵調遣者。准其指名參奏。以專責成。諭軍機大臣等。邵燦王履謙奏籌畫團練經費。並防堵錢塘江口情形。一摺。逆匪業竄桐廬溫處白及甯紹等屬處處可通。浙東完善地方。亟宜力圖保護。邵燦見已撤去團練大臣。所有派防江口之餘姚練丁。為數不多。恐難堵禦。著王有齡迅即調集兵勇。嚴行防守。毋令該逆紛竄。至甯波道府縣所辦釐捐等項。據邵燦等奏稱。多有不實。不盡著王有齡即行徹底查明。認真整頓。務令絲毫悉歸公用。毋任隱匿侵吞。將此由六百里諭令知之。○以巡幸熱河。免經過地方。本年額賦十之四。○劉長佑奏石逆及賴積新擁眾二萬。圍攻甯甯府城。初以馬隊衝突。繼又開空地。道城中守禦嚴密。計無所施。遂環築木柵。意圖久困。道員吳德徵激勵兵勇。大集團練內外夾攻。縱火焚寨。殲擒賊匪千餘名。餘悉竄回武緣縣。知縣周瑄督飭團練分投圍擊。殲賊多名。匪黨由賓州上林四散。分竄賴積新復率數千人竄入宣化縣境。又糾約潯州艇匪。攻撲永淳縣。蘇梁張各村。經吳德徵飭軍功孫仁廣督勇截擊。擒斬數百人。賊眾敗赴下游。其竄往遷江忻城者。約眾數萬。由柳州屬之來賓馬平慶遠屬之折城宜山竄至融縣。各該地方團練節節兜截。殲斃數千人。逃出難民七八百人。據供該匪等實欲逃回湖南江西。其石達開蹤迹。極為詭秘。見在涵入何處。未能得實。即咨湖南貴州江西各撫。豫為戒備。見在該匪等向踞板攬一帶。擾近甯甯。飭劉坤一派軍扼其後。一面抽撥數營。令總兵李明惠統帶。取道桂林馳往迎截。行抵義甯。該匪探知大軍進剿。又由懷遠斗江奔竄。闖入綏甯境內。武甯新甯各州縣均形喫緊。查湖南寶靖一路。見止江忠義一軍。不敷剿辦。亟應由粵跟追。前關後襲。合而殲旃。惟楚軍從征年餘。士多疲憊。劉坤一見甯整飭一新糧餉萬分支。細徵調維艱。親至義甯行營。激勸李明惠等。面投機宜。旋因李明惠患病。雷醫接據江忠義馳函。呼助迫不可待。遂親督各勇。進赴龍勝。應派令間道入楚。相機會剿。得旨。石賴各股。勿令其死灰復燃。赴楚追剿。務須一鼓殲除。○以捐輸軍餉。永廣山東鄉試中額二名。淮縣學額九名。濟甯八名。黃縣六名。歷城四名。新城單聊城膠各二名。章邱長清德荷澤曹益都臨淄壽光安邱諸城掖高密福山甯海臨清各一名。江西建昌十名。○癸巳諭軍機大臣等。有人奏勝保前次行文各路語多失當等語。勝保行文各路。有京營禁旅蒙古番騎。非初愿戎行。卽素性怯懦之語。自保倉卒之間。措詞未能斟酌。以致遠近傳聞。不無駭異。至李世忠苗沛霖兩人。於該大臣頗知悅服。卽有書信往來。惟當宣示朝廷。德威使之益加馴服。若

機事不密恐令所部各勇有藐視官軍之心致難駕馭該提督等於該大臣之言尚能聽信即善將見在和約既換以後可以相安無事及近京上匪漸就肅清僧格林沁等業已統帶大兵前赴東豫勤辦擒匪等情函致並屬該提督等同心戮力報效朝廷毋得爲浮言所惑是爲至要將此由五百里諭令知之○袁甲三奏夷患稍紓亟宜力圖整頓以杜禍患而固根本得旨精訓練儲將才二條著總理行營王大臣妥議具奏又奏燕京爲天下根本不可輕議遷徙批所奏甚是○駱秉章奏率師赴蜀正擬分隊拔營署撫_臣瞿誥咨稱石逆大股由融縣闖入楚境綏甯城步兩城失陷見復圍攻武岡分窺新甯並有另股竄擾洪江該逆狡悍異常必須厚集兵力庶足遏截兇鋒湖南見在兵不滿二萬各處分布殊形單薄請暫移援蜀之師先期湖南之賊並據劉嶽稟稱武岡被圍湘寶一帶空虛人心震動紳民兵勇籲請先滅此股然後入川請示遵行各等情_臣查石逆兇狡冠於諸賊上年竄往粵西原非該逆本意其垂涎楚蜀已非一日今既大股乘虛竄楚且聞與四眼狗陳逆相約圖犯兩湖自不得不先其所急已飭劉嶽昭由湘鄉寶慶進剿飭黃滄卞宗銓出安化新化間道確探賊蹤會合夾擊萬一賊勢西趨竄蜀即可繞出賊前關頭迎剿一俟湖南軍務稍鬆即調各營迅於常德取齊_臣督帶赴川以紓_臣皇上西顧之憂得旨近年四方多故湖南諸軍出力爲多若遽移師西向恐內顧憂繁轉難得力著暫准所請俟軍務稍緩即迅速統帶赴蜀○安徽巡撫翁同書奏時事方亟敬陳管見一謹天戒二固邦本三收人才四練京營五爭形勢得旨收人才一條利少弊多無庸議餘具覽悉將隨時措施矣○莊受祺以病免以林福祥爲浙江布政使黃安綬爲福建按察使_{由汀漳}○甲午諭軍機大臣等瑞昌等奏新城等縣失陷省城危急力籌堵剿一摺逆賊竄陷桐廬後新城臨安富陽三縣城池相繼失守省垣情形危急馬得昭等軍較爲得力爲嘉興之賊牽掣未能撤回該將軍等見調張玉夏等由嚴州轉戰而下使賊顧後路不能遽行深入所籌尙妥至省城內外兵勇尙有一萬餘人兼之旗營駐防官兵深明大義素稱得力著瑞昌王有齡督飭該弁兵等協力同心認真防堵不得稍涉鬆懈浙東地方尙屬完善瑞昌等見飭訓字營官兵回顧諸營其蘭谿等處民團亦能擊賊並著飭令該地方文武會同團練於沿江一帶實力巡防務須上下游聲勢聯絡勿使逆蹤闖入兵曾玉明統帶兵勇業已馳抵三衢著即飛飭該總兵督率援師將此由六百里加緊諭令知之○諭前據慶瑞等奏調派援浙總會同張玉夏並道員彭斯舉各軍迅由上游嚴郡一帶轉戰而下與省垣兵勇互相夾擊以期力保危城儻曾玉明所部闖師尙形單薄即著慶瑞等迅速添調兵勇星夜赴浙應援並著將閩師餉銀速行籌撥源源接濟毋令缺乏閩浙兩省督撫相依該督等務當不分畛域力顧東南大局毋使逆蹤闖入將此由六百里加緊諭令知之○乙未諭內閣王夢齡奏擊退大股粵逆三河衛陽一帶肅清一摺粵逆屠聚三河等處於十月十四日由龍岡馬壩一帶直逼河岸意圖搶渡經官兵開礮轟擊斃賊千餘名十八日逆眾復至三河槍渡兵勇檣礮齊施斃賊無算逆勢不支向東南竄逸其分撲衡陽黎城之賊經官軍於十六日分投堵剿並將擄船偷渡之賊擊沈五六千人賊匪全行遁去剿辦尙屬得手所有出力之文武兵練並海沐邵宿等防河守城出力之員弁兵勇著王

夢齡一併查明擇尤請獎以示鼓勵○諭王夢齡奏請將防湖水師統歸節制等語記名總兵黃開榜所部防湖師船著准其歸王
夢齡節制以一軍令所需水師口糧卽由清淮籌防局接支○諭軍機大臣等據邵燦王履謙奏富陽失守長江無險可憑已飛調
甯波廣艇由海入江並合已革臬司段光清統帶所需糧餉卽責成該革員向甯波地方設法籌應另片奏義橋等處民團擊賊出
力請准存記彙保並請派地方大員幫辦團練各等語本日已明降諭旨將段光清暫緩鞫責令戴罪自效卽著瑞昌王有齡王
履謙督飭該革員將甯波廣艇星夜統帶入江一面會合彭斯舉等陸路官軍及沿江上下游團練防守江面力遏賊匪東竄毋得
稍涉疏懈其義橋江口及滙海所三江口等處擊賊出力各民團均著准其存記俟續有勞績保奏前因邵燦撤去督辦團練大臣
諭令王有齡保舉公正紳士數人候旨見在幫辦道員史致諤據邵燦等奏稱久未到浙襄理乏人著王有齡於該省司道知府
內酌保一員與所保紳士均俟奏到之日降旨派辦團練將此由六百里加緊各諭令知之○以辦理各國和約完竣恭親王奕訢
下宗人府從優議敘大學士桂良戶部左侍郎文祥下部優敘餘升敘有差○以浙江軍務緊急准已革按察使段光清留營效力
○命山東巡撫文煜山西巡撫英桂於山東運庫山西河東道庫酌撥清淮軍餉○丙申諭軍機大臣等穆騰阿奏請飭伊興額迅
赴徐州督剿捻匪等語已革副都統伊興額前在徐宿一帶剿匪深得民心該革員見已賞給六品頂帶在僧格林沁等大營著該
大臣等體察情形如無須伊興額帶隊卽著飭令迅赴徐州聯絡鄉團剿辦捻匪以順輿情而固眾志至皖北捻匪雖經迴歸老巢
見據穆騰阿奏稱該逆聲言明春正月二月間捻首孫葵心仍擬率眾撲犯東省僧格林沁見已督兵馳抵東昌若徑由歸陳一帶南
下恐東省空虛無以遏該匪北竄之路著卽於濟甯兗州一帶擇要駐紮先將北路妥爲布置如豫省歸陳及江南徐宿一帶需兵
助剿卽著僧格林沁等派兵前往與毛昶熙關保傅振邦等軍會合進剿以期力掃賊氛將此由六百里各諭令知之○賞密雲古
北口熱河喀喇河屯張三營額魯特駐防存營兵丁暨駐紮古北口之西安黑龍江等處兵丁並看守各行宮弁兵等銀○賞京師
外城練勇每月口糧銀三千兩○戊戌諭內閣御史高延祐奏請將浙江團練歸併巡撫辦理以專責成一摺前因邵燦督辦浙江
團練未能妥協諭令王有齡酌保在籍公正大員接辦茲據該御史奏稱請照陝甘四川章程責成巡撫督辦等語所有浙江團練
事宜卽著王有齡督同該省紳士認真經理以收實效其在籍大員卽著毋庸保奏○諭瑞昌王有齡奏逆匪撲犯省城迎剿獲勝
一摺逆匪竄陷富陽縣城經瑞昌等派兵乘夜往攻賊匪驚遁復與臨安股匪合陷餘杭縣城徑撲省垣瑞昌等親自督戰副都統
傑純與副將吳再升等均手刃執旗賊目數名賊勢退卻十月十四日賊分三股來撲復經副將文瑞派隊迎敵西湖水勇及文瑞
礮船登岸迎剿賊匪敗走勦辦尙屬認真著瑞昌等卽著飭將士迅將此股逆匪殲除毋任分竄○官文胡林翼奏查桐城爲安慶
咽喉背倚大山前臨重河地勢散漫溝渠極多馬步各軍施展較難逆首陳玉城復於城外修築石壘以抗我師副都統多隆阿率
軍進逼城西派馬隊往東門呂亭驛一帶斷其接濟一面督率各營晝夜環攻七月十七至二十五等日轟破賊壘數處斃賊無算

二十六日多隆阿派撥各營以正兵攻壘以奇兵策應該逆礮子如雨我軍愈進愈勇毀其木城數道直抵濠邊架木而進逆眾披靡我兵乘勝撲壘該逆拚死抗拒我軍前者傷亡後者繼進參將許應城等首先登壘身墜殞命副將雷正縮指揮該哨勇丁奮勇前進守備王允昌被礮子穿入右目屹立不退參將趙既發等督隊繼進愈戰愈力便民門突出悍賊千餘擁擁來援經參將王可陞等分路馳擊殺賊數十名援賊敗退入城其時西門南門大股賊援亦被西面各營擊退登壘各軍見城賊已敗一呼齊進該逆不能抵拒奪門狂走我兵四面截殺殲除淨盡其下面水壘牆峻濠寬多隆阿因兵勇傷亡過多擬即收隊副將雷正縮等謂乘此銳氣即可一鼓踏平復整齊隊伍層層疊進施放連環槍礮火箭噴筒同時射入該逆失措我軍拔毀木城一擁而入渡濠登壘該逆度不能支紛紛投水各營圍而登之剿殺無遺是日統計殺賊二千餘人多隆阿查看柯城之西北隅可開地道八月十三日派精選等八營列隊城根動工開挖地道由北門突出撲營經遊擊楊得武率隊擊退乃該逆於城上環施大礮楊得武與把總李良德等同時中礮陣亡官軍因即撤隊旬餘以來偵知陳逆率眾數萬將援柯城我軍戰守機宜倍加慎重已飭各軍嚴密戒備相機剿辦所有陣亡員弁從征數載屢立戰功此次奮勇捐軀深堪憫惜合無仰懇 天恩俯准將已革總兵銜升用副將續保遊擊銜楊得武開復原官照總兵銜例參將銜遊擊許應城照參將銜例遊擊張明山照遊擊例守備胡世明照守備例千總楊開興照千總例把總湯炳照張岩喜汪若根李良德周正祥均照把總例儘先外委素均彥譚有德張順榜石珍玉馮光華軍功陳占先鄧忠友王洪勝鄧起發余得承陳得金伍富貴何敬吉均照外委例一併飭部從優議卹以慰忠魂其餘陣亡受傷弁勇查明分別辦理 上諭官軍圍攻桐城屢次獲勝殺賊一千餘名剿辦甚屬認真所有陣亡之已革總兵銜記名副將續保遊擊銜楊得武等均著照所請一併從優議卹○諭軍機大臣等崇實奏官軍鄉團擊匪獲勝一摺藍逆大股由丹稜竄至近省官軍雖屢獲勝仗地方已被蹂躪李逆由五里浩竄至許家灣經官軍攻破營壘而逆黨尚在內江隆昌富順等處奔竄加以土匪到處響應若不迅將逆裔撲滅必致裹脅日多見在湖南綏甯城步等處被賊竄擾軍情喫緊業已諭令駱秉章暫緩入蜀崇實身任嚴疆責無旁貸著即督飭郭相忠蔣玉龍統帶官兵會同鄉團規賊所向認真圍剿務將藍李兩股逆匪悉數殲除毋留餘孽將此由六百里諭令知之○于浙江陣亡總兵官劉季二等四川陣亡知縣何汝源等祭葬世職○庚子曾國藩毓科奏據總兵胡中和等稟稱前按察使蕭啟江自咸豐三年奮袂從戎隨李續賓攻擊郴州岳州武昌田家鎮等處賊匪所向有功五年江右寇熾竄犯湖南蕭啟江募帶湘勇攻復茶陵州進援江右克復萬載縣六年十一月克復袁州府城分宜縣城十二月克復上高縣城七年二月大破賊於瑞州之陰岡嶺進圍臨江八月破后遂開於大坪十二月克復臨江府城八年三月克復崇仁縣城四月克復撫州府城九年二月克復南安府城解信豐縣城之圍八月追剿石逆開收復東安興安靈川三縣破賊於大溶九月解桂林省城之圍數年來身經百戰馳驅四省所至克捷本年帶勇入川盡瘁以及請賜諡建祠等語查蕭啟江性情果毅平日粥粥若無能及其臨敵決策英鷲無前年來

江西失陷九府蕭啟江一人獨克四府厥功最偉上年援湘援粵援蜀一歲之內奔走萬里積勞身故實堪憫惻仰懇 天恩賜諡並於湖南江西省城及湘鄉原籍建立專祠以表忠蓋出自逾格鴻施 上諭內閣前因布政使銜記名按察使蕭啟江在四川軍營病故當經降旨追贈巡撫銜從優議卹茲據曾國藩毓科奏稱蕭啟江身經百戰馳驅四省所至克捷本年帶勇入川盡瘁以歿懇請賜諡並請於湖南等處建立專祠蕭啟江自咸豐三年帶勇打仗克復江西袁州臨江撫州南安四府並援期湖南廣西四川等省戰功懋著洵屬忠勇可嘉著加恩賜諡並於湖南江西省城及湘鄉縣原籍建立專祠以示朕篤念忠盡至意○曾國藩奏官軍進攻休甯縣城鮑超移營西館張運蘭移營迎祥湖距休城皆十餘里十月初四日賊眾撲迎祥湖營盤張運蘭派隊出擊陣斬偽將軍汪懷忠及衝鋒賊百餘名編修宋夢蘭帶勇協剿亦多斬獲徽州援賊麴聚萬安街與城賊相犄角鮑超張運蘭會齊於十五日出其不意夾擊破之追十餘里殺賊二千有奇適偽侍王李侍賢因休甯被圍由嚴州進至徽州解運子藥大礮進城各營乘勝攻之北門出賊數千張運蘭揮兵直前鮑超督馬步包鈔殺賊千餘復圍攻東門賊營賊棄壘逃竄立毀賊壘一座偽忠王帶二萬人突由羊棧嶺竄入圍解休甯之圍斷鮑張兩軍糧路遊擊趙廷貴受傷影領各防皆潰賊遂由盧村闖入夥縣張運蘭分兵迎剿小挫鮑超帶兵趕至迎頭痛擊斃賊千餘立將夥縣城池克復賊仍退踞盧村二十二日鮑超派兩營張運蘭添派各旗進剿賊由盧村出隊距戰我軍十盪十決賊眾大潰狂奔出嶺生擒三百餘名斃賊約四千餘人都司楊雲貴守備鄭德亮射中偽檢點艾逆把總羅紫亭刺死偽丞相吳桂先訊據賊供李秀城亦受傷而遁查偽侍王李侍賢由嚴州回徽僞輔王楊輔青盤踞旌德環徽郡二百里羣賊極多而偽忠王復由蘇常上接竟欲攻破夥縣直犯祁門窺伺江西我軍急馳百餘里兩日之間連獲大捷驅出嶺外實足以寒賊膽 上諭曾國藩奏官軍進攻休甯疊獲勝仗並克復夥縣城池勦辦甚屬得手在事出力員弁兵勇著曾國藩擇尤保奏候朕施恩○辛丑諭軍機大臣等前因慶廉賈臻互互相參奏降旨將慶廉撤任以嚴樹森補授河南巡撫並令將慶廉等互參各款秉公查辦本日據慶廉奏賈臻剛愎性成遇事擅改舊章以致上忙錢糧徵解喫緊之際羣相裹足於應解京餉協餉均不能酌度緩急候補知縣張紹英係該員至戚例應回避甄蒙混委署並將該員請補駁前前任宜陽縣知縣河上同知周性例不准充幕友該員先令告病旋請充當錢穀狠很爲奸其由歸德折回兵勇應領口糧指延不發裁撤各勇口糧亦應找發該員意存膜視復藉病推諉不顧大局各等語藩司爲錢糧總匯之區各屬升遷調補亦係藩司專責若如慶廉所奏賈臻於應解各餉不知緩急應行回避之員並不據實聲明且與幕友相與爲奸於兵勇應發口糧有心延指如果屬實殊出情理之外著嚴樹森於行抵河南後將所參各情並該撫前次互參各款一併嚴密訪查據實具奏不准稍有徇隱原摺片均著鈔給閱看將此由五百里諭令知之○諭本日據慶廉奏藩司膜視軍餉等語據稱歸德大營糧餉自毛昶熙接辦以來均經藩司賈臻按月撥發並不欠解分文獨慶廉所帶兵勇口糧司庫捐延不發慶廉業經撤任毛昶熙接辦軍務所有該前撫北援之兵勇及已經裁撤之勇所欠口糧如

果應行支領卽查明參奏並飭令藩司邊浴禮分別發給毋任缺乏致有潰散將此由五百里諭令知之○論揚防事務處處均關緊要據都興阿奏統籌全局大概情形所有水陸一切防剿事宜尙屬周妥著卽挑練兵勇悉成勁旅力保完善之區以期漸復糜爛之地李若珠業經開缺並著該將軍體察情形如果幫辦需人卽於軍營提鎮大員中擇其謀勇兼全威望素著之員酌量保奏候朕簡放將此由六百里諭令知之○允福建陸路提督李若珠解任養親○王寅諭內閣直隸天津府知府石贊清在任年久深得民心此次緩輟地方尙能妥協著加恩支軍機處記名遇有直隸道員缺出請旨簡放○諭戶部奏請將欠解京餉等項之督撫藩司監督分別議處一摺山西等省欠解京餉銀兩直隸等省欠解另案銀兩各該督撫藩司監督等延不報解實屬玩泄山西巡撫英桂布政使常績山東巡撫文煜布政使清盛前任河南巡撫慶廉前任布政使賈臻四川布政使祥奎均著降爲三品頂帶仍交部議處署四川總督崇實山西署布政使瑞昌山東署布政使陳景亮暨江海關監督均著交部分別議處仍著該督撫藩司監督等將未解京餉於接到部文之日起限一月內掃數報解若能迅速報解卽由該部題奏候朕施恩至各該省欠解另案銀兩並著一併趕緊籌解儻敢仍前玩誤卽著該部指名嚴參○僧格林沁奏臣於十一月初六日行抵濟甯因沿途車輻不齊官兵多係徒行不能迅速見擬駐紮濟甯製辦軍火攻具俟後路官兵到齊再行前進臣抵濟甯後查得九月間捻匪竄近州城經知州盧朝安豫於城外備築圍牆一道挑挖濠塹二道引水環繞以資保衛復督帶練勇會營出城迎截隨卽擊退其汶上縣被圍亦經地方官督帶兵團擊回至豫皖捻匪情形詢據南省撤回官兵聲稱逆首張落刑龔瞎子孫葵心等各聚匪黨無數此外大小頭目聚集人數亦復不少每年數次出巢打糧總向無兵處所焚搶追官兵往勦業經飽掠而歸每至一村搶擄財糧米村舍燒燬赤地殺害老弱裹脅少壯其不甘心相從者亦屬無家可歸以此出巢一次卽增添人數無算此捻匪眾多之情形也捻匪巢穴官兵難以進攻該逆並將巢穴四面一二百里外村莊焚燒無存井亦填塞官兵裹糧帶水何能與之久持一經撤退該逆緊躡其後往往因失失利此各路官兵僅能堵禦不能進攻之情形也賊匪每次出巢馬步數十萬列隊百餘里兵少賊多眾寡懸殊是以任其猖獗無可如何前此粵捻各樹旗幟並未合夥近年彼此相通聯爲一氣官兵在北粵匪在南捻匪居中以爲粵匪屏蔽若厚集兵力分投進剿擒匪一經受創粵匪自必蠢動非竭力相助卽另圖北犯以分我之兵勢此剿辦擒匪不易之情形也查臣原帶馬步官兵六千餘名續由勝保調撥陝甘官兵四千名山東巡撫調撥綠營官兵二千名青州旗營官兵五百名覈計馬步官兵共一萬二千餘名擬俟各路官兵到齊軍火攻具辦妥卽行督兵南下會合傳振邦德榜額二軍相機進剿儻能得手卽當直搗老巢蕩平醜類相前於獻縣途次遇由南撤回傷病吉林官兵二百二十餘員名逐一查驗病愈尙堪從征者八十員名仍令委營總富和管帶隨同前進此項官兵並無馬匹器械應由軍營撥給其傷病未愈者仍令撤回又行至阜城縣據直隸昌平營遊擊玉祥稟稱該員帶領直隸官兵一千二百餘名由傅振邦飭令帶赴勝保軍營查此項官兵自可無須北上臣已飭令該官兵仍卽折回傅振邦軍營

聽傳謂瑞麟已於十一月初三日督帶後路官兵自河開起程南下得旨見在擒匪意圖北犯實在意中備汝軍深入擒巢漸次掃除亦非一載即可成功若曠日持久致該逆偵知我無後勁繞路北竄彼時汝軍反爲賊所隔欲回無路可繞即使能繞出賊前亦恐將爲強弩之末豈不有闕天下全局見在反復熟思汝仍應遵前旨坐鎮山東以杜其窺伺之心斷難輕於一試致誤全局○以辦理各國和約出力賞武備院卿恆祺頭品頂帶候補京堂崇厚侍郎銜復侍郎崇綸職並下部議敘○予山東陣亡知縣何允安祭葬世職○命山東巡撫文煜迅解銀十萬兩直隸布政使文謙迅解銀十七萬兩赴欽差大臣僧格林沁軍營○癸卯瑞昌王有齡奏十月十五日逆匪由秦亭山古湯觀音橋三路進撲傑純吳再升等分投迎擊槍礮環施鏖戰六時之久該逆愈聚愈多署藩司麟趾親帶小隊往來策應殲賊甚多_臣等復飭文瑞由賣樹塔鈔襲將賊隊衝爲兩截又令水軍繞至秦亭山後縱火該逆仍死拒不退傑純揮戈陷陣立斬黃衣賊目二名賊勢稍卻吳再升等身先士卒縱馬衝入賊隊左右馳突賊勢披靡屍骸滿地文瑞居中截殺斃賊無算該逆首尾不能相顧倉皇奔竄官軍追至雷下地方賊眾棄營遠遁_臣等恐該逆退踞餘杭終爲心腹之患飭吳再升等乘勝攻勦旋據奏報十六日官軍直衝餘杭該逆不敢抵禦由西北二門逃竄我軍跟蹤追擊沿途斬殺及中槍斃死者不計其數當將縣城收復查此次大股圍撲省垣危險萬分幸蒙 聖主威福文武和衷將士用命血戰三晝夜竟能以少克眾城圍立解又乘勝逐北收復餘杭縣城初非意料所及除饒廷選係提督大員不敢擅擬獎敘外所有尤爲出力之署杭州副都統傑純等自應奏懇恩施以昭激勸其餘出力文武員弁容查明擇尤請獎 上諭內閣此次逆賊大股圍撲杭州兇熾甚熾經瑞昌等調兵勦辦以少勝眾力解城圍並克復餘杭縣城實屬調度有方杭州將軍瑞昌著加恩賞給一等輕車都尉世職浙江巡撫王有齡著加恩賞給頭品頂帶浙江提督饒廷選著交部從優議敘在事尤爲出力之署杭州副都統甯夏副都統傑純著賞給額騰依巴圖魯名號杭嘉湖道麟趾著賞給續勇巴圖魯名號其餘出力文武員弁著瑞昌王有齡查明保奏○諭瑞昌王有齡奏官軍攻復嚴州府城一摺賊匪竄踞浙江嚴州糾約死黨意圖鈔襲我軍後路經張玉良督率將士連戰三晝夜並派參將韓廷貴等分攻各門守備陳永椿等復帶礮船對岸轟擊李定太奮勇先登官兵踴躍而上施放噴筒火箭該逆驚惶逃竄我軍乘勝追剿斃賊千餘名斬首百餘級奪獲旗幟器械無算於十月初八日將嚴州府城克復勦辦尙屬認真在事出力之文武員弁兵勇准其擇尤保奏候朕恩施○以克復浙江壽昌縣城擢知府程兆綸以道員用賞花翎○以克復浙江嚴州府城復已革提督張玉良頂帶賞已革總兵官李定太三品頂帶餘升敘有差○賞古北口外防兵皮襖○丁未諭內閣惇親王奕誥之第八子著命名載瀨○諭本年直隸天津縣被擾地方業經降旨將節年地糧旗租分別蠲豁因思順天府之大興宛平通州武清等州縣亦有被擾地方小民蕩析離居朕心實深憫惻著順天府尹直隸總督飭屬確查分別被擾輕重奏請蠲緩糧租以紓民困○予江西陣亡教諭邵廷選等祭葬世職○戊申諭軍機大臣等前因俄國續約內載東西兩邊設立界牌應由兩國派出信任大員秉公查勘東界在烏蘇里

河口會齊於咸豐十一年三月內辦理西界在塔爾巴哈台會齊商辦不必限定日期等情東界會勘已明降諭旨令倉場侍郎成琦前往會同吉林將軍景瀆辦理所有西界會勘大員著景廉於就近各城大臣中擇其熟悉情形通達事體者酌擬數員開列清單候旨簡派即由伊犁發給地圖前往塔爾巴哈台會同俄國使臣公同查勘將此諭令知之○命倉場侍郎成琦馳往吉林會同將軍景瀆查勘俄國分界事宜○追予河南陣亡知府王榮烈等建祠○己酉諭內閣瑞昌王有齡奏賊撲湖州府城兵團堵剿獲勝一摺十月間賊匪撲犯湖州府城道員趙景賢派團勇會合知府瑞春等登城守禦都司吳業祥等水師及千總李楚材所帶陸路各軍將金蓋山等處賊匪擊敗該逆復糾約平望大股七八萬人竄至郭西灣等處趙景賢派水路各勇會集民團分投堵剿以守爲戰復於黑夜暗襲康山等處賊營破賊卡十餘座東路平望之賊撲擾大廟港等處復經各營勇丁及民團前往救援賊盡敗回此次該道以寡敵眾屢挫兇鋒實屬調度有方趙景賢著加恩交軍機處記名遇有遺員缺出請旨簡放以示鼓勵並仍飭該道聯絡民團實力進剿務期淨絕根株毋畱餘孽○諭瑞昌王有齡奏帶兵武員通賊等語廣東南雄協都司劉仁福遊擊劉仁祿以武職大員膽敢勾通逆賊謀踞湖州實屬罪大惡極見經該處兵勇擊殺洵足快人心而彰國法所有在事出力官紳著瑞昌王有齡查明擇尤保奏○諭軍機大臣等瑞昌等奏探聞江西股匪由河口鎮分竄興安鉛山又徽甯賊匪下竄將近威坪等語浙省杭嚴兩郡甫得肅清湖州正在喫緊江皖兩省股匪復行窺伺實屬面面受敵兵力難於兼顧總兵官玉明一軍見駐衢州所有江常一路即責成督兵迎剿力遏兇鋒其由閩調浙兵勇二千餘名見尙未到著慶瑞瑞璣催令星夜前進毋稍遲延此項官兵到衢後統歸曾玉明管帶以厚兵力徽甯之賊竄近威坪並飭令該總兵與張玉良之軍互相聯絡嚴密堵剿毋任賊匪闖入是爲至要將此由六百里諭令知之○庚戌諭內閣前據吏部奏請舉行京察當經諭令各部院衙門本年京察有劾無薦嚴實辦理詞據吏部奏請仍飭在京各衙門秉公保舉不必拘符定額復諭令此次列薦章者不得逾額之半並將京師戒嚴期內在署辦事並曾否遷移各員分別開單具奏惟思京察爲三載考績大典各部院堂官考覈司員必察其平素勤惰始能分別舉劾若其人向來辦事認真而數日未能到署遽行甄劾似覺可惜或本非出色之員僅於戒嚴期內照常到署遂登薦牘亦不足以昭平允所有在京大小官員應行辛酉年京察著展緩一年照例辦理其 陵慶衙門及盛京等處仍著照舊舉行並著各該堂官留心查覈如有貽誤公事之員隨時參劾毋許瞻徇以副朕激敘官方至意○諭軍機大臣等瑞麟奏勒匪情形並懇恩賞假調理一摺據稱本月十二日行抵濟甯探得魚臺一帶有大股搶匪遂與信格林沁由嘉祥鉅野統兵進剿十五日於楊山集地方檢斬擒匪數十名其時信格林沁已往東攻剿訪知大隊被賊匪壓下即同格綉額等帶隊迎擊因賊來愈多退至濟甯並墜馬受傷請假調理等語信格林沁由楊山集進剿擒匪僅據瑞麟奏被匪壓下究竟如何失利見在駐兵何處及一切布置情形著信格林沁詳細馳奏以慰廬念檢匪大股竄擾該大臣專帶馬隊二千迎剿以致輕進失利恐賊勢益張乘虛北竄該大臣等務當督率將士繞出賊前迎頭截擊毋

令分軍備該逆被擊回巢大臣仍當遵照前旨
在濟甯兗州一帶擇要駐紮先將北路安爲布置再行相機前進趙康侯練勇及
陝甘官兵據瑞麟奏稱業已調往接應本日並據文煜奏稱總兵富新一軍已合前往魚臺均著
僧格林沁催提前進此外如有可調兵勇並著該大臣酌量調撥以厚兵力瑞麟著賞假數日
在營調理一俟稍愈即與僧格林沁將防剿事宜會商妥辦將此由六百里諭令知之○
諭文煜奏逆捻意圖回竄總兵富新一軍見已調往魚臺毋庸專駐曲阜等語
捻逆回竄東境僧格林沁進剿失利匪勢極爲猖獗所有富新一軍業經文煜調往魚臺著即催令星馳前進探明匪蹤實力迎擊
此外如有可調兵勇並著該撫酌量調派分投堵剿毋令匪得以深入其曲阜地方仍著督飭地方文武嚴擊土匪以重
林廟將此由六百里諭令知之○辛亥諭內開此次辦理巡防除文祥崇綸業經加恩外
瑞常慶英麟魁均著加恩交部議敘寶登當喚緊之際尚在任事著加恩賞還二品頂帶
見在京師人心安靖著即撤巡防處仍歸步軍統領認真辦理○僧格林沁西凌阿奏據淮徐道稟報
捻匪五旗並出人數甚眾距郡城數十里意圖窺伺等情瑞麟已於十一月十二日馳赴濟甯
等正擬督兵前往徐州復據魚臺等縣飛報捻匪竄入境內請兵救援
等即酌帶馬步兵由嘉祥馳抵鉅野探聞賊匪在鉅野東南六十餘里之羊山盤踞旋向西南奔竄
等於本月十五日帶馬隊前往跟追行至距羊山十餘里之金山地方該逆結隊而出約計馬賊萬餘人
步賊三萬餘人分路抗拒○僧格林沁西凌阿率同國瑞帶馬隊五百餘名抵敵東南瑞麟格額額帶馬隊五百餘名
抵敵西南槍箭齊施斃賊無數該逆愈集愈眾圍裹數重相持兩時眾寡不敵
等帶領官兵衝出重圍適瑞禧已帶步隊馳抵距金山二十里之獨山地方
等亦帶領馬隊退至獨山紮營十六日該逆全數來撲環繞馬步各營我兵開礮轟擊殪賊多名
該逆紛紛向西南竄逸
等因馬隊兵力過單不能跟蹤追剿查此次斃賊雖多而官兵陣亡亦復不少頭品頂戴副都統格額額並伊子即補防製忠倫侍衛德成同時陣亡三等侍衛
選昌在賊圍中戰馬蹉跌致無下落該員等忠義奮發臨陣捐軀而格額額父子陣亡尤堪憫惻均懇
天恩交部從優議卹其餘傷亡官兵容俟查明再行分別辦理瑞麟督隊乘馬滑倒致將腰骨跌傷見在汶上縣趕緊醫治
僧格林沁於十七日回駐濟甯以扼運河北岸並行知河南巡撫札飭大名鎮道於黃河北岸加意嚴防
惟
等所帶馬隊實屬不敷攻剿擬將駐紮古北口之黑龍江官兵一千名前調之哲里木盟官兵五百名及請旨飭催之昭烏達盟官兵八百名一併催調來東助剿
僧格林沁一面行文察哈爾都統在商都馬羣內挑馬一千匹分五起解送來營以資乘騎並行文巡捕營調取都司一員守備一員千總把總各四員
星夜來營聽候差委
上諭軍機大臣等捻逆竄擾東境雖經官兵轟斃多名而我軍亦有傷亡尙恐該匪恃眾回竄僧格林沁見駐濟甯兵力尙單未可輕率前進致有挫失著就見有兵力會合東省兵勇將北路各要隘嚴密布置毋任匪蹤闖入一俟兵力厚集再行相機前進將此由六百里諭令知之○
袁甲三奏自捻匪竄發以來近更延蔓疊潰東省之防漸有北窺之志此歸彼出竄突幾無虛日今
皇上時簡僧格林沁督兵南下將見提綱挈領次第廓清是軍務一大轉機
謹就見在兵力賊情通籌全

局爲我 皇上憑陳之淮南州縣多被粵逆竄踞所以未獲與捻逆合夥北竄者長淮爲之限也臣前於風壽解圍後與臣翁同書計議扼定長淮以守爲戰上自三河尖下至高寶湖分設水軍往來策應而捻首孫葵心前由汝甯竄擾光固旋由固始南趨與盧定賊匪會合欲解安慶桐城之圍幸楚師有備未獲逞其狡獪見該逆首膺聚六虛之間其句結北竄事在意中長淮千餘里要隘甚多防範均應嚴密若銳意南征即規復一二城池而無重兵以守之仍恐旋得旋失且捻蹤在後萬不能無回顧之憂此淮南守急於戰之實在情形也徐宿一軍本不滿萬近因餉需支絀裁汰甚多苗練撤退亦復不能相顧防剿均難著手傳振邦憂慮成疾能否及時全愈尙未可知幫辦之總兵田在田威望尙輕閱歷亦淺難以獨當一面山東河南之兵止能扼守本疆不能越境會剿且從前捻匪專以野戰爲能近則築圩屯踞賊壘林立官軍以全力圍攻累月經旬未能破其一寨卽此破彼築亦屬徒煩兵力况與東豫境地毗連路路可通見在北竄逆賊雖暫時回巢而附巢無可擄掠必致旋歸旋出東豫兩境皆成熟路加以畿輔以南到處伏莽萬一有閩風繼起者人心騷動大爲可虞至苗沛霖勇練本屬夏莠不齊前次所撫河北各圩近日多懷觀望尤不可不加意防維此淮北戰守並急而又兩難措手之實在情形也爲今之計惟有先清北路然後併力南征尤須聯絡聲威撫綏團練合東豫徐宿諸軍統歸僧格林沁節制臣一面扼守長淮一面分撥兵勇先與僧格林沁之軍會合夾攻備能得三五次勝仗賊餒漸衰人心自定卽可相機收撫以次蕩平東豫江皖之間民氣得資休息然後鼓行而南粵逆不難殲除矣惟僧格林沁見抵何處尙未接奉明文業經切實函商東豫兩省如何布置統容隨時妥籌相機辦理 上諭袁甲三奏稱先清北路然後併力南征並將東豫徐宿諸軍統歸僧格林沁節制調度均能切中時勢惟僧格林沁所部兵勇不及萬人兵力既未厚集器械尙待修整此時止可暫駐濟甯力杜北竄俟各路官軍到齊後方可節節前進先將捻匪悉數掃除然後會合各軍併力南下以期一鼓蕩平該大臣務宜力保清淮扼守中路關鍵仍與僧格林沁等隨時商統籌全局是爲至要將此由六百里諭令知之○賞已革副都統伊興額三品頂帶辦理徐宿民團事宜○以提督李世忠捐餉加河南鄉試中額三名並永廣光州固始學額各四名○予山東陣亡副都統格額額等祭葬世職○調駐紮古北口之黑龍江西安馬隊各五百名並哲里木盟官兵五百名昭烏達盟官兵八百名馳赴山東交欽差大臣僧格林沁調遣○調見駐熱河之盛京官兵五百名赴古北口交直隸總督恆福調遣○王子諭軍機大臣等勝保奏請訓練京兵以備緩急一摺京營兵丁向例按期操演多屬奉行故事該大臣請將內外火器營健銳營及圓明園八旗官兵專派知兵大員加以訓練以期悉成勁旅自係當務之急惟是否變通舊章抑須另籌經費均應悉心妥議若徒飾外觀虛糜糧餉轉恐有名無實著勝保將練兵章程先行詳細妥議迅速具奏再降諭旨至將來訓練時各營關支錢糧及升補額缺等事自應仍由各該管大臣辦理將此由五百里諭令知之○陝甘總督樂斌等奏遵籌西巡事宜得旨西巡之舉不過姑存其說建極取外究不若燕京豫籌各項不必行軍圖雷中又奏會商調兵由撫臣帶赴漢中布置批漢中設防專爲豫杜蜀匪蔓延若川軍得手陝防稍鬆

仍應酌量補伍以息兵力○給事中林之望奏請飭步軍統領瑞常會同辦理保嚴鞏土疆旨准保帶兵原有彈壓土匪之責况半係外兵斷難與京營兵共事所請毋庸議○癸丑諭軍機大臣等前因江陰縣城克復諭令巴棟阿由鎮防撥兵一千五百名李若珠由江北大營撥兵一千五百名派赴江陰會同防守本日據都興阿奏天長之賊時謀東竄三河蔣瑞衡陽仍形喫重徐宿擒匪出巢屯踞夾溝楊村地方欲竄濟淮儀徵之賊亦未遠劉成元一軍萬難調往且探聞江陰又有賊蹤揚州腹背受敵處處均須堵禦更無兵勇可抽鎮江派赴江陰常昭等處官兵行至仙女鎮無舟南下迄今尚未啟程等語江陰甫遭蹂躪見既又有賊蹤亟須厚集兵力以資防守劉成元一軍既不能調往著巴棟阿馮子材將派赴江陰之官兵一千五百名催令迅速到防其派往常昭官兵並著一併嚴催前進毋再遲延嗣後如有續調官兵即飭徑由南路江面就近雇舟前往勿再繞道江北以速軍行將此由六百里諭令知之○命陝西在籍五品東堂聶漢等分辦本籍團練事宜○甲寅宦文胡林翼奏逆首陳玉城糾集定遠六安股匪各率悍黨號稱十數萬自舒城廬江上竄十月初旬竄至桐城縣屬西南之挂車河望鶴墩香鋪街棠梨山等處築壘四十餘座圖解安慶之圍副都統多隆阿列營於挂車河西嚴陣以待十四日逆賊傾巢出隊列於河東以誘我師多隆阿令各營列陣觀其動靜該逆分數千人踰河來撲麥蔣趙既發等併力迎擊屢戰數時賊力不支紛紛敗退共殺賊三百餘人賊鋒少挫二十三日陳逆復於望鶴墩增築營壘多隆阿派親兵由中路進派左右隊分路出擊該逆分路抗拒我軍奮勇直前賊亦愈戰愈眾多隆阿復調溫德勒克西等飛騎撲擊自率吉林官軍從中衝出槍箭齊施該逆奔潰入壘共殺賊千餘人二十八日多隆阿與李續宜約以一軍從挂車河一軍從新安渡上下夾攻分爲七路部署既定李續宜督軍前進賊眾傾巢而出併力死拒官軍大呼陷陣外委王品祥劉楚泰等首先衝入登時陣亡遊擊朱吉玉繼進礮傷左手將士等積憤生勇銳不可當盡破棠梨山等處賊壘逼近香鋪街適多隆阿馬步各軍由望鶴墩之右抵香鋪街與賊接仗橫衝直擊殺賊殆盡遂與李續宜會合裹賊於中正酣戰聞雷正綰率左路七營至廖岡溫德勒克西所部馬隊至范岡均由後路鈔出諸路並進槍箭齊施呼聲動天地圍殺三時之久賊屍枕藉流血成渠其逃出之賊分路奔竄追殺二十餘里是役也共殺賊八九千名溺水死者又二三千名生擒長髮老賊一千三百餘名解散脅從一萬三四千名攻破賊館百餘處踏毀賊壘四十餘座是夜賊即全數東竄逃走多隆阿親督馬步躡尾追殺賊又四百餘名與李續宜督率所部直至桐城該逆踞城不出官軍收隊回營見據探報陳逆等皆逃竄廬江從此懷桐城內之賊援絕勢孤不久即當殲滅等查陳逆四眼狗以逆眷困於安都圖解重圍輒糾合股匪十餘萬眾築壘四十餘座併力上犯勢極兇狡仰仗 聖主威德將士齊心用命以少克眾實於東征全局所關甚大多隆阿李續宜和衷共濟聯數萬士卒爲一心謀定後動出奇制勝旬日之內殲除大股援逆厥功甚偉應如何獎勵之處出自 天恩其餘在事出力人員可否由 臣等查明擇尤保獎出自逾格 鴻慈上諭內閣宦文胡林翼奏楚軍大勝一摺逆首陳玉城勾結捻首龔瞎子孫菱心各率悍黨上竄桐城縣之挂車河等處經副都統

多隆阿安徽按察使李續宜兩路夾攻出奇制勝實屬調度有方多隆阿著賞黃馬褂李續宜著賞加二品頂帶其餘在事出力人員准其擇尤保奏候朕施恩○諭邵燦等奏兵團屢次獲勝一摺逆匪攻破富陽後分股下竄圖犯甯紹約經防勇民團協力擊退復在富陽一帶江面偷搭浮橋窺伺諸暨兵勇出其不意立將浮橋燒毀擊沈賊船無數上江一帶見已肅清甯紹兩府如常安堵浙省團練防勤尚屬認真並能收復壽昌富陽等縣所有在事出力紳民著王有齡會同王履謙查明保奏○諭軍機大臣等前據恭親王奕訢等奏接見俄酋面稱髮逆橫行願撥兵助剿及明年南漕運京或有阻礙上海米商粵商情願領運臺米洋米運津二事當諭旨國藩辭煥袁甲三等公同悉心妥議具奏嗣據袁甲三辭煥先後覆奏所陳均各有所見本日曾國藩奏稱金陵髮逆之橫行皖吳官軍之單薄均在陸而不在水此時陸軍不能遽達金陵卽令俄船由海口進駛亦未能收夾擊之效應請傳諭獎其效順之忱緩其會師之期俟陸軍克復皖浙蘇常各郡後再由統兵大臣約會派船助剿庶在我足以自立在彼亦樂與有成惟當先與約定兵船經費若干一一說明將來助剿時均由上海糧臺支應以免爭鬪與辭煥所奏大同小異惟所需兵費是否先期約定著恭親王奕訢悉心體察酌議具奏其請幫運南漕一節據曾國藩請飭辭煥在上海與之訂明粵商取保領價米商聽其自行經理惟據辭煥所奏桂良等前在上海議定米穀等糧均不准運外國但准夷商從此口運至彼口仍完出口稅銀似可令其照辦運津官爲收買等語並著奕訢等詳細妥籌統候議定章程再與該國會商辦理曾國藩袁甲三及辭煥摺片均著鈔給閱看○賞五城散放貧民棉衣銀○曾國藩奏近日軍情僞忠王李秀城自羊棧嶺擊敗後已入休甯縣城僞侍王李侍賢仍踞徽州僞輔王楊七麻子率黨攻撲建德連日鏖戰普承堯一軍敗挫建德失陷其另股賊匪自南贛竄出者擾陷德興婺源經官軍跟蹤追剿於十一月初一日克復德興初三日克復婺源賊中僞王四人除僞英王四眼狗見在桐城日夜大戰外其三人皆在徽境二百里內實覺防不勝防剿不勝剿仰仗 皇上威福若皖南能再支持兩三月則皖北安慶有必克之理大局有必轉之機矣報聞○乙卯諭軍機大臣等文煜奏東省見辦錢漕情形一摺據稱平原東鄉刁民集眾擄械偏城放槍以籌團費爲名抗納漕米莘縣各里莊民傳單糾結盟梟攜帶槍礮來城該縣帶役出城曉諭竟敢放槍抗拒以致互有殺傷館陶冠縣堂邑等縣亦分送傳單聚眾抗欠錢漕博興淄川平度等處俱有抗糧之案見在東省止登州未據報有抗糧情弊其餘九府二直隸州錢漕多半延抗等語各州縣中充當大小團長團總者人數既多賢愚不一難保無藉團生事抗拒錢糧之人若不及早辦理深恐釀成巨患著杜翻劉切曉諭各該處團長等毋得抗欠國課自干罪戾儻有刁民以籌團費爲名抗納錢漕甚至擁眾圍城恃強滋事者卽著該大臣督率練勇會同地方官將爲首各犯速行捕拏卽行正法不准稍有姑息以儆梗頑而戒效尤文煜摺鈔給閱看將此由六百里諭令知之○諭文煜奏揆逆復擾鉅野縣城被圍飛報欽差大臣發兵援剿等語該撫於所屬縣城被賊圍攻並未將如何籌畫情形詳細聲敘豈以宿格林沁帶兵見在東省文煜遂可卽責若宿格林沁流寓南下該省軍務又將誰誰耶著文煜將見在如何派兵接剿一切

布置情形迅速妥籌辦理得以一奏了事另摺奏平原等縣等州縣藉團抗糧業經諭令杜翻職論各屬團總備長人等確屬解
散如有實在抗拒不遵者即將首犯嚴拏懲辦鄉民藉團抗糧固屬事所必有地方官浮收勒折因而激成事端亦不能保其必無
該撫身任封疆徵收漕糧係屬地方應辦事件亦豈能盡委之督辦團練大臣仍著文煜嚴飭各該州縣妥為辦理儻有不肖之員
任意加耗以致人心不服即著查明嚴參文煜自請議處並請將藩司謙虛文煜清盛於各餉不能如期應付著交部分別議處將
此由六百里諭令知之○丙辰諭內閣朕聞江蘇省本年被賊蹂躪最為慘酷百姓流離顛沛戶口散亡賊復設立偽官追索錢米
並多方誘脅稍有不遂陵虐橫施朕心實深憫惻屢飭統兵大臣等督率兵練奮力勦辦諒不難指日蕩平惟念陷賊州縣小民如
在倒懸將來地方克復若將新舊錢糧照常徵收民力其何能給所有江蘇浙江安徽所屬被賊占踞各州縣應徵本年新賦及歷
年實欠在民錢糧著一律豁免以蘇民困其被賊竄擾未經占踞地方並著各該督撫查明應徵應緩分別具奏至各處被賊裹脅
買民屢經降旨准其自拔來歸見在江浙皖省賊陷州縣被脅人數更多著申明曉諭予以自新並著各路統兵大臣嚴飭所部員
弁兵勇凡被脅買民毋許妄行殺戮該督撫卽刊刻謄黃於被賊踞擾地方徧行曉諭用示朕軫念民依脅從罔治之至意○實授
胡林翼湖北巡撫○命署江蘇布政使吳煦幫辦團練事宜○丁巳諭軍機大臣等色克通額等奏俄國使臣至庫倫議及建房牧
畜應按新約辦理一摺據稱由京回國俄羅斯使臣伊格那提業幅至庫倫會晤問及建蓋房間牧放牲畜處所經該大臣以公署
西北左近不便與之雜處且與哲布尊丹巴呼圖克圖住館相偕亦屬非宜當經捐出公署東五六里許之杜木達鄂博地方可以
建立房間公署東十五里許之烏里雅台河口可以牧放牲畜該使臣已派官看定伊格那提業幅卽行回國惟據聲稱將來俄國
隨從人等均攜帶眷屬收存貨物必須多建房屋經色克通額商及建房三十餘間庶足敷用該使臣稱係領事官承辦等語俄國
在庫倫設領事官自行建房續增條約內業經載明惟人數過多於地方不甚相宜著恭親王奕訢等行文俄羅斯國總理通商大
臣務令遵照條約辦理方為妥善原摺著鈔給閱看○戊午以桑春榮為內閣學士候補內閣學士○己未賞移禁古北口盛京官兵五百
名皮衣○是月豁免江蘇浙江安徽被賊占踞各州縣新舊額賦免直隸天津縣被擾村莊新舊額賦蠲緩直隸祁州等三十六州
縣被水村莊山東濟甯等七十三州縣被水被擾莊屯暨永利場墮地租湖南武岡等五州縣被擾地方新舊額賦緩徵山西徐溝
縣被旱地方本年額賦暨榆次汾陽二縣原借倉穀

十二月庚申朔以晏端書為左副都御史由大理寺大理○辛酉僧格林沁奏查十一月十五日在羊山地方與賊接仗臣在東面督帶馬

隊迎剿瑞麟在西面督帶馬隊迎剿是日該逆大股來撲賊眾兵單本屬難以得手而賊匪愈聚愈多不能不奮路而行瑞麟退至

數里之外忽然落馬惟落馬後退至鉅野縣原可駐紮接應各隊乃瑞麟不在鉅野紮營復越過嘉祥濟甯退至汶上距賊二百餘

里以致後路官兵渙散實屬怯懦無能相應請旨將侍郎銜瑞麟革去職銜飭令回旗以示懲戒查西凌阿帶兵多年膽識尚屬優

長國瑞隨臣在營一年有餘經臣委爲營務翼長辦理軍務亦能認真合無仰懇天恩飭派西凌阿國瑞作爲臣營幫辦藉資臂助上諭內閣侍郎銜瑞麟督帶馬隊於羊山接仗落馬後節節還守實屬怯懦無能瑞麟著革去侍郎銜飭令回旗鑲藍旗蒙古都統西凌阿工部右侍郎國瑞均著幫辦僧格林沁軍務○僧格林沁奏擒匪自擊退後向西南竄至張古集地方臣因運河隄岸並無官兵防守卽飭副將文瑛等分紮運河隄岸仍傳諭各處鄉團嚴加防守探得該逆在鄆城縣一帶盤踞游奕往來奔竄自十一月二十日由趙王河隄岸南竄隨處搶糧至二十四日起竄至曹州府迤東二十里之新集地方似恐官兵從後兜擊不敢遽行回竄臣恐該逆時患北竄官兵轉致落後勦辦更難著手擬將東臬布置穩固再圖進剿查東省南界舊黃河見在雖已改道而舊有隄岸尙存本年春間沿河之山東各州縣修築長圍一道橫互三百餘里其金鄉魚臺二縣自黃河隄岸至南洋湖邊接連修築九十餘里尙未竣工此項長圍爲山東全省屏障立法極爲妥善若工程堅固有人防守擒匪斷不能竄擾臣已札飭兗沂曹濟道王觀澄率同各該州縣傳集團總安議防守章程並派員前往周歷履勘務期一律堅實以資捍衛一俟辦理就緒臣卽移營前往擇要駐紮鄉團果能分段防守官兵隨處策應踴躍卽不能闖入東境既無後顧之憂再移營徐宿一帶節節進剿上諭軍機大臣等僧格林沁兵力尙單不敷進剿更恐該逆被勦情急北竄官兵轉落賊後勦辦更難得手歸化城官兵五百名卽由該大臣咨調一俟各路官兵到齊先將東省布置穩固再行相機進剿不可遽行深入文煜前奏鉅野被圍見在情形若何該撫諒已派兵勦辦著該大臣隨時策應沿河各州縣修築長圍橫互三百餘里金鄉魚臺尙未竣工黃河隄岸雖可爲東省屏障必須防守得人擒匪始不能闖入著該大臣飭令各地方趕緊修築堅固鼓舞民團分段防守並令官兵互相聯絡以杜北犯將此由五百里諭令知之○予陣亡副將呂得科等湖南殉難知縣安和等祭葬世職○以疏防淀圍被擾怡親王載垣等下部議處革職大臣恩齡任仍舊俟齊免治罪○癸亥諭軍機大臣等本日據巴棟阿奏酌調師船嚴防江面並英船入江通商必由下游而上見在下游各口防堵喫緊該處原泊師船雖多並無大員駕馭請飭黃彬帶船下駛居中調度不獨使英國官商見我水寨軍容之盛卽南岸各處港口亦可杜賊北竄至金陵觀音門浦口九洑洲等處賊船較前更多鎮城孤懸南岸全仗江面通行萬一該匪併力下駛鎮郡恐難支持請飭李德麟帶領全幫礮船赴鎮巡防等語松江逆賊鴟張江陰復陷下游防堵喫緊著卽飭黃彬統帶師船下駛居中調度往來梭巡嚴密防守如見英船入江卽派安幹弁兵撥船護送至李德麟全幫礮船調赴鎮江能否兼顧北岸著都興阿酌度形勢妥籌辦理務令上下游聲勢聯絡兼顧南北兩岸毋得顧此失彼又據王夢齡奏鎮營軍餉尙歸南臺供支見在北臺來源日絀用款日增若再將通州等五廳州縣改指歸鎮營籌辦北臺餉需愈形竭蹶請將海門靖江改指撥歸鎮防並仍歸南臺勸辦等語巴棟阿前請分撥通海等五廳州縣改指之處業經降旨允准惟江南糧臺尙有專撥月解之款江北糧臺支絀更甚通海各處款捐自未便悉歸江南糧臺所有海門一廳及原隸常州之靖江一縣著改歸江南糧臺督同地方官籌辦具通州如皋泰興款捐

著仍歸王夢齡與喬松年辦理以資接濟將此由六百里各諭令知之○署漕運總督王夢齡奏邵伯鎮池南漫口合龍報聞○甲子諭內閣京師應放入旗及各營兵餉前經戶部奏定新章按月支放實銀五成見在天氣嚴寒兵丁生計維艱所有本年十二月內應行豫放明年正月分兵餉著加恩添放實銀二成以示體恤自二月以後仍照新章辦理○乙丑諭軍機大臣等薛煥奏請飭奕訢等發給英人李泰國札諭令其幫辦各口通商事務等語新定通商稅則既有外國人幫辦稅務一條該英人李泰國係總司稅務所有新設通商各口自可令其一體經理著奕訢等即行發給執照交李泰國收執責令幫同各口管理通商官員籌辦並著恭親王等咨行通商各省將軍督撫府尹等一體查照其置買巡船等件及辛工經費亦著一併咨飭各口與李泰國會議妥辦毋任冒濫原片鈔給閱看將此由五百里諭令知之○江蘇巡撫薛煥奏各國開辦新章上海稅釐兩礙情形得旨見在各省督撫軍食攸賴應如何嚴定稽覈章程著戶部議奏○以攻克江蘇松江府城實知府孫士達遊擊俞圭等花翎餘加銜升敘有差○丙寅諭內閣徐之銘奏見飭回務掌教辦理撫回事宜等語雲南回務掌教馬德新副掌教徐元吉武生馬如龍辦事公正素為回人所服既據稟請情願安撫回眾實屬深明大義著即飭令馬德新等妥為辦理○僧格林沁奏擒匪擊退後在鄂城一帶游奕十一月二十七日由曹州過河向虞城縣一帶回巢亟須趕緊籌防毋使該逆再入東省當飭黃河隄岸各州縣修築長圍加高培厚務使一律堅固查鄂城等縣團勇節次與捻匪接仗頗稱勇敢若以團勇防守長圍輔以兵力可期聯絡無事之時派合出濠哨探一有警報全數在長圍防守以資抵禦惟人數既多所費甚鉅此項經費擬於本省按畝捐資此外辦理釐捐及官紳樂輸均作為本省防堵經費已札飭運河道敬和等查照成案先自濟甯州試辦酌捐應請飭下撫臣文煜迅即派委委員分投勸辦以期迅速咸事上諭軍機大臣等山東為北路藩籬果能憑河築壘以民團分段防守輔以兵力可期穩固著僧格林沁等即按照所奏妥為辦理並著文煜迅即派委委員分投勸辦以期兵民互相保護經費有資俾捻氛不得再行闖入是為至要將此由五百里各諭令知之○命告病雲貴總督張亮基西辦雲南軍務俟新授總督劉源灝到任再行交卸○己巳諭內閣惠親王等奏會議恭親王奕訢等奏辦理通商善後章程一摺據稱恭親王奕訢等籌議各條均係實在情形請照原議辦理等語京師設立總理各國通商事務衙門著即派恭親王奕訢大學士桂良戶部左侍郎文祥管理並著禮部頒給欽命總理各國通商事務關防應設司員即於內閣部院軍機處各司員章京內滿漢各挑取八員即作為定額毋庸再兼軍機處行走輪班辦事侍郎銜候補京堂崇厚著作為辦理三口通商大臣駐紮天津管理牛莊天津登州三口通商事務會同各該將軍督撫府尹辦理並頒給辦理三口通商大臣關防毋庸加欽差字樣其廣州福州廈門甯波上海及內江三口潮州瓊州臺灣淡水各口通商事務著署理欽差大臣江蘇巡撫薛煥辦理新立口岸除牛莊一口仍歸山海關監督經管外其餘登州各口著各該督撫會同崇厚薛煥派員管理所有各國照會及一切通商事宜隨時奏報並將原照會一併呈覽一摺咨行禮部轉咨總理各國通商事務衙門並著各該將軍督撫互相知照遇有交

卸專案移交後任其吉林黑龍江中外邊界事件並著該將軍等據實奏報一面知照禮部轉咨總理衙門不准稍有隱飾 諭軍機大臣等恭親王奕訢等奏請由廣東上海各派識解外國言語文字一人來京差委及各海口內外商情各國新聞紙應由各該大臣暨各該將軍督撫府尹按月奏報並知照禮部轉咨總理衙門即由該大臣飭知禮部由該部咨行可也並准於八旗中挑人學習外國言語文字知照俄羅斯館妥議章程認真督課如能熟習各國文字即奏請獎勵至各口洋稅見有扣款議定按稅扣歸二成立有會單又有夷人幫同司理稅務每月徵收若干自宜徹底澈清不至侵蝕中飽第將來扣款既清之後應如何妥議章程俾無日久弊生著恭親王奕訢等再行悉心妥議以免弊混其餘未盡事宜並著隨時詳議具奏○諭綿性奏變通私徵轉爲公用一摺據稱近日各城回戶除正賦外每年各該阿奇木伯克向回戶多收普爾錢每戶不下兩三串之數果能查明回戶將每年所納私賦之中減免一半其餘一半俾充經費回戶憔悴可蘇經費亦有裨益所有內地應解之款即可用資京餉並請由阿克蘇先行試辦俟有成效後再請飭回疆各城酌辦等語回疆各城伯克多徵回戶錢文本屬陋規例應裁禁綿性請以私作公明加暗減係爲經費起見惟私徵改爲公用後難保該伯克不私向各回戶再行額外加徵重累回人著常清景廉體察情形將綿性所奏有無流弊之處悉心妥議詳細覆奏原摺著鈔給閱看將此諭令知之○命貴州提督田興恕爲欽差大臣督辦全省軍務○庚午以廣屬爲內閣學士由詹事府遷○辛未諭內閣聯捷奏勦辦土匪生擒首逆直豫交界肅清一摺山東土匪李鴻等突竄河南直隸境內經聯捷督飭該地方文武鄉團兜剿生擒首逆李潰等十餘人悍匪百餘名五日之內將此股土匪悉數殲除辦理尙屬迅速所有在事出力文武官紳准其擇尤保奏無許冒濫○諭軍機大臣等都興阿奏布置水陸防剿並鎮城兵食匱乏請飭催協餉一摺該將軍親至邵伯履勘湖防並令李德麟駛赴下游會同陸路嚴防逆匪竄渡布置尙爲周妥惟據稱鎮防兵勇缺餉日久十月初間每名僅關銀一兩飢寒交迫愁怨思潰巴棟阿等以勢甚危急亟令於江北糧臺暫借銀四萬五千兩散放見已由江北糧臺籌借米石趕運鎮防復令喬松年設法接濟等語鎮防兵勇銀米兩絕軍心浮動竟有赴丹陽投賊之語情形實屬危迫都興阿雖已籌米趕運鎮防並商令喬松年於江北糧臺無論銀錢速行籌借解赴鎮營究恐杯水車薪不能濟急鎮江爲沿江緊要門戶僅因糧餉匱乏之兵勇投賊關繫南北全局况鎮防兵餉本應由江南糧臺支放許煥若不急籌接濟設有貽誤自問當得何罪見在江北糧領來源日絀豈能兼顧鎮餉著許煥即將該營軍餉由上海迅速籌撥毋得推諉遷延致誤要需將此由六百里各諭令知之○署四川總督崇實奏滇匪竄擾永川見在兜剿情形得旨永川失守著迅速查明分別辦理○命浙江黃巖鎮總兵官黃彬幫辦荆州將軍都興阿軍務○于四川陣亡李英聚祭葬世職建祠縣丞胡興儀等祭葬世職○壬申諭內閣本日覽戶部本內河南司掌印係郎中晉翼朕知此人見尙年輕在部年分亦必不久何以遽派要差如果其人尙堪造就不妨俾資歷練不可開蹊進之門○以積捐軍餉示廣廣東鄉試中額六名新會河源茂名化文昌學額各五名東莞龍善龍川各四名翁源連平永安高要電白吳用瓊

山名三名 山英德合浦嘉應平遠各二名 增城從化三水花曲江博羅和平長甯大埔海陽陽江新興鶴山陽春信宜石城海康
遂溪徐聞澄邁會同樂會定安東安始興與甯甯長樂鎮平各一名 ○癸酉諭軍機大臣等恭親王奕訢等奏遵議勦賊運漕各情一
摺江南官軍見尙未能進剿金陵卽令夷船駛往非特不能收夾擊之效並恐與賊相持惟有告以中國兵力足敷勦辦將來如有
相資之日再當借助並籌款購其槍礮船隻其代運南漕一節由薛煥出未招商運津無論華商夷商一體販運按照稅則完納稅
餉官爲收買按照時價公同估斷著曾國藩薛煥隨時酌量情形妥爲辦理 ○諭本日據恭親王等奏請飭東三省練兵並籌畫餉
需等語據稱吉林黑龍江與俄夷相鄰邊防緊要近因軍營需用馬隊紛繁於吉林黑龍江屢次徵調實有空虛之患請飭該將軍
等於東三省各營兵丁勤加訓練弓馬之外兼習技藝擡槍按期操演各路軍營以後不得再調該處馬隊等語吉林黑龍江應嚴
密防範未可稍涉大意其應如何將各營兵丁勤加訓練俾弓馬之外兼習技藝擡槍之處著景福麟瑞特普欽那敷德等妥議章
程具奏應需經費著先行設法捐辦復據文祥奏前任副都統富明阿前在江北北軍營素稱得力見在受傷回旗養病請飭該將軍
查奏等語著特普欽等查明富明阿見在是否病痊據實具奏 ○諭前據勝保奏訓練京兵章程一摺並將章程十條開單呈覽當
經逐條批示茲據奕訢等奏請令八旗兵丁添習槍礮技藝一摺據稱見擬有技藝各營兼習槍礮僅習弓馬者加習槍礮技藝並
挑選各旗營閒散餘丁另立營伍專習技藝擡槍如果操演純熟卽挑補各營額缺等語恭親王等所陳訓練八旗兵丁意在添習
火器技藝儘能認真操練精熟自可有備無患著勝保按照硃批各條及本日恭親王等所奏悉心妥議酌定章程詳細具奏奕訢
等摺著鈔給閱看勝保原奏練兵摺單一併發還 ○諭毓科奏寇氛逼近薄防請暫緩九江通商一摺據稱微池巨寇分股竄陷東
流建德上犯彭澤湖口勢甚猖獗經曾國藩調派道員彭玉麟總兵陳大富等督率水陸各軍分馳勦辦九江適當其衝如此時遽
往籌辦開商不惟商賈屏迹無從交易尤恐逆氛肆擾有礙英國商身宵小奸民乘機竊奪大江港汊紛歧地方官吏勒賊不遑查
拏匪易轉致有傷和好請飭給發照覆可否暫行展緩辦理等語英國在九江通商業經允准惟此時賊犯彭澤湖口恐於該國貿
易有礙著恭親王奕訢等卽將毓科所奏情形照會英國使臣與之婉商俟明春賊勢漸平九江一帶江面安靜再行辦理原摺著
鈔給閱看 ○命河南按察使鄭元善幫辦團練大臣毛昶熙軍務 ○甲戌署湖南巡撫翟壽奏楚匪竄至道州經紳團堵勦賊未得
逞卽分股由永明地界竄入大港山進犯江華縣屬之羅坪江華縣知縣王起銜等力戰堵禦遠魏魯義自甯遠馳至江忠義亦由
四眼橋疾進賊始卻退江忠義魏魯義令各營嚴整以待十月初二日賊眾麤至江忠義等分路迎擊賊以馬步各隊直撲前營營
總陳希祥等以槍礮環擊斃賊甚眾餘匪屯踞左右村莊且於後路築壘以阻各營糧運劉嶺昭等知各營被圍揮軍直入江忠義
等亦於是日出隊夾擊陣斬逆首姚宏茂及賊黨多名賊猶抵抗死抗拒我軍爭先撲過賊卡將北竄西嶺一帶賊營概行燒毀江忠
義料其窮蹙將遁傳令各營潛師夜起左右鈔擊又伏田隴間鳴鼓發號賊自相驚擾各營乘之殺馬步賊匪數百名拔出難民無

數窮追至次日辰刻始行收隊總計數日之內連次鏖戰賊之精銳爲我師殺斃者不下四千餘人其竄至臨武經署知縣羅允之等派兵練乘夜劫殺又於土地墟遊擊尾隊前股已竄往宜春署知縣盧肇熙即會同參將胡國安等率勇迎敵斃賊千餘追至石子嶺賊大隊麤集黃渣熙一軍行抵夏田關警疾馳到宜魏喻義劉嶽昭等營亦陸續漸集於是各軍勇氣百倍分道而進諸賊悉眾狂奔先是賊至宜春即分黨一竄桂東一竄桂陽其竄桂東一股經知縣楊先榮督帶團練在於樟溪堵截該逆仍由舊路回竄歸併大股直趨桂陽縣城知縣許金堂參將黃開甲等率團堵禦黃渣熙亦到桂會合勦辦賊知不敵紛紛竄走許金堂等回城搜捕弄匪黃渣熙整隊再追則賊已竄江西南安府界矣臣已飭江忠義等分駐城屬相機策應柱其回竄此次各營將士轉戰數百里殺賊逾萬在事文武員弁官紳兵勇等均屬著有微勞可否容臣擇尤保奏以示獎勵 上諭內閣粵匪闖入湖南眾號七八萬竄擾道州江華永明桂陽藍山臨武桂東地方並繞襲宜章桂陽縣城剽疾異常各將士轉戰數百里殺賊逾萬各州縣齊團設守亦能効力同心俾賊不得喘息竄出境外在事文武員弁官紳兵勇人等均屬著有微勞著督臣詳查明擇尤保奏○子安徽陣亡巡檢黎源陣亡參將胡國安等祭葬世職○賞熱河駐防額魯特官兵皮衣○乙亥恭親王奕訢等奏再陳見辦情形得旨見在總理衙門既有軍機大臣兼領似亦可飭章京往返查覈要件各部司員既請毋庸在本衙門當差禮兵兩部接發文件似亦可合該部兼行司員專司其事該部堂官亦當預聞若如所請軍機處兼行章京兩處行走應歸何處查覈勤惰並保舉參劾應如何辦理以上數層著再行覆奏○丙子諭內閣文謙奏省城團練分區撤留並請保出力各員一摺本年直隸省城團練經文謙督率訓練晝夜巡查不遺餘力並派往近京一帶勦捕土匪見在地方安謐自應分別撤留其在事出力官紳即著文謙擇尤酌保毋庸由恆福具奏○曾國藩奏查逆黨撲犯建德曹承堯未戰而潰建德縣城失陷曹承堯退至彭澤旋又退至湖口九江該逆分股竄擾彭澤湖口都昌及鄱陽浮梁景德鎮等處臣即派副將唐義訓帶都門各營馳勦建德與沈寶成等會合前進該軍等甫行十五里賊即列隊河洲而以馬隊扼踞各卡我軍東西兩路緣山而上直前迎擊復令一軍鈔後路賊始敗潰唐義訓仍分路前進殺賊城壘各賊齊出我軍整隊排列賊亦列隊抗拒相持一時之久忽有馬賊中礙落地我軍乘機渡河排牆而進朱聲隆沈寶成由南門追賊入城賊向東門竄出黃憲清馳至東門圍截其西北賊卡極唐義訓等循山上下拋放噴筒火彈賊壘立破敗匪踰濠遁竄人馬踐踏屍積山谷各軍追殺十餘里當將縣城收復查曹承堯在防日久不能堅守縣城以致被陷貽誤江皖大局應請旨將九江鎮總兵曹承堯即行革職等因以肅軍律所有此次出力之副將唐義訓等先行開列請旨獎勵其餘出力員弁可否容臣擇尤保獎出自恩施○上諭安徽池州逆匪竄陷建德縣城經副將唐義訓等督軍克復勦辦尙爲迅速副將唐義訓著交軍機處記名遇有總兵缺出請旨簡放州判朱聲隆著免選本班以同知簡於江蘇補用副將沈寶成著賞給正二品封典黃憲清著賞給才勇巴圖魯名號參將陳玉恆著以副將留於兩湖補用遊擊葉光岳著以參將留於江蘇補用其餘出力員弁准其擇尤保奏候朕施恩九

江鎮總兵普承堯帶勇馳防建德不能堅守待援節節退避貽誤江皖大局實堪痛恨著卽革職等因以肅軍律○曾國藩奏查左宗棠一軍前往樂平旋因西路有警移紮景德鎮探報南贛另股由貴溪境內竄過安仁有直撲饒景之勢左宗棠派遊擊王開琳等各營相機迎剿賊竄貴溪地方十月二十一日官軍乘夜翻山而進兩路圍傷斃賊三四百人賊分大股來救喻勝榮等分路鈔出賊勢大敗乘勝追殺七八里斬敵四五百人該逆敗過小河突有丁家坊股匪隔河猛撲王開琳令各軍由丁家坊上下小港衝入賊遂向高山奔竄是日共斃賊二千餘名生擒數百名左宗棠探知敗匪已由弋陽竄至德興地方卽飭王開化楊昌濬督帶各營進剿行至楓樹嶺賊擁擁來撲王開化等列隊山岡指揮策逆驚潰追殺數十餘里適老湘各營踵至卽與王開化等於十一月初一日合兵進攻直逼城下賊見我軍旗幟卽由南門奔走我軍一面收復德興縣城一面跟蹤追剿探知竄賊已陷婺源諸軍整隊前進分路環攻各門賊出二千餘人負城迎拒我軍兩路奮進賊潰入城閉門死拒諸將督勇奮力登陣賊奪東南門逃出我軍兩面鈔擊並派隊由上游截殺倭賊紛紛墮水餘匪由開化竄去卽於初三日克復婺源縣城查左宗棠一軍自移師景德鎮駐紮未久一聞貴溪警報分路調撥或迎頭截擊或跟蹤追剿計十日之內轉戰三百餘里連克二城實屬調度神速懋著勤勞應如何優獎之處伏候 聖裁其餘出力員弁可否准 擇尤保獎出自 聖主鴻慈 上諭此次候補京堂左宗棠一軍由樂平移紮景德鎮派兵克復德興婺源兩城勦辦甚屬迅速候補四品京堂左宗棠以新立之軍驟當巨寇連克兩城著加恩以三品京堂候補仍著督率官軍迅掃逆氛○諭軍機大臣等前據文煜奏鄒縣地方教匪宋繼明等傳教聚眾設壇祭旗經知縣林士琦前往查拏膽敢開放槍礮列仗抵禦經兗州鎮總兵富新會同知府張鵬志帶領兵勇由土旺上馬莊一路進剿頗有斬馘及至官莊地方該匪死力抗拒未能得手茲據該撫奏稱守備姜長清奮勇殺賊中礮陣亡官軍由官莊退至土旺見在撥調德州等營官兵千名俟行抵近省地方卽由該撫親自帶往堵剿等語此股教匪聚眾戕官兇兇頓張亟應乘其初起趕緊撲滅勿令滋蔓難圖僧格林沁見駐濟甯距該縣境不遠著卽分撥官兵前往勦辦並著文煜迅速出省親督官軍務將此股教匪剷日掃除毋畱餘孽不得坐待各營官兵調齊再行出省致誤事機姜長清陣亡情形著文煜查明具奏將此由五百里各諭令知之○丁丑諭內閣前因恭親王奕訢等奏請將長蘆鹽政一缺裁撤歸直隸總督兼管等語當文戶部議奏茲據奏稱長蘆鹽務改直隸總督統轄可期全綱整飭等語長蘆鹽政一缺著卽裁撤所有督運辦課事宜統歸直隸總督管理卽著恆福會同崇厚將正雜已收未收各款逐細盤查交代清楚其餘未盡事宜著該督詳細妥議具奏嗣後長蘆鹽務是其專責著卽督飭鹽運使認真經理於應支正雜各款及各衙門帑利官租等項銀兩實力催徵完解務期年清年款不得稍有帶欠其原設鹽政衙署及養廉銀兩並著改歸新設辦理三口通商大臣以資辦公天津關稅並著該大臣兼管分晰造報○己卯雲南提督傅振邦以病免命山西太原鎮總兵官田在田督辦徐宿朔匪事宜江南徐州鎮總兵官滕家勝准徐道吳棠幫同辦理○庚辰 上御萬樹園賜蒙古王等宴賞賚有差○僧格林沁西

凌阿國瑞奏據克州鎮富新等先後稟報教匪頭目宋繼明等聚集五六千人擾害各村經該地方文武督帶兵團前往查拏該匪膽敢列仗抗拒戕害守備一員兵勇多名臣西凌阿帶兵前往十二月十二日分三路進剿逆匪約有七八千人自南山至北山讙擁而至我兵槍礮齊施斃賊七八百名餘匪散入老巢臣僧格林沁復令臣國瑞督兵前往協剿行至龍泉地方即見逆匪自南山頂至北山坡橫列七八百我兵奮勇爭先臣西凌阿亦率步隊由北面轟擊兩路會剿將南山山坡並河灘大股逆匪擊斃將及千名其餘奔竄山頂官兵追至后峪瓦曲之間又斃賊百餘名旋即收隊仍撤回土旺紫營已飭克州鎮總兵富新克州府知府張鵬志鄒縣知縣林士琦等督帶兵團認真搜捕餘匪十三日據伊興額稟報探聞檢匪五旗並出欲撲濟甯大營當將剿辦教匪之馬步官兵全行撤回嚴加防範此次剿匪尤爲出力之各營官兵可否由臣等查明保奏之處出自 鴻施 上諭內閣山東鄒縣地方教匪宋繼明等聚眾滋擾拒傷弁兵經僧格林沁派撥官兵進剿斬斃甚多辦理尙屬迅速所有在事出力各營官兵著僧格林沁查明保奏仍著督令該地方文武將餘匪搜除淨盡毋畱餘孽○僧格林沁奏查東省倚恃鄉團聚眾抗糧者不一而足推原其故東省雖有督辦團練大臣並不周歷查看亦未認真辦理地方官雖知村莊有聚眾情事既以團練爲名即不敢過問若不及早挽回必致釀成巨案更難收拾督辦大臣杜翻數月以來並未辦有成效每至一處地方官備辦車馬供應與督撫同以致眾議沸騰各處張貼匿名揭帖鄉黨爲之不平臣抵濟甯時該侍郎亦在濟甯追賊氛較近該侍郎即往曹州復至武定檢匪各處竄擾該侍郎身在督辦並未率領鄉團防守扼截實屬有負委任相應請旨撤去督辦大臣其團練事務責成山東巡撫督率地方各官認真辦理務當選擇公正紳士鄉望素著之人專司其事不得藉端勒索儻該團總等有惑眾抗糧勒索鄉民情事即由地方官隨時稽查從重懲辦儻各地方官不能秉公辦理稽查不力由該撫據實嚴參庶幾可收實效 上諭前任戶部侍郎杜翻督辦山東團練既據僧格林沁奏稱該侍郎查閱各處供應未免浩繁况未著成效著即撤去督辦山東團練大臣俟交審案件訊辦完結後再行來京所有山東省團練事宜即著文煜督辦該撫務即督率所屬地方官認真經理選擇公正紳士專司其事嚴飭各處團總等同心守禦不得藉端勒索惑眾抗糧該地方官亦不得以見在撤去團練大臣輒即遷延不辦如各該州縣不能秉公辦理實力稽查及浮收勒索以致百姓有所藉口別滋事端即行據實嚴參毋稍徇隱○袁甲三奏四川北道苗沛霖自咸豐七年收撫後屢次帶練助剿不爲無功但其人桀驁難馴往往倚勢妄爲臣與翁同書隨時函商仍欲設法籠絡使爲我用是以該道始欲奪占淮關稅釐局臣等即勉從所請另於下蔡添設一局專濟該練勇糧之用委曲求全不爲不至詎苗沛霖與同辦團練之已革副將徐立壯因私怨不治焚其房屋搶其資財擄其人口毀其墳墓徐立壯僅以身免已屬駭人聽聞後又糾約各路練總赴下蔡議事因壽州城內紳董孫家泰等未到大拂該道之意函令壽州團練將孫家泰細獻方保無事從此隙怨愈深十一月初一日苗練頭目多人赴壽州城內不知欲爲何事被壽州練局殺害七人經翁同書札委廬鳳道才子和等查明究辦未據詳覆而苗練時有渡淮

攻城之說適徐立壯避難到壽遂與孫家泰集練駐防河口以禦苗練與翁同書復飭才子和趕緊查辦並派員前往開導尚未

定議而苗練黨與王金魁又於十一月十三日在穎上縣地方劫掠餉銀官米並將礮船二十隻扣留備搭橋渡淮之用經臣飛函

飭諭該道捏稱患病諉為不知令其公局覆稟函亦自謂所行實有過當之處而飾詞奪理藉端要求竟不知法紀為何物因徐

立壯前在撫營中孫家泰本住壽州城內遂欲藉口撫臣以為挾制其居心實不可問且先經壽州紳民投獲苗沛霖致其黨姚

有志信函有先清惟北次清淮南不患大事不成等語見在淮河已為梗阻遣黨四出若明斥其非恐橫逆更無底止如撥兵致

討又恐兵連禍結猝不可解且粵逆搶匪均在咫尺設乘間勾結愈覺難以收拾反覆思維不得不於無可包容之中再行遣人

婉轉牢籠苟有一綫可原斷不操之過急但其心存巨測背叛已形能否敷衍目前尚未可知事在急迫應請速降諭旨斥其恃眾

妄為如有被害冤抑聽候官為查辦勿許妄動庶幾仰藉天威潛移默化以期消患未萌上諭四川北道苗沛霖帶練立功

忠勇奮發並能約束所部練勇講求軍律不許妄為滋事是以朕疊加簡擢冀其與官軍協同滅賊為國宣勞渥膺懋賞近聞壽州

團勇殺苗練因而彼此尋仇懷疑不釋苗沛霖係屬大員必不至因私忿而忘公義如其所部練勇因嫌起釁該道員亦應妥為

彈壓聽候地方查辦不得私相報復所有壽州團勇殺苗練一案著袁甲三會同翁同書秉公查訊如果練董孫家泰等有濫殺

無辜情事據實具奏按律懲辦毋得稍有徇袒隱飾○諭軍機大臣等僧格林沁等奏擒逆出巢北窺見擬整隊截剿等語擒匪每

遇冬春之交即行離巢四出焚掠習以為常該大臣既稱有賊日趨浩然等率領藍黑兩旗賊隊圍攻陳家寨後即向北窺至碭

山縣境地方又據伊興額報稱擒匪五旗並出有直撲濟甯大營之信見在西凌阿國瑞勦捕鄉鄰教匪竣事業已將全隊撤回著

該大臣等趕緊整飭隊伍聯絡鄉團扼要嚴防一面勤加偵報儘遇該匪竄至即相機截擊毋令闖入東境上次羊山之戰官軍未

能得手此次如擒逆北窺該大臣等務當布置周密安謀定後戰不可稍涉大意將此由六百里諭令知之○諭本日袁甲三奏軍營

餉無來源甚分支絀等語袁甲三軍營因准河梗阻餉無來源以致兵勇解體該大臣所奏情形實屬萬分危迫若不速籌接濟恐

有意外之虞著黃贊湯文煜無論何項務各迅撥銀四五萬兩並著黃贊湯提餉票二十萬兩派委委員兼程刻日解赴袁甲三軍

營以濟急需毋得遷延推諉將此由六百里各諭令知之○予山東陣亡侍衛遺昌等祭葬世職○辛巳英桂丁父憂回旗身孝以

常績暫署山西巡撫由布政使署○壬午諭軍機大臣等景瀆麟瑞奏請開荒濟用一摺據稱查得吉林地方凉水泉南界舒蘭地北土

門子一帶禁荒約可墾地十萬响省西圍場邊約可墾地八萬餘响阿勒楚喀遼東董克圖站約可墾地八萬餘响雙城堡墾存圈

荒及恆產來界邊荒可墾地四萬餘响均委員履勘地屬平坦則無違礙見有佃民王永祥等認領先交押租錢共二十餘萬串於

將來查辦邊界一切船糧車馱經費可資備辦請將前項各荒一律招墾即以押租借給查界之費餘則悉數解京俟領種五年後

再將升課錢文接濟京餉等語吉林荒地既可搜案招墾別無違礙於經費不無裨益即著按照所奏辦理仍照舊章先取押租俟

五年後升謀惟事屬經始務須辦理妥協並隨時嚴查以多報少情弊其押租作為查界經費外餘贖錢文及以後升謀錢文毋庸解京即著據實奏報抵充該省官兵俸餉以省往來運解之煩將此由五百里諭令知之○諭景濤奏豫陳俄國分界江道險阻勢難如約會齊一摺據稱此次成琦至烏蘇里江口會齊必須開江後方能行船約四月下旬可到如由江口上往與凱湖中國既無火輪船駕駛又無陸地可通鍋帳等項無法駛運恐致臨時貽誤至黑龍江下流至烏蘇里河口界限分明易於勘辦惟與凱湖至圖們江必須該管熟悉地方情形之員會同履勘方期日後照辦不至節外生枝應俟成琦行抵吉林或委該地方大員分投會齊或親詣與凱湖一帶勘辦容俟妥議具奏等語明年三月東界查勘在烏蘇里會齊據景濤奏稱必須開江後方能行船約在四月下旬可到此節必須先期照會該國以免藉口與凱湖至圖們江為分界要地尤應秉公勘定設立界牌以期永久相安著恭親王奕訢桂良文祥將景濤所奏情形悉心籌畫並著成琦於明春前赴吉林與景濤會商總期及早設法親至與凱湖圖們江一帶與俄國使臣查明交界地方為妥善原摺著鈔給閱看○諭瑞昌王有齡奏請調京口礮船來湖助勘等語太湖襟帶江浙為兩省險要之區該處港汊紛歧水面遼闊見有礮艇不滿十隻湖州擊敗賊船三十餘隻欲犯西山胥口以內停泊賊船數百號欲糾約蘇郡賊眾水陸撲犯東山並有白蓬船十餘隻先行出口雖經總兵王之敬督率礮船暫時擊退而胥口港內賊船甚眾時思窺伺非增調礮船助勘防守難期嚴密著醇煥即將京口礮船六隻迅速撥赴太湖聽候王之敬調遣以固蘇浙門戶毋得稍涉遷延致滋貽誤將此由六百里諭令知之○癸未諭軍機大臣等恭親王奕訢等奏遵籌新設衙門未盡事宜酌擬章程十條開單呈覽並覆奏章京司員等兼行走各一摺所有單開各條經朕詳加披覽尙屬妥協惟內酌籌經費一條所稱心紅紙張等項銀兩擬於天津上海酌提關稅起解部餉款內按各口提用數目均勻酌提銀兩由各該將軍督撫府尹監督解總衙門以資辦公等語此項銀兩亟資辦公恐各口酌提一時未能應手著即按照所定每月支領銀兩數目徑由戶部開支將來各口解到酌提關稅銀兩統交戶部毋庸解交總理衙門該衙門如有不敷之處奏明由戶部支領至各省機密事件應照例奏而不咨如事關總理衙門者即由軍機處隨時錄送知照亦甚便捷著毋庸由各口先行咨報總理衙門以歸畫一其軍機章京於滿漢各員內挑取各四員作為總理衙門額外行走專管交涉事件及檢查機密文移責任綦重雖不必常川到衙門而該章京等在兩處行走恐日久有互相推諉之弊其應如何酌定章程以免曠誤之處著再行交議將此由五百里諭令知之○諭文煜奏攻剿教匪續獲全勝一摺鄂縣教匪經僧格林沁派令西凌阿等帶兵攻剿殲除殆盡並將田黃鎮一帶賊巢焚毀匪首宋九九已被轟斃該撫前擬調兵出省親往督剿此時匪勢窮蹙餘黨不難殲除文煜著毋庸出省所有前擬奏調官兵即著飭令停止以節糜費西凌阿等所部官兵前據僧格林沁奏因徐宿搶匪仍欲回撲濟甯已將該都統等兵調回大營所有搜捕餘匪事宜即著令參將吳應龍管帶見有之泰安兗州營兵會同地方文武鄉團嚴密查拿務期盡絕根株不畱餘孽首犯宋繼明下落仍著查明嚴緝務獲毋任漏網將此由五百里

諭令知之○予山東陣亡知縣孔廣慶等祭葬世職何允安於死事地方建廟季錫魯等附祀○甲申諭軍機大臣等本日據聯捷奏慶勘河岸並見擬官紳合辦防務一摺據稱黃河上下游民間私設渡口甚多見在曉諭紳士將民渡酌量歸併依照官渡一體安設營寨派令委員會同紳士分段巡查附近村民認真防守並擬將河身分成段落添捐礮船以備賊船搶渡等語黃河天險爲南北扼要關鍵直隸河南沿河一帶見經聯捷履勘籌防並與該地方紳士捐造船隻梭巡堵禦辦理尙屬周妥惟閱該道所繪圖內山東濟南東昌最爲緊要搶匪出沒靡常沿河地方亦宜一律籌防以杜北竄著文煜卽將官私渡口迅行委員查勘聯絡紳民修造寨棚船隻嚴密防堵毋得有名無實日久生懈致誤事機將此由五百里諭令知之○諭聯捷奏慶勘河岸見擬官紳合辦繪圖呈覽一摺黃河上下游各岸渡口向設營寨兵數無多不特捍禦難資卽稽查亦難周密見據該道責成本地紳士將民渡酌量歸併仿照官渡安設營寨派令委員會同巡查並勸諭村民分段防守添製礮船小船往來梭巡所辦尙屬周妥惟轉瞬春融恐匪徒出巢竄撲沿河一帶在在均關緊要務須督飭地方官紳認真巡守嚴密稽查儻有匪徒潛蹤險渡卽當合力兜截毋得稍存玩忽其茅津渡口以上係屬山西地面並著聯捷親往履勘有應設防之處卽著一體嚴防仍將詳細情形隨時具奏將此由五百里諭令知之○楊載福奏查僞忠王李秀城大股由蘇州上竄連陷東流彭澤二縣勢極披猖督水師由下游堵剿疊獲勝仗於十一月初三日與彭玉麟會合總兵陳大富各督兵勇馳往東流縣里許該逆先竄入城彭玉麟帶同都司胡友勝參將彭楚漢等分路環攻賊不能支紛紛出城我軍乘勢進剿斃賊不可數計當將東流縣城克復卽於十二日馳抵彭澤該逆麇聚城內督同萬化林彭楚漢等疾趨西門併力攻擊並派隊由北門殺入該逆不能抵禦卽時潰遁又將彭澤縣城克復此次在事員弁兵勇均屬著有微勞容擇尤奏請獎勵伏候恩施得旨出力人員著擇尤保毋許冒濫○命前任內閣侍讀學士段晴川隨同幫辦團練大臣聯捷行營防務○予四川陣亡知縣沈耀章祭葬世職○乙酉子雲南被戕知州彭克儁祭葬世職○丙戌諭軍機大臣等據前勝保奏親王奕訢等先後陳奏訓練京兵各一摺當經諭令勝保悉心妥議章程詳細具奏本日據勝保覆奏各摺片勝保久歷戎行所議各條不無可採惟京旗各營同時訓練不惟該大臣一人不能兼顧且恐過涉張皇自應不動聲色次第舉行以冀悉成勁旅本日已派勝保管理團圍八旗包衣三旗烏槍營事務見在該營正議操練兵丁該大臣著仍依該營舊制酌量加操若悉照該大臣所奏殊多窒礙先將該營認真訓練如著有成效自可推行各營仿照辦理至軍營號令最宜嚴明但兵丁積習已深一時未能盡除如有不遵號令者應隨時懲辦但不可操之太急致失兵心吉林黑龍江馬槍馬箭最爲純熟在乾清門侍衛中亦頗有其人堪作教習毋庸另向該省調取八旗漢軍巡捕技勇各營本有藤牌亦無須添製至炸礮一項已傳知肅順等查明火器營存儲若干此項炸礮工本甚鉅亦未便時常演放致滋糜費兩翼前鋒八旗護軍各營添演撞槍已諭知麟魁等辦理矣另片奏苗沛霖呈遞稟函等語前因袁甲三奏苗練與壽州團練尋仇懷疑莫釋業經降旨令該道妥爲彈壓並令袁甲三翁同書秉

公查辦此次該道專人至該大臣軍營遞稟亦爲此事本日已寄諭袁甲三等密查徐立壯等是否勾通髮逆挾制翁同書設法辦理苗沛霖所稟亦未可盡信該道係該大臣摺撫之人素所信服必能消其反側著卽函屬該道令其靜候袁甲三等秉公查辦不得令其所部練勇肆意妄行互相仇殺將此由五百里諭令知之○諭前因袁甲三奏苗沛霖與徐立壯等尋仇懷疑業經明降諭旨令袁甲三翁同書秉公查辦本日據勝保奏苗沛霖遣弁赴營申愬徐立壯孫家森攻打苗寨挾制巡撫等語並將苗沛霖原稟信單一併呈覽苗沛霖所稟各情雖未可深信但既據稱孫家森徐立壯拘囚巡撫不許官軍進城強奪其印明調官軍暗勾髮逆與苗營打仗如果實有其事於皖北軍務大有關礙著袁甲三一而嚴密訪查一面將此旨密交翁同書將徐立壯等有無勾通逆匪挾制巡撫情事據實具奏至苗練與壽州練勇尋仇孰是孰非務須秉公查辦兩得其平不可稍有偏袒儻含混辦理希圖了事恐各該練勇愈形跋扈更難駕馭諒該大臣等接奉此旨必能斟酌妥善也將此由六百里諭令知之○命官文爲大學士仍留湖廣總督任以戶部尚書肅順協辦大學士○命周祖培爲大學士調沈兆霖爲戶部尚書以朱鳳標爲兵部尚書_{御史題}○命欽差大臣勝保管理圓明園八旗事務○丁亥以浙江湖州府城解圍賞在籍道員趙景賢按察使銜餘升敘有差○己丑 上御勤政殿賜科爾沁親王等宴○子江蘇殉難內閣中書馬釗等祭葬世職○是月賑直隸開州等三州縣災民口糧獨緩直隸開州等五州縣湖北荆門等二十二州縣暨武昌蘄州二衛被水災區新舊額賦並沔陽等十州縣本年漕糧河南睢州等四十七州縣被水被旱被擾災區新舊漕糧江蘇川沙等三十九廳州縣並蘇州七衛被兵災區新舊額賦及雜稅銀錢緩徵山東樂安縣被擾被水災區新舊電課甘肅狄道等十六州縣被電被旱被水災區新舊額賦蠲免貴州都勻等二十三府州縣暨清江下江兩廳歸甯縣丞所屬及古州左右八寨台拱等九衛被擾地方額賦○是歲朝鮮入貢○會計天下民穀數直隸等省通共大小男婦二萬六千九十二萬四千六百七十五名口存倉米穀五百二十三萬一千九百二十石四斗六升五合一勺